

კომისია № 683

327

სეპტემბერი და ოქტომბერი, 1902 წელი.

Handwritten signature in red ink.

მეგობარნი

წელიწადი მეორე.

Handwritten number 4 and signature.

თბილისი

სტამბა ეკვთიმე ივანეს ძის ხელაძისა, საპიორის ქუჩა, № 4.

1902

შინაარსი № 10—9:

გვერდი:

I. პედაგოგია:

1. სწავლა-აღზრდის რეფორმატორნი, ალ. ტატუნა-
შვილისა 529.
2. ხასიათის აღზრდა სკოლაში, მისივე. 548.
3. რა არის კარგი გაკვეთილი? 559.
4. სილაქები და ჯოხები სასწავლებელში 564.

II. მეურნეობა-მრეწველობა:

4. წერილი სოფელ მუშას, ტ. ართმელაძისა 566.

III. ჰიგიენა-მკურნალობა:

5. დიფტერიტი, ი. ალხაზიშვილისა 603.

IV. სამეცნიერო ნაშრომები:

6. ძველი რწმენა-წარმოდგენები და მეცნიერება, ა.
კვერკველაძისა 635.
7. ფონოგრაფი და მისი გამოყენება ეტნოგრაფიის-
თვის, თ. სახოკიასი 675.

V. ისტორია-არქეოლოგია:

8. სოფელი მეტეხი და მისი ნაშთი 683.

წარსული წლის „მოგზაურის“ ეველა ნომრები, კარგის
უდიო და წარწერათ დირს გაგზავნით სამი მანეთი.

სექტემბერი & ოქტომბერი, №№ 9 & 10, 1902 წელი

მ ო გ ზ ა უ რ ი

დღეიდან შუახალი

„მოგზაური“

მთავრობას ნება-დართვით

გამოვა ახალის გავრცელებულის პროგრამით, ე. ი. ჟურნალში დაიბეჭდება ზედაგოგიური, სამეურნეო, სამეურნალო, სამეცნიერო და ისტორიულ-გეოგრაფიული წერილები. რედაქცია სთხოვს მასწავლებლებს, მეურნეებს, მკურნალებს და სამეცნიერო საგნების მიმდევართ მოაწოდონ მას ყოველგვარი წერილები მოხსენებულ საგნებიდამ. უკეთეს წერილებს, ხალხისათვის აღვილ-გასაგების ენით დაწერილებს, რედაქცია იმავე დროს იაფ-ფასიან წიგნაკებადაც გამოსცემს.

ფასი ჟურნალისა იგივე 5 მანეთიან, ხოლო მასწავლებლებისათვის, წიგნთ-საცავ-სამკითხველო-სკოლებისთვის და საზოგადოთ ხელ-მოკლე ხელის-მომწერთათვის — 4 მანეთი.

ადრესი ფოსტით: *Тифлисъ, Редакциѣ „МОГЗАУРИ“*
(Межсѣвая ул. № 72).

რედაქტორ-გამომცემელი ი. პ. როსტომაშვილი.

6769

თბილისი

სტამბა-ექვ. ივ. ხელაძისა, საპიორის ქუჩა, საკუთარ

1902





Дозволено цензурою. Тифлисъ, 28-го Августа, 1902 года.

პედაგოგია.



სწავლა-აღზრდის რეფორმატორნი *).

იესუიტთა სკოლება.

მეცნიერების აღორძინების ეპოქიდგან მოკიდებული დღემდე სწავლა-აღზრდაზე ისეთი თვალსაჩინო გავლენა არავისა ჰქონია, როგორც იესუიტებსა ჰქონდათ. თავიანთ ჩვეულებრივ შორ-გამჭვრეტელობით იგინი ძალიან მალე მიხვდნენ, რომ ახალგაზრდათა აღზრდით ერთ ნაბიჯს წინ წარსდგამდნენ ძალისა და ბატონობის უფლების მოპოვებისაკენ. თავიანთი ორგანიზატური ნიჭით მათ შეიტანეს სკოლაში იმისთანა სისტემა, რომლის წყალობით მალე მოიშორეს თავიდგან ყველა ისინი, ვინც კი ბედავდა ამ ასპარეზზედ სამოქმედოთ გამოსვლას და შეიქმნენ აღმზღელებად მთელი კათოლიკე ევროპისა და თითქმის ნახევარ პროტესტანტებისაც; მათი გამოჩენილი ნიჭი და მოხერხება სწავლა-აღზრდის საქმეში აღიარებულია იმისთანა სახელ-განთქმულ ავტორიტეტებისაგანაც-კი, როგორც იყვნენ ბეკონი და დეკარტი. მთელი ერთი საუკუნის განმავლობაში მათს სკოლებში ღებულობდნენ სწავლა-განათლებას ისინი, რომელნიც შემდეგში ხდებოდნენ შესანიშნავ და სახელ-გან-

*) იხ. «გამოსაღები ცნობანი» შეეჭვსე წიგნი.

თქმულ მოღვაწეებად როგორც სახელმწიფო, ისე საეკლესიო საქმეებში. უმეტეს შემთხვევაში მათს სკოლებში სწავლადამთავრებულნი დიდის პატივისცემით და სიყვარულით ეკიდებოდნენ თავიანთ ძველ მასწავლებლებს.

მართალია, დღესაც არსებობენ იეზუიტთა სკოლები, მაგრამ ესენი გაცილებით დაბლა სდგანან მათ ძველ სკოლებზე და აღარც ისეთი მნიშვნელობა აქვთ, ამიტომ უმჯობესად ვსთვლით მხოლოდ მათ წარსულზედ ვილაპარაკოთ.

პირველად იეზუიტები ფორმალურად იქმნენ მიწვეულნი პაპა პავლე მესამისაგან, 1540 წ.; სხვათა მოვალეობათა შორის, რომელიც კისრად ედვა იეზუიტთა ორდენს, უპირველესი ადგილი ექირა ახალგაზდობის სარწმუნოებრიულ სწავლა-აღზრდას; ძმობამ ძალიან მალე შეიგნო, რომ სარწმუნოებრიული საგნების სწავლების მაგიერ უფრო საქირაო სხვა საგნების სწავლება და ამიტომ იგი შეუდგა ისეთი სწავლა-აღზრდის გავრცელებას, რომელიც უფრო შეეფერებოდა საზოგადოების ახალ მოთხოვნილებას; იეზუიტები რაც დრო მიდიოდა, იმდენი უფრო და უფრო აფართოვებდნენ თავიანთ ნება-უფლებას; სხვა-და-სხვა პაპებისაგან ღებულობდნენ მეტ შეღავათს სკოლებისა და კოლეგიების გასხნაში, დიპლომების მიცემაში და უნივერსიტეტებში ლექციების კითხვაში.

მათი სკოლები ჩქარის ნაბიჯით ვრცელდებოდნენ ევროპის ყოველ კუთხეში გარდა საფრანგეთისა, სადაც მათ წინააღმდეგობა გაუწიეს სამღვდელთა და პარიზის უნივერსიტეტმა; ტევტინთა და სლავიანთა ქვეყნებში იეზუიტებმა მოიპოვეს გავლენა მხოლოდ იმ კოლეგიებით, რომელნიც დაარსებულ იქმნენ მათ-მიერ რომში, სადაც სწავლის მისაღებად ყოველი მხრიდგან იყრიდა თავს ახალგაზდობა; ამით არ დაკმაყოფილდნენ იეზუიტები და მათ მალე დაიპყრეს მტრის ქვეყნის შუაგული ადგილიც.

იეზუიტთა სკოლებში მიღებული სისტემა ჯერ ისევ

ლოიოლასაგან იყო შემოდებული, მხოლოდ სამუდამოდ დამტკიცებულ იქმნა ძმობის (ორდენის) გენერალ პეკავისაგან. მან 1584 წ. დანიშნა კომისია, რომელიც შესდგებოდა ევროპის სხვა-და-სხვა ადგილებიდან მოწვეულ ექვსი პატერისაგან. ამ კომისიამ მთელი ერთი წელიწადი იშრომა რომში და შედეგი ამ შრომა-მოღვაწეობისა იყო თხზულება: «*Patio atque Institutio Studiorum Societatis Ieso.*» — ამ კომისიის მიერ შემუშავებული პროგრამმა პაპისაგან იქმნა მოწონებული, რომლის შემდეგ გარდაეცა კომიტეტს, რომელიც ცამეტი წევრისაგან შესდგებოდა და ბოლოს მოწიანებულ იქმნა მეხუთე საერთო ყრილობისაგან და მიღებული როგორც სამოსწავლო დებულება (უსტავი). ეს პროგრამმა ხმარებაში იყო 1832 წლამდე, როდესაც იგი გაფართოვებულ იქმნა ბუნების საგნების და თანამედროვე ახალის ენების დაშატყბით.

ის იეზუტები, რომელნიც შეადგენდნენ *Societas professa*, ე. ი. ისინი, რომელნიც კისრულობდნენ ყველა აღთქმათა შესრულებას, რამდენსამე წელიწადს ემზადებოდნენ თავიანთ მოქმედებისათვის; ორს წელიწადს მორჩილობას სწევდნენ, შემდეგ ერთ წელიწადს ერთნაირ გამოცდაში ატარებდნენ დროს, რომლის განმავლობაში უფრო სარწმუნოებრიულ ვარჯიშობას მისდევდნენ; ამის შემდეგ სამს წელიწადს სწავლობდნენ მათემატიკას და ფილოსოფიას, ოთხს წელიწადს ღვთის-მეტყველებას (თეოლოგიას) და ბოლოს ყველაზედ უნიჭიერესნი და უფრო განვითარებულნი რჩებოდნენ კიდევ ორ წელიწადს შესწავლილის გასამეორებლად და ღვთის-მეტყველების საგნებით შესასწავლად. საზოგადოთ, გაივლიდნენ თუ არა ფილოსოფიას, სტუდენტები სამოსწავლო ასპარეზზე გამოდიოდნენ სამოქმედოთ; ყოველი სტუდენტი ვალდებული იყო ესწავლებინა დაბალს კლასსებში; ამ მოვალეობიდან არავის შეეძლო თავის განთავისუფლება, რა გინდ გაიღჩენილი ნიჭის პატრონი ყოფილიყო. ამ ნაირად ჩვენა

ვხედავთ ბობადილოს მასწავლებლად ნეპოლში და ბორჯიოს კორღოვში.

იეზუიტები ვიდრე მასწავლებლობის მოვალეობას ასრულებდნენ, ვალდებულნი იყვნენ დაეტოვებინათ დანარჩენი ყველა საქმეები, სარწმუნოებრივი მოვალეობათა აღსრულება კი უნდა შეემცილებინათ და სულით და გულით შესდგომოდნენ თავიანთ ახალ საქმეს და მისთვის მიეხმარებინათ თავიანთი ყოველი ძალ-ღონე. თვითეული მათგანი დაბალ კლასებიდან იწყობდა მასწავლებლობას და კლასიდან კლასში გადასდევდა თავის მოწაფეებს და მხოლოდ სწავლის დამთავრების შემდეგ შორდებოდა თავის მოწაფეებსა; ამ სისტემის მიზანი ის იყო, რომ მასწავლებელს დაახლოვებით და სავსებით გაეცნო თავისი მოწაფეების ხასიათი და მათი ზნეჩვეულება. ამ ნაირი სისტემა დღემდე ხმარებაშია მოტლანდიაში.

დიდი ყურადღება იყო აგრეთვე მიქცეული იმაზე, რომ მასწავლებელთა ხშირ გადაყვან-გადმოყვანას არ დაერღვია სკოლაში ერთხელ მიღებული სწავლების წეს-რიგი. მასწავლებლები ვალდებულნი იყვნენ ესწავლებინათ მხოლოდ მიღებული და მოწონებული მეთოდით. მათს მოვალეობის აღსრულებას სასტიკად თვალ-ყურს ადევნებდნენ და სულ უბრალო და უმნიშვნელო წეს-რიგის დარღვევასაც კი მაშინათვე ატყობინებდა ზედამხედველი მახლობელს მთავრობას; იეზუიტთა ძმობის სათავეში იდგა ძმობის გენერალი; თვითეულ სასწავლებლის უფროსად ითვლებოდა რექტორი, რომელიც სამი წლის ვადით ინიშნებოდა გენერლისაგან; რექტორს ორი თანაშემწე ჰყავდა, რომელნიც პრეფექტებად იწოდებოდნენ.

დაბალი სკოლები და საშუალო სასწავლებლები (კოლეგეები) იხსნებოდნენ და იხსნებოდნენ კერძო შემოწირულებით; სწავლა მათს სკოლებში ყველას უფასოდ ეძლეოდა; თუ სასწავლებელს იმდენი საშუალება ჰქონდა, რომ ჰყოფნი-

და მასწავლებელთა ჯამაგირებს, რომელთა რიცხვი თორმეტზე ნაკლები არ უნდა ყოფილიყო, მაშინ სასწავლებლის აყვავებას და გაძლიერებას წინ აღარაფერი ედგა; თუ სასწავლებლისათვის საჭირო თანხა მცირე იყო, მაშინ იეზუიტები კერძო შეწირულებას აგროვებდნენ და ამისათვის არა თაკილობდნენ სახლიდგან სახლში სიარულს და ფულის მოგროვებას; აქვე უნდა შევნიშნოთ, რომ ფულის უქონლობა მაგდენად არ აწუხებდა მათ.

იეზუიტების ყოველგვარი სასწავლებელი ორი განყოფილებისაგან შესდგებოდა: დაბალ და მაღალ განყოფილებისაგან. პატარა კოლლეგიებში კმაყოფილდებოდნენ დაბალის განყოფილებით, რომელზედაც მექნება აქ მხოლოდ ლაპარაკი. ყმაწვილებს ღებულობდნენ ათი წლიდგან, სწავლას ათავებდნენ 16 წლისანი.

კოლლეგიებში მოსწავლენი ორ ჯგუფად იყოფოდნენ: პირველს შეადგენდნენ ისინი, რომელნიც ორდენის სამახუროისათვის ემზადებოდნენ და რომელთაც უკვე გამოველოთ მორჩილობა, მეორე ჯგუფს—გარედგან მოსიარულენი; სასწავლებელში თუ თავისუფალი ადგილი დარჩებოდა სხოლასტიკებს გარდა, რომელნიც შიგ სკოლაში ცხოვრობდნენ ხოლმე, სხვა პანსიონერებსაც იღებდნენ, რომელთაც შესანახავი ხარჯის ფული შეჰქონდათ, თუ მათთვის. ეს სამძიმო არ იყო, წინააღმდეგ შემთხვევაში კი მუქთად ინახებოდნენ. „უსასყიდლოდ მიიღეთ“ „უსასყიდლოთვე მიეცით“, შეადგენდა იეზუიტების დევიზს.

მოწათეთა ჩამომავლობას და სიმდიდრეს არავითარ ყურადღებას არ აქცევდნენ იეზუიტები. სიღარიბეს და უბრალო გვარიშვილობას არავისთვის არ დაუშლია მიეღო განათლება იეზუიტთა სასწავლებელში; აი რას ურჩევს მათ საკვიმი: „იზრუნეთ თქვენ მოწათეებზედ, როგორც მდიდრებზე, ისე ღარიბებზე თანაბრად, ნურათფერს განსხვავებას ნუ მი-

სცემთ მათ, გახსოვდეთ ყოველთვის, რომ ჩვენ ყველანი ქრისტეს მიერ ძმანი ვართო“.

იმ მოსწავლეთ, რომელთაც უადგილობის გამო ვერაღებულობდნენ თვით სასწავლებელში, იღებდნენ ამ შემთხვევისათვის ცალკე დაარსებულ სასწავლებელში (ლიცენციატში), რომელიც აგრეთვე ექვემდებარებოდა რექტორს.

დაბალ განყოფილებაში ხუთი კლასი ითვლებოდა, რომელთა შორის სულ დაბალი კლასი იყოფოდა ორად. შეგირდთა რიცხვი თუ აღემატებოდა ჩვეულებრივს რიცხვს და ხუთი მასწავლებელი ვერ გაუძღვებოდა მათ, მაშინ პარალელურს კლასებს უმატებდნენ.

პირველს ოთხს კლასში თითო წლის კურსი იყო დადებული, უკანასკნელ კლასში კი სწავლა იარს წელიწადს გრძელდებოდა.

იეზუიტთა სკოლების სისტემას ძალიან მცირედი განსხვავება ჰქონდა შტურმს და ჰუმანისტთა სკოლებში მიღებულ სისტემისაგან. გრამმატიკა შეადგენდა დასაწყისს, რეტორიკა კი მიზანს გიმნაზიების სწავლისას. პირველი ადგილი ეჭირა ლათინურის ენის შესწავლას; მოწაფეთ სასტიკად აღკრძალული ჰქონდათ სამშობლო ენაზედ ლაპარაკი; ის სიტყვები, რომლებიც იყო უსაჭიროესი უბრალო ლაპარაკისათვის, აღბეჭდილნი იყვნენ ამ შემთხვევისათვის დანიშნულ წიგნებში და ყმაწვილები მათ ზეპირად სწავლობდნენ.

მიუხედავად იმისა, რომ სკოლებში სახმარებლად მრავალი, მშვენიერად შედგენილი სახელ-მძღვანელოები ჰქონდათ, სწავლა მაინც სიტყვიერად ანუ ზეპირად სწარმოვებდა; მასწავლებელი წარმოადგენდა ნამდვილს რექტორს, რომელიც, ან ბერძენთა და ლათინთა მწერალთა ნაწერებიდგან მოუთხოვდა რასმეს თავის მოწაფეთ, ან კიდევ გრამმატიკის წეს-წყობილების (ფორმების) მაგალითები მოჰყავდა; მოწაფე ვალდებულ

ბული იყო დაესხომნა მასწავლებლის-მიერ ნაამბობი და ზეპირად დაესწავლა თვით ტექსტი და გრამმატიკული ფორმები; თვით მასწავლებლები გაკვეთილისთვის ყოველთვინ ბეჯითად უნდა მომზადებულიყვნენ ხოლმე. საწერი სავარჯიშო და თარგმანი, ყოველ დღე ეძლეოდათ გაკვეთილად, გარდა შაბათისა; მასწავლებელს თვითვეული მოწაფის ნაშრომი მის წინაშევე უნდა გაესინჯა და გაერჩია; გაკვეთილებს ამ ნაირის მეთოდით სწავლობდნენ: დეკურიანები, ე. ი. უკეთესი მოწაფენი კლასში ხნა-მალლად იმეორებდნენ მიცემულს გაკვეთილს მასწავლებლის წინაშე, ხოლო შემდეგ, სანამ იგი (მასწავლებელი) ასწორებდა მოწაფეთა ნაწერებს, იგინი ამეორებინებდნენ დანარჩენ მოწაფეთ გაკვეთილს.

იეზუიტთა სკოლების ერთს განსაკუთრებულს თვისებას შეადგენდა ის, რომ შეჯიბრებას (соревнованіе) დიდი ადგილი ჰქონდა დათმობილი, რადგან მას სთავლიდნენ აღზრდის ერთ უმთავრეს და უძლიერეს საშუალებად; ყოველს კლასში მოწაფეს თავის მოწინააღმდეგე ჰყავდა, რომელიც ყოველ წამს მზად უნდა ყოფილიყო, რომ თავის მოპირდაპირის შეცდომა არ გამოჰპაროდა და მაშინათვე შეენიშნა. ამას გარდა თვითვეული კლასი გაყოფილი იყო ორ მოწინააღმდეგე ბანაკად, ერთი რომის სახელით იწოდებოდა, მეორე კართაგენის სახელით. მათ შორის ხშირად ხდებოდა ხოლმე გაცხარებული ბაასი (დისპუტი) ხან მასწავლებლის თანა-დასწრებით, ხან უცმისოდაც; ამ ნაირ შეჯიბრებას არ შეიძლება ცუდი გავლენა არა ჰქონოდა მოწაფეთა კეთილ-განწყობილებაზედ; ყმაწვილი ყოველთვინ იმის მონატური იყო, რომ დაეჭირა რაშიმე თავისი ამხანაგი და მასხარად აეგდო იგი; ცუდი სამწერლო შრომისათვის მოწაფეს სჯიდნენ ლიტერატურულის სასჯელით — სვამდნენ მას სხვა სკამზედ და იმდენს ხანს იჯდა ასე მარტოთ, სანამ თავის ამხანაგზე უკეთესად არ დასწერდა და არ აჯობებდა მას.

მალალ კლასებში კი შეჯიბრებას უფრო სხვა ნაირი

ხასიათი ჰქონდა; მოწაფენი წარმოადგენდნენ საზოგადოებას, აკადემიას, სადაც იკრიფებოდნენ ერთად რომელიმე ლიტერატურული ნაწარმოების, ან კლასიკთა ნაწერების წასაკითხავად და გასარჩევად. აკადემიისთვის საჭირო ახალ წევრებს ღებულობდნენ ძველი წევრები; ადვილი არ იყო აქ შესვლა, რადგან ძალიან დიდათ ფასობდა აკადემიის წევრობის სახელი. აქ ერვეოდნენ კაზუისტიკას და მქვერ-მეტყველებას, რომელთაც იმ დროს ასეთ დიდ მნიშვნელობას აძლევდნენ.

იეზუიტებს მრავალი საშუალება ეპყრათ ხელში შეჯიბრების ხასიათის ასაღორძინებლად; ყოველ კვირისათვის ადგენდნენ ახალ სიებს, სადაც ნუსხამდნენ მოწაფეთა ყოველ ნაირ დანაშაულს; კარგი ყოფა-ქცევის და ბეჯითი მოწაფენი ღებულობდნენ საჩუქრებს და ყოველ-ნაირ ნიშანს გამარჯვებისას. ეს საშუალება ძალიან აადვილებდა მასწავლებლი შრომა-ზრუნვას და ძალიან იშვიათ შემთხვევაში სჭირდებოდა მას მოწაფეთ დასჯა.

მოწაფეებს გაკვეთილების მომზადებით არა ჰქანცავდნენ; სწავლა დიდხანს არა გრძელდებოდა; დილით მეცადინეობდნენ ყმაწვილები ორ საათ-ნახევარს; სადილს შემდეგ კიდევ ამდენსავე ხანს. ყოველ კვირაში ერთს ან ორს დღეს ატარებდნენ სეირნობაში, მოგზაურობაში, თამაშობაში და დასვენებაში.

აი როგორც ჰქონდათ განაწილებული გაკვეთილები: პირველ ნახევარ საათს, ვინემ მასწავლებელი გაასწორებდა მოწაფეთა ნაწერ სავარჯიშოებს, დეკურიანი ჰკითხავდა გაკვეთილს მოწაფეებს, რომელთაც ზეპირად უნდა სცოდნოდათ გაკვეთილი; შემდეგ თვით მასწავლებელი ჰკითხავდა წინა-დღით მიცემულს ლათინურს გაკვეთილს და უმთავრეს ყურადღებას აქცევდა სიტყვათა დანაწევრებას (анализ). კანკელდობას და ბრუნვას; შემდეგ ამისა მასწავლებელი უხსნიდა მეორე დღისათვის ახალს გაკვეთილს, რომელიც სამი ან ოთხი სტრიქონისაგან შესდგებოდა; დილის უკანასკნელ ნა-

ხევარ საათს ანდომებდნენ გრამმატიკის ახსნას, რომელიც სწარბოვებდა მძიმეთ და მუყაითად.

— „განიმეორეთ ერთი და იგივე წესი (правило) რამდენსამე დღეს“, — ამბობს *Ratio Studiorum*.

სადილს შემდეგ პირველი საათი მოწაფეთ ხელთნაწერების გასწორებაში გადიოდა; თავისუფალი დრო, თუ დარჩებოდა, მასწავლებელი გაამეორებინებდა მაშინ დილით ახსნილს გაკვეთილს; უკანასკნელს საათს ისევ გრამმატიკის ვრცლად შესწავლას ანდომებდნენ, შემდეგ ნახევარ საათს შეჯიბრებით ბაასობდნენ და ამით თავდებოდა გაკვეთილები.

მაღალს კლასებში კი პროგრამა ფართოვდებოდა ბერძნულის ენის და მათემატიკის დამატებით.

ყველა ზემო-ნათქვამიდან ცხადათ სჩანს, რომ იეზუტთა სკოლებში სწავლის საძირკველს შეადგენდა ლათინური ენა; ლათინურად არამ თუ უნდა ეკითხად, არამედ უნდა ეწერად და ელაპარაკნათ კიდევ; დანარჩენ ცოდნასაც, მაგ., გეოგრაფიულს და ისტორიულს, ისევ კლასიკური ნაწერების შესწავლის დროს იძენდნენ ხოლმე. ჟუვენ ის სიტყვით თვითვე თხზულების გარჩევის დროს შემდეგ მხარეებზედ აქცევდნენ მეტს ყურადღებას: 1) თხზულების საზოგადო მნიშვნელობაზე; 2) ყოველი წინადადების გრამატიკული წესწყობილების ახსნაზე, 3) ტექსტში მოხსენებულ ისტორიულ ამბების, ზნე და ჩვეულებათა განმარტებაზე; 4) იმაზე, თუ როგორ აკმაყოფილებდა თხზულება რიტორიკისა და პოეზიის მოთხოვნილებას; 5) თხზულების ენაზე და 6) ზნეობრივ და სკვნაზედ

მოწაფეთ დიდი ყურადღება უნდა გამოეჩინათ გაკვეთილის დროს, წინააღმდეგ შემთხვევაში ისინი სასჯელს ვერ ასცდებოდნენ; თვითვე მოწაფეს უნდა განემეორებინა კლასში გაგონილი და თავისი შენიშვნები ეჩვენებინა; ჟუვენსი ურჩევს მასწავლებელთ დრო-გამოშვებით გაკვეთილის შეჩერების, კითხვების მისაცემად; იგი ათავებს შემდეგი

სიტყვებით: „ყურადღების დასაცველად ძალიან ბევრი საშუალებანია; აგინი დაძოკიდებულნი არიან მასწავლებლის გამოცდილებასა და მეცადინეობაზედ. გაკვეთილები, საწერ სავარჯიშოს გარდა, სხვის დაუხმარებლად უნდა მოემზადებინათ ხოლომე მოწაფეებსა; იეზუიტები სრულებით დამყარებულები იყვნენ მოწაფეთ პატიოსნურ გრძნობაზე და სიპართლევად, მით უფრო, რომ უკეთესი შრომისათვის ყოველთვის ჯილდოს ღებულობდნენ მოწაფენი.

ერთ უმთავრესს წესს იეზუიტურ სწავლა-აღზრდის სისტემისას შეადგენდა: განმეორება ცოდნის დედაა. ყოველ გაკვეთილზედ მოწაფენი იმეორებდნენ წინა დღით ნასწავლს და მასწავლებლის-მიერ ამ წამში ახსნილს; ამის გარდა კვირაში ერთი დღე განსამეორებლად იყო დანიშნული; პირველს სამს კლასში, სადაც იდებოდა მტკიცე საფუძველი ყოველგვარის ცოდნისა, უკანასკნელს ექვს თვეს ანდომებდნენ იმის განმეორებას, რასაც პირველს ექვსი თვის განმავლობაში სწავლობდნენ; ამ ნაირი საშუალებით შუათანა ნიჭის მოწაფენი 18 თვეში სწავლობდნენ და ითვისებდნენ იმას, რის შესწავლასაც სხვა გზით პოუნდებოდნენ სამს წელიწადს.

იეზუიტები ძალიან დიდს ყურადღებას აქცევდნენ თვითეულის საგნის საფუძვლიანად შესწავლას. — „უკეთესია, — ამბობს საკინი, — ვიცოდეთ ცოტა, მაგრამ მტკიცედ და საფუძვლიანად“.

მოწაფენი ექვს წელიწადს უნდებოდნენ სწავლის დამთავრებას; თითო წელიწადს რჩებოდნენ პირველ დაბალ ოთხ კლასში, ორს წელიწადს კი მაღალს კლასში; გამოცდისათვის (ეგზამენისთვის) მოწაფენი დიდის გულმოდგინებით ემზადებოდნენ, და სხვათა შორის არამც თუ მარტო შესწავლილს და გავლილს იმეორებდნენ, არამედ თხზულებებსაც სწერდნენ იმ ნიშნუების მინაგვარად, რომელიც ამ შემთხვევისათვის ჰქონ-

დათ დანიშნული. მოწაფეთ სცდიდა განსაკუთრებული კომისია რომლის წევრთა შორის პირველი ადგილი ეჭირა პრეფექტს; მასწავლებლებს უფლება არა ჰქონდათ ამ კომისიაში მონაწილეობის მიღებისა; კომისიის წინაშე გამოჰყავდათ სამ-სამი მოწაფე; გამოცდის ნიშნებს, როგორც სიტყვიერს, ისე თხუზულებისას, წარსული წლის გამოცდის ნიშნებთან აერთებდნენ და საჯაროდ დიდებით აცხადებდნენ სახელს და გვარს იმ შეგირდებისას, რომელნიც კარგად იქერდნენ ეგზამენს; მათი გვარი და სახელი შეჰქონდათ ერთნაირ სიაში, რომელსაც ან ანბანის რიგზედ ადგენდნენ და ან მოწაფის სამშობლო ადგილ-მდებარეობის კვალობაზედ.

იეზუიტები მეტად დიდს ყურადღებას აქცევდნენ მოწაფეთა სარწმუნოებრივ და ზნეობრივ განვითარებას; საკვინი აგონებს მასწავლებლებს მათ მაღალ და დიდ მნიშვნელოვან მოწოდებას; მისი სიტყვით, მათი მოვალეობა მარტო გრამატიკის სწავლებაში როდია; მათ ყოველ წამს უნდა ახსოვდეთ, რომ მათ ტვირთად აწევთ დიდი მოვალეობა ახალგაზრდობის ქრემარტი სარწმუნოებრივი და ზნეობრივი ცხოვრებისათვის მომზადებისა; ყოველი გაკვეთილი უნდა მცირე ლოცვით იწყობოდეს; ყმაწვილები ყოველ დღე დილით წირვას ისმენდნენ; ყშირად ამბობდნენ აღსარებას და ღებულობდნენ წმ. საიდუმლო ზიარებას; მოძღვრად ყოველთვის იეზუიტი იყო ხოლმე, მხოლოდ იგი არ ეკუთვნოდა სასწავებლის მასწავლებელთა და აღმზრდელთა გუნდს.

ფიზიკურ განვითარებასაც იეზუიტები დიდს ყურადღებას აქცევდნენ; გაკვეთილები არა ღალავდნენ მოწაფეებსა; სადილს შემდეგ ყმაწვილები ერთს, ან ორს საათს ისვებდნენ ხოლმე. კვირაობით ქალაქ გარედ მიჰყავდათ სასეირნოდ; ამას გარდა გიმნასტიკასათვის და სხვა-და-სხვა სათამაშოებისათვის განსაკუთრებული დრო ჰქონდათ დანიშნული; იეზუიტთა სკოლებში ძალიან იშვიათად სჯიდნენ ხოლმე მოწაფეებსა; მათს უბრალო და მცირე დანაშაულს მადგენს ყურადღებას

არ აქცევდა მასწავლებელი; დიდ დანაშაულისათვის კი წკეპლითა სჯიდნენ მოწაფეებს. ამ შემთხვევისათვის იბარებდნენ განსაკუთრებულს კორრექტორს, რომელიც ორდენს არ ეკუთვნოდა, თუ ხოლო გაწკებლა ვერაფერს შველიდა, მაშინ სასწავლებლიდგან ითხოვდნენ ყმაწვილსა.

შკითხველმა შეიძლება იკითხოს თუ რითი გაითქვა ასეთი დიდი სახელი იეზუიტთა სკოლამ? ზემოდ ჩემ-მიერ მოხსენებული განსაკუთრებული ხასიათი იეზუიტთა სკოლებში მიღებულ სწავლა-აღზრდის მეთოდისა, იძლევა ერთის მხრით ამის პასუხსა: იეზუიტები ძალიან გამოცდილი და მოხერხებული პირები იყვნენ; მათი Ratio studiorum ერთ ცარიელ წესსაც არ შეიცავს, იგი მხოლოდ საქმეს შეეხება და პირდაპირ უჩვენებს ადვილად მისაღწევს მიზანს და ამასთანავე გულმოდგინეთ აღნიშნავს ამ მიზნისაკენ მიმავალ გზას; შეიძლება მათი მეთოდი არც ისეთი უკეთესი იყო, რადგან იგი ყოველთვის არ მისდევდა უმაღლესს მიზანს, მაგრამ ყოველ შემთხვევაში იგი მაინც უფრო ნაშედეგად გადაჭრილი და განსაზღვრული იყო. ამით განირჩევიდა იეზუიტური სკოლა ყველა მათ დრომდე არსებულ სკოლებიდგან და მითვე განირჩევა იმ სკოლებიდგანაც, რომელთაც მისი ადგილი დაიჭირეს; ეხლანდელ დროში მასწავლებლები მოუთხრობენ მოწაფეთ მხოლოდ იმას, რასაც პირდაპირი დამოკიდებულება აქვს იმ საგანთან, რომელსაც იგინი ასწავლიან; იგინი მაგდენ ყურადღებას არ აქცევენ მოწაფეთ საზოგადო ანუ საერთო განვითარებას. ცხადია, რომ ის სწავლების კურსი, რომელშიაც მეფობს ერთგვარი, დანიშნული მიზნისაკენ მიმყვანელი მეთოდი, ბევრით უფრო უკეთესია იმ კურსზედ, როდესაც ყმაწვილი იძულებულია შეეჩვიოს სხვა-და-სხვა მეთოდებს, რომელთაც ამასთანავე თავისი განსაკუთრებული მიზნები აქვთ.

მე უკვე მოვიხსენიე, რომ იეზუიტები სწავლა-აღზრდის საქმეში უმაღლესს მიზნებს არ მისდევდნენ; იგინი მოწაფეთა

ყოველმხრივ განვითარებას არ მეცადინებოდნენ; იგინი მხოლოდ იმის მეცადინეობაში იყვნენ, რომ მოწაფეებში განვითარებინათ მიმღებელი და აღმომცენებელი ნიჭი; ახალ-გაზდა თუ კარგათ ლაპარაკობდა ლათინურად, შეთვისებული ჰქონდა თავის აღმზრდელთა ფილოსოფიური და თეოლოგიური შეხედულობანი, განვითარებული ჰქონდა მეხსიერება და კამათობიდანაც (დისპუტიდგან) გამარჯვებული გამოდიოდა, ამით იგი აღიოდა იმ უმაღლეს საფეხურზე, რომელზედაც სურდათ იეზუიტებს მისი აყვანა. გონებით დაშოუკიდებლობა, სიმართლისადმი სიყვარული, ნიჭი თავისუფალი მოაზრობისა და ჰუმანიტატი შეურყვეველი შეხედულობისა, ყველა ესენი ერთად სისტემატიურად იზაგრებოდნენ იეზუიტთა სკოლაში. თავიანთ განზრახულ მიზანს ყოველთვის ახწევდნენ იეზუიტები და მათი ყოველისფერში გამუდმებული გამარჯვება სძენდა მათ სახელს და დიდებას.

იეზუიტები ცნობილნი იყვნენ თავიანთი მოხერხებული ცმაწვილებთან ჭკევა-მოპყრობით; იგინი სწავლაში ძალას არ ატანდნენ მოწაფეებს და ისე მოხერხებულად ასწავლიდნენ, რომ მოწაფეთ არამც თუ სძულდათ სამოსწავლო საგნები, არამედ უყვარდათ კიდევაც. გონებით განვითარებულნი პირები როგორც ძველი დროის, ისე ახლისა, ამბობს საკკინი, ყოველთვის გრძნობდნენ და ამტკიცებდნენ, რომ ყველაზედ უკეთესი სწავლა ისაა, რომელიც მოსწონს თვით ახალგაზდობას; მოწაფენი უფრო ადვილად ითვისებენ და იმახსოვრებენ იმას, რაც თითონ მოსწონთ და რაც მათ აინტერესებს; ბავშვთა წლოვანობის სინაზე მოითხოვს ღმობიერ და ალერსიან მოპყრობას; მასწავლებლები უნდა მეცადინებოდნენ მოწაფეთა სიყვარულის და მონდობილობის მოპოვებას; როდესაც მოწაფეთ უყვართ მასწავლებელი, ამბობს სხვა ადგილას საკკინი, იმ საგანსაც უეჭველად შეიყვარებენ, რომელსაც ასწავლის იგი“. დღე მასწავლებელმა დაახლოვებით გაიცნას თავის მოწაფენი, მათი ზნე-ხასიათი, იხაროს მათის სიხარულით და იმ-

წუხაროს მათის მწუხარებით; დეე, ვითარცა მოციქულები, გახდეს ის ერთ მორჩილთაგანი, რათა გახადოს მოწაფენი თვისნი ქრისტეს მოზიარენი. დაე მან მამის ავტორიტეტს შეეუერთოს დედის ტკბილი სიყვარული...

ყმაწვილებისათვის სწავლა რომ სასიამოვნო და სანუკარი იყოს, არ უნდა შევაწუხოთ იგინი მეტი შეუსაბამო მუშაობით; ამიტომ მასწავლებელი მოვალეა შეისწავლოს ზნე, ხასიათი და ნიჭი თვითეულის თავის მოწაფისა; იგი იძენს განსაკუთრებულ ყურნალს, რომელშიაც შეაქვს თავისი დაკვირვებანი და შენიშვნანი თავის მოწაფეთა ბეჯითობაზე და გონებით წარმატებაზედ. ამ ნაირი საშუალებით იგი უფრო ადვილად შეიტყობს თავის მოწაფეების ნიჭის და მეცადინეობის შედეგს და ამის მიხედვით მისცემს მათ სამუშაოს, რომელიც ყოველ შემთხვევაში უეჭველად კარგათ უნდა იყოს შესრულებული.

ყმაწვილები არამც თუ არ უნდა მოვლათ მეტის სწავლით, არამედ იმისთანა საგნები არც კი უნდა გავაცნოთ, რომელნიც მათის წლოვანობისათვის ძნელად გასაგებნი არიან; მასწავლებელი უნდა ცდილობდეს, რომ გრამმატიკაც კი ადვილი გასაგები და შესასწავლელი იყოს მათთვის; „საჭირო არ არისო, — ამბობს საკკინი, გრამმატიკის უძნელესი ფორმების ადრე შესწავლაო; დეე ჯერ მათ ცხადათ შეითვისონ ის, რაც მათთვის ადვილ გასაგებია; მხოლოდ ის, რაც ეხლა მათთვის ძნელი და გაუგებარია, თავის დროზედ, როცა განვითარდებიან, შეიქმნება მათთვის ადვილი და ცხადი. უფრო უკეთესი იქნება გრამმატიკის წეს-წყობილების შესწავლა სალიტერატურო ნიმუშების გარჩევის დროს; ასე უფრო ადვილად და საფუძვლიანად ითვისებს გრამმატიკას ახალგაზდების გონება“.

ევროპაში ისეთ სიძულვილს არავინ იწვევდა, როგორც იეზუიტები; კინგლესი, ამბობს ფრიდრიხ მორისი, მზად იყო ყველაში მარტო ერთი კეთილი აღეარებინა, მაგრამ

იეზუიტებში კი ვერა ხელავდა რამე კეთილსა“. რითი დაიმსახურეს ამნაირი სიძულვილი ჩმათ, ვინც, თითქოს, ღირსნი იყვნენ ღიდის პატივისცემისა და ყურადღებისა, როგორც ღირსეული აღმსრულებელნი თაფიანთ ქრისტიანული მოვალეობისა? საქმე იმაშია, რომ იეზუიტთა შეხედულობა და წარმოდგენა არსებითად განსხვავდებოდნენ ქრისტეს სარწმუნოების ჭეშმარიტ მიმდევართა შეხედულობისაგან; იგინი კაცობრიობის კეთილ დღეობაზე კი არა ზრუნავდნენ, არამედ რომის კათოლიკე ეკლესიის უფლების გაფართოვებაზე და განდიდებაზე, რომელიც მათთვის ამ ქვეყნად მოვლინებულ ღვთის სასუფეველს შეადგენდა. ყოველივე ის, რაც კი ხელს შეუწყობდა ეკლესიის უფლების გაფართოვებას და გაძლიერებას, ღვთის სასიამოვნო საქმედ იყო მათ-მიერ აღიარებული; იესო ქრისტეს ძმობა გარდიქცა პაპების და რომის ეკლესიის უძღვეველ და მოუღალავ ლაშქრად და მიიღო ნამდვილი სამხედრო წეს-წყობილება.

მთავარ-სარდალი, თუ ჭეშმარიტი პატრიოტი და ნამდვილი გენერალია, თავის ლაშქრის გასაძლიერებლად და ასაღორძინებლად თავის მხრივ არაფერს ზოგავს და აკეთებს ყოველისფერს, რაც კი შეუძლიან; იგი ზრუნავს ჯარის-კაცთა ჯანმრთელობაზე, ზნეობაზე და სწავლა-აღზრდაზე, იგი ყოველ თავის ძალ-ღონეს ხმარობს, რომ თვითეული მის ლაშქარში ახლად შესული დადგეს რაც შეიძლება უკეთეს ჯარის-კაცად; მაგრამ ამ ჯარის-კაცს თავის-თავად როდი აქვს მისთვის მნიშვნელობა, იგი საჭიროა მისთვის მხოლოდ როგორც ერთგული წარმომადგენელი ლაშქრისა, როგორც ერთი შემადგენელი წევრი მისი. ჰაულსენი ლაპარაკობს რა იეზუიტებზედ, სამართლიანად შენიშნავს: შეუძლებელია, რომ უდიდეს დაწესებულებას თავისი განსაკუთრებული, ცხადი და გადაჭრილი მიზანი არა ჰქონდესო. უდიდესი მიზანი და დედა-აზრი კი იეზუიტთა არმისა მთელი მის კრებულისათვის თავის განწირვა და საკუთარი პიროვნობის მოსპობა იყო,

რომლითაც იგი პოულობდა დიდს ძალას და მნიშვნელობას, ლაშქარი (არმია) მოქმედობს ერთგულად და ერთსულად, და ყოველისფერში ემორჩილება ერთის სურვილს და ნებას და ამაშია მისი უძლიერესი და გაუტყეხელი სიმაგრე.

ეგნატე ლაიოლამ და შემდეგ მისმა მოადგილემ იეზუიტთა ორდენის გენერლებმა ამ სახით შეადგინეს ეკკლესიის არმია (ლაშქარი), რომელიც მცირე ხანში მთელი კაცობრიობის საკვირველ და საშიშროების საგნად გარდაიქცა; არასოდეს ამ ხნობამდე არ ყოფილა, ამბობს Compaire, ასე გონივრულად დაარსებული და მოწყობილი (საზოგადო) დაწესებულება, რომელსაც ხელთ ჰქონოდა; ამდენი საშუალება კეთილისა და ბოროტების გასაკეთებლად.

ჩვენებურ ინგლისელ პედაგოგებს უნდა მოსწონდეთ იეზუიტები თავიანთ პრაქტიკული მოქმედებით. მაგრამ პედაგოგიკაში ინგლისელებისათვის წარმოუდგენელია უნგარობა. ყოველნაირი გამოურკვეველობა არაფრად მოსწონს ინგლისელ პედაგოგს; იგი მიზანს არ ელტვის, მის გამოკვლევაზე არა ჰკარგავს ძალ-ღონეს, რადგან იგი უკვე გამოკვლევულია წინაპართა სიბრძნის-მიერ; იგი (მასწავლებელი) მთელს თავის ყურადღებას აქცევს მხოლოდ იმას, რაც მას თითონ აინტერესებს და მოსწონს, ე. ი. პრაქტიკულს მხარეს; ამაში იგი მიემსგავსება იეზუიტებს; სწავლა-აღზრდის მიზანი განსაზღვრული და გარკვეული იყო ორდენის დამფუძნებელ ლაიოლას-მიერ, დანარჩენნი წევრნი მოვალენი იყვნენ ეშრომნათ ამ მიზნის მისახწევადს; ამაში იგინი შეუღდარებელი და დაუფასებელი იყვნენ; ურიგო არ იქნებოდა ჩვენც ცოტა რამ გვესწავლა იმათგან; ჩვენი ratio studiorum, ამბობს Egre, მიაგავს უფრო მეთოდს, ანუ სწავლების სისტემას, ვინემ წესდებულებას.

იეზუიტთა სკოლებში მიღებული მეთოდი სამი საუკუნის

განმავლობაში იყო ხმარებაში და დიდი სახელიცა ჰქონდა მოხვეჭილი.

ახალ სკოლას ის უპირატესობა აქვს, რომ იგი ანვითარებს მოწაფეთა ჰკუა-გონებას იმ საგანთა შესწავლით, რომელნიც მოსწონთ და აინტერესებენ მათ, მაშინ როდესაც იეზუიტთა სკოლა აძლევდა იმ ნაირ ცოდნას, რომელსაც არ შეეძლო აღედრა მოწაფეთა ცნობის-მოყვარეობა; იძულებული იყვნენ ორი საშუალებით გამოეწვიათ მათი ინტერესი და ყურადღება—შეჯიბრებით და მასწავლებლის პირადი გავლენით.

მოწაფეებზე გავლენის მოპოვება შეადგენდა იეზუიტების უპირველეს მოთხოვნად და ამით იგინი განირჩევიან დანარჩენ აღმზრდელებისაგან, რომელთაც ამაზე ზრუნვა-ფიქრადაც არ მოსდით.

აი რას ამბობს აღმზრდელ კონფერენციაზე (ყრილობაზე) 1884 წელს მამა ჟერარი: „სწავლება ხელოვნებათა ხელოვნებაა; კარგი აღმზრდელი და მასწავლებელი კარგათ უნდა იცნობდეს თავის მოწაფეთ, ესმოდეს მათი ზნე-ხასიათი და უყვარდეს იგინი; იგი ვალდებულია ყოველ წამს ზრუნავდეს მათ ყოველ მხრივ განვითარებაზე და კეთილის და სიმართლის იმ ნიშნების გაუმჯობესობაზე, რომელნიც მოიპოვებიან მათში.

იეზუიტები არაფერ საშუალებას არა ზოგავდნენ ახალგაზდების გულის მოსაპოვებლად და ხელში ჩასაგდებად; მათ სავსებით ისარგებლეს ძლიერი, მაგრამ საშიშო საშუალებით—ყმწვილებში შეჯიბრების და ქიშპობა-ცილაობის გავრცელ-აღორძინებით; ინგლისის სკოლაში საჩუქარს მხოლოდ პირველ სამ-ოთხ მოწაფისათვის აქვს მნიშვნელობა, იეზუიტთა სკოლაში კი თვითეულთ კლასი იყოფებოდა რამდენსამე პატარ-პატარა გუნდებად, რომელშიაც შედიოდნენ რამდენიმე კაცი—ერთნაირად განვითარებულნი და ერთნაირი ნიქის პატრონნი,—თვითეული გუნდი ღებულობდა თავის სა-

ჩუქარს; და ეს ქიშპობა და შეჯიბრებო სუსტო შევირდთა შორის უფრო გავრცელებული იყო, ვინემ უკეთეს მოწაფეთა შორის.

დასასრულ, მოვიყვან იეზუიტურ სისტემის უმთავრეს მუხლებს ერთის მათის მოწაფის სიტყვებიდგან, რომელიც დიდი თაყვანისმცემელი იყო იეზუიტთა კოლლეგიებისა: „შევაერთობ ერთად ამ რთული დაწესებულების ყველა განსაკუთრებული თვისებანი; ჩვენ ვნახეთ, რომ ყმაწვილები უპატრონოდ და უყურადღებოდ არას ოდეს არა რჩებო ოდენ; თვითეული მათი ნაბიჯი გაზომილი იყო მასწავლებლისაგან, რომელმაც იცოდა მათი სულის ყოველივე მიხვრა-მოხვრა, ყოველდღე ბეჯითი მოწაფენი გაკვეთილის კარგათ მომზადებისათვის ღებულობდნენ საჩუქარს; ის მოწაფენი, რომელნიც იმარჯვებდნენ ეგზამენზე, რომელიც ყოველ სამ თვეში ერთხელ ხდებოდა ხოლმე, იძენდნენ საპატიო სახელს, რომელიც აძლევდა მათ ზოგიერთ უპირატესობას, როგორც კლასში და ეკკლესიაში, ისე მათ გარეშეც; თვითეული მასწავლებელი, რომელიც საქმით დაამტკიცებდა თავისს ნიქს სწავლების საქმეში, უეჭველად ექვს წელიწადს უნდა დარჩენილიყო მასწავლებლად — მოწაფეთა სწავლის დამთავრებამდე; ცხადია, ამბობს შეილი, რომ მოწაფენი თავიანთს ხასიათს, ცოდნას და შეხედულობას იძენდნენ თავის აღმზრდელისაგან და ამაში ერთად-ერთი მისი მადლობელი უნდა ყოფილიყვნენ; ასეთ დაახლოვებიდგან მიმდინარეობდა მოწაფეთა ერთგულობა და სიყვარული მასწავლებლისადმი, რომელიც თავის მხრივ სარგებლობდა ამით, და ტყობულობდა მოწაფეთა გულის სიღრმეში მიმალულ და მიჩქმალულ საიდუმლოებას.

ამ ნაირად მავილებთ რა მხედველობაში იეზუიტური სისტემის ყოველ განსაკუთრებულ თვისებას — შეჯიბრებას და ქიშპობას და მათი შემწეობით მიღებულს შედეგს სწავლისას, ლოცვა-ვედრებისას და კეთილ საქმეებისას, ჩვენ ვადგებით იმ დასკვნას, რომ, შეიძლება ქება-დიდებას ღირსი არ იყოს

იეზუიტთა სკოლებში მიღებული სისტემა, შეიძლება იგი სხვებზედ ცუდი იყოს, მაგრამ მაინც უნდა გამოვტყდეთ, რომ იგი ყოველ შემთხვევაში იყო სისტემა და ამასთანავე სისტემა, რომლის გასაუმჯობესებლად გასწიეს ამდენი შრომა და ღვაწლი იმ დროის უუნარიანობისა და უუგანათლებულობისა პირებმა. *).

ალ. ტატუნაშვილი.

*) აქ მოვიყვანთ ზოგიერთ ადგილებს ერთი იეზუიტის თხზულებიდან, რომელიც ნათელს ჭყენს იეზუიტთა ზედგოგებს. „მასწავლებელი, რომელსაც ახარია უმაწვილების თვალ-უურის კდება, უნდა კრიდოს, განსაკუთრებით თამაშობის დროს და ზირველ თავის მათთან დამოკიდებულებაში, იმის ფიქრსა, რომ მისი უფლება და გავლენა განმტკიცებულია, ნამეტნავად ზირველ ხანებში, თუ შეამჩნია მათში თავისადმი ზატივისცემა. მასწავლებელი, რომელიც თავდაზირველადგე ფიქრობს, რომ იმაზე უბრალე და ადვილი არაფერია. როგორც დაწესებული წესების შესრულება, რომელიც ზირველ საათიდგანვე ცდილობს შევირდებს შორის თავის გამახეხას და თვით საქმეზე კი არა ზრუნავს, ასეთი მასწავლებელი ღირსია შებრალებისა. მისი საქმე წაგებულია. მას ორში ერთი დარჩენია: ან უნდა სრულიად თვალები დახუჭოს უმაწვილების უწესობა და ურიგობაზე, ან ტაქტი გამოიცვალოს და დაავიწყებინოს უმაწვილებს წინანდელი თვისი მოწყალებითი ქრევა (снисходительность).

მიუხედავად ამოცდილ ზირთა გაფრთხილებისა, მასწავლებელთა უმეტესობა თავის ზედგოგიურ ახზარეზზე ზირველად გამოსვლის დროს ფიქრობს უმაწვილებთან კეთილ-განწყობილებით თავის ავტორიტეტის დამყარებას. იგინი ემზადებიან შენობის დამთავრებას და დარწმუნებულნი კი არ არიან შენობის საძირკვლის სიმაგრეში.

გამოცდილება გვიმტკიცებს, რომ ზირველ ბიჭზეა დამოკიდე-

ხასიათის აღზრდა სკოლებში *).

როგორ უნდა მოქმედობდეს მასწავლებელი?

ყველაზე პირველად მას ის უნდა ახსოვდეს, რომ მიჩვევანი (НАВЫКИ) იბადებიან ფიზიკურ და ნივთიერ დამოკიდებულებათა ნიადაგზე. ამიტომ მოწათის ნერვებში უეჭველად შესაფერი ცვლილება უნდა მოხდეს. რის გაკეთებაც მისთვის პირველ ხანებში ძნელია, შემდეგ ადვილია, ამიტომ მასწავლებელი სასოწარკვეთილებას არ უნდა მიეცეს, თუ პირველში მისმა მოწათესთან, ან შთელ კლასთან მეცადინეობამ ჯეროვანი ნაყოფი ვერ მოიღანა. ამ შემთხვევაში მან არ უნდა დაივიწყოს ის ფიზიკური გარემოება,

ბუნა სამსახურის შთელი შემდგომი ბედი და ამიტომ კახოვთ განსაკუთრებული ყურადღება მიაქციოთ ჩემს რჩევა-დარბეას. სკოლაში შესულისათანავე უეჭველად უნდა გაიცნოთ როგორც თვითეული მოწათის ხასიათი, ისე შთელი კლასის გრძობა და მიმართულება; გახსოვდეთ ისიც, რომ მოწათენიც ცდილობენ თქვენს შესწავლას და გულმოდგინეთ აღნიშვნენ თქვენს სუსტ მხარეებს; თქვენი ღაპარაკის და ბძანების მოწურა, თქვენი ხმის კალო და მიხვრა-მოხვრა მოწამბენ თქვენს ხასიათს, თქვენს გეოგნებას და თქვენს ნაკლს, რომელსაც მაგრად იხსომებენ თქვენი მოწათენი. იგინი უფრო ადრე შეადგენენ თქვენზედ თავის აზრს და შეხედულობას, ვინემ თქვენ მათზე; ამიტომ ეცადენით იფვნენ მარად მიუწდომელი და დარაჯი თქვენის თავისა, ვიდრე არ გახდებით სრული ბატონი თქვენის თავისა.

*) იხ. „გამოსადეგი ცნობანი“, წიგნი შეეჭვსე.

რომელზედაც მიჩვევა უნდა დამყარდეს. სისუფთავეს და სოფთაქიზეს რომ მივაჩვიოთ მოწაფე, საჭიროა, თვით იგი სუფთად და ფაქიზად შევიწახიოთ და განა ეს შეიძლება დაუგველ, დაუსუფთავებელ და მოუწყობელს ოთახში? ამნაირი გარეგანი მოწყობილობით მასწავლებელი ამკვიდრებს სკოლაში დისციპლინისათვის საჭირო და სასარგებლო ატმოსფერას, რომ იქ შესვლა ყველასათვის ადვილი იყოს.

მოწაფენი პირველად მცირე რაიმეში უნდა მიეჩვივნენ დისციპლინის ასრულებას, რომ მათ მცირე საქმეშიაც კი შეეძლოთ თავის დაქერა; ე. ი. წეს-რიგის დაცვა. შემდეგ როდესაც იგინი შეითვისებენ ამ ზნე-ჩვეულებას, მასწავლებელს შეუძლიან მიენდოს მათ და ბევრშიაც მიანიჭოს თავისუფლება, მაგ., მაშინ მასწავლებელს შეუძლიან მისცეს მთელს კლასს სამუშაო და დასტოვოს იგინი მარტოდ და იმედიც ჰქონდეს, რომ თვითეული მათგანი დამოუკიდებლად შეასრულებს თავის სამუშაოს; მაგრამ, აქაც უმთავრესად იმაზედ უნდა იყოს მიქცეული ყურადღება, იმას უნდა უძლილობდეს მასწავლებელი, რომ ყმაწვილი მიეჩვიოს დამოუკიდებელ შრომას. შეგნება საკუთარი ძალ-ღონისა და თვისით გაკეთებულის-მიერ აღძრული საამო გრძობა შეადგენს ერთ უდიდეს სააღმზრდელი საშუალებას. ეს შეგნება აიძულებს მის წინ-სვლას და გაუმჯობესებას. ყოველგვარი გადაქარბებული გონებითი მუშაობა ასე თუ ისე ძნელია, და მასწავლებლის ცხოვრებაში კი ხშირად დაატყდება ხოლმე მოწაფეს ისეთი მძიმე და უსიამოვნო სამუშაო, რომელიც საჭიროებს ნების ძალ-დატანებას ყოველ ამ გვარს შემთხვევით მასწავლებელი უნდა სარგებლობდეს და თვალ-ყურს ადევნებდეს, რომ ნების ძალის-ხმევა რაც შეიძლება ხშირი პრაქტიკით გამაგრდეს და განმტკიცდეს და არ შესუსტდეს. უამროდ შეიძლება შესუსტდეს თვით-მოქმედება და მეხანიკურს ზნე-ჩვეულებაში გაიყინოს. აი რატომაა ხოლმე ძნელი იმ ყმაწვილების მოქცევ-მორჯულება, რომელნიც აღზრდილან

ოჯახში სასტიკი დისციპლინის და მექანიკური მორჩილების ქვეშ, რადგან ეს უკანასკნელნი არაერთაბს ადგილს არ უთმობენ ნების განვითარებას და გაძლიერებას. რასაკვირველია, სკოლაშიაც ვერ მოაქვს ხეირიანი ნაყოფი ამ ნაირ გარეგნულ დისციპლინის სისტემას, რომლის დაცვა, მიუხედავად ამისა, ითვლება კარგი ყოფა-ქცევის ნიშნად.

გონებითი განვითარების სისტემა შეიძლება გამოიხატოს სამი სიტყვით, რომელნიც (სიტყვები) აღნიშნავენ მის საფეხურებს (ступени). „ვეცდები“, „გაავაკეთე“, „წავალ წინ“. პირველი საფეხური სამუშაოდ ძალ-ღონის მოკრფეა; მძიმე და ძნელი სამუშაო ითხოვს მეტს ძალ-ღონეს, ჰბადავს სიძნელეს, რომლის გათვალისწინება და წარმოდგენა სასიამოვნო არ არის; საჭიროა ამ სიძნელის ძლევა მეტის ძალ-ღონის მოკრფით. დისციპლინა აიძულებს მოწაფეს ძალა დაატანოს თავის თავს, რომ მიადწიოს განზრახულს მიზანს, ე. ი. გააკეთოს ის, რაც საჭიროა. ამ გარდამეტებულის შრომის პირველი ჯილდო ის იქნება, რომ მოწაფე მიიღებს წარმატებას; მეორე ისა, რომ შემდეგში მისთვის საჭირო აღარ იქნება ასეთი ძალ-დატანებითი შრომა, საქმე გაუადვილდება და მით წინ წავა და საბოლოო შედეგი კი ასეთი შრომისა ის იქნება, რომ მოწაფე სრულიად გამოიცივოს ხასიათის თვისებებს: ფიზიოლოგიური ენით რომ ვსთქვათ, ასე გამოვა: მოწაფის მთელი ნერვიული გუნებობა (нервное настроение) მიიღებს ცვლილებას, ე. ი. არა ნორმალურიდგან გარდიქცევა ნორმალურად და დაადგება სწორე გზას.

ჩვენ ხშირად ვხედავთ ხოლმე, რომ თითონ დიდებიც უზრდელად იქცევიან საზოგადოებაში, ხშირად ჩენულობენ; როგორც საქმეში, ისე სიტყვა-პასუხში, რეგენობას, თავხედობას და უაზრო თავ-მოყვარეობას. მათი ასეთი არა საკადრისი საქციელი მომდინარეობს, რასაკვირველია, მათი გაუნათლებლობისაგან და არა მათი ბუნების განსაკუთრებული თვისებისაგან. აი რატომ უნდა იყოს მიქცეული აღმზრდელის

ყურადღება ამ დიდ მნიშვნელოვან საგანზე. აღმზრდელმა იმავე პირველ ხანებში უნდა მიაქციოს თავისი ყურადღება თავ-მოყვარობას (ეგოიზმს) და მოუდრეკ-მოუხეშაობის პირველ ნიშნებს და შეაჩეროს მათი გავრცელება, მაგრამ ამავე დროს იგი უეჭველად უნდა სარგებლობდოს ყოველ იმ შემთხვევით, რომელშიაც მოწაფე თვით ეჩვევა თავის შემაგრებას და შეკავებას. უზრდელობა, ჩხუბი, ცუდ-უბრალო ბლარძუნობა და სხვა უეჭველად განდევნილნი უნდა იყვნენ პატარა ყმაწვილთა წრიდგან; შემდეგ, როდესაც იგინი მოიზრდებიან, საჭიროა, შეითვისონ მათ, ათუ რა არს საერთო ინტერესი, პატიოსნება და მთელი კლასის მოვალეობა. ამისათვის კი სასარგებლოა ზოგიერთ სკოლების-მიერ მიღებული წეს-რიგი, სადაც თვით მოწაფენი ზრუნავენ მთელის კლასის საჭიროებაზე და წეს-რიგის დაცვაზე და აგრეთვე თვალყურს ადევნებენ, როგორც მეცადინეობის, ისე თამაშობის და შესვენების დროს და ყოველ ამაში პასუხის-მგებელნი თითონვე არიან. ამისათვის კარგია მონიტორების, პრეფექტების და უფროსების დანიშვნა; ჩვენ ყოველთვის უნდა გვახსოვდეს ის გარემოება, რომ თვითეული მოწაფე ოდესმე გახდება მოქალაქედ და იძულებული იქნება მიიღოს მონაწილეობა საზოგადო საქმეთა მართვაში, ამიტომ სკოლამ ისე უნდა აღზარდოს მოწაფე, რომ შემდეგში ასეთს დიდ მნიშვნელოვან საქმეში იგი თავისი საკუთარი ინტერესით და პირადულის თავ-მოყვარეობით არ ხელმძღვანელობდეს. მოწაფემ სკოლაშივე უნდა შეიგნოს, რომ ქეშმარიტი თავისუფლება თვითნებობაში კი არა მდებარეობს, პირიქით, რომ ყველას შეეძლოს თავისუფლებით სარგებლობა, საჭიროა, რომ ყველას მტკიცეთ ჰქონდეს შეგნებული ის, თუ რის გაკეთება შეიძლება და რის არა, რას უნდა ვერიდოთ და რას არა.

დიდი საქმეა ყმაწვილებისთვის მართლის თქმის მიჩვევა. სიცრუის ფესვები ძალიან ღრმადაა დამალული თვითეული ყმაწვილის ბუნებაში, მხოლოდ იმ განსხვავებით, რომ ერთის

ბუნებაში მას უფრო მტკიცეთა აქვს გადგმული ფესვები, მეორესაში კი უფრო სუსტად, რადგან ყველას ერთგვარი საღი ბუნება და გონება არა აქვს. ამ ბოროტების მოსასპობად აღმზრდელმა უნდა იქონიოს თავისი ზედ-გავლენა ყმაწვილის როგორც გონებაზე, ისე სულზე და გულზე, ყველაზე უწინ კი მასწავლებელმა თავისს მოწაფეებთან დამოკიდებულებაში უნდა გამოიჩინოს ძიუდგომელი სიმართლე, რომელმაც უნდა თვითეულ მოწაფეში დაჰბადოს (გააღვიძოს) ქეშმარიტების და სიმართლის შეგნება-დაფასება. უმეტეს შემთხვევაში ეგოიზმის ანუ პირადი თავმოყვარეობის მოსაზრებანი ხდებიან ხოლმე სიცრუვის წყაროდ; მაგ., რაიმე სარგებლობის შეძენის, ანუ სასჯელის თავიდგან აცილების სურვილი, დანაშაულის დაფარვა და სხვ. აღმზრდელმა უნდა მოჰკიდოს ამ ავადმყოფობის წამლობას ხელი, მაგრამ ძალიან ფრთხილად კი. მას იმდენათ მეტი სიფრთხილე ჰქმარებეს, რამდენადაც დანაშავე უფრო ჰატარაა. ამ სენის განკურნვა არ შეიძლება არც შიშითა და არც მკაცრის ბრძანებით. ღმერთმა გვაშოროს, რომ ყმაწვილს ერთსა და იგივეს ჩაეჩიჩინებდეთ: რომ იგი გაფუჭებული და რევეენია, რომ მასში ხერი არ არის და სხვა. ამით მთელ აღზრდის საქმეს კავაფუჭებდ. ამ სენის აღმოფხვრას მხოლოდ მაშინ შევიძლებთ, როდესაც ნელ-ნელა მივიზიდავთ ყმაწვილის სულსა და გულს და დავაყენებთ მის გონებას ქეშმარიტების და სიმართლის გზაზედ; ყველაზედ უფრო კი საიმედოა მასში საკუთარი ღირსების გრძნობის გაღვიძება და მისკენ მისი მიმართვა; ვაჟკაცად გახდომა შეადგენს ყმაწვილის იდეალს, საჭიროა, რომ მან შეიგნოს და შეითვისოს ის, თუ როგორ ფუჭდება და ჰკარგავს თავისს ღირსებას ეს იდეალი ტყუილის ლაპარაკით და სიცრუით.

საჭიროა მასწავლებელმა სწავლაშიაც დაიცვას გონებითი სიმართლე. კლასში ყველასათვის ყოველგვარი გონებითი სამუშაო ისე უნდა იყოს წარმოდგენილი-დასურათბატებული-

ლი, როგორც ნამდვილათა იგი. რასაც უნდა მუშაობდნენ კლასში, არას დროს არ უნდა მისცენ იმას ნება, რომ გაუკეთებელმა და შეუსრულებელმა საქმემ მიიღოს გაკეთებული საქმის სახე, უფიცობამ დაიჭიროს კოდნის ადგილი, ან რომელიმე სიტყვა, ანუ ფრაზა აუხსნელად და შეუგნებლად იყოს მიღებული და შეთვისებული. თვით მასწავლებელმაც, როდესაც უხსნის რასმეს მოწაფეებს, ანუ პასუხს აძლევს მათ რომელსამე კითხვაზედ, თვალ-ყური უნდა ადევნოს თავის თავს, რომ მისი აზრი და სიტყვა ცხადი და გარკვეული იყოს; თვით იგი მოწაფეებთან ერთად უნდა სწავლობდეს-ემზადებოდეს გაკვეთილისთვის. თუ მოწაფე არ მიეჩვია საქმეში კეთილ სინილისიერობის და წესიერების დაცვას და ჩვეულებად არ მიიღო სიტყვის საქმედ ქცევა და ასრულება, მთელი მისი სწავლა ცუდად ჩაივლის. ამ შემთხვევაში მასწავლებელი უნდა შეადგენდეს მისთვის მისაბამ მაგილითს. თუ მოწაფემ შენიშნა თავის მასწავლებელში გაკვეთილზედ ცუდლუტობა და ტყუილი, მისი ავტორიტეტი მაშინათვე დაჰკარგავს მოწაფის თვალში თავისს ძალას და მნიშვნელობას. გონიერი მასწავლებელი, როდესაც რომელსამე კითხვის ახსნა-გადაწყვეტაში შენიშნავს თავისს სისუსტეს, მაშინათვე იშველიებს მოწაფეს, რომ მისი დახმარებით და მონაწილეობით განმარტოს განსამარტებელი საგანი. ამით იბადება ინტერესი და მტკიცდება მოწაფეში კეთილ სინილისიერი შრომის ნაყოფის შეგნება და საქიროება.

ყოველგვარ სწავლაში უნდა გამოსკვიოდეს ზნეობრივი სწავლა, -- ორივე განუყრელად უნდა მიდიოდეს ერთად; მაგრამ აქვე უნდა აღვნიშნოთ ისიც, რომ ზნეობრივი გრძობის აღძვრა-გაღვიძება ცარიელი დარიგებით არ შეიძლება. საფრანგეთის პედაგოგები ზნეობას სამოსწავლო საგნად ხდიან; ადგენენ მის შესახებ სახელ-მძღვანელო წიგნებს და თვით ზნეობრივ სწავლას აძლევენ ასეთს თუ ისეთს სისტემას. ეს სისტემა ჰყოფს ზნეობას, „კატეგორიებად (ნაწილებად) და

ხანდისხან ისეთი რაიმე საქმის ჩადენას უკრძალავენ, რომელზედაც უმაწვილს ჯერ არავითარი წარმოდგენა არა აქვს. ამ ნაირ სწავლას მხოლოდ ვნება მოაქვს და არა სარგებლობა. რასაკვირველია, შესაძლებელია ამა თუ იმ სათნოების განყენებულ თვისებათა და კარგი ყოფა-ქცევის წესების წარმოდგენა, მაგრამ რა მნიშვნელობა ექნებათ მათ, (თუ) ცხოვრებაში მათი მოხმარებ-გამოყენების შემთხვევა არ იქნება? ხასიათი ვითარდება თან-და-თანობით, ნელა-ნელა და ნორჩი, მოუმწიფებელი გონებისთვის ძნელია განყენებულ ცნების ანუ სახეთა ცოცხლად წარმოდგენა. მართალია მასწავლებელს შეუძლიან ხანდისხან ამნაირად ახალგაზრდის გახალისება და მასში ცხოველი გრძნობის გაღვიძება, მაგრამ ეს მხოლოდ შთაბეჭდილება იქნება და თუ, რამდენჯერმე განმეორდა მას შეუძლიან გამოიწვიოს მხოლოდ „სენტიმენტალობა“, თუ ცხოვრება და გარემოება მზა შემთხვევას არ მისცემენ მოწაფეს საქმით თავისი თავის და წესების გამოცდისას. მარტო გონებით ანუ ოცნებით წარმოდგენილ სათნოებას არავითარი მნიშვნელობა არა აქვს, იგი ჰბადავს მხოლოდ თვით-მოტყუებას. სამართლიანად უენიშნავენ, რომ როდესაც გონება გატაცებულია ნამეტანის განყენებულის საგნებით, მაშინ ნების ენერგიაც სუსტდება ხოლმე.

ხშირ დარიგებას და დაშლას, ანუ აღკრძალვას, რა გინდ დამარწმუნებელი და მკაცრი იყენენ იგინი, ძალიან მცირე სარგებლობა მოაქვთ, რადგან ხშირი განმეორებით ჰკარგავენ თავიანთ ძალ-ღონეს და გავლენას. მაგრამ სკოლის ცხოვრება, შეიძლება ვსთქვათ, ყოველ ნაბიჯზედ აძლევს მასწავლებელს მზა შემთხვევას, დროზედ ნათქვამი სიტყვით გააღვიძოს მოწაფეში კეთილისადმი სიყვარული და მისწრაფება და ბოროტისადმი სიმძულვარე.

განსაკუთრებულის ყურადღების ღირსია საჩუქრუი და სასჯელნი (награды и наказания). ჩვენ ვხედავთ ცხოვრებაში, რომ კაცთა შორის ასპარეზზედ, ყოველგვარი მოქმედება

უმბრძოლველად ვერ ღებულობს გამარჯვებას და რამდენადაც მეტია ამა თუ იმის მაძიებელი, იმდენადვე საინჟერესო და ცხარეა თვით ბრძოლა. ყველაზე დიდს ჯილდოს ის ღებულობს, რომელიც მრავალ მოწინააღმდეგეთ ამარცხებს და ცხარე ბრძოლიდგან გამარჯვებული გამოდის. ცოტა რამ განსხვავებით ამასვე ვხედავთ სკოლაშიაც. ბრძოლა სახელისა და დიდების მოსაპოვებლად შეადგენს ყოველგვარის მოქმედების უმთავრესს ქანკას და იგივეა მეცნიერების და ხელოვნების წინ-წამწევი ძალაც. მაგრამ სკოლაში ამნაირი შეჯიბრება გამოსაყენებელი და სახეირო არ არის, რადგან მას მოსდევს არა სასურველი შედეგი, იგი აღვიძებს და ანვითარებს მოწაფეში პირადი ინტერესების დაცვას. ჩვენ ვეჩვენებთ ჩვენი საკუთარი ღირსების აწონ-დაწონვას და დაფასებას მხოლოდ იმითი, რის გაკეთებაც მხოლოდ ჩვენ შეგვიძლიან, მაგრამ ეს საშუალება შემაცდენელი და უხერხულ-გამოუსადეგარია; ღირსების ნამდვილი საზომია შინაგან კაცშია და პირველი საზომი თუ სკარბობს, შეუძლიან დაჰბადოს კაცის ცხოვრებაში და ურთიერთ დამოკიდებულობაში მიუკარებელი მიუდგომელ-მედიდური გრძობანი, შური, მტრობა, ამპარტანობა და დიდების მოყვარეობა. რასაკვირველია, ამ მიმდინარეობათა და მიმართულებათა შეთანხმება-გათანასწორება დამოკიდებულია აღმზრდელის გონიერ მოსაზრებაზე და მეცადინეობაზედ. პატარა ყმაწვილებს დიდი გაფთხილებით უნდა ეძლეოდეთ საჩუქრები და ყოველ შემთხვევაში უპირატესობა უნდა ეძლეოდეს უფრო კეთილ სინიდიერ მუყაითობას, ვინემ თვით გაკეთებულ საქმეს, რადგან თვით საქმე იმდენად არა ღირს, რამდენად საქმის კეთების თვისება. მომეტებულ სკოლურ საჩუქრების გაყოლას შეუძლიან ცუდი შედეგი იქონიოს ნორჩი ყმაწვილების განვითარებაში და შეიძლება მომავალ მათ სამოქმედო ასპარეზზედ გარდაიქცეს ცარიელ ქება-შესხმათა და საჩუქრების მიღების ვნებად. ყოველგვარ ჯილდოთა და საჩუქართა შორის ყველაზე უკე-

თესი, ყველაზე ნამდვილი და ღირსეული არის კეთილ-გონიერი მასწავლებლის-მიერ დროზედ თქმული სიტყვა მოწონებისა და ქებისა. მაგრამ ყოველგვარ მოღვაწისათვის თვით ბუნებით და არსებით ჯილდოს შეადგენს მის-მიერ გაკეთებულ საქმით გამოწვეული საკუთარი კმაყოფილების-გრძნობა, თუ მასწავლებელი შეიძლებს მოწაფეთა იმდენად განვითარებას, რომ მათ თვითონ ცხადად შეეძლოთ თავიანთი ბეჯითობის და მეცადინეობის კმაყოფილების წარმოდგენა და გათვალისწინება, მაშინ მათი წარმატების და განვითარების საქმე გადაჭრილ-გადაწყვეტილია. როდესაც მუშაკი დაინტერესებულია თავისი საქმის გაუმჯობესობაში და წარმატებაში და კეთილ სინიღისიერად აკეთებს მას და შეუძლიან თავის სინიღისის ქვეშ შეგნებულად სთქვას „კარგათაა გაკეთებული“, ეს მისთვის უდიდესი საკუთარი ჯილდოა.

რიგიანი დისციპლინა, რასაკვირველია, უსასჯელოდ ვერ დადგება, მაგრამ როგორც საჩუქრების დარიგებაში, ისე დასჯაშიაც, დიდი სიფთხილვე და გონიერება ჰმართებს მასწავლებელს. სკოლა, რომელშიაც, სასჯელი პანტასავით ხშირია და წამ-და-უწუმ ხმარებაში, უხეირო, უნიადაგო და ავადმყოფი სკოლაა. ფიზიკური ბუნების სფერა უფრო მეტად იპყრობს პატარა ყმაწვილების შეგრძნებათა და ამიტომ მათთვის ნივთიერი მხარე როგორც ერთისა, ისე მეორისა (საჩუქრის და სასჯელისა) უფრო საგრძნობელია, თუმცა რამდენადაც ასაკში შედიან, ეს მხარე ჰკარგავს თავისს მნიშვნელობას. კარგად და რიგიანად მოწყობილს სკოლაში ყველაზე უდიდეს სასჯელად უნდა ითვლებოდეს მასწავლებლის და ამხანაგების საყვედურის გამოცხადება.

გონებითს სფერაში აზრის მოძრაობა, მიმდინარეობა და განვითარება ხდება იდეათა ასოციაციის დახმარებით. აზრი იმ დრომდე იმალება ხოლმე სულში, ვიდრე მას არ შეეხება და მოძრაობაში არ მოიყვანს ამა თუ იმ მოვლენით გამოწვეული მეორე აზრი. სწორეთ ესევე ხდება ზნეობრივ შე-

გრძნობათა სფერაშია: აღზნებულ-გადვიძებული აზრი მოდის რა მოძრაობაში, ცდილობს გარეშე მოქმედობაში თავის გამოჩენას და გამოხატვას. სადაც ორი და სამი კაცი თავს აყრის ერთად, იქ მაშინათვე იწყობა მათი ურთიერთ შორის ჩაგონება და ზედგავლენა და ეს განუწყვეტლივ ხდება ხოლმე ასე. ხანდისხან ხდება, რომ კაცი თუ ხშირად ხედავს ცუდ ზნე-ჩვეულებას და გარყვნილ მოქმედებას, თვითონაც ითვისებს ამ ჩვეულებათა და ვარდება მათ გავლენის ქვეშ; სწორეთ ესევე ემორჩილება ამ ჩაგონების და მიმღებლობის შეთვისების კანონს კეთილისადმი მიდრეკილებაც და მჭიდროთაა დაკავშირებული მიმბაძველობის მიდრეკილებასთან, რომელიც ასე თუ ისე შეჭფერ-შეჭმენის თვითეულ ადამიანს. თუ კარგათ ჩავუკვირდებით ჩვენს ამ თვისებას, უეჭველად შევნიშნავთ, რომ ბევრს შემთხვევაში იგი მოქმედობს ავტომატიურის იძულებით, პირველად ნების დაუკითხველადაც კი. ჩვენ ამ მნიშვნელობით შეგვიძლიან მიმბაძველობა ჩავთვალოთ კაცობრიობის დაწესებულებათა და ზნე-ჩვეულებათა სულის ჩამდგმელად და წყაროდ და ამიტომ, როგორც გონებრივ, ისე ზნეობრივ გრძნობათა და შეხედულობათა სფერაში ძნელია გონივრული მოსაზრებით და ნების ზედ-მოქმედებით იმის გასწორება, რაც მიმზიდველობისაგანაა აღძრული და განმტკიცებული.

უეჭველია არსებობს რაღაც შინაგანი ფარული ძალა, რომელიც მოღვაწე კაცის ხილვის დროს იწვევს მაყურებლის სულში თანაგრძნობის მოძრაობას და იმონებს ოცნებას. ეს თვისება უნდა ჰქონდეს აღმზრდელს სახეში მოწაფეებთან თავის დამოკიდებულობის მართვა-განწყობაში. ცხოველი სიტყვა მასწავლებლის, ცხოველი მაგალითი მისი შეადგენენ უმთავრეს საშუალებას, რომლითაც მოქმედობს იგი მოსწავლეებზედ, აღძრავს რა მათ სამოქმედო ძალას, ზრდის რა მათს ნებას კეთილ-გაზრახვით და ზნე-ჩვეულებით, ამყარებს და ამტკიცებს მათს გონებაში ცხოველ იდეებს და შეხედუ-

ლობათ. მძლავრი და მტკიცე ხასიათის თვისება მდგომარეობს სხვათა დამორჩილების და მათზე ზედ გავლენის ნიჭში, ე. ი. ჩაგონების, თანაგრძნობის და მიმბაძველობის გაღვიძების და გაცხოველების ნიჭში და უნარში. ამ ნაირად პირველი მოვალეობა მასწავლებლისა იმაშია, რომ გაფაციცებით თვალყური ადევნოს თავის თავს, რადგან მთელ მის მოქმედებას მოწაფეებთან დამოკიდებულობაში აქვს მის ავტორიტეტულ მდგომარეობაში დიდი ძალა და მნიშვნელობა. ამასთანავე არ უნდა დავივიწყოთ ისიც, რომ ყოველი კაცი საქმის კეთების დროს იმაზედაც ფიქრობს, თუ როგორ უყურებენ მას, ან რას გამოეღიან მისგან. ძალიან სასარგებლო და სახეიროა იმის შეგნება-წარმოდგენა, რომ მისგან გამოეღიან მხოლოდ კეთილს და არა ბოროტს. მოწაფეს დუ ჩვეულებრივ ერთსა და იმავეს გამუდმებით ჩასჩიჩინებენ, რომ იგი უხეირო და ზარმაცია, ისიც ითვისებს ამ აზრსა და ნამდვილად გამოუყენებელი და უსარგებლო დგება.

აღმზრდელი იმდენათვე უნდა იყოს მოწაფეზედ დაიმედებული და ენდობოდეს მას, რამდენადაც ეს უკანასკნელი დაიმედებული იძნება იმაზე, რომ აღმზრდელს უყვარს იგი და ენდობა მას. პირ-იქით, უნდობლობას, იჭვნეულობას, შიშს, დარიგებას, აღკრძალვას და სხვა ამგვარ საშუალებათა შეუძლიანთ სრულიად გარყვან და გააფუჭონ მოწაფე და შეასუსტ-შეამცირონ მისი შემოქმედებითი ძალ-ღონე და ენერჯია.

როდესაც ჩაგონებაზედ ვლაპარაკობთ, არ შეგვიძლიან არ მოვიხსენიოთ ისიც, თუ რა ძრიელი ჩამაგონებელი საშუალებაა, განსაკუთრებით ჩვენს დროში, ლიტერატურა, როგორც მწიგნობრული, ისე გაზეთური. დღეს ყველას ხასიათი ვითარდება და მტკიცდება წიგნების კითხვის ზე-გავლენით. წიგნებიდგან ამოდებული და შეთვისებული იდეები და შეხედულობა-წარმოდგენანი იპყრობენ ოცნებას და შემდეგ ნელ-ნელა მოქმედობენ მის ნერვულ ორგანიზაციაზედ.

აი რატომ აღმზრდელმა უყურადღებოდ არ უნდა დასტოვოს იმ წიგნების შინაარსი, მიმართულება და ხასიათი, რომლების კითხვასაც მისდევს მოსწავლე ახალგაზღობა.

აღ. ტატუნაშვილი.

რა არის კარგი ვაკუეთილი?

ამ სათაურით რუსულს ენაზედ არსებობს ერთი წიგნი, თხზულება ნ. ბობროვნიკოვისა, რომელიც შეიცავს ბევრს საგულისხმო აზრებს და ამიტომ მოგვეყავს იქიდან ზოგიერთი მათგანი.

უწინდელს დროში, — აზრობს ბობროვნიკოვი, — ბევრმა სახელითაც არ იცოდა რა არის პედაგოგიკა, მაგრამ მაინც ბევრი გამოჩენილი მასწავლებელი და აღმზრდელი მოიპოვებოდა მაშინაო. ადვილი ასახსნელია ესაო. სწავლის გადაცემა ანუ სწავლება არის ხელოვნება და, როგორც სხვა ყოველგვარი ხელოვნება, იგიც თავისებურს ნიქს თხოულობსო. აი ამ საგანგებო ნიქის მადლიერი უნდა იყოს კაცობრიობა, რომ უპედაგოგიკოდაც, არა იშვიათად იბადებოდა ბევრი შესანიშნავი მასწავლებელი და აღმზრდელიო. რა ნიქებია ეს საგანგებო ნიქი?

სამასწავლებლო ნიქი შესდგება ორი ელემენტისაგან: ერთია — გულ-კეთილობა და მეორე — მტკიცე, ნათელი ჭკვაგონება და ცხადი წარმოდგენა და შეგნება იმ სასწავლო საგნებისა, რომლებსაც ასწავლიო. გულ-კეთილობა ბევრს რაშიმე გაუწევს მასწავლებელს პედაგოგიკის მაგიერობას, რადგანაც მისის წყალობით მასწავლებელი ადვილად უახლოვდება მოსწავლეებს, ცდილობს მათის მძიმე ტვირთის შემსუბუქებას, სწავლების ამა თუ იმ საშუალების გაადვილებით, ხოლო მეორე — იცავს მას აბლა-უბლა სწავლებისაგან,

რომელიც ხშირად ხდება უმათერეს მიზეზად სწავლების დაქვეითებისა. თუ მასწავლებელი მოკლებული არ არის ამ ორს თვისებას, იგი უბედაგოგიკოდაც ადვილად შესძლებს კარგს მასწავლებლობას, კარგის გაკვეთილების ძლევასო.

დღევანდელი მასწავლებელი დატვირთულია მრავალ-რიცხვოვანის კლასით, აუარებელის გაკვეთილებით, ხშირად ორსა და სამს. სასწავლებელში, ასე რომ მასწავლებელმა ბევრჯელ სახელ-გვარიც არ იცის თვისის მოსწავლეებისა და ამა რა გვარი გულითადი დამოკიდებულება შეიძლება მასწავლებელსა და მოსწავლეს შორის ასეთს ყოფაში?!

ასე და ამ გვარად, რასაც უწინდელი მასწავლებლები მხალწევდნენ პირადულის შეგულონებით და ბუნებითის შემოქმედებით, მისივე გაკეთება ჩვენს მრავალფეროვანსა და გართულებულს დროში ყოვლად შეუძლებელია გაკეთდეს სამეცნიერო პედაგოგიკის გარეთ...

სწავლება და აღზრდა ორი განუყოფელი საგანია. ყოველი მასწავლებელი იმავ დროს აღმზრდელიც არის, ყოველი გაკვეთილი ასეთის მასწავლებლისა იმავ დროს სააღმზრდელო მიზნებსაც ემსახურება. ბუნებით ანუ მოწოდებით მასწავლებელი ყოველს ამას მიაღწევენ ბუნებითის ნიქით და შემოქმედობით, ჩვეულებრივ მასწავლებელთათვის კი საჭიროა ანალიზი, საჭიროა ცხადი წარმოდგენა იმისა—რის გაკეთება, რის სწავლება და აღზრდა მინდა.

აღზრდა ნიშნავს—შექმნა სულიერ და ფიზიკურ მიხვევათა, გახსნა და განვითარება ადამიანის ამა თუ იმ ნიქთა. ჩვეულებრივს, ყოველ-დღიურს ცხოვრებაში კარგად აღზრდილად იმას ეძახიან, რომელიც ერთხელ და სამუდამოთ მიჩვეულია ასე თუ ისე თავის ჭერას, დაკვრას, მოკითხვას, ადგომ-დაჯდომას, ჩაცმას, დახურვას და სხვა. ეს არის ეგრედწოდებული გარეგანი აღზრდა. ზოგიერთს ქვეყნებში, მაგალითად, იაპონიაში, ეს გარეგანი აღზრდა შეადგენს ცალკე სასწავლო საგანს, მისთვის იქ შედგენილია საგანგებო, სა-

კმაოდ რთული პროგრამა და აი ამით აიხსნება ის განსაცვიფრებელი მოვლენა მოგზაურებისათვის, რომ მთელს იაპონიაში, მის ყოველ კუთხეში თქვენ ნახავთ ერთსა და იმავე ზნესა და ჩვეულებას, რომელიც ჰქმნის გარეგან ერთობას ადამიანებისას, ერისას. თქმა არ უნდა, რომ სამშობლოში აღზრდილი იაპონელი თითოთ საჩვენებელი გახდებოდა ჩვენს სოფელში.

რადგანაც სკოლებში თავს იყრიან მოსწავლენი საზოგადოების ყოველი წრიდამ და წოდებიდამ, ამიტომ ეს გარეგანი აღზრდა ჩვენში მხოლოდ უმთავრესით განისაზღვრება, რა გაკვეთილიც უნდა იყოს, მასწავლებელი ყოველთვის მოსთხოვს მოსწავლეს ზოგიერთის გარეგანის წესების შესრულებას, რომ, მაგილითად, მოსწავლენი მოდიოდნენ სკოლაში პირდაპანილები, დავარცხნილები, ქამრით შემოსილები, სუფთად ჩაცმულები და სხვა. მალეც მიაღწევს ხოლმე ყველაფერს ამას სულ ცოტაოდნად მტკიცე ხასიათის მასწავლებელი!..

სულ სხვაა—შექმნა გონებითისა და გულის მისწრაფება-ჩვეულებათა; იგი გაცილებით უფრო ძნელი, რთული საგანია და ამიტომ უფრო მეტს დროსაც და შრომა-უნარსაც თხოულობს თვის მიზნამდის მისაღწეველად.

მოგეხსენებათ რა საგანიც არის გიმნასტიკა. გარეგნობით იგი სავსებით მატერიალური სასწავლო საგანია, გაკვეთილები მისი მხოლოდ სხეულის სხვა-და-სხვა მოძრაობისაგან შესდგება. მაგრამ, ექვს გარეშეა, რომ თვით ეს საგანიც ისე შეიძლება მოვაწყოთ, რომ მასაც დიდი აღმზრდელობითი გავლენა ჰქონდეს მოსწავლეებზე, რადგანაც, როცა მოსწავლენი ასრულებენ გიმნასტიკის რომელიმე სავარჯიშოს, ამით ისინი იმავე დროს სწავლობენ და ეჩვევიან უწყებულს წეს-რიგს, ძალისხმევას, სიძნელეთა დაძლევას, გამბედაობას, სიმამაცეს და სხვა. აი რატომ არის, რომ წესიერებას მოკლებული გიმნას-

ტიკის გაკვეთილი გაცილებით უფრო მავნებელია, ვიდრე სასარგებლო...

მოკვრათ მოკლეთ და ვსთქვათ—რა არის კარგი გაკვეთილი?

1) კარგი გაკვეთილი იგია, რომლის საგანს შეადგენს ერთი ცნება, წარმოადგენს ერთს დასრულებულს მსჯელობას. გაკვეთილის ეს პირობა იმდენად უფრო დიდ-მნიშვნელოვანია სწავლებაში, რამდენადაც პატარები არიან მოსწავლენი. ეს გარემოება კარგათა აქვსთ შემეცნებული ამერიკელებს და ამიტომ არის, რომ იქ, ხშირად, ხანგრძლივობა გაკვეთილისა იცვლება სასწავლო საგანთან ერთად, მაგ., იმ დროს, როცა ზეპირ ანგარიშისთვის დანიშნულია მხოლოდ 15 წამი, მართლწერაზე 30 წამია დანიშნული და ასე სხვა საგნებზედაც, იმის მიხედვით, თუ რომელი საგნის ანუ მისი რომელიმე მხარის სწავლება უფრო მეტს დროს მოითხოვს. ამიტომ, როგორც გამოცდილი და ხელ-მარჯვე ვაჭარი, რომელიც ერთის დაყრით, სწორედ იმდენს გირვანქა ბრინჯსა ჰყრის სასწორზედ, რამდენსაც მუშტარი თხოულობს, სწორედ ასევე, კარგი და მარჯვე მასწავლებელი იგია, რომელიც ზედმიზევწნით შეუფარდებს გაკვეთილის საგანს გაკვეთილის ხანგრძლივობას, ე. ი., რომ მის საფუძვლიან შეთვისებას არც დააკლდეს დრო და არც მეტი მოუვიდეს დადებული დრო. ეს არის დაფასება გაკვეთილის საგნის რაოდენობითის მხარისა.

2) გაკვეთილის საგნის რაოდენობითის მხარის სავსებით დასაფასებლად კი უპირველეს ყოვლისა საჭიროა ნათლად წარმოდგენა გაკვეთილის საგნისა, მისი სრული სიგრძე-სიგანე და სიადვილე-სიძნელე მოსწავლეთათვის. ეს კი მაშინ შეიძლება, როცა მასწავლებელს წინათვე სავსებით აქვს გაკვეთილის საგანი შემუშავებული, გაწყობილი. ამას ჰქვია გეგმა გაკვეთილისა. უკანასკნელი იმდენად მარტივი უნდა იყოს, რომ მიზღვი მისი ასეთი თუ ისეთი დაწყობილობისა ადვილ-

გასაგები იყოს თვით მოსწავლეთათვისაც. ამიტომ კარგად იქცევიან ის მასწავლებლები, რომლებიც წინათვე მოკლეთ აცნობებენ ხოლმე მოსწავლეთ, თუ რის ახსნას და შესწავლას უპირებს მათ მასწავლებელი, მაგ., ასე: „ჯერ გაგაცნობთ, როგორ უნდა მარდათ გაამრავლოთ ზეპირად ორ-ნიშნიანი რიცხვი, და შემდეგ გაჩვენებთ ამისავე შესრულებას წერით დათაზედ თუ ქალაღზედ“. ასე წინასწარ გაფრთხილება მოსწავლეთა იმიტომ არის საჭირო, რომ მოსწავლეებს ხშირად სრულიად არ ესმისთ, რისთვის და ვისთვის ლაპარაკობს და ასე მრავლად და ხანგრძლივად მსჯელობს მასწავლებელიო. ხოლო, რომ მასწავლებელს შეეძლოს ასე მოკლეთ უთხრას მოსწავლეებს გაკვეთილის რიგი, აუცილებლად საჭიროა კარგად მოფიქრებული და დალაგებული გეგმა გაკვეთილის საგნისა.

3) კარგი გაკვეთილი იგია, რომელსაც არა მარტო გადასცემს მასწავლებელი მოსწავლეთ, არამედ კარგად საფუძვლიანადაც გააგებინებს და შეასწავლის მათ. ისე არაფერია მოსწავლეთათვის ცუდი, ისე არაფერი აუბედურებს მათ მომავალში, როგორც ის გაკვეთილი, რომელიც მხოლოდ იმაში მდგომარეობს, რომ მასწავლებელი მარტოოდენ ისმუნს და გადასცემს გაკვეთილს, თუნდაც რომ თანაც აუხსნიდეს გაკვეთილს. ვიმეორებთ, კარგი გაკვეთილი იგია, როცა მასწავლებელი ყოველს ახალს გაკვეთილს უთუოდ სავსებით შეაგნებინებს და შეასწავლის მოსწავლეებს კლასშივე.

4) კარგი გაკვეთილი იგია, რომელიც სამუდამოთ ჩაებეჭდება მოსწავლეს, ვახდება მისი ხსოვნისა და გულის სრულ საკუთრებად. ეს კი მაშინ შეიძლება მოხდეს, როცა ამის ზემოთ მოხსენებულ გაკვეთილს საფუძვლიან შესწავლასთან ერთად ახალს გაკვეთილს შეძლებისა კვილად დაუკავშირებთ უკვე შესწავლილს, როცა ახალის გაკვეთილის გამო, ყველა საჭირო ადგილას, მასწავლებელი გაახსენებს მოსწავ-

ლებს უკვე განვილილ გაკვეთილებს და იქ შეძენილს ცოდნას. და

5. კარგი გაკვეთილი იგია, რომელიც საგნის შესწავლასთან ერთად, თვით-მოქმედებითს ფიქრსა, მსჯელობასა და მუშაობასაც ასწავლის, რადგანაც, მოკლეთ რომ ვსთქვათ, მთელი სწავლა-განათლების დანიშნულება უმთავრესად იმაშია, რომ, დასასრულ, მოსწავლე საზოგადოების თვით-მოქმედ წევრად გამოხარდოს. ეს კი მხოლოდ მაშინ შეიძლება, როცა გაკვეთილის გეგმაში შესულია თვით-მოქმედებითი, მასწავლებლისაგან დამოუკიდებელად და შეუწყვენელად, რომელიმე სამუშაოს შესრულება. თქვენ, მაგ., გსურთ აუხსნათ და შეასწავლოთ მოსწავლეებს, თუ როგორ გავარჩიოთ ზედ-შესრული სახელები სიტყვის დანარჩენი ნაწილებისაგან. როცა გაათავებთ ამის ახსნას, თქვენ შეგიძლიანთ დაავალოთ მოსწავლეებს გამოწერონ რომელიმე უკვე წაკითხული სტატიიდან ყველა ზედ-შესრული სახელები, ერთის რომელიმე სახით თუ ფორმით, ერთად განმარტებითი არსებობის სახელთან.

სილაქები და ჯოხები სასწავლებელში.

ისე არაფერი ამცირებს სასწავლებელს და მასწავლებელს, როგორც სილაქებისა და ჯოხის ხმარება იქ, სადაც მხოლოდ ყურადღებით სავსე მეცადინეობას და სწავლას უნდა ჰქონდეს ადგილი. სამწუხაროდ, ხმა დადის ჩვენს საზოგადოებაში, რომ ზოგიერთი ჩვენი მასწავლებლები, თვით ჩვენს გაბრწყინვებულს ტფილისშიაც კი, არა იშვიათად ხმარობენ სილაქებს და ჯოხს შეგირდების ამა თუ იმ ბავშვური სიცელქის ასალაგმავად. ჯერ კიდევ ამ სამასი წლის წინათ სთქვა დიდებულიმა კომენსკიმ (დ. 1592 წ.), რომ წკებლა და ჯოხი, რისხვა და ბორგვა, სიძულვილი და ბოროტება, ყვირილი და ქადილი, ეს იარაღნი მონობისა, სრულიად არ შეჰფერის ადამიანთა

კეთილშობილებას, — და ამიტომ არც ადგილი უნდა ჰქონდესთ მათ სასწავლებლებში, ჩვენ ისინი სავსებით უნდა გამოვდევნოთ უკანასკნელებიდან, როგორც უვარგისნი მონობისათვისაც კიო... ჩვენ რაღა დაგვემართა, რომ მეოცე საუკუნის რიჟრაჟზედაც ვერ შეგვიგნია ესენი... სილაქისა და ჯოხის მაგიერ სასწავლებლებში უნდა მეფობდეს მხოლოდ სიყვარული და თანაგრძნობა ბავშვთადმი, ნაზი ქცევა და ძლიერი სიტყვა-დარიგება, საკუთარი მაგალითი მაღალ ზნისობისა, სიმართლისა, შრომისა და სწავლა-სიბრძნის შეძენისა.

გვერწმუნეთ, მასწავლებლებო, რომ ჯოხი და სილაქი თვით თქვენი საკუთარი ღირსების დამამცირებელი საშუალებაა, თქვენი საკუთარი სისუსტის და უღონობის, პედაგოგის უუნარობის მაჩვენებელი. ერიდენით მას, როგორც ცეცხლს თივაში, თუ გინდათ, რომ თავისუფალი მოქალაქენი აღუზარდოთ მამულსა და არა ყურ-მოჭრილი მონები და უენო არსებანი... დრო მონობისა, ღვთით, დიდი ხანია ჩაჰბარდა ისტორიას, დროა მასვე გავატანოთ მსგავსივე იარაღი მორჩილება-წესიერებისა...

მეურნეობა-მრეწველობა.



წერილი სოფლელ მუშას.

ჩემო ერთგულო შეზობელო ბეჟან!

როგორც სჩანს შენგან მინაღები წერილებიდგან, შენ გაკვირვებს ის გარემოება, რომ ბაბუა შენი, კელენჯუხი, შენს მეთედესაც არ აკეთებდა, მაგრამ ოჯახი კი მაინც მსუყე ჰქონდა ყველაფრით; ხოლო შენ კი, თუმცა დღე და ღამ ოფელში იწურები, ვალისა და ვახშის მეტი არა გაგაჩნია-რა! დიახ, ეს მართლა ასეა და ასეც იქნება იმ დრომდის, სანამ შენ კელენჯუხის დროს ყოფილ ცხოვრების მოთხოვნილებას არ გაითვალისწინებ, მაშინდელი გაურჯელობის მიზეზს არ გაიცნობ; მაშინდელ ცხოვრების მოთხოვნილებას დღევანდელ მოთხოვნილებას არ შეუდარებ და სანამ შენს მაშინდელ შრომა-მუშაობას და შეხედულობას სულ ერთიანათ არ გამოსცვლი და დღევანდელი დროის შესაფერად არ გაკდაქქები. მიტომ მეც, ვიდრე შენს კითხვებზედ პირდაპირ პასუხს მოგცემდე, ვეცდები ცოტათი მაინც გაგაცნო ის მიზეზები, რომლის გამოც იმ დროის გაურჯელი მუშა უფრო იოლად ეწეოდა ცხოვრების უღელს, ვინემ დღევანდელი გამრჯელი და დღე-ღამე-ღამე შეუსვენებელი მუშა. ეს მით უფრო საჭირო იქნება შენთვის, რომ შენი კითხვების პასუხი ამავე მიზეზებშია მიმაღული. მე ვიწყებ ამ საკანზედ შენთან ბაასს შენგანვე ნაამბობით. აი ესეც:

„ერთხელ სადამოს წავეყვი მამაჩემს, გლახუნს, სასირეზედ *); არ გასულა ათი წუთი, რომ ორმა ტყის ქათამმა ჩამოგვინავარდა და შიგ ბადეში კი გაეხვია; ჩემს სიხარულს საზღვარი არა ჰქონდა; სასირობაც ამით გათავდა. მამა-ჩემმა, გლახუნმა, ბადე ათოკა, მე ქათმებს ხელი დავავლე და გამოუდექით ორივე სახლში. როცა მამამ ჩემი აღტაცების მიზეზი გაიგო, შემომჩივლა: „ჰაი, ჰაი, შვილო, ეს რა არის!? როცა ცხონებული ბაბუა-შენი, კელენჯუხი, თავისი ძმით წავიდოდა სასირეზედ, გოდორი თან მიჰქონდათ და ერთი საათის განმავლობაში გოდორი ველური ბატებით, იხვებით, ტყის ქათმებით და ბოლოშავ-ჩიხინაკებით ამსებული მოჰქონდათ სახლშიო.“ ესენი ყველა შენგან მაქვს, ჩემო ბებენ, გაგონილი და მის სინამდვილეში არც მე შემაქვს ეჭვი. ამ შენგან ნაამბობს მე შემიძლია დავსძინო მხოლოდ შემდეგი: ეს ის დრო იყო, როცა ახლო-მახლო ‘ტყიანი მთა-ველი სავსე იყო შველ-ირმებით, კურდღლებით და გარეული ღორებით. აქედგან შენც კი მიხვდები, თუ როგორ მუქთად აძლევდა ბუნება მაშინდელს მუშას გარეულ ფრინველებს და ნადირებს, ეხლანდელი შინაური ფრინველების და ცხოველების მაგივრად! ამნაირად, ბუნებისგან საზრდოს მხრით უზრუნველ-ყოფილ მაშინდელ მუშის წლიურ შრომას შეადგენდა მხოლოდ ერთად-ერთი ქცევა **) საყანის დამუშავება (დათესვა). შენ, ვიცი, საექვოთ მიიჩნევ ასე ცოტა სათესით ოჯახის დაკმაყოფილებას, მაგრამ ამასთან ნურც ის დაგავიწყდება, რომ მაშინდელი ბუნება მოსავალის მხრითაც უხვად აჯილ-

*) მთაში ან ვაკეში გაუელავდნენ (გამტაკაფავდნენ) ტყეს, რამელსაც სიგანე ორ საუენამდის ჰქონდა. ერთ გამორჩეულ ადგილას, ხესა და ხეს შუა, გაუკიდებდნენ სასირეზედს, რამელსაც სიგანე გამტაკაუელი ადგილის ოდენა ჰქონდა და სიმაღლე (სიგრძე) კი ექვს საუენამდის. აი, ამას ეძახდნენ სასირეს (ე. ი. საფრინველს).

**) ქცევას აქვს 900 ოთხ-კუთხი საყენი.

დოვებდა მუშას. იმ დროინდელი ნოყიერი ერთი ქცევა სა-
თესი ოთხმოც ფუთზედ მეტს ნაყოფს იძლეოდა ხოლმე და
ამაზედ მეტი აღარც მაშინდელს ოჯახს სჭირდებოდა სარჩოდ.
აბა, სხვა რა საზრუნავი უნდა ჰქონოდა მას მაშინ? ფეხ-
საცმელისთვის და ტანისამოსისთვის ის თავს არ იწუხებდა,
რადგანაც მას ამავებს დიასახლისი უმზადებდა ოჯახშივე.
შეშის მოძებნა და მოზიდვა მას რათ დასჭირდებოდა, როცა
მისი ეზო ისეც სავსე იყო ამ უკანასკნელით! მისვლა-მოსვლა
და შორეული მტერ-მოყვარე, იმ დროს, მისთვის კიდევ
უცხო ხილი იყო და ამასთან არც სხვა-და-სხვა მოთხოვნი-
ლება აწუხებდა მას მაინც-და მაინც. ამ ნაირად, ბაბუა-შენის,
კელენჯუხის, დროს მუშის ავლა-დიდებას და მის საზრუნველ
საგანს შეადგენდა ერთად-ერთი, ჩალით ან ისლით დახურუ-
ლი, ფაცხა და ერთიც პატარა სასიმიინდე. თქმა არ უნდა,
რომ თვით მისის ოჯახი მოწყობილებაც მაშინ ასეთივე ღარი-
ბული იყო. მამა-შენის, გლახუნის, დროს ბუნებამ, ცოტა არ
იყო, ფასი დაადო თავის სიუხვეს: გარეული ფრინველების
და ცხოველებისგან სარგებლობა უხარჯოდ (თოფი და წამა-
ლი) და უტანჯველოდ აღარ მოეწყო, რის გამოც გლახუნს
დასჭირდა ცოტათი მაინც ფრინველების და ცხოველების
ზოშენება. ამ უკანასკნელთათვის საჭირო შეიქმნა თავ-თავის
შესაფერი სადგომები (სალორე, საქათვე, საბატე და სხვა...)-
საქონლის გაჩენასთან ერთად გლახუნს მოემატა ხარჯი (სა-
ხარჯავი), რამაც გამოიწვია მისგან მეტი შრომა და ტანჯვა.
ამას ზედ მოჰყვა კუთვნილებათა უფლების წამოყენება. კე-
ლენჯუხის დროს თუ მინდორ-ტყიდან სარგებლობა ყველას
დაუკითხავათ და უსასყიდლოთ შეეძლო, გლახუნს ახლა ამ-
ებისთინ დასჭირდა ქრთამის გამოღება (მებატონის მოურავ-
თან!). ამ დროს სწავლა-განათლების სურვალმაც იწყო გა-
მოღვიძება, ალაგ-ალაგ, უფრო-კი თავად-აზნაურობაში. ამან
გამოიწვია მეტი მისვლა-მოსვლა და შორეული მტერ-მოყვარის
გაჩენა, რამაც, რასაკვირველია, ერთი-ორად გაადიდა ოჯახის

სახარჯავი (გასავალი). ამ უკანასკნელს ზედ მოჰყვა, ამდენს ხანს, თითქმის საერთო კუთვნილებათა (ბუნების სიუხვენი და სხ...) კეოძ-კეოძო კუთვნილებად გარდაქმნა. აი, აქედგან იწყება ცხოვრების მოთხოვნილებების ათას ნაირად გართულება, რომლის დასაკმაყოფილებლად საჭირო შეიქმნა ფული, ფული და ფული. აი, სწორეთ, შენც ამ დროს მოსწრებიხარ მამა-შენს, გლახუნს. ბაბუა-შენი, კელენჯუხი, ბუნების სიუხვეში ასე დარწმუნებული რომ არ ყოფილიყო, თავის შვილს გლახუნს სულ სხვანაირად მოამზადებდა და მაშინ ხომ მამა-შენი, გლახუნიც, აღარ გამოვიდოდა ცხოვრების ასპარეზზედ ასე დაძაბუნებული. მაგრამ ეს ასე არ მოხდა. არც ერთმა მათგანმა, რასაკვირველია უცოდინარობის გამო, არ მიაქცია ყურადღება ბუნების სიუხვეთა ცვალებადობას და ამიტომ, დარწმუნებულებმან არსებულ სიუხვეთა შეუმცირებლობაში და მაშინდელ მოთხოვნილებათა შეუცვლელობაში, შენც მოუმზადებლად და შეუიარაღებლად გაკვრიეს თავი დღევანდელი ცხოვრების მოთხოვნილებათა მძიმე უღელში. რომ სიმართლე სთქვას კაცმა, იმ დროს ბუნების სიუხვე ისე ნელ-ნელა ცოტავდებოდა და ცხოვრების მოთხოვნილებანი ისე ნელ-ნელა რთულდებოდა, რომ ამავების შემჩნევა გლახუნისთანა და კელენჯურისთანა უცოდინარი კაცებისგან, მართლა, გასაჭირი იყო. შენ კი, ჩემო ბებენ, სულ სხვა დრო მოგესწრო.

მას აქეთ, რაც შენ გამოსულხარ ცხოვრებაში, ქვეყანა სულ ერთიანათ გადატრიალდა. ბუნების ის სიმდიდრე-სიუხვენი, რომლისგანაც მაშინდელი უცოდინარი სოფლელი მუშა ასე ადვილათ სარგებლობდა, სულ ერთიანად გაჰქრნენ, ხოლო ცხოვრების მოთხოვნილებანი კი ერთი ათასად გართულდნენ. და მაშ, რაღა გასაკვირია, რომ შენ შენი ძველებური დღე-მუდმივი მუშაობით ვერ გაუსწორდე დღევანდელი ცხოვრების მოთხოვნილებას?! აქ განსაცდელში მარტო შენ კი არა ხარ ჩავარდნილი, შენთან ერთად, დღეს, შენი

მეუღლეც დიდს გაჭირვებაშია. ირინეს ბებიას, ძილხანს, და დედას, დიღვარდისას, არც ერთი დღეევანდელი ოჯახის მოთხოვნილებანი არ აწუხებდათ. ერთადერთ საზრუნავ და სამუშაო იარაღს იმათთვის შეადგენდნენ: ჩერია, დგიმ-სავარცხალი და წინდის ჩხირები, რომლის შემწეობითაც ისინი ამზადებდნენ თავიანთი მამაკაცებისთვის ტანისამოსს. ეს იყო და ეს. ეხლა? ეხლა კი ამავების კეთება ხელს როდი მისცემს ირინეს. მისი საზრუნავი საგანი დღეს სულ სხვაა. ეხლა, რომ ირინემ ჩერიას დაუწყოს პინტილი *) და ან დგიმ-სავარცხალს მიუჯღიეს, ოჯახი სულ დაელუბვის. დღეს ის ალიონზედ უკვე ამდგარია და ხელ-პირ დასუფთავებული ძროხას სწველის. არ გაუთავებია ჯერ ეს საქმე, რომ მას წიწილების ბზიაქი და ქათმების კარკალი შემოესმება; რასაკვირველია, ამათ დაპურება ეჭირვება. ირინე გარბის კუთხეში, იქიდგან ჩხო ანუ სიმინდის ღერლილი მოაქვს და აძლევს წიწილებს; ახლა მიუბრუნდება ქათმებს, მაგრამ დახე, ამ დროს, ბატების ქრიალიც შემოესმება და ინდაურების ქუკ-ქუკი. ირინე გარბის, ინდაურებს და ბატებს უშვებს და ქათმებთან ერთად იმათაც აპურებს. ქათმების და ბატ-ინდაურების დაპურების შემდეგ, ირინე სწრაფათვე გარბის სალორისაკენ, ღორებს კარს უღებს და იმათაც აძლევს საქმელს. ახლა ძროხებს და ხარებს უნდა გამოშვება და საბალახოზედ შეპირება. ირინე ამასაც სწრაფათ ასრულებს, მაგრამ ამ დროს ირინეს აგონდება, რომ მას ბავშვები სკოლაში ჰყავს გასამგზავრებელი და, რასაკვირველია, მათთვის საუზმე უნდა მომზადდეს. საქონლის საბალახოზედ შეპირების შემდეგ, ირინე მოეშურება სახლში და თან გზა-გზა ფიჩხა-ფუჩხას აგროვებს (სახმელებლად); ირინე შემორბის სახლში და ცეცხლს ანთებს; მაგრამ, სანამ ბავშვებს ყვერბში კვერს ჩაუგდებდეს, სახლის ჩამოხვეტა არის

*) სოფელში პინტილს ეძახიან ჩერაიის დაბრუნებას, დატრიალებას; სტვის დროს.

საჭირო. ცეცხლის დანთების და სახლის ჩამოწმენდის შემდეგ ირინე დოქიო წყალზედ გარბის და შემდეგ ამისა კი მისდგება, ხელ-დასუფთავებული, კვერის ჩაგდებას. ამ უკანასკნელი საქმის შემდეგ, ირინე გარბის სასტუმრო სახლში და თავის „კოლას“ და „სონიკას“ აღვიძებს: „აღეკით, ჩემო გვრიტებო, დროა სკოლაში წასვლისაო“. ბავშვები დგებიან. ირინე ახლა სამზად სახლში გარბის: მას საქმლის მომზადება დაავიწყდა. ირინე დერგს (რომელშიაც ყველს ინახვენ) მივარდება, მაგრამ დახე უბედურებას, დერგში ყველის ერთი ნაჭრის მეტი აღარ დახვდება და ეგ ხომ ბეჟანისთვის დასჭარდება ყანაში გასაგზავნათ. ირინე აქედგან ახლა სწრაფად სხვენზედ შერბის, საბუღრიდგან ორი კვერცხი მოაქვს და შესაწვავათ ღაღარში ჰფლავს; სანამღის კვერცხი შეიწოდეს და კვერიც გამოცხვებოდეს, ირინეს, კვერცხისთვის მარილი მოაქვს, ჰყრის ფილში და დაჩქარებით ჰნაყავს. ამის შემდეგ ირინე ბავშვებს ხელ-პირს დააბანინებს, დაასაუზმებს და ამნაირად გაამგზავრებს სკოლაში. აი, ყველა ის აუცილებელი საქმეები, რომელნიც ირინემ უნდა მოათავოს, თითქმის დილის შვიდ საათამღისი აქედგან კი აღვილი წარმოსადგენია, ჩემო ბეჟან, თუ რამოდენა აუარებელი საქმის გაკეთება მოელის ირინეს დღის განმავლობაში. ამ ნაირად, ჩვენ ვხედავთ, რომ ირინე, იმდენს საქმეს, რამდენსაც ძილხანი (მისი ბებია) აკეთებდა თორმეტი საათის განმავლობაში, მარტო ერთს საათში აკეთებს, მაგრამ ოჯახის მოთხოვნილებას მაინც ვერ ასდის!...

— რა არის ამის მიზეზიო? — იკითხავ შენ. მიზეზი, რასაკვირველია, ეხლანდელი ცხოვრების მოთხოვნილების გათულებათა და კიდევ ის, რომ რაც აქამომდე მუქთად იშოვებოდა, დღეს იმას ყველაფერს ფასი დაედო. ამ უკანასკნელის დასამტკიცებლად საკმაოა მოვიგონოთ, თუ რა შეადგენდა იმ დროს კელენჯუხის ოჯახს, რა შეადგენდა გლახუნის

ოჯახს და რა შეადგენს დღეს შენს ოჯახს და მის მოწყობილობას.

ბაბუა-შენის, კელენჯუხის, ოჯახურ ქონებას აი რა შეადგენდა მაშინ:

- 1) ერთი, მიწით შეღესილი, ფაცხა.
- 2) ერთი პატარა სასიმიინდე, ან და ბელელი (ხულა).
- 3) ცული, წალდი და დანა.
- 4) თოხი და ერთი ც ფოცხი.
- 5) კეცი, გობი, საცერი; ხის კოვზი, ქოთანნი.
- 6) რამდენიმე ჭურჭ და დოქი.
- 7) ხის ჯორკო და სამ-ფეხა სკამები.
- 8) უბრალო ძელის სუფრა და რამდენიმე ხის ჯამი.
- 9) თანაქის სასანთლე და თანაქისვე კრუჟკა.
- 10) სახლში დგიმ-სავარცხალი, რომელზედაც დიასახლისი ტანისამოსს ამზადებდა ოჯახისთვის.

ამაების გაკეთება კელენჯუხს (გარდა ორიოდე იარაღისა და ჭურჭლისა) თვითონვე შეეძლო და მასთან მასალაც (ხეტყე) მუქთად ეშოვებოდა. აი, ესენი შეადგენდნენ კელენჯუხის ქონებას და იმ დროინდელი ოჯახის მოწყობილებას.

მამა-შენის, გლახუნისთვის, ეს ქონება ცოტა შეიქმნა და ამიტომ მან კიდევ შემდეგი შეიძინა:

- 11) ერთი ფიცრული სახლი; 12) საღორე; 13) ბელელი;
- 14) დაიწყო ღორების და ძროხების მოშენება; 15) საგარეო ტანთ-საცმელის და გარეგანის (სახელმწიფო და სხვა) ხარჯის ფულად შოვნა.

სახლისთვის მასალა გლახუნსაც მუქთად ეშოვებოდა თითქმის. შენ კი, ჩემო ბეჟან, გლახუნის დანატოვმა ოჯახმა სრულებით ვერ დაგაკმაყოფილა და ამიტომ საჭირო შეიქმნა შენთვის, როგორც ხედავ, მიგემატებია მამისგან დანატოვ ქონებისთვის კიდევ შემდეგი:

- 1) ოთხ-თვალისანი ოდა; 2) მეორე სასიმიინდე; 3) სამარნე სახლი; 4) ძროხები და უღლად ხარები; 5) ცხენი თავისი

უნაგირით; 6) კავ-გუთანი და ურემო თავისი მოწყობილებით; 7) ფრინველების და ცხოველებისთვის შესაფერი კონახები; 8) ოჯახში მოწყობილება: გასაშლელი სუფრა; 9) სამი მაგიდა და ამავებისთვის გადასაფარებლები; 10) ერთი შკაფი; 11) ტაბურეტები და სელის სკამები; 12) რამდენიმე დანა-ჩანგალი და ხელ-სახოცები; 13) ღვინისა და ჩაის ჭიქები; 14) ფინჯნები და ჩაის კოვზები; 15) საინები და ბოთლები, 16) სტუმრებისთვის ჩაი და შაქარი. ოჯახში ფულად სახარჯავი: 17) ბავშვების სკოლაში მიცემა და იმათი გამოზდა; 18) მოყვრების მილოცვა და წაბურვა და ამასთან კიდევ სხვა-და-სხვე გადასახადიც. აი, ყველა ის ზედ-მეტი ქონება და სახარჯავი (გლახუნთან შედარებით), რომელნიც ღღეს შენტვის აუცილებელ საჭიროთ გამხდარა. ახლა თუ შეუღარებ ამ შენგანვე შენაძენ (ზედმეტი ქონების ფასოვნებას (ღირებულობას), კელენჯუხის და გლახუნის დროს შენაძენ ნივთების ფასოვნებას, ცხადათ დაინახავ, თუ, ამ ცოტა ხნის განმავლობაში, რამოდენა აუარებელი სახარჯავი მოგმატებია შენ!. აი, სწორეთ ეს არის ერთი მიზეზთაგანი დღევანდელი შენი სიღარიბისა; ხოლო უმთავრესი კი შენი შრომა-მოქმედების უთავ-ბოდება, ოჯახის შემოსავალ-გასავლის უცოდინარობა და შენგან ზარალ-სარკებლასი მოქმედების გაუჩვენებლობა. დღევანდელი შოთხოვნილების რიგიანად დაკმაყოფილება თხოულობს შენგან საზოგადოთ დიდს შრომას, სარფიანი მოქმედების შერჩევას, ცოტა დროის შრომა-მოქმედებით ბევრის გაკეთებას და დაზარალებელ ჩვეულებათა ან მთლათ გადაგდებას, ან და იმათის (ჩვეულებათა) დროს შესაფერად გარდაქმნას. აი, ის საშუალებანიც, რომლების შემწეობითაც შენ შეგიძლია ღღეს ქონებრივის მხრით შეძლებული. კაცი ვახდემამ გერ, ვინემ შენს მუშაობის თადარიგს შევეხებოდე, საჭიროთ მიმჩნია მივაქციო შენი ყურადღება ისეთ რამეებს, რომლების ყოლა ან ქონვა ღღეს შენივე დამაზარალებელია, მაგრამ, სამწუხაროდ, შენ ვერც კი შეგიძინეია! მაგალითის-

თვინ. შორს არ დაგვჭირდება წასვლა: დღეს ეგ შენი ცხენიც ისეთ პირუტყვთაგანს ეკუთვნის, რომლისგანაც ოჯახმა ზარალის მეტი არა იცის-რა. რატომაო? იქნება იკითხო შენ! აი, რატომ: რა კი დღეს შენ ამ ცხენს არ ამუშავებ (მისი ყოლით არ სარგებლობ), ამიტომ მისგან არც რაიმე სარგებლობა გაქვს შენ. დღეს ცხენი შენ თავისთვანაც იშვიათად გჭირდება *), ასე რომ შენს საჭიროებაზედ ცხენის ქირავობაში, ბევრი-ბევრი ხუთ-ექვს მანეთამდის დაგეხარჯოს წელიწადში. ხოლო რაც შეეხება ცხენისთვის საჭირო წლიურს ხარჯს, ეს, რა თქმა უნდა, გაცილებით მეტი უღირს ოჯახს. ეს შენც კარგად იცი, ჩემო ბეჟან, რომ წინეთ საბალახოები ყოველგან ბლომათ იყო და ამიტომ, რასაკვირველია ცხენიც უზრუნველყოფილი იყო საკვების მხრით. დღეს კი ცხენი შენ ზამთრიან-ზაფხულიანა სახლში გიბია, რომლის რჩენას სჭირდება წლიურად (სულ 'ცოტა რომ ვსთქვათ) ორმოცდაათ ფუთამდის სიმინდი, ათას კონამდის ჩალა და სხვა კიდევ მის მოვლა-მოხედვაზედ ცდენა, რაც ფულად შეადგენს (ცდენიანა) არა ნაკლებ ორმოცდა-რვა მანეთისა. აქედგან ჩვენ ვტყობულობთ, რომ შენ ექვსი მანეთის (სახარჯავის) ადგილას ორმოცდა-რვა მანეთამდის ხარჯავ, რის გამოც შენს ოჯახს, წლიურად, ორმოც მანეთამდის წმინდა ზარალი ეძლევა!..

მითხარი ახლა, ჩემო ბეჟან, რომელი შემოსავლიდგან შეგიძლია დაჭტარო წლიურად ამოდენა ზარალი?! ეს კიდევ ცოტაა. შენ გყოლია კიდევ ოჯახში ათ სულამდის ღორი და სამ სულამდის თხა. ათ სულს ღორს, სულ ცოტა რომ ვსთქვათ, წელიწადში ორმოცდა-ათ ფუთამდის სიმინდი ხომ მაინც დასჭირდება და ამასთანავე აპრილიდგან მოკიდებული გიორგობისთვემდის მარად მოვლა-მწყემსვა, რაც ხარჯიან-

*) სხვა-და-სხვა მიზეზების გამო მატარებლით მისვლა-მო-სვლას უფრო რჩეულად.

ცდენიანა (ფულად რომ ვიანგარიშოთ) სამოცი მანეთის ღირებულობას აღებატება. ხოლო შენი ღორების ფასოვნება (ღირებულობა) კი, ერთი-მეორეზედ, ოცდა-ათ მანეთსაც არ ასცილდება. გამოდის, რომ შენს ოჯახს კიდევ ოცდა-ათ მანეთამდის ზარალი ამ ათის ღორის ყოლის გამო ედება. არც სამი თხის ყოლა მოგცემს შენ ხელს, რადგანაც დღეს შენ იმათ მოსავლელად არა გცალია და უმწყესურად კი ისინი შენს ნაკვდავ ბალჩეულობას და ნამყენებს სულ ერთიანად გაგინადგურებენ. ასე, რომ (თუ შენს შრომას რადმე აფასებ) ერთ ოც მანეთამდის ზარალს ეს სამი თხაც მისცემს შენს ოჯახს. სულ კი შენს ოჯახს აქვს ზარალი—ცხენისგან, ღორებისგან და თხებისგან, წელიწადში, ოთხმოცდა-ათ (90) მანეთამდის!.. დღეს, შენ თუ გინდა, რომ ზემოხსენებული საყოლებისგან ზარალი არ მოგეცეს, ამ ნაირად უნდა მოიქცე: ცხენი იმდენი უნდა ამუშავო, რომ ამ მუშაობით შემონატანმა ფულებმა ცხენისთვის საჭირო ზარჯიც დაჰფაროს და შენი შრომაც დააჯილდოვოს. ღორებისა და თხებისგან თუ ზარალი არ გინდა ნახო, ისინი ათამდის კი არა, ას-ორასამდის, მაინც უნდა გყავდეს და მაშინ იმათთვის მწყემსიც რომ დაიქირავო, ზარალში მაინც არ იქნები; ხოლო, წინააღმდეგ შემთხვევაში კი, სჯობს ისინი სულაც არ გყავდეს.

ახლა დავიმახსოვროთ ყველა ზემოხსენებული და რა კი ზარალზედ მიდგა საქმე, ცოტა ისეთ ჩვეულებებსაც შევეხოთ, რომელნიც პირდაპირ შენისთანა კაცის ამოგდებელია. ერთ ასეთ ჩვეულებათაგანს წარმოადგენს დღეს თქვენშივე არსებული ჩვეულებრივი ტირილი. რადგანაც ამ წერილში მე არც დრო და არც ადგილი მაძლევს ნებას შევეხო ყველა იმ ჩვეულებებს, რომელნიც ქონებრივის მხრით, თქვენი გამათახსირებელია, ამიტომ მე მხოლოდ ამ ერთ ჩვეულებას ვიღებ მაგალითისთვის. ხსენებული ტირილის დანიშნულებას და მის დღევანდელ გადაგვარებას მე აქ ვრცლად არ შევეხები, რადგანაც ამის შესახებ (ორი წლის წინეთ) ჩემი აზრი

უკვე გამოვსთქვი (იხ. ცნ. ფურცელი 1899 წლის №№: 872, 873, და 874 ამ სათაურით: „აბურგენი ტირილი გურამეგრელიაში“). ამ ჩვეულების შესახებ, აი რას ვკითხულობ შენგანვე მონაწერ წერილში:

„მამა ჩემის, გლახუნის, ტირილზედ, შინაურს ხარჯს გარდა, ორას მანეთამდის ვალი დამედვა და ამან უფრო დამაკოდინაო“ *). დიახ, მართლაც, რომ დიდი ვალია ეს შენთვინ; მაგრამ აქ უბედურება ის არის, რომ მაშინ თუ მამის ტირილზედ ორას მანეთამდის ვალი დაგედო, დღეს კი ღმერთმან გიხსნას ასეთი მწუხარებისაგან, თორემ ოთხასი მანეთიც ვერას გიშველის... რატომო, იკითხავ შენ. აი რატომ: ბაბუა შენის, კელენჯუხის, დროს ტირილი შესაწიერთ იცოდნენ ხოლმე და ამასთანავე მაშინ ტირილში შორეულ მოყვარეს იშვიათად შეხვდებოდნენ, რადგანაც მოყვარეც და მტერიც, იმ დროს, თვითეულს მათგანს თავიანთ სოფელშივე ჰყავდათ. კელენჯუხი თუ ვინმეს სჭიროდა თავის ოჯახში, ამ შემთხვევაში მას მარტო თავისი სოფლის მეზობლები ჰყავდა თავთავისი ხარჯით, ე. ი. შესაწიერთ, რომელსაც შეადგენდა შემდეგი: ერთი დოქი (ორ მანიკამდის) კარგი ღვინო, ერთი კოთხო (6 გირი) ღომი ***) და ერთი ოყა ლობიო. ამ ნაირად, კელენჯუხს (გარდა იმისა, რომ მას სასყიდი არა ჰქონდა-რა) ხსენებული შესაწიერიდგან ნახევარიც არ ეხარჯებოდა და დანარჩენი კი, რა თქმა უნდა, მასვე რჩებოდა ოჯახში. მამაშენის, გლახუნის, დროს, შესაწიერი შეიცვალა ფულზედ, რომელსაც უწოდეს წასაბურავი, ე. ი. შესაწიერის მაგივრად შემოიღეს ფულით წაბურვა ანუ შეწევნა. ამავე დროს გახშირდა შორეული მოყვრების შეძენაც და გაძლიერდა თვით ტირილის ცერემონიაც (უფრო კი გლეხ-კაცებისთვის). ამ

*) დამაკოდინა — დამწია წელში, ჩამომაჩინა სხეუბზედ.

**) ეს ასე იმერეთში იცოდნენ; ვისაც ღომი არა ჰქონდა, იმათ სამაგიეროთ ფქვილი მოჰქონდათ.

დროს, მოყვარეს მოყვრის სატირლად სჭირდებოდა წამოსა-
ყოლად არა ნაკლებ ოცდა-ხუთის კაცისა (სამი ან ოთხი მო-
ზარე, ოთხამდის ქალი და კაცი, ხელის მომტანებლები და
და დანარჩენი კი ისე გამყოლად და დამამშვენებლად).

ახლა ვნახოთ, თუ რა უმიზნო ხარჯს აძლევდა ასეთი
ცერემონია გლახუნს და რამოდენა ზარალს აძლევდა ასეთი
მისვლით თვით გლახუნი თავისი მოყვრის დამწუხრებულს
ოჯახს. თქმა არ უნდა, რომ ეს ოცდა-ხუთი ქალი და კაცი
გლახუნს ცხენებით მიჰყვებოდა შორეულ მოყვარესთან და
შემდეგ თვითგული ამათვანი მისგან, რასაკვირველია, სამა-
გიეროს იტხოვდა, რაც გლახუნს ყოველთვის ძვირად უჯდებ-
ოდა. გლახუნს არც ამოდენა ხალხის გამასპინძლებაზედ
ეხარჯებოდა ცოტა; ასე, რომ თითო ასეთის წასვლით მო-
ყვარესთან (მაინდის *) გადახდიანა და იმათი გასამასპინძლე-
ბელი ხარჯიანა), გლახუნის ოჯახს ედებოდა ზარალი არა
ნაკლებ, ოცი ოცდა-ხუთი მანეთისა. ასეთი ცერემონიით მი-
მავალ გლახუნს მიჰქონდა მოყვარესთან ხუთ მანეთამდის წა-
საბურავი (შესაწიერი), ხოლო თავიანთი მისვლით, დამწუ-
ხრებულს მოყვარეს, აძლევდა ზარალს თუთხმეტ მანეთამდის!..
შენს დროს კი, ჩემო ბეჟან, ჯერ ცოტა არ იყო, ცერე-
მონიით მისვლა-მოსვლა ტირილში შემცირდა და შემდეგ
არამც თუ მარტო ცერემონია, არამედ ბევრგან წასაბურავიც
მოისპო. მაგრამ დახე უგუნურებას: ტირილის დროს არსე-
ბული ხარჯი და ამავების მომზადებაზედ ტანჯი და ცდენა კი
რაც დარჩა! და, აი სწორეთ ამიტომ არის, რომ დღეს მი-
ცვალებულით დამწუხრებულს ოჯახს, ტირილის დროს,
ოთხას (400 მ.) მანეთამდის ვალი ედება. აბა. ერთი შენ კარ-
გად ჩაუკვირდი, ჩემო ბეჟან, ამ ჩვეულების დღევანდელ უა-
დგილობას და შეუფერებლობას! თვითთელი თქვენგანი იხა-

*) მაინდი იმას ჰქვია, როცა მეზობელი მეზობელს იხმარე-
ებს უფულად (უქირავთ) და სსამაკიეროს მიხმარებითვე უხდის.

რჯვის და ვალში ვარდება მხოლოდ იმიტომ, რომ თავისივე მოყვრის, ისედაც დამწუხრებული ოჯახი (ნუგეშის და შემწეობის მაგივრად) უსათუოდ დაავალიანოს! და ნუ თუ ასეთი ჩვეულება ქრისტიანული გრძნობის წინააღმდეგი არ არის და თქვენგან გასაკიცხავი?!..

თქვენ თუ გინდათ ღღეს შეძლებული კაცები გახდეთ, ქონებრივის მხრით, უსათუოდ საჭიროა ზემოხსენებული ჩვეულების გადაგდება და მისს სამაგიეროდ ეგრედ წოდებულის სამარხი კასსის დაარსება*). ზემოხსენებული ჩვეულების გამო, შენ ღღეს (გარდა სხვა-და-სხვა ხარჯისა და ცდენისა) შეიძლება მანეთამდის მარტო გზაში გეხარჯება ყოველ წელიწადს. ხოლო, რაც შეეხება სამარხ კასსას, იმის დაარსება შენგან ამაზედ (8 მ.) მეტ ხარჯს არც ქე მოითხოვს წელიწადში. ამ ნაირად, სამარხი კასსის შემწეობით, შენისთანა სოფლელი მუშა, სიკვდილით დამწუხრების დროს, სამასი-ოთხასი მანეთის დახარჯვის მაგივრად, ხუთას მანეთს პირაქეთ აიღებს, რაც სამუდამოდ წამოსწევს მისს ოჯახს ნივთიერის მხრით.

ცოტა ზარალს არც ეპლანდელი მილოცვიანი ქორწილი გაძლევს თქვენ, რადგანაც ამ მილოცვიდგან შემოსული ფული, მომილოცველთა ღღევანდელ გასამასპინძლებელ ხარჯსაც ვეღარა ჰფარავს. გარდა ამისა, ორმოცი მანეთი შენ, წელიწადში, მარტო მისალოცავათ არ გყოფნის და ამას თუ

*) როგორ შეიძლება ამ კასსის დაარსება, რამდენათ სსსარგებლო იქნება იგი თქვენთვის და ან რამდენა ხარჯს მოითხოვს თვითნაყოფი თქვენგანიდგან ამ კასსის დაარსება, ესენი უკვე ახსნილია «მოგზაურის» დამატების მეხუთე წიგნში. ავტ.

„მოგზაურის“ რედაქცია დიდი სიამოვნებით მიაწვდის ყოველ-კვარ პრაქტიკულ ცნობას (თუ როგორ უნდა დაარსონ) ეველას, ვინც მოისურვებს სამარხი კასსის დაარსებას სადმე ჩვენს დაბა-ქალაქებში. ოდონდ. ზასუხისთვის. 7 კან. მარკა გამოგზავნეთ.

მიუმატებთ კიდევ წასვლა-მოსვლის ხარჯს და ამაზედ სამუშაო დღეების გაცდენას, მაშინ ხომ ოჯახის წლიური ზარალი ორმოც-და-ათ მანეთსაც აღემატება! ხსენებულ ზარალს თუ გინდა გვერდი აუარო, მაშინ შენ, როგორც მილოცვას, ისე ქორწილში წვეულებასაც თავი უნდა დაანებო, ან და ეს ჩვეულება დროს შესაფერად უნდა შესცვალო. წინააღმდეგ შემთხვევაში, რაც უფრო მეტი დრო გავა, იმდენად სულ უფრო და უფრო გაღარიბდები-დაჩაჩანაკდები. აბა ერთი აქაც დავუკვირდეთ ჩვენ ჩვენს მოქმედებას. როგორც თითონ ამბობ ორმოც-და-ათი მანეთი შენ მარტო მისალოცავში გეხარჯვის წელიწადში; მაგრამ ჩვენ ორმოცდა-ათი მანეთი წელიწადში ორივე ჩვეულებისგან (წაბურვიან-მილოცვიანა) ვითვალთ. იმ საზოგადოებაში, რომელშიაც შენ ცხოვრობ, ექვსას ოჯახამდის ითვლება. თუ თითო ოჯახი ამ ჩვეულების გამო ყოველ წლობით 50 მანეთს დახარჯავს, მაშინ ექვსას ოჯახს გაუვა ყოველ წლობით, ხარჯი ოცდა-ათი ათასს (30,000 მ.) მანეთამდის! ხოლო, თუ მარტო ერთ საზოგადოებას ეხარჯვის ამოდენა ფული წელიწადში, მაშინ მთელი ქუთაისის გუბერნიის საზოგადოებებს ერთად ხომ მილიონზე მეტი დაეარჯება ამ ყოველად უსარგებლო ჩვეულების წყალობით!..

ამოდენა მილიონები რომ დატრიალდეს (დაბრუნდეს) ჩვენს საკეთილდღეოდ, განა ასე გაჭირებულები ვიქნებით?! აი, რას გვიშვრება ჩვენ უმეცრება (გაუგებლობა)! მილიონებს წყალში გვაყრევინებს და ამ უკანასკნელის გადაყრით (უსარგებლოთ დახარჯვით) სხვა მილიონებს (სამაგიეროთ) კიდევ ვალად გვადებს კისერზედ!.. ნუ თუ, ბეჟან, ეხლაც არ შეიგნებ ყველა ზემოხსენებულს და ქონებრივის მხრით შენს გამათახსირებელს ჩვეულებას აწიცი უკუ აღარ აგდებ?!

ქვევით შენ იწერები, რომ თითქმის ყოველ ზაფხულობით ცოლ-შვილს მიციებს და უფულობის გამო, წამლის სყიდვაც კი ვერ მომიხერხებიაო. სწორეთ რომ გასაკვირია

შენი საქმე, ჩემო ბეჟან! თუ კი შენ ორმოცი და ორმოცდაათი მანეთის გადაგდებას ახერხებ ისეთ ყოკლად უმიზნოდ და უსარგებლო საქმეზედ, როგორიც არის წაბურვა და მილოცვა, რატომ ორი-სამი მანეთის გადაგდებას ვერ ახერხებ ისეთ აუცილებელ სავალდებულო საქმეზედ, როგორიც არის ავთმყოფი ცოლ-შვილის აქიმობა?! ამასთან, ესეც უნდა იცოდე, რომ ხსენებულ ავთ-მყოფობის მაზეზებში არ შეიძლება წილი არ ედვას იმათ საცხოვრებელ სახლთა უსუფთაობას, რომლის თავიდან აცილება (აშორება) ერთობ შენზედ ჰკიდია. შენ გიდგია ღღეს ერთი ოდა და მეორე ისლით დახურული სამზადი სახლი. პირველში შენი ოჯახობა ღღესასწაულებს ატარებს მხოლოდ და ისიც მაშინ, როცა სტუმრები ჰყავს; დანარჩენ დროს ისინი (გარდა ღამე მოსვენებისა) სამზად სახლში ატარებენ. აქედან ცხადია, რომ ხაშმის თავიდან ასაცილებლად, აუცილებელ საქაროებას შეადგენს სამზადი სახლის წმინდათ დაქერა. მაგრამ რანაირად შეიძლება იქ სიწმინდე და სიფაქიზე, სადაც აღამიანთან ერთად ცხენი, ძროხები და კრუხები თავიანთი წიწილებით იმყოფებიან? აი, ნამდვილათ ამ უკანასკნელის მიზეზია შენი ცოლ-შვილის ასეთი ხშირი ციებ-ცხელება. შენ თუ გინდა, ასეთი ავთ-მყოფობისგან შენი ოჯახობა დაიხსნა, საქონლის და წიწილებიანი კრუხებისთვის სხვა (ცალკე) თავშესაფარ უნდა გაიჩინო და სამზადი სახლი კი მუდამ წმინდათ და ფაქიზათ იქონიო. ქვევით შენ სჩივი, რომ ზენა ქარი სახლების სახურავს წელიწადში საძვერ-ოთხჯერ მიოხრებს ხოლმე და ხელმეორედ სახურავათ მიხდისო. რას იზამ, ჩემო ბეჟან! ბუნების მოვლენას წინ ვერ აღუდგები, რადგანაც ამისთვის შენ არც ცოდნა შეგწევს და არც შეძლება. ამ შემთხვევაში, უფრო სარგებლობაში იქმნები, თუ ისლის მაგივრად, ქერაბინით და რკინით გადაჭხურავ სახლებს. თუ ესარ შეგიძლია, ყავრით მაინც უნდა დაჭხურო ისინი; მაგრამ, როგორც ყავრის, ისე ისლის სახურავიც დიდად ნაკლები როდი ჯდება ქერაბინის სახუ-

რავხედ! გარდა იმისა, რომ ისლის და ყაერის სახურავებს ქარი უფრო იოლად (ადვილათ) არღვევს, ვინემ ქერაბინის და რკინისას, ისინი ცეცხლისაგანაც ძლიერ საფრთხილოა (განსაკუთრებით ისლის სახურავი). მეორე, შენ შეგიძლია ისლის სახურავების რიცხვიც შეამცირო. მაგალითად: საწისქვილეს, საღორეს, სამარნეს და თავლას მიწის სახურავი გაუკეთო ამ ნაირად: ჯერ ზემოხსენებული შენობები ზევიდგან სხვენივით უნდა ჩაქერო (ჩააიატაკო), ამას ზედ უნდა მოაყარო ბურბუშელა ანუ ნაფოტები (ამის სამაგიეროს სიმინდის ჩალის ღერებიც კი გაგიწევს). შემდეგ უნდა გაზიოლო მიწა ისე, როგორადაც ამას აკეთებენ ფაცხის შესაღვსად (ყველას სჯობია წითელი მიწა); ასე მომზადებული ტალახი სხვენზედ დაყრილ ბურბუშელას უნდა მოახხა და კარგად მოგლისო სხვენის სივრცე. ამ ნაირად მოგლესილ სხვენს თავზედ უბრალო მიწაც უნდა მოაყარო და მაშინ შენ მიიღებ (გაიკეთებ), შენივე მუშაობით, სახურავს, რომელიც წვიმასაც მოიკავებს, თბილიც იქნება და ქარიც ვერას ავნებს. ასეთ სახურავიან კონახებს უსათუოთ ფანჯრები უნდა გაუკეთოთ სინათლისათვის.

ახლა დროა შევეხეთ შენს (ოჯახში) შრომა-მოქმედების თავ-და-რიგსაც. ზემოთ მე შენ გითხარი, რომ დღევანდელი მოთხოვნების დროთა შესაფერად დაკმაყოფილება თხოულობს შენგან საზოგადოთ დიდ შრომას, სარგებლიანი მუშაობის შერჩევას, ცოტა მუშაობით ბევრის გაკეთებას და დამაზარალებელი ჩვეულების ან სულ დადავლებას ან და იმათი დროთა შესაფერად გადაქმნას-მეთქი. ამ უკანასკნელზედ ჩვენ უკვე გვქონდა ლაპარაკი, ხოლო რაც შეეხება დანარჩენს, იმათგანში შენ, სამწუხაროდ, ამდენს ხანს ვერც ერთი ვერ შეგისრულებია, იმისდა მიუხედავად, რომ ამავების შესრულება შენგან არა ვითარ მეტ ცოდნას და მუშაობას არ მოითხოვდა! პირიქით, იმას ერთი-ორად შეეძლო გაეადვილებია შენი დღევანდელი შრომა და ტანჯი. ამ ნაირად შენ,

ქვემოხსენებულში ახალს და გაუგებელს ვერას ნახავ, რადგანაც მე აქ ისეთ რამეებზედ მინდა მივითითო ხელი, რომლის მოძმედება არამც თუ შენ, არამედ მამა-შენს და ბაბუა-შენსაც კარგად შეეძლოთ და თუ ამდენს ხანს ასე არც ერთს არ გიმოქმედნიათ, ამის მიზეზი თქვენგან ზარალ-სარგებლიანი მოქმედების გაურჩევლობა და ოჯახში შემოსავალ-გასავალის რაოდენობათა არ ცოდნა ყოფილა ყოველთვის და დღესაც ეს არის. მაგალითისთვის შორს არ დაგვკირდება წასვლა. ზემოხსენებულის დასამტკიცებლათ საკმაოა ავიღოთ შენი შრომა-მოქმედება, თუნდა ღვინის დაყენების შესახებ და ვნახოთ, თუ რამდენი მეტი მუშაობა გკირდება შენ იმის გამო, რომ საწნახელი მარანში არა გაქვს მოწყობილი: ვენახი (ბალი) უდგას (დაშორებულია) შენს საცხოვრებელ სახლს ექვსასი ფეხის ნაბიჯზედ, ხოლო მარანი კი ბაღს—ას ნაბიჯზედ, ე. ი. მარანსა და საცხოვრებელ სახლს შუა ხუთასი ნაბიჯია. შენ კი, ჩემო ბეჟან, საწნახელი დღეს სახლის დერეფანში გიდგია და ამიტომაც, ყურძნის პირდაპირ მარანში მიტანის მაგივრად, ჯერ თავის ზურგით გადაგაქვს სახლში, იქ საწნახელში სწურავ და დადუღების შემდეგ გადმოგაქვს ღვინო საწყევებით მარანში, რომელიც იქვე გვერდით უდგია ვენახიან ბაღს! უკეთ რომ ვაბქვათ, იმის მაგიერ, რომ ყურძენი პირდაპირ მარანში, ას ნაბიჯზედ, მიგეზიდა, იქ დაგეწინხა და იქვე ქურებში ჩაგესხა, შენ დღეს ეს უკანასკნელი ათას ას ნაბიჯზედ გადაგაქვს! მაშასადამე, თუმცა ხსენებული ყურძნის გადატანა ას ნაბიჯზედ მოითხოვდა შენგან ერთი დღის მუშაობას, მაშინ ამავე ყურძნის გადაზიდვა ათას ასი ნაბიჯის მანძილზედ (სახლში მიზიდვა, დაწნეხა და იქიდგან მარანში გადმოტანა!) თხოულობს შენგან თერთმეტი-ჯერ მეტი დროის მუშაობას ანუ ერთი დღის მაგივრად თერთმეტი დღის შრომას. ამ ნაირად, ჩვენ ვხედავთ, რომ შენ, მარანში საწნახლისა უქონლობით, ერთი დღის მუშაობას თერთმეტი დღის მუშაობას ანდომებ და ამის შემდეგ კიდევ გიკვირს

შენი სიღარიბე!... განა ასეთი მუშაობით შეიძლება ვინმე მდიდარი გახდეს?!, მის დღეშიაც არა და, აი, რატომ: ამ ნაირი მუშაობით დაყენებული ღვინო არამც თუ ორ და სამ მანეთად ფუთი, არამედ ათ-ათ მანეთადაც რო გაჰყიდო, მაინც ზარალში იქნები, რადგანაც იმაზედ შენი ამოდენა შრომა გაცილებით მეტი ღირს, ვინემ ეხლანდელი მისი ფასოვნება. რასაკვირველია, ჩემო ბეჟან, შენ რომ ერთი დღის სამუშაოს მართლა ერთ დღესვე ათავებდე და დანარჩენი ათი დღის მუშაობას სხვა რისამეს გაკეთებას ანდომებდე, მაშინ შენც მდიდარი იქნებოდი!..

ქვევით სხვათა შორის შენ სჩივი, რომ მარტო ეზოს შემოსაღობავ სარ-წკნელში ორმოც-და-ათი მანეთი გამავიდაო; პოლო იმათი გამოზიდვით საღობავ ადგილამდის თვრამეტი დღის ჩემი მუშაობა მოინდომაო!.. და მერე ვისი ბრალია ეს? შენ, რომ წინეთ ქკუა-დახედული მუშაობა გცოდნოდა, დღეს ეს არც ერთი არ მოგივიდოდა... მაგრამ წარსულზედ ეხლანდელობა გვიანდაა. ეხლა ისევ სჯობს მომავალზედ ვიფიქროთ და აწინდელი, წინდაწინვე მოფიქრებული მუშაობით (იქ, სადაც ეს შესაძლებელი იქნება) მაინც ვიხსნათ ჩვენი თავი ზემოხსენებულ ყოვლად უმიზნო ხარჯისა და მუშაობისაგან. რანაირათო? იკითხავ შენ. აი, რანაირად: შენი ეზოს სივრცე, ვენახიანა, ხომ ოთხს ქცევას აღემატება. ამოდენა ადგილის გარშემო შენ (გარდა ორიოდე ყოვლად უსარგებლო თხმელასი) არც ერთი სასარგებლო ხე არ გიდგია! მე გირჩევ შენ უსარგებლო ხეებისგან სულ გაანთავისუფლო ის ადგილი და მის ადგილას ბუჩქები შემოარგა, სადაც ოთხასზედ მეტი ბუჩქი თავისუფლად დაეცევა. ორი წლის შემდეგ ასეთი ახალ-დარგული ბუჩქების ფოთლებიდან სარგებლობა შეიძლება, ხოლო ხუთი-ექვსი წლის შემდეგ იმათგან წკნელსარების მოსხეპაც შეგეძლება. შენ თითონ არ იწერები, რომ შარშან აბრე მუშაობის დროს, ჩემმა მეზობელმა კოწიამ, სამსამი მანეთი აიღო თითო ძირი ბუჩქლას ფურცელშიო და

მე კი საყიდად გამახდაო. შე დალოცვილო, კოწიას თუ კი სამ-სამი მანეთი მისცეს ბუღალაში, შენ ხომ, ასეთსავე ბუღალის ფურცელში, მანეთს ან მანეთ-ნახევარს ყველა სიხარულით მოგცემდა, და მაშასადამე, წინეთ რომ მოკვეფაქრებია ამოდენა ბუღალების დარგვა, დღეს შენს ოჯახს ექვსას მანეთამდის წმინდა შემოსავალი ექნებოდა?! გარდა ამისა, თვითვე მეთხე-მეხუთე წელიწადს, იმათი (ბუღალების) წკნელ-სარებისგანაც გექნებოდა შენ ორას მანეთამდის შემოსავალი, ამასთან ის ორმოცდა-ათი მანეთიც ჯიბეში დაგრჩებოდა, რომელიც შენ უკვე დაგიხარჯავს წკნელ-სარების საფასოდ და აღარც შენი თვრამეტი დღის შრომა და ტანჯვა იქნებოდა საჭირო, რადგანაც წკნელ-სარები (უყაულათ და უჭანჯკულათ) საღობავ ადგილზედ თავის-თავათ იქნებოდა მოტანილი (ბუღალები საღობავ ადგილზედ თუ კი გექნება დარგული, დასხვების შემდეგ, რასაკვირველია, საღობავზედვე თავის თავათ იქნება მოტანილი).

ქვევით შენ ამბობ, რომ ადგილი ცოტა მაქვს და სამუშაოდ არ მყოფნისო. მით უფრო ჭკუა-დახედული მუშაობა გმართებს შენ, რომ ამ ცოტა ადგილს ბევრი და მეტა შემოსავალი მოატანო! აი, სწორეთ ამ უკანასკნელისთვის არის საჭირო, რომ ეს პატარა ადგილი უბრალო რამეებით არ იყოს მოკავებული და არც ერთი ნამცეცა ადგილი, უსარგებლოდ მომცდარი. მაგალითად, ვსაქვათ, რომ შენ შენის ადგილების გარშემო უკვე შემორგული გაქვს ბუღალები. მაგრამ, რადგანაც დღეს შენ ადგილის სიცოტავეზედ სტირი, ამიტომ საჭიროა რაიმე სარგებლობა იმ პატარა ადგილებისგანაც გამოაღწიო, რომელნიც ბუღალებსა და ბუღალებს შუა არის დატოვებული. აი, აქ შენ უსათუოდ გინდა ჭკუა და კარგი მოფიქრება, რადგანაც ასეთ ადგილებზედ ისეთი რამ უნდა დაირგას, რომლებსაც არც ბუღალის ჩრდილისა ეშინოდეს და არც იმათი ზრდის ხელის შეშლა შეეძლოთ. ამასთან სასურველია, ადგილი სამუშაოდ იყოს ეს და მაინც და მაინც

არც პირუტყვები ეტანებოდნენ, თორემ წინააღმდეგ შემთხვევაში ესენი ძნელი დასაცავი იქნება ამ უკანასკნელებისგან. ასეთ შემთხვევაში, რასაკვირველია, ყველამ თავიანთი ადგილის თვისებისა და კვალად უნდა გამოქმდებოდა შესაფერი მცენარე დასარკავათ და მოსაშენებლად. მაგრამ, რადგანაც შენი ეზოს მიწა ყოველ-გვარი მოსავლისთვის ფრიად ნაყოფიერია და საზოგადოთ მცენარეებისთვის კარგი, ამიტომ გირჩევ, ჩემო ბეჟან, ხსენებულ ბუჩოლებს შორის ბროწეულები ჩარვა. ეს უკანასკნელი (იმათი ერთი-მეორეხედ წარგვა შეიძლება) შენი ეზოს გარშემო ათას ძირამდის მაინც დაეტევა. თუ თვითელი ძირიდგან ოც-ოც კარგ ბროწეულის კაკალს ვიანგარიშებთ (ერთმა ძირმა სამოც-ოთხმო ამდის შეიძლება მოიხას), ათასი ძირიდგან თამამად შეგვეძლება მივიღოთ ოცი-ათას ბროწეულის კაკალზედ მეტი. ეს კი თითო-თითო კაპეკადაც რომ დაჰყიდო, ერთ ორას მანეთამდის შემოსავალი შენს ოჯახს (წლიურად) ამ ბროწეულებისგანაც ექნება. ესენი, შენ, ყველა, ხომ ღობის (შიგნიდგან) პირპირა გექნება წარგული. და ეხლა შენ ამ ღობეს გარედამაც ბარდს (მაყვალას) თუ შემოარგავ, უსარგებლოდ არც ეს ჩაგიარს, რადგანაც, სხვა რომ არა იყოს-რა, მომავალში ღობის მაგიერობას მაინც გაგიწევს. იქნება აქ შენ იკითხო: „რათ მაინცა და მაინც ბროწეულების და ბუჩოლების დარგვას მიპირდებიო!“ აი, რათ გიპირდები: ერთი, რომ ბროწეულს უბრალო ჩრდილის არ ეშინია და ამასთან არც ბუჩოლის ზრდის ხელის შეშლა შეუქლია მას. მეორედ, ის სათუთი არ არის და ამიტომ შრომა მოვლასაც ნაკლებს მოითხოვს შენგან. მესამედ, იმათი წარგვა ერთი-მეორეხედ შეიძლება და ამ ნაირად, ვიწრო (პატარა) ადგილზედ ბევრის დატევა. მეოთხედ, იმათ საქონელი (პირუტყვნი) არ ეტანება და ამიტომ ბროწეულებს შეუძლია (სხვა სიკეთესთან ერთად) ღობის მაგიერობაც გაგიწიოს და მეხუთედ-კი იმიტომ, რომ იმას საზოგადოთ კარგი ფასი აქვს და ამასთან ადვილი შესანახიც.

არის. ახლა რაც შეეხება ბჟოლებს, იმათგან შემოსავალი ხომ უტყუარია, რადგანაც (რაც უნდა უმოსავლო წელიწადი იყოს) წკნელ-სარები და ფოთლები ყოველთვის შეგიძლია მიიღო მათგან. ხოლო ამ უკანასკნელთა ფასოვნება (ლირე-ბულობა), რამდენიც შეგიძლია დრო გადის, იმდენათ სულ უფრო და უფრო ზევით იწევს. მართალია, ამოდენა ბჟოლების ფურცელი ერთათ იქნება ვერც კი გაჰყიდო, მაგრამ ამ შემთხვევაში შენ შეგიძლია დანარჩენი საზიაროთ გასცე პარკ-ზედ. ამასთან, თუ შენი მეუღლე, ირინე, სამოცი მანეთის აბრეშუმს აკეთებდა მაშინ, როცა მას ბჟოლის ფურცელი საძებარი და შორიდგან მოსატანი ჰქონდა, რატომ შენ დღეს (ირინესთან ერთად) ვერ შესძლებ სამასი მანეთის საღირაღ აბრეშუმის კეთებას?!

კარგი დაგეშართოს ესენი ყველა კარგი იყოს, მაგრამ სად ვიშოვნო მე ამოდენა ბჟოლ-ბროწეულების ნერგებიო? იქნება სთქვა შენ! ასეთი ადვილი საშოვარი, ჩემო ბეჟან, სხვა რა არის ქვეყანაზედ?! წრეულს რომ ერთი კოთხო (6 გირი) ბჟოლის კაკალი დასთესო შენ, გაის გაზაფხულზედ, ხსენებულო ნერგები ათასობით გექნება. თეთრი ბჟოლის გაშენებას უფრო ეცადე, ვინემ შავ-ბჟოლისას, რადგანაც პირველი უფრო მარგებელია აბრეშუმის ჭიისთვის, ვინემ მეორე. რაც შეეხება ბროწეულს, იმისი, როგორც დათესვა, ისე მოშენებაც შეიძლება. ჯაგალითად, საკმაოა მოსჭრათ ბროწეულის ყლორტი (ამონაყარი), ბზეკალივით გადმოკაკვოთ და ორივე თავები მიწაში ჩაუსოთ, რომ ორივე თავებში ბროწეულმა ამოიყაროს. და ნუ თუ ეს რაიმე მძიმე შრომას შეადგენს?! აი, სწორეთ მეც ამ უკანასკნელი მოსაზრებით გირჩევ შენ ბჟოლ-ბროწეულის დარგვა-მოშენებას. ამ ნაირად, ზემოხსენებულო მცენარეების მოშენება გვიქადის (გვპირდება) ჩვენ ათას-ორას მანეთამდის წლიურ შემოსავალს. და ეს კი ისეთი ვიწრო ადგილის წყალობით, რომელიც ამოდენ ხანს მართო ღობეებით იყო მოკავებული! მაშასადამე,

ის სამუშაო ადგილი, რომელშიაც შენ დღე-და-ღამ ოფის აქცედი, ჯერ კიდევ (ისევ ხელ-უხლებელი) შენსავე განკარგულებაშია. მაგრამ, სანამ ამ შენი ადგილის (უფრო სარგებლიანათ) დამუშავების საზვრას შეუდგებოდეთ, ვნახოთ ჯერ, თუ რა შემოსავალი გქონდა შენ ამ უკანასკნელის წყალობით აქნობამდის. შენ სახნავ-სათესს შეადგენს დღეს ხუთი ქცევა ადგილი (მეექვსე ქცევა ხომ ვენახს უჭირავს). მამაშენის და ბაბუა-შენის დროს ქცევა ადგილი ოთხმოც ფუთამდის სიმინდს იძლეოდა. დღეს იგივე ადგილი, მომოდულების (დაღალულობის) გამო, ორმოცდა-ათ ფუთამდის ძლივს იძლევა. ასე რომ, სულ ამ ხუთი ქცევა სახნავ-სათესიდგან შენ ღებულობ მხოლოდ ორას ორმოც-და-ათ ფუთამდის სიმინდს; რაც ფულათ რომ ვაქციოთ (ფუთი ათ-ათ შაურათ), შეადგენს ას-ოცდა-ხუთ მანეთს. მაგრამ ამ ფასში, რომ ვიანგარიშოთ შენგან განაყილი სიმინდი, თავის მოტყუება არ იქნება ეეს?! მე მგონია, რომ კი, და აი რატომ: შენ დღეს ღარიბი კაცი ხარ, ფულები არა გაქვს; აქისდამიუხედავით, სხვა-და-სხვა არა სასურველი ჩვეულების გამო, სახარჯავი (ფულათ) ბევრი გდევს. უფულობის გამო (სიმინდის) მაზანდის აწევას შენ არ შეგიძლია მოუცადო; მით უფრო, რომ ასეთი საჭიროება, როგორიც არის „ძისალოცავი“ და „წასაბურავი“, არაოდეს არ შედის შენს გაჭირებაში. ამიტომაც შენ თავისი აკლადიდება (წლის ნამუშევარი) თითო ფუთობით მიგაქვს ღუქანში და იქ მდღუქნეს პირიქით ეხვეწები, რომ მან ფუთში შვიდ-შვიდი შაური მაინც მოგცეს, მისი ღვთის გულისა! ვინიცობაა *), თუ ოდესმე ფასმა აიწოა, მაშინ შენ სიმინდი არამც თუ გასაყიდათ, არამედ (ხშირათ) თავისთვინ საჭმელადაც არა გაქვს... ამ ნაირად, შენ, წლის ნამუშევრიდვან (სულ ერთიანათ რომ ვიანგარიშოთ), ას-ოც-და-ხუთი მანეთის მაგივრად ოთხმოც მანეთამდის ძლივს ღებულობ!..

*) „ვინ იცის“ მაგივრად „ვინიცობას“ ხმარობენ სოფელში.

აი შენი ხუთი ქცევა ადგილის შემოსავალიც! დღეს შენ თუმცა გაკვირვებს ასეთი მცირე მოსავალი, მაგრამ ამდენხანს შენ თავისთვის ერთი კიახეც არ მიგიცია იმის შესახებ, თუ რა არის ამის მიზეზი?! შენ, ჩემო ბეჟან, კარგად მოგეხსენება, რომ წინეთ მიწა უყვი იყო (მსუქანი) და ამასთან დასვენებაც მეტი ჰქონდა მას. დღეს კი უადგილობის გამო აგეროცი წელიწადია მას აქეთ, რაც შენმა სახნავ-სათესმა მოსვენება რაა, არ იცის! რის გამო ის დღეს, დაღლილი და ბარაქა გამოღეული, მოსავალსაც (ნაყოფს) უსუსურს იძლევა. მაშ, სანამ ამ უკანასკნელის მოცემასაც არ მოგისპობდეს, საჭიროა ის ან დააბატო (მოანაკელო), ან და რამოდენიმე წელიწადს სრულებით მოასვენო (გაუშვა). მაგრამ, რადგანაც პირველი თხოვლობს შენგან მეტ შრომას და მომზადებასაც, ამიტომ გირჩევ მეორე საშუალებას მიჰმართო; მხოლოდ კი იმ პირობით, რომ ამ უკანასკნელიდგანაც, ე. ი. სახნავ-სათესის მოსვენებიდგანაც, გამოადნო შენ რაიმე სარგებლობა. შენ გაქვს დღეს თავისუფალი ხუთი ქცევა ადგილი. შენ თუ ამ ხუთ ქცევა ადგილში იონჯას (ამ ბალახს შენც იცნობ) დასთესავ, უეჭველია, რომ ამოდენა ადგილის ბალახი ექვსშვიდ ძროხას (წელიწადში) თავზედ საყრელად ეყოფა; რადგანაც, თუ რომელიმე ბალახი სხვაგან ერთხელ-ორჯერ შეიძლება მოვიდეს წელიწადში, იონჯა-ბალახი შენს ადგილებში სამჯერ-ოთხჯერ შეიძლება მოითიბოს იმავე დროს განმავლობაში *). ამ ნაირად, მე შენ გირჩევ ხსენებულ ადგილებში ბალახი დასთესო და ამასთან ექვსი სული ძროხაც გაიჩინო; მხოლოდ კი იმ პირობით, რომ ეს ძროხები კარგის ჯიშისანი ღყვნენ, თორემ ორი და სამი სული ძროხა შენ ყოველთვის გყავდა, მაგრამ ისინი, სამწუხაროთ, სამივე ერთ კარგ ძროხად არას დროს არ ღირებულან. ამიტომაც შენ

*) ჩვენში ბალახის მოსვლას ბუნება უწყობს ხელს, თებერვლის დამლევიდან გიორგობისთვის დამლევამდის.

მათგან ზარალი თუ არა, არც რაიმე სარგებლობა გინახავს მის დღეში; რადგანაც შენ იმათზედ ხარჯი და ცდენა იმდენივე გაქვს, რამდენსაც მოითხოვენ შენგან კარგი ჯიშის ძროხები. აბა ერთი მითხარი, თუ ღმერთი გწამს: რა ხეირი უნდა მოგცეს შენ ისეთი ძროხების რჩენამ, რომლებსაც თითო ზოთლი რძის მოცემაც არ შეუძლიანთ დღეში?! კარგი ჯიშის ძროხა დღეში ერთხელ კი არა, სამჯერ იწვევლება და ერთი ზოთლი რძის მაგივრად, ერთ ვედრო რძეს იძლევა, ე. ი. 16 ზოთლსა. თითო მოწველაზედ ოთხს, თუ მეტი არა, ორ-ორ შაჟრიან ყველს მაინც მოგცემს. ამისდა მიხედვით ერთ კარგ ძროხას დღეში თორმეტ ყველამდის შეუძლია მოგცეს! მაგრამ ჩვენ თითო ძროხიდგან დღეში თორმეტის მაგივრად, რვა-რვა ყველი ვიანგარიშოთ და იგიც თითო შაჟრიანი. ამ ნაირად ერთი კარგი ჯიშის ძროხა მოგცემს დღეში, უკანასკნელი, რომ ესთქვათ, ორი აბაზის ყველს, თქვენი თორმეტი მანეთისას და წვლიწადში კი ას-ორმოცდა-ოთხი მანეთის ყველს. მაგრამ შენ თუ ექვსი ძროხა გეყოლება, მაშინ, რასაკვირველია, ისინი ექვსჯერ 144 მანეთის ყველს მოგცემენ, ე. ი. წვლიწადში ექვსი კარგი ჯიშის ძროხა რვაას-სამოცდა-ოთხი (864) მანეთის ყველს მოგცემენ. საიდგანაც ამოდენა ყველის მიღება შეიძლება, იქიდგან 60—80 მანეთის ნადულის გაკეთებაც კი შეიძლება და ყველა ამებების ხელობა, შენმა ცოლმა, ირინემ ხომ მშვენიერად იცის? ახლა შენ ნადულის ფასსაც თუ მიუმატებ იმ ყველისგან შემოსულ 864 მანეთს, მიიღებ წლიურად (ამ ექვსი სული ძროხის წყალობით) ცხრაას-ორმოც (940) მანეთანდის შემოსავალს. რა თქმა უნდა, ამ საქმეში შენ უსათუოდ უნდა ამოუდგე (რჩენს მხარში, თორემ ყველა ამებების გაკეთება მისთვის გასაქირი იქნება. ზარმაცს და სერიოზული საქმის უჩვევადანიანს უოცდოთერ ცხარება რაიმე ახალი მოგმედების (საქმის) დაწყება და თავიანთი სიზარმაცის და მოუწოდომლობის მისაფუჩიხებლად, თავგანოდებით დაეძებს რაიმე თავის ვასა-

მართლებელ საბუთს (მიზეზებ!)... ნუ გეწყინება, ჩემო ბეჟან და თუ შენ ერთ ასეთ ადამიანთაგანს ეკუთვნი, უეჭველია, იკითხავ: „სად შემიძლია ვიშოვნო მე ექვსი ძროხის საყიდო ფულებიო?!“ აი, სწორედ ამ პირველი და უკანასკნელი მიზეზის მოსაწყვეტად, ცოტას ხანს კიდევ ვითხოვ შენს ყურადღებას. იმისთანა საქმის გასაკეთებლად, რომლისგანაც, გარდა სარგებელისა, ზარალს არას დროს არ ნახავ, არც ვალის აღების უნდა გეშინოდეს შენ. მაგრამ აქ საქმე იმაშია, რომ ამ უკანასკნელის აღება, შენ, თითქმის არც კი გჭირია; რადგანაც შენ, (გარდა ზემოხსენებულ ოჯახის დამაზარალებელ საყოლისა, იმ პირუტყვებსაც თუ კი გაჰყიდი, რომლებსგანაც, თუ ზარალი არა, არც რაიმე სარგებლობა გაქვს), მაშინ ამავებისთვის (ძროხების სასყიდათ) საჭირო ფულებს შენსავე ოჯახში მოიხერხებ. მე მაქვს სახეში შენი ორი ძროხა ხპოიანათ და სამი დეკნები (დეკეულები). ესენი ყველა, ერთი-მეორეხედ, ოთხმოც მანეთად ყოველთვის გაიყიდება და წლიური (იმათთვის საჭირო) 50 მანეთის ხარჯიც ოჯახშივე დაგრჩება. ერთ 70 მანეთად შენი ცხენიც გაიყიდება თავისი უნაგირით, და ის 35 მანეთის ხარჯიც, რომელიც მის რჩენას სჭირდებოდა წელიწადში, შენვე დაგრჩება. ხუთ მანეთამდის იმ სამ თხაშიაც აიღებ, რომლებიც შენსავე ნამუშევარს გიოხრებენ ყოველ-წლობით. ამას კიდევ თუ მიუმატებ შენი ღორების ღირებულებას და მათთვის საჭირო ხარჯის ფასოვნებას, რაც სულ 55 მანეთამდის შეადგენს, მაშინ უსათუოდ დარწმუნდები, რომ შენ 300 მანეთამდის შენს ოჯახშივე შეგიძლია მოუყარო თავი ფულს. ყველა ამას თუ კიდევ ცოტას წაუმატებ, მეტი აღარც შენ დაგჭირდება ხსენებული ძროხების საყიდლათ. ეხლა თავიდგან მოვიგონოთ, თუ რა სარგებლობა და შემოსავალი ექნება ოჯახს ზემოხსენებული მოქმედებისგან:

ოჯახს რჩება სარგებელი:

	მანეთი.
1) წასაბურავის და მილოცვის გადაგდებით	90
2) ხარჯიანი ტირილის მოსპობით	200
3) დამაზარალებელი პირუტყვების გაყიდვით (ყოველ წლებით).	92
4) მარანში საწნახელის მოწყობით შრომა უმჩატ- დება 12-ჯერ (სახეში გვაქვს ღვინის დაყენება).	
5) სამარხი კასის დაარსებით შემთხვევითი შემო- სავალი	500
6) ექვსი ქცევა ადგილის გარშემო ბეოლ-ბროწე- ულის შემორგვით (ყოველ წლიური შემოსავალი).	1150
7) მეექვსე-მეშვიდე წელიწადს იმათის (ბეოლების) წკნელ-სარებისგან (დრო-გამოშუკებითი შემოსავალი)	300
8) შენს ადგილებში ბალახის დათესვით და ექვსი ჯიშიერი ძროხის შეძენით (წლიური შემოსავალი)	940

სულ კი, გარდა შემთხვევითი და დრო გამოშვებითი შემოსავლისა, შენს ოჯახს ექნება წლიური შემოსავალი 2090 მანეთამდის. ამ ნაირად ჩვენ ვხედავთ, რომ იმ ექვსი ქცევა ადგილიდგან, რომლისგანაც შენ, დღე-და-ღამ მუშაობით, მხოლოდ 125 მანეთამდის ძლივს შემოგქონდა ოჯახში, დღეს ასეთი მუშაობით შეგიძლია შემოიტანო 2090 მანეთამდის!..

უეჭველია, რომ ამოდენა (2090 მ.) შემოსავლის შემ-
წეობით შენი ოჯახიც მალე წამოდგება ფეხზედ (ხელს მოი-
თბობს, შეძლება მოემატება) და მაშინ ხომ შენც წელ-გამარ-
თული იქნები ქონებრივის მხრით! ასეთ ქონებრივ გაუმჯო-
ბესობას, რასაკვირველია, ოჯახის მოთხოვნილებათა შეცვ-
ლაც მოჰყვება. მაგრამ შენ თუ გინდა, ჩემო ბებენ, რომ
ხსენებული ქონებრივი გაუმჯობესობა ხანგრძლივი გამოდგეს,
ის კიდევ უფრო გაუმჯობესდეს, მაშინ, ოჯახის მოთხოვნი-
ლების შეცვლასთან ერთად, შენი ძველებური აზრი და შე-
ხედულებაც უფრო დროს შესაფერათ უნდა შესცვალო,

თორემ წინააღმდეგ შემთხვევაში შენ ისეთივე განსაცდელი მოგელის, რომელშიაც უკვე იყავი მამის-შენის, გლახუნის, გარდაცვალების შემდეგ. ამიტომაც. თუ ამდენს ხანს შენი აზრი ის იყო, რომ შავლას მარტო სოფლის + ოლა გაეთავებია და შემდეგ თოხით შენვე ამოგდგომი და გვერდში, დღევანდელ პირობებში კი ასეთი აზრი, გარდა ზარალისა და მიუტევებელის ცოდვისა, შენთვის სასირცხოვ იქნება. აქ შენ არ იფიქრო, რომ ეგ შენი აზრი ოდესმე მოსაწონი ყოფილიყოს!.. არა, ასეთი უგუნური აზრი და შეხედულება ყოველთვის სამარცხვინო და საზარალო ყოფილა, იყო და არის; მაგრამ ასეთს შენს საქციელს ამდენს ხანს ცოტათ თუ ბევრათ ამართლებდა შენივე ქონებრივი შეუძლებლობა; მაგრამ რაკი დღეს ეს უკანასკნელი მიზეზიც აღარ გაბრკოლებს, ამიტომ გირჩევ შენი ქალ-ვაჟის გამოზდას მაღალ სასწავლებელში შეეცადო, რადგანაც ამას დღეს, გარდა ზნეობრივის ვალისა, შენივე ინტერესებიც მოითხოვს. თქმა არ უნდა, რომ ყველა ამავის შესრულება შენგან საგრძნობელ ხარჯსაც მოითხოვს და, მაშასადამე, თუმცა აქედგანვე რამე არ მოიფიქრე და შენს შესაფერს საშუალებას არ მიჰმართე, ერთი დაქვეითება შენს ოჯახს, უეჭველია, კიდევ მოუწევს (რასაკვირველია, ქონებრივის მხრით). და თუ რა ძნელია შემდეგ დაწეული ოჯახის წამოყენება, ეს გამოცდილი, ჩემო ბეჟან, ვგონებ, შენც საკმაოთ გაქვს. — მეტი რაღა მოფიქრება შემიძლია მეო“, — იქნება სთქვა შენ! მაგრამ რატომ, ჩემო ბეჟან! თუ კი ოდესმე საქმის გამოკვლევა და მოფიქრება გჩვევია შენ, ესენი დღეს უფრო უნდა შეგეძლოს, რადგანაც ახლა ამავისთვის შენ დროცა გაქვს და (მონათქვამის სისრულეში მოსაყვანათ) შეძლებაც. დღეს შენს ოჯახს, როგორც ზემოთა ვსთქვით, წელიწადში 2090 მანეთამდის აქვს შემოსავალი და ნუ თუ ასეთ შეძლებულ ოჯახის პატრონს, როგორიცა ხარ შენ, გაუჭირდება თავისი ორი შვილის რიგიანად გამოზდა?! მე ვფიქრობ, რომ მისდღემშიც არა

და აი რატომ: ვისაც შვილების რიგიანათ აღზრდის დიდი მნიშვნელობა აქვს შეგნებული, იმას არამც თუ ამოდენა შემოსავალი, არამედ, ამის მეხუთედიც რომ არ გააჩნდეს, მაინც არას დროს არ დასჯოვებს თავის შვილებს გამოუზღდელს და უსწავლელს; ამისთვის კი მხოლოდ ერთადერთი მონდომება და ხელის განძრევაა საჭირო. ამის დასამტკიცებლათ მე შემიძლია შენსავე მეზობლებზედ მივითითო. აქ მე სახეში მყავს შენი მეზობელი ლაზარე, რომელსაც ამ ოთხი-ხუთი წლის წინეთ ორი-ათას მანეთამდის ჰქონდა გასესხებული. შენ, უეჭველია, კარგათ გახსოვს, თუ რამდენი ვეზვეწით და ვემუდარეთ მას, მაგრამ თავისი ვაჟის სასწავლებელში მიცემაზედ მაინც ვერ დავითანხმეთ!.. მეორე მხრით ავიღოთ შენი ნათლი-მამა, როსტომი, რომელსაც არამც თუ ორი ათასი მანეთი, არამედ ორმოცი მანეთიც არ ენახა ერთათ თვალით, მაგრამ მან იმდენი მოინდომა, იმდენი თავი გადადგა და იმეცადინა, რომ თავისი შვილი პარმენი გამოუზღელი და უსწავლელი მაინც არ დასტოვა. და მერე რა იყო ამის მიზეზი, რომ ერთს შეძლება ჰქონდა, მაგრამ შვილი მაინც არ გამოზარდა; მეორეს, თუმცა არაფერი გააჩნდა; მაგრამ სამაგიეროთ იმან არც ვალი და ვახშის აღებას შეუშინდა, არც შრომა-ტანჯვას და შვილი უსწავლელი მაინც არ დასტოვა! ამის მიზეზი, რასაკვირველია, პირველის გაუგებლობა და უმეცრება იყო, ხოლო მეორესა კი მეტი მიხვედრა-განვითარება და მეტი გონივრული შეხედულება საქმეზედ. მერე ვინ წააგო, ან ვინ მოიგო ასეთი მოქმედებით? რასაკვირველია, რომ პირველმა წააგო: ლაზარეს, როგორც ფულით გასუნაგებულს, პირში ნერწყვი მოუვიდა და ამ ორი ათასი მანეთის (ერთ წელიწადს) ოთხი ათასად გარდაქმნა მოინდომა! აი, სწორეთ ამ მიზნით, მან გააღო სოფელში ერთი პატარა ღუქანი და თავისი უსწავლელი შვილიც შიგ დააყენა; მაგრამ დახე უბედურებას: ორი წლის განმავლობაში, ლაზარეს, ოთხი ათასი მანეთის მაგივრათ, ღუქანში, ოცი

მანეთიც აღარ დახვდა!! რაღა ქნა როსტომის შვილმა? — როსტომის ნასწავლმა შვილმა კი ორი-სამი წლის განმავლობაში მასზედ დანახარჯი ვალიც უკვე გაისტუმრა და ამასთან სამას-ოთხას მანეთამდის ეხლაც ყოველ წლოვით შემოაქვს ოჯახში. ამიტომაც როსტომის ოჯახი დღეს გაუმჯობესებული, კმაყოფილი და ბედნიერია, ხოლო მოხუცებული ლაზარე კი (ოჯახობითურთ) სიღარიბის გამო გაჭირებაში და განსაცდელშია. მაშ, ეცადე, ჩემო ბეჟან, რომ შენც ლაზარესავით არ მოგივიდეს. ამ ნაირად, მე დარწმუნებული ვარ, რომ შენისთანა შეძლებულ კაცს (თუ კი მოინდომებს) ყოველთვის შეუძლია შვილის გამოზრდა, თუ მალაღში არა, საშუალო სასწავლებელში მაინც. მართალია, შენ ორი შვილი გყავს გამოსაზრდელი და ამიტომ იმათი (ორივეს) მალაღს სასწავლებელში გამოზრდა იქნება ვერ შესძლო; მაგრამ სანამდის შენი შვილები მალაღ-სასწავლებლამდის მივიდოდნენ, მანამდის ათითორმეტი წელიწადი მაინც გაივლის და ნუ თუ ამ ხნის განმავლობაში შენ ისე ვერ მოაწყობ თავის მუშაობას, რომ ეხლანდელი შენი ოჯახის შემოსავალი ერთი-ორად გაჭაბდო?! თუ ხუთი ქცევა ადგილის გვლიშამ მარტო ბჟოლაბროწეულების შემორგვით და მასში უბრალო ბალახის დათესვით შესძელი შენ ორი ათას მანეთამდის წლიური შემოსავლის გაკეთება, ნუ თუ ამავე ადგილში (ბალახის მაგივრად) უფრო სასარგებლო მცენარეების (ხეხილების) მოშენებით ვერ შესძლებ შენ ხსენებული შემოსავლის გაორებას და გასამებას?! მე ვფიქრობ, რომ შენ სულ ადვილათ შეიძლებ ამას და აი რა მოსაზრებით: შენს განკარგულებაშია დღეს ხუთი ქცევა ადგილი *), რომელშიაც ბალახი გითესია. ამოდენა ადგილში

*) მე აქ იმ შეკვესე ქცევა ადგილს, რომელშიაც შენ ვენახი გაქვს შენებული, არ ვეხები, რადგანაც თავიდანვე მე ხუთ ქცევა ადგილთან შეჩნდა საქმე. ამიტომაც ამ ვენახის შესახებ მოფიქრებას და მის გაუმჯობესებას შენვე განდობ, ჩემო ბეჟან.

შენ ბალახი იმისთვის როდი დაგითრსაკს, რომ ამ უკანასკნელს ბევრი სარგებლობის მოტანა შეეძლოს შენთვის, არამედ იმიტომ, რომ ადგილი მოგესვენებია და ამ მოსვენებით შემდეგ მისგან უფრო მეტი სარგებლობა გამოგედნო. მაგრამ, რადგანაც ეს ადგილი დღეს უკვე შემოკავებულია (შემოლობილი), ამიტომ შენ შეგიძლია ამით ამ თავიდგანვე ისარგებლო და სანამ ადგილი დაისვენებდეს, მომავალი მუშაობის საქმე უფრო სასურველად გაიწაღო (გაიკეთო). რა თქმა უნდა, მე აქ სახეში მაქვს ხეხილების მოშენება, რადგანაც სხვა ქირახულის მოყვანა მასზედ ადგილთა მოსვენების წინააღმდეგი იქნებოდა და ამასთან მაშინ არც ბალახი გვექნებოდა ძროხებისთვის. დიახ, ხეხილები უნდა მოშენდეს, მაგრამ რა ნაირად? აი, ბეჟან, აქ შენ კარგად უნდა დაუფიქრდე საქმეს, რომ ის (ნამოქმედარი) საბოლოოდ გლახათ არ გამოვიდეს. — „ამი ვარჩევ რომელიმე ხეხილთაგანს და დავიწყებ რგვას ამ შემოლობილ ადგილშიო“, — იქნება სთქვა შენ. მაგრამ საქმეც იმაშია, ჩემო ბეჟან, რომ ერთი და იმავე ხეხილით (ერთგვარი) ამოკენა ადგილის გამსება არ იფარგებს. ეს შენც ხომ კარგად იცი, რომ ერთი და იმავე ხეხილის მოსავალი, ერთ და იმავე დროს იქნება ყოველთვის მოსაწვევი. და მაშ, სად შეგეძლება შენ ამოდენა ხეხილის ერთად დაკრება და ბაზარზედ გატანა?! ამიტომაც უმჯობესია ამნაირად გაისარჯო; ერთ ქცევა ადგილზედ ჯერ, შენ, უნდა დასთესი ან და წაარგა უბრალო აღუბალი, რომელიც შენის ეზოს ახლომახლო ათასობით მოიპოვება და შემდეგ, როცა ისინი ცოტას წამოიზდება, დაამყნა იმათზედ ის კახამაღი, რომელიც აპრილის პირველ რიცხვებში უკვე დამწიფებულია *). ასეთი ბალი, ერთ ქცევა ადგილზედ, სამას-ორმოცდა-ათამდის თავისუფლად დაეჭევა. ამათი ნაყოფი (ბალი) ყოველთვის რარ და

*) ასეთი ბალი ქ. ოზურგეთში მოიპოვება, ხოლო რაც შეეხება დამყნას, ამის ხეობა თითოეულმა თქვენგანმა უკეთ იცის.

სამ ფასში იყიდება, რადგანაც ის ისეთ დროს მოდის, როცა სხვა ჩვეულებრივი ბალის ქაჭანებაც არსად არის. თუ შენ თითოჯერ იკისრებ იმათ დაყიდვას, იმ შემთხვევაში აითხო ძირი ასეთი ბალისა მოგცემს შემოსავალს თუთხმეტ მანეთზედ არა ნაკლებ; თუ არა და მყიდველნი თითო თუმანს ადგილზედვე მოგცემენ სიხარულით თითო ძირ ბალში. მაგრამ ჩვენ ათი და ხუთმეტი მანეთის მაგივრად ხუთ-ხუთ მანეთს დავყაბულდეთ თითო ძირ ბალში. ამისდა მიხედვით, სამას-ორმოცდაათი ძირი ბალისაგან ჩვენ შეგვეძლება მივიღოთ ათას-შვიდას ორმოცდაათ მანეთამდის წლიური შემოსავალი. ასეთი საადრევო ბალის მოწვევას შენ აპრილშივე მოათავებ. მეორე ქცევაზედ შენ ქვიშა ხაღი უნდა მოაშენო, რომელიც, თუ მეტი არა, 400-დგან ოთხას-ორმოცდაათამდის მაინც დაეტევა და თითო ძირიდან (შემოსავალი) თორმეტ-ოთხმეტი აბაზის მეტიც, რომ არ ვიანგარიშოთ, ერთ ათას მანეთამდის შემოსავალი ქვიშა ბალისგანაც გექნება. ამ ბალის კაკლების დახმობაც შეგიძლია შენ (გაძხმარი ქვიშა ბალის ნაყოფს ზამთარში, გაცილებით მეტი ფასი აქვს) და ამნაირად, როცა მოგესურვება, მაშინ გაჭყიდი მას. ამაების მოწვევას მისივე მოასწრობ. მესამე ქცევაში შენ უნდა გააშენო ისეთი კარგი ჯიშის ატმები, რომლებსგანაც ტკბილეული კეთდება ხოლმე (კონსერვი). თუ თავის დროზედ ასეთი ატმის თესლი (ბურკა) ვერ იშოვნო, იმ შემთხვევაში შენ შეგიძლია ჯერ უბრალო ატმები მოაშენო და შემდეგ ამ უბრალო ატმებს კარგი ჯიშის ატმები დაამყნა ზედ. ხუთი-ექვსი კაკალი ასეთი ატმისა ერთ ისეთ ბანკა (ჭურჭელია, რომელიც უბრალო თუნუქიდგან კეთდება) ტკბილეულს (კონსერვს) გააკეთებს, რომელიც ათი შაურიდან სამ აბაზამდის ეღირება. ქცევაზედ ასეთი ატამი ოთხას ორმოცდაათამდის სულ თამამად დაეტევა. თუმცა თითოეული ატმის ხეს თამამად შეუძლია მოისხას სამას კაკალზედ მეტიც, მაგრამ ჩვენ ერთიმეორეზედ, სამასის მაგივრად, სამოც-სამოცის კაკლის მეტს

ნუ ვიანგარიშებთ ძირზედ (ამას ასე იმიტომ ვანგარიშობ, ჩემო ბეჟან, რომ შენს ექვიანობას ბოლო მოვუღლო). ასეთი ანგარიშით, ერთი ძირი ატამი მოგვცემს ხუთი მანეთის საღირალო ტკბილეულობას, ხოლო ოთხას-ორმოცდა-ათი ძირი კი ორი ათას-ორას-ორმოცდა-ათი მანეთისას. ტკბილეულობის გასაკეთებლად რამოდენიმე მანეთის შაქარიც დაგჭირდება შენ *). ყველა ამავების მოქმედებას შენ ივლისში (კვირიკო-

*) ატმის გასაყიდი ტკბილეულობის გაკეთება აი როგორ შეიძლება: ჯერ უნდა აიღო ერთი ვედრა ანუ თექვსმეტი ბოთლი წმინდა წყალი და ჩაუშვა რაიმე ასადულებელ ჭურჭელში (კარდალში). შემდეგ შიგ უნდა ჩაყარო ცხრამეტი გირი შაქარი, შემოჭვილო ცეცხლზედ და ადუღო ათ წამს. შემდეგ ძირს უნდა ჩამოაგვად და აცალო კარგათ გაცივება. ამ ნაირად მიიღებ შენ მოსქე შაქრის წვენი (სირაზს). ესლა ატმები ღამაზათ უნდა გასწმინდო, ე. ი. ზედა კანი უნდა შემოათალო, შემდეგ შუასედა უნდა დააპოთ და თითოეული ასეთი ატმიდგან ფრთხილათ ბურკა უნდა ამოიღო ისე, რომ ამ ბურკას ატმის ნამცეცხც არ უნდა გამოჭყუდოს. ამ ნაირად დამზადებული ატმები შემდეგ უნდა ჩააწყო გამორეცხილ და კარგად გამომშრალებულ თუნუქის ბანკაში ისე, რომ ატმები ზურგით ბანკის კიდებებზედ უნდა იყოს მიწყობილი და განაპობი. პირი კი შიგნით უნდა იეურებოდეს. (ატმის ზურგ შუა და ბანკას კედლებ შუა თავისუფალი ადგილი არ უნდა იყოს დაჩენილი). ბანკა, რასაკვირველია, პირამდის ატმებით არ უნდა იყოს ამსებული. როცა ამ ნაირად ბანკებში ატმებს დაამზადებ, შემდეგ იმათ თავსედა უნდა დაასხათ ის სქელი და გაციებული შაქრის წვენი, რომელიც შენ უკვე მომზადებული გაქმნება წინ-და-წინ. მაგრამ ისე კი უნდა დაასხათ, რომ ბანკის თლათ გავსებას ორი თითის დადება მაინც აკლდეს. შემდეგ თუნუქის ასეთ მომზადებულ ბანკას თუნუქისვე თავსახურავა ისე კარგათ უნდა შემოაწებო ანუ შემოაფისო (ტუკიის წყალობით), რომ ბანკიდგან ჭაქარს არა გზით არ შეეძლოს ამოსვ-

ბისთვეში) შეიძლება. მეოთხე ქცევაზე შენ უნდა გააშენო ისეთი კარგი ვაშლები, რომლების ნაყოფი კარგი გიდასატან-გადმოსატანიც იყოს და ამასთან კარგი შესანახიც. თუ შენ ასეთი ვაშლების ჯიშს აარჩევ, რომლებიც დიდრონ ხეებათ იზდებიან (ასეთი დიდი ვაშლის ხე ერთი შენც გიღვია ეზოში), მაშინ ასეთი ვაშლის ხე ორას ძირზედ მეტი არ დაეტევა ქცევაზედ; მაგრამ სამაგიეროთ თითოეული ასეთი ძირი ოცი მანეთის ნაყოფს მაინც მოგცემს. შენ კი თითოეული ასეთი ვაშლიდგან ათი მანეთის მეტიც რომ არ იანგარიშო, ერთ-ორი-ათას მანეთამდის ამ ვაშლებიდანაც გექნება წლიური შემოსავალი. ამ საქმეს შენ ფენკენისთვეში მოიძოქმედებ *). ეხლა დაგვრჩა მეხუთე ქცევა მიწა, რომელზედაც უმჯობესია მოაშენო ხეჭიჭური მსხალი, რადგანაც ის ერთი, რომ გვიან (ოქტომბერში) მოდის, მეორედ, ქარის არ ეშინია და მესამედ, როგორც თითონ იცი, ზამთრისთვის ადვილი შესანახია. ეს უკანასკნელი იმდენი დაეტევა ქცევაზედ, რამდენიც ვაშლი და ამასთანავე შემოსავალიც იმდენი ჩავაგდოთ, რამდენიც ვაშლიდგან, ე. ი. ორი-ათას მანეთამდის **).

და. ასე თავ-გადაფისული კონსერვაციის ბანკა შემდეგ აღუებულ წყალში უნდა ჩადგა და გააჩერო შიგ (ადულო ქვაბში) ათ წამს. ამ ათი წამის შემდეგ ის მდუღარიდგან უნდა აშოილო და სადმე ცივს და დარულ ადგილას შეინახო. აი, ამხარად შეგიძლია შენ დააკეთო ატმებიდგან ათასობით კონსერვები.

*) თუ რა დროს უმჯობესია ვაშლების დაკრეფა, ამის შესახებ იხილე „ქოგზაურის“ დამატება „გამოსადეგი ცნობანი“, წიგნი მეექვსე.

***) ამ ორ ქცევა ადგილში, რომელშიაჩ მსხალი და ვაშლი გაქვს გაშენებული (ხესილებს შორას), უცვლელია, ისეთი ადგილებიც ბევრი დარჩება, რომლებზედაც ბაღიულობის მოყვანა თამამად შეიძლება და ამ ხარად იმათგან კიდევ სარგებლობის გადმოღობა!.. ესენიც შენთვის მოშინდვია, ჩემო ბუყან.

ქცევა ადგილთა ხილველობის ფასოვნება (სადრეო ბალი — 1750 მან., ქვიშა ბალი—1000 მ., ატამი —2250 მ., ვაშლი —2000 მ., მსხალი—2000 მ.) აღის ცხრა ათას მანეთამდის! ახლა შენ; უეჭველია, განცვიფრებული იკითხავ: «ეს ყველა კარგი, მაგრამ ძროხებს რაღა უყავით, თუ იმათ მოსპობას მიპირდებითო?!» არა, ჩემო ბეჯან, ძროხებისგან შენ ისეთი უტყუარი შემოსავალი გაქვს, რომლის ბედ-იღბალიც სხვაზე უფრო უზრუნველ-ყოფილია ბუნების სხვა-და-სხვა მედიდურობის და ზედ-გავლენისაგან. ამიტომაც იმათის არამც თუ მოსპობას, არამედ, თუ მეტი არა, ერთი-ორად (ე. ი. თორმეტამდის შეძენას) გამრავლებას მაინც გიპირდები. რაც შეეხება იმათ სარჩენ ბალახს, ამისთვის, აი როგორ უნდა მოიქცე: როგორც კი შენს ადგილებში, ხეხილები მორჩება და ცოტა წამოიზრდება, შენ მაშინვე სხვა ადგილი უნდა გაიჩინო სათიბად. ბალახისთვის შენ შეგიძლია, ხუთმეტ ქცევამდის, ზეგანი ადგილი აიღო იჯარით და ახლო მომავალში ისინი შენთვის შემოიყიდო. ასეთი ხუთმეტი ქცევა ადგილის იჯარით აღება წელიწადში, სულ რომ ბევრი ვსთქვათ, ას-ოც მანეთამდის არ დაგიჯდება, მაგრამ მე მაინც (ყოველ ექვს გარეშე, რომ დარჩეს) ამ ხუთმეტ ქცევა ადგილს ას-ორმოც-და-ათ მანეთად ვანგარიშებ წელიწადში. ამნაირად, ხუთმეტი ქცევა ადგილის იჯარით აღებით და კიდევ ექვსი სული მეწველი ძროხების შეძენით, შენ წინანდელ შემოსავალს ერთი ცხრა ას-ორმოც მანეთამდის კიდევ მოემატება. სულ ამ ექვსი სული ძროხების შეძენით და ხეხილების მოშენებით ექნება შემოსავალი შენს ოჯახს ცხრა-ათას ცხრა-ას-ორმოც მანეთამდის. ამას კიდევ თუ მიუმატებთ წინანდელ ორი ათას ოთხმოც-და-ათი მანეთის შემოსავალს, რომელსაც ჩვენ ვღებულობდით ბჟოლა-ბროწეულის მოშენებით და ექვსი სული ჯიშიერი ძროხების შეძენით, მივიღებთ თორმეტი-ათას ოც-და-ათ მანეთამდის. მაგრამ ყველა ამას წმინდა შემოსავალი რომ დავარქვათ, შეცდომა იქნება და აი რატომ: ხუთმეტი

თუმანი შენ აგერ მარტო სათიბ ადგილში გაგიდის წელიწადში. სამას ოცდა-ათ თუ ორმოცდა-ათ მანეთამდის შენ ერთხნობით გკირდება ექვსი სული ძროხების საყიდლათ. ამ ნაირად შენ მომავალში თორმეტი სული ძროხა გეყოლება და იმათ მოვლას ეხლა მარტო ირინეც ველარ შესძლებს (შენც აღარ გცალაა იმის მისახმარებლად დღეს). მაშასადამე, რომ ძროხებისგან ზემოხსენებული სარგებლობა მიიღოს ოჯახმა, ამისთვის საჭიროა ერთი კაცის დაქირავება და იმათზედ მიპირება, რაც ათი თუმანი მაინც დაგიჯდება წელიწადში. თუ ორი მუშა წლიურად არ დაიქირავე, ამოდენა ხეხილების რიგიანათ მოვლას მარტო შენ ხომ ვერ შესძლებ?! ერთი ოცი თუმანი, რასაკვირველია ამათვინაც დაგკირდება. გარდა ამისა, ხეხილების დაკრეფაზედ (მოწვევაზედ) და ატმებიდგან ტკბილეულობას დაკეთებაზედაც დაკკირდება შენ (თუმცა-ლა დროებით) მუშების დაქირავება, რაუბშიაც, ადვილი შესაძლებელია, სამას ორმოცდა-ათ მანეთამდის დაგეხარჯოს. კონსერვების დასაკეთებლათ იქნება ერთი ორასი მანეთის შაქარიც დაგკირდეს. შეიძლება, ზოგიერთი ხილეულობის ბაზარში გატანაც მოგიწიოს შენ (თუმცა-ლა წინანდელი ანგარიშით, ზემოხსენებულ ფასებს შენ ეზოშივე მოგცემს მსყიდველი) და ამას, რასაკვირველია, ხარჯი მოუნდება. ამასთან, იქნება, გადატან-გადმოტანაზედაც გაგიფუქდეს რამოდენიმე მანათის ხილი, ესენი ყველა საანგარიშოა და, რომ შენ გულ-ნაკლულათ არ დარჩე, ამ უკანასკნელი საჭიროებისთვის (მოსალოდნელი ზარალიანა) გადავდვათ შვიდას მანეთამდის. ძროხების ყიდვიანა, რომ ვიანგარიშოთ, სულ წლიური გასავალი გექნება შენ ორი ათასოცდა-ათ მანეთამდის, ხოლო შემოსავალი კი (მთელი ღირებულობა მოსავალისა) თორმეტი ათას ოცდა-ათ მანეთამდის. აქედგან შენ თუ გინდა შეიტყო ოჯახის წლიური წმინდა შემოსავალი, იმ შემთხვევაში ზემოხსენებულ მთელ მოსავალთა ღირებულობას უნდა გამოაკლო ის ორი ათას ოცდა-ათი მანეთი, რომელიც

შენ დაგიხარჯავს მთელი მოსავალის მოწვევაზედ და იმათ გადატან-გადმოტანაზედ და აი, ეს იქნება ოჯახის წმინდა შემოსავალიც. ამ ნაირად, ჩვენ ვხედავთ, რომ ზემოხსენებული მოქმედების გამო (წინეთ შემოსავალი რა იყო არც ქე იცოდი შენ) დღევანდელი შენი ოჯახის წმინდა შემოსავალი ათი-ათას მანეთს აღემატება! აქ თუ შენ კარგად ხაუკვირდები საქმის ვითარებას, უსათუოდ დაინახავ (დარწმუნდები), თუ როგორ შეიძლება ფულიდგან ფულებისავე გაჩენა! როგორც მოგეხსენება, ამას წინეთ, შენს ოჯახში სამას მანეთამდის ძლივს მოუყარეთ თავი. ამ სამასმა მანეთმა ჩვენ მოგვცა საშუალება, რამოდენიმე ხნის განმავლობაში, ოჯახის წმინდა შემოსავალი (ნუ დაივიწყებ, ჩემო ბეჟან, რომ წინეთ ოჯახის შემოსავალი რამოდენჯერმე აღემატებოდა და ამიტომაც შენს ოჯახს მუდმივ ვალი და ვახში ახრჩობდა) ორი ათას მანეთამდის აგვეყვანა. ხოლო ამ უკანასკნელის შემწეობით კი იგივე შემოსავალი (შვიდი-რვა წლის განმავლობაში) ათი-ათას მანეთამდის ავიდა (გადიღდა!). ამნაირად, ჩვენ ვხედავთ, რომ იმ სამასმა მანეთმა, რამოდენიმე ხნის განმავლობაში, ისეთი რამეები გააკეთა, რომელთა წყალობით დღეს შენს ოჯახს (წინანდელი ვალის და ვახშის მაგივრად) ათი-ათას მანეთამდის წმინდა შემოსავალი აქვს!.. ამას შემდეგ, იმედია, შენც დამერწმუნები, ჩემო ბეჟან, რომ, თუ კი (რამოდენიმე ხნის განმავლობაში) სამასი მანეთიდგან კი შევსძელით ათი-ათას მანეთამდის წლიური შემოსავლის გაკეთება, მაშინ ნუ თუ ათი-ათასი მანეთიდგან უფრო ადვილათ არ შეიძლება სამოცი თუ სამოცდა-ათი ათასი მანეთის მიღება?! მაგრამ რას იზამ, რომ ამავებისთვის შენ არც ცოდნა გყოფნის, არც გამოცდილება! შენ, ჩემო ბეჟან, არამც თუ სამოცი ათასის, არამედ ათი ათასი მანეთის გაძლოლასაც ვეღარ ძლებულობ და ამიტომაც თუ ვინმე მცოდნე დროზედ არ დაინმარე, უეჭველია, ეს შემოსავალი, ადრე თუ გვიან, ხელიდგან გამოგვეცლება. ღიახ, აქ გჭირია დახმარება, აქ

გინდა შენ, ჩემო ბეჟან, მკოდნე და განვითარებული კაცი და აი, სწორეთ ამ გასაჭირ დროზედ მოგისწრობს შენ შენი (მაღალ სასწავლებელში გამოწვრთნილი) ნასწავლი შვილი, შავლა, რომელიც თავისი ცოდნით და გამჭრიახობით უსათუოთ შესძლებს ამ ათი ათასი მანეთიდგან, არამც თუ სამოცი ათასის, არამედ ასი ათასი მანეთის შექმნასაც.

აი, ასეთ მოქმედებას ჰქვია, ჩემო ერთგულო მეზობელო, ოჯახში კარგი თავ-დარიგიანი, სარგებლიანი მუშაობის შერჩევა და ცოტა დროის შრომა-მოქმედებით ბევრის გაკეთება, რომლებსაც შენც სულით და გულით ზღისურვებ.

მაშ გაუმარჯოს სოფლელ მუშას!..

შენი მარად კეთილის მსურველი ტ. ართქელაძე.



შენიშვნა: „მოგზაურის“ რედაქცია ახლო მომავლისთვის ამზადებს წერილს ჰურის მოყვანის შესახებ ბოსტნურის წესით. ამ წესით მოყვანილი ჰური ერთი ათად შეტს მოსავალს იძლევა და ამიტომ იშვიათად უმნიშვნელო არ იქნება ბეჟანისთანა შეგნებული მეურნე მუშებისათვის.

რედ.

ჰიგიენა-მკურნალობა.



დიფტერიტი

(ჩვენებურად ყალათმა, ხუნაგი ანუ ეელჭირვება)

ამ ზირის ცნობა, მისგან თავის დაცვა და მისი წაშლა *).

1. რაგვარი ჭირია დიფტერიტი და როგორ შეეწერება იგი ღდაშიანს.

საქართველოს სხვა-და-სხვა მხარეში დიფტერიტს ზოგან ხუნაგს ეძახიან, ზოგან ყელჭირვებას, ზოგან ყალათმას და სხვ... დიფტერიტით უფრო ხშირად ბავშვები ხდებიან ავად, ასე, ორი წლიდან ხუთმეტამდე, მაგრამ ეს ჭირი შეიძლება ძუძუთა ბავშვს, დიდებსა და მოხუცსაც კი შეხვდეს.

ღრო და ჟამი დიფტერიტს არ გააჩნია, მაგრამ უფრო ხშირად კი ეს ჭირი ვრცელდება შემოდგომობით და ზამთრობით, როდესაც სიცვიის გამო ხალხი დახშულს ოთახებში იბუდებს.

დიფტერიტი გადამდები ჭირია, სახადივით გადადის ერთისგან მეორეზე, თუ ერთი გახდა ავად, იმისგან მეორე და

*) ამ სტატიის შედგენის დროს ჩვენ ვისარგებლეთ ეველას საუკეთესო წერილებით ამ სეხის შესახებ და უმთავრესად სანაჯხობრად შურით, შედგენილი დოქტორის ა. ბუტკევიჩის-მიერ. ი. ა.

მესამე ხდება ავად და ხშირად მთელს უბანს და მთელს სოფელსაც მოედება ხოლმე. ახლა ისაა საკითხი, რა ქირია ეს დიფტერიტი და საიდან ჩნდება იგი?

ჰაერი, რომელშიაც ჩვენ ვცხოვრობთ, როგორც თვეში წყალში, ყოველთვის წმიდა, სუფთა როდია. ადამიანის თვალს შეუძლია მსხვილი მტვერი დაინახოს, მაგრამ რამდენი ურიცხვი რამ ირევა ჰაერში, რომ ჩვენი თვალი ვერ ხედავს, ამას ვინ მოსთვლის! აი თქვენ ზიხართ ოთახში და გგონიათ, რომ წმინდა ჰაერით სუნთქავთ, მაგრამ ჰა დააბნელებთ ოთახი და კარი ან ფანჯარა ცოტათი გამოაღებთ იმდენად, რომ მზის სხივი შემოვარდეს და ნახავთ რამდენი რამ ირევა იმ ჰაერში, რომლითაც თქვენ სულდგმულობთ. დიად, ჩემო ბატონო, ჰაერში შილიონობით ირევიან წვრილმანი, თვალთ-უხილავი ცოცხალი არსებანი, რომელთაც მეცნიერულად ბაქტერია ეწოდება. რომ ავიდოთ ეს თვალისთვის უხილავი მტვერი და იმნაირი იარაღით გავშინჯოთ, რომელიც საგანს ერთი ათასად აღიდებს (მიკროსკოპით), მაშინ ადვილად დავინახავთ იმ ბაქტერიებს და მათს სახე-მოყვანილობას. ბაქტერიები სხვადა-სხვა გვარია, ზოგი რკალივით მრგვალი, ზოგი ჩხირებს ჰგავს, რომელთა შორის ზოგი მრუდე და მოკაკულია და სხვ...

სადაც მეტი სიმყარაღე, ქუქყი და უწმინდურება-უსუფთაობაა, სადაც ათასი რამე იხრწნება, ლპება და ჰაერს შხამავს, ბაქტერიებიც იქ ჩნდებიან, ხარობენ, ფუთფუთებენ, ფუფუნებენ. ამ გვარად ბაქტერია-მიკრობები ქალაქ ადგილას უფრო მეტია ჰაერში, ვიდრე სოფლად; სახლში, ოთახში (დახურულ ჰაერში) უფრო მეტი ირევა, ვიდრე გარედ (ღია-ჰაერში). აქედან ადვილი მისახვედრია, რომ მთა-ადგილებში, სადაც მტვერი არ ხვდება, ჰაერი გაცილებით უფრო სუფთა და მკურნებელია. ათასნაირ ბაქტერიებს შორის, რომელნიც ჰაერში ფუსფუსებენ, ყველა ჩვენი მტერი როდია; ზოგი მათგანი, პირიქით, სასარგებლონიც არიან ადამიანისთვის, მაგრამ ღმერთმა თქვენს მტერსაც აშოროს ის ბაქტერიები, რომელ-

ნიც ადამიანს შხამად ედებიან. ეს მავნე ბაქტერიები შეატანენ თუ არა ადამიანის სხეულში, წამსვე იჩენენ თავს და ქირად ედებიან. სხვა-და-სხვა გვარი ბაქტერია სხვა-და-სხვა გვარი ქირის დედაა.

ასე და ამ გვარად ადამიანს ყოველთვის გარს არტყია აუარებელი რაზმი თვალისთვის უხილავი დაუძინებელი მტრისა, რომელთანაც ბრძოლა მაგრე ადვილი არ არის. აქ ვერც მკლავი გასჭრის და ვერც ხმალი, ვერც თოფი და ვერც ზარბაზანი. ამ მტერთან საბრძოლველად ერთად-ერთი იარაღი, რომელიც ჩვენთვის ღმერთს მოუნიჭებია, ეს ჩვენი ჭკუა-გონებაა და უნდა გონივრულად ვისარგებლოთ იმ საშუალებით, რა საშუალებაც ჩვენთვის მეცნიერებს აღმოუჩენიათ.

ახლა, რასაკვირველია, იკითხავთ: თუ კი მაგდენი თვალთუხილავი ქირი და მტერი თავს გვახვევია, რატომ ყოველთვის და ყველანი არ ვხდებით ავად? აი ამის პასუხი: ბაქტერიები ყოველთვის არ მრავლობენ იმდენად ჭაერში, არც ყოველთვის აქვთ იმდენი ძალა, რომ ადამიანი სძლიონ, და არც კაცი შეხვდება ხოლმე ყოველთვის ისე სუსტი, რომ მისმა ჯანმა ვერ მოინელოს თავისი თვალთუხილავი მტერი.

ხოლო ბრძოლა მაშინ არის გამწვავებული, როცა ადამიანს შეეყრება გადასადები ქირი და როცა ამ ავადმყოფის გარშემო ბაქტერიები გუნდ-გუნდათ ფუთფუთებენ. აქ მათი შხამი იქამდე ძრეული და ცხოველია, რომ კარგი ჯანი უნდა ჰქონდეს ავადმყოფის მომვლელს, რომ მათ გაუძლოს და ქირი არ გადაედოს. ავადმყოფისა ქირიანია, შხამიანია ნერწყვი, ოფლი და ცხვირის სითხე—ცინგლი. მეტადრე ადვილად გადაედება ხოლმე ქირი იმას, ვინც დაღლილი და მოქანკულაია, დარდისა და ბოროტისაგან დაღაჩრულია, უძილობით დასუსტებულია ანუ ჭამა-სმა რიგიანი ჯრა აქვს და საზოგადოთ დაჯანდაგებულია. ლოთობით დაღლილს კაცსაც და აგრეთვე გაციებითაც გაღაახულს ჯანს ადვილად ერევა ეს ქირი, ხშირად ბაქტერია და მისი შხამი კაცის გვამს შეატა-

ნენ ხოლმე წყლოულიდან ანუ რამე ქრილობიდანაც, და რა წამსაც ბაქტერიები შეატანენ ადამიანის სხეულს, იმ წამსვე საშინლად მრავლდებიან, ავადმყოფს აყრუოლებს, შეამცივნებს, მერე სიცხეს მისცემს, ხოლო ის ადგილი, საიდანაც შხამმა შეატანა სხეულს, სივდება, ენთება, უწითლდება და წყლოულდება.

დიფტერიტის ბაქტერია, რომელსაც მეცნიერები დიფტერიატის ჩხიჩხებს ეძახიან, რადგან ჩხირებს ჰგვანან, უფრო ხშირად ადამიანს ყელში ედება, ყელში ბლარტობს, მრავლდება, შხამს აჩენს და სწამლავს ადამიანს. თუ კაცს ტანზე სადმე ქრილობა ან წყლოული აქვს, ბაქტერია არც ამ ადგილს დაიწუნებს. რას სჩადის დიფტერიტის შხამი ადამიანის სხეულში და რა საშუალება გამოიგონა კაცმა მასთან საბრძოლველად, ამას ქვემოთ გავიგებთ.

2. აღწერა ავადმყოფობისა და მისი ნიშნები.

ამ ათიოდე წლის წინეთ, გადამდებ ქირთა შორის დიფტერიტი ყველა ქირზე უსაშინელესი ქირი იყო, დიფტერიტი უფრო მეტს ხდებდა ბავშვებს, ვიდრე ქუნთრუშა, რადგან, მაშინ არც დიფტერიტისა და არც ქუნთრუშის წამალი არ იცოდნენ, ახლა კი მადლობა ღმერთს, წამალი ნაპოვნია და დიფტერიტი აღარ არის ისეთი საშინელება, როგორც წინეთ იყო. მაგრამ დიფტერიტისაგან ავადმყოფის მორჩენა მხოლოდ მაშინ შეიძლება, როცა დროზედ უშველით, როცა დასაწყისშივე მიასწრობთ წამალს. თუ რომ ქირმა უკვე ფეხი მოიკიდა, მაშინ, სამწუხაროდ ვეღარც ახალი გამოგონილი წამალი უშველის რასმე.

ამიტომ ავადმყოფობის ნიშნების ცნობას მეტად დიდი მნიშვნელობა აქვს, რომ დროზედ მიასწროს კაცმა წამალი და სადსარი. დიფტერიტის ცნობა კი მაგრე ადვილი არ არის, რადგან დასაწყისში ავადმყოფობა თითქმის შეუმცნევლად იწყება.

რამ არ დაგვარგათ დრამ და ჭიშის იმ თავითვე, დასაწყისშივე შეგებრძალათ, უნდა ყოველთვის, როცა ბავშს სიცხეს მისცემს და თან ყელის ტკივილს სჩივის, ყლიაბას უშლის, უძნელდება, მაშინათვე გაეშინჯოს ყელი, საყლაპავი, მეტადრე თუ ხმა დადის, რომ თქვენს გარშემო მეზობლებში და უბანში ბავშვები ყელის ტკივილით ავად ხდებიან და იხოცებიან, მაშინ ნურც ერთს წამს დროს ნუ დაჰკარგავთ და ბავშვის ყელი დოქტორს გააშინჯვინეთ.

პატარა ბავშვების ყელის გაშინჯვა ადვილია მაშინ, როცა ბავშვი ყვირის. მოზდილი ბავშვი კი დასვით სინათლის პირდაპირ, პირი დიდათ გააღებინეთ, მხოლოდ ენას კი გარედ ნუ გამოჰყოფს, მერე ჩაის კოვზის ტარით ანუ ხის კოვზის პტყელის ტარით დააჭირეთ ენის ზურგს და ძირს დასწიეთ იმდენად, რომ საყლაპავთან პაწია ენა (საკლიტე) გამოჩნდეს. მაშინ კარგად გაშინჯეთ საყლაპავის აქეთ-იქიდან ჩამოსული ჯირკვლები. თუ სუმბუქად შესივებული ჯირკვლები დაფარულია მოყვითალო ანუ ზოგჯერ ნაცრის-ფერი ხალებით (აბლაბუ-დასავით), მაშინ იცოდეთ, რომ დიფტერიაა. ამიტომ გამო-

უცდელ, უცოდინარ კაცისთვის მეტად ძნელია გაარჩიოს დიფტერიტია თუ უბრალო ყელის ტკივილი, მაშასადამე, ყოველთვის სჯობს და მოვალენიცა ვართ, რა წამსაც შევამჩნიოთ, რომ ყელში ჩამოსუო, დასიებულ ჯირკვლებზე აბლაბუდასავით რალაცა ფრად აქვს გადაფარებული; მაშინათვე დოქტორს გავაშინჯოთ ბავშვის ყელი. ის კი უნდა აღვნიშნოთ და ადვილი შესამცნევიც არის, რომ დიფტერიტი დასაწყისშივე სხვაფრივ მიმდინარეობს და უბრალო ყელის ტკივილი სხვაფრივ.

აქ თქვენი ყურადღება უნდა მიაქციოთ შემდეგს: მოგვხსენებათ, რომ ქუნთრუშამაც ყელის ტკივილი იცის და ძრიელაც წააგავს მყრალ დიფტერიტს, მაგალითად: ქუნთრუშით ავადმყოფს ყელი იმ გვარადვე ჩამოსდის, ჯირკვლები უსივდება და ზედ ეფინება ნაცრის-ფერი აბლაბუდა და ისე უზვიადდება, როგორც მყრალ დიფტერიტის დროს და ბავშვს მყრალი სუნის ამოსდის პირიდან.

მაგრამ რა სატკივარიც უნდა იყოს, თუ კი ყელის ტკივილით დაიწყება და იმავე დროს მტკივან ადგილზე ყელში აბლაბუდასავებ დაეფინება, ვიდრე ექიმს აჩვენებდეთ, ისე მოე-

ქვეთ, როგორც ნამდვილ დიფტერიტს, კარგა მყოფი ბავშვები ავადმყოფს გააშორეთ და სრულებით ნუ მიაკარებთ ყელ-მტკივან ბავშვებს, ვიდრე ავადმყოფობა გამოირკვეოდეს; სჯობს მეტი შიში სკამოთ, ტყუილ-უბრალოდ თავისიანებსაც გულები დაუხეთქოთ, ვიდრე დრო დაჰკარგოთ და ბოლოს სანანურად გაგიხდეთ და ნამდვილ დიფტერიტს შეილი დაახრიობინოთ.

დიფტერიტით დიდებიც ხდებიან ავად, მაგრამ უფრო ხშირად ეს ჭირი ბავშვებს ხვდება ორის წლიდან, ვიდრე ათ წლამდე; ძუძუთა ბავშვებს კი პირველ წელს და მეტადრე ექვს თვემდე ძრიელ იშვიათად ხვდება დიფტერიტი.

დიფტერიტი შეხვედრის წამიდან არ იჩენს ხოლმე თავს, უნდა გაიაროს ორმა ან ხუთმა დღემ, რომ ნამდვილმა დიფტერიტმა თავი იჩინოს, ხოლო მისი გამჩენის უტყუარი ნიშნები არის ყელში აბჯაბუდა და ტანში სიცხე. შეიძლება, რომ დიფტერიტიან ავადმყოფს დიდი სიცხეც არ მისცეს, ძრიელ ხშირად უბრალო ყელის ტკივილის დროს უფრო დიდს სიცხეს მისცემს ხოლმე. ხოლო ის კი უტყუარია, რომ დიფტერიტის დროს ბავშვი უფრო ცუდათ გრძნობს თავს, თუ გინდ პატარა სიცხეც ჰქონდეს; მადა ეკარგება, სუსტდება, დუნდება, ჩულივით ხდება და სულ ძილი მოსდის; ეს იმიტომ, რომ დიფტერიტის შხამი, ყელში გაჩენილი, ავადმყოფის სისხლსა და ხორცში ერევა და სწამლავს მთელს სხეულს.

ერთსა და იმავე დროს, აბლაბუდიან ყელის ტკივილთან, კისრის ჯირკვლებიც სივდება და უფრო იმ მხარეს უჭერს, რა მხარესკენაც ყელში სიმსივნე სჭარბობს; ჩვეულებრივი დიფტერიტის დროს კისრის ჯირკვლები ძრიელ არ უსივდება, ხელათ რო შეეხო, თითქოს ტყავის ქვეშ გორაობენო. ამისთანა სიმსივნე ჯერ ყურის უკან იწყება, იქვე ახლოს ქვემო ყბის და ყურის ძირთან. ყბა-ყურის ისეთი დიდი სიმსივნე, როგორც ქუნთრუშამ იცის, დიფტერიტის დროს არ

მოხდება. ჩვეულებრივი დიფტერიტი, თუ კარგა ხელი შეუწყე და დროზე უწამლე, უფრო ხშირად მშვიდობიანად გაივლის: ავადმყოფობის დაწყებიდან ერთი კვირის დამლევს ყელში აბლაბუდა თან-და-თან კლებულობს, დნება, თხელდება და ბოლოს ცოტ-ცოტათი შორდება ანუ ერთბაშად მთელი ნაქერი აბლაბუდისა მოეძვრება ხოლმე მტკივან ადგილს. ამ დროს მტკივანს ადგილს ნაჩხაპნებივით ეტყობა, რის გამოც ყლაპვას ახლა უფრო უშლის, უძნელდება, ვიდრე მაშინ, როცა აბლაბუდა ჰქონდა გადაკრული. ნაჩხაპნ ადგილებზე ხშირად სისხლიც გამოჩნდება, მაგრამ ჩქარა უმთელდება და იარავებული ადგილი და ორი კვირის შემდეგ, ავადმყოფობის დასაწყისიდან, ბავშვი სრულებით იკურნება, რჩება.

ყველაფერი, აქ რაც ვსთქვით, ეს ჩვეულებრივ დიფტერიტს შეეხება, ხოლო რა ემართება შერადი დიფტერიტით ავადმყოფს, ამას ქვემოთ ნაამბობიდან გავიგებთ.

საქმე სულ სხვაფრივ მიდის გაძლიერებულ შერად დიფტერიტის დროს. შეიძლება დიდი სიცხე არც კი მისცეს, ან სრულებით არც კი გააცხელოს ბავშვი, მაგრამ ტანჯვა კი დიდი აქვს. ავადმყოფი ბავშვი მოწყენილია, აღარათრის ხალისი არა აქვს, აღარც თამაშობისა და აღარც გასართობისა, თვალები ებინდება, სისუსტისაგან თავს მალლა ველარ იღებს, არ ჰინჯულობს და უფრო ან სძინავს, ან ისე მიბნედილია. ამისთანა მდგომარეობაში სიკვდილი ყოველ წამს მოსალოდნელია, რადგან დიფტერიტის შხამით მოწამლული გული ძვერას შეაჩერებს და შედგება, ისე, როგორც საათი დადგება ხოლმე.

შერადი დიფტერიტის დროს ყელში დასიებული ჯირკვლები უწყუფლდება, მჭამელა იარსავით ღუპება და ზირიდგან მუტად მძიმე, შერადი, მძინარის სუნი ამოსდის ბავშვს. აი ამიტომ უძახიან ამ რიგ დიფტერიტს შერად ულათმას, შერად ეელის ჭირვებას, კისერზე ყბის ძირის ქვეშ იმ გვარადვე მაგრად უსიფდება ჯირკვლები, როგორც ქუნთრუშის დროს, სიმსივნე

მყრალი დიფტერიტის დროს რამდენადმე თუმცა ნაკლებია, მაგრამ ამ მაგრად დასიებულ ჯირკვლების გარშემო ტყავი უშუბდება, რომელიც ვრცელდება ზევით ლოყამდე და ქვევით ყელზე და თითქმის მკერდამდე და გულამდე ჩამოდის. დიდად შეშუბებული ადგილი, ახლო სიკვდილის ნიშნად ითვლება. როგორც ქუნთრუმის დროს, ჯირკვლების სიმსივნე შეიძლება მოარბილდეს და დაუჩირქდეს, გამოერწყოს და ეს ადგილი დიდად დაუწყლოლდეს და ტყავ-გადაძრობილი ხორცი გამოჩნდეს, მაგრამ მყრალი დიფტერიტის დროს საქმე აქამდე არ მიაღწევს ხოლმე, რადგან ავადმყოფი უფრო ადრე ესალმება წუთი-სოფელს.

ყელიდან დიფტერიტის აბლაბუდა შეიძლება ცხვირის ნესტოებში გადაედოს. ცხვირი ეცობა, უსივდება, თანვე სდის მწვავე ლორწო, ცინგლი და რასაც კი ეს სითხე მოხვდება, მკამელივით ედება. ხშირად ეს შხამიანი ლორწო ზემო ტუჩსა სჭამს, აწყლოლებს და ზემოდან აქაც დიფტერიტის აბლაბუდა ეფინება, ზოგჯერ დიდი სისხლის დენაც იცის; იქამდე ძრიელი, რომ შეიძლება სიკვდილამდე მიიყვანოს, ყელში დასიებულ ჯირკვლების გამო და დაცობილ ცხვირის გამო, ავადმყოფი ძლივს-ღა სუნთქავს პირღია და თან ყელში ახოხინებს, ახრიალებს, ძლივს-ღა ლაპარაკობს და მისი სიტყვის გაგება ძნელი ხდება. დიად, საშინელი რამ ჭირია მყრალი დიფტერია! ავადმყოფის მშველელი ერთი ღმერთია და, მეორე, მისი ძრიელი ბუნება.

პატარა ბავშვებს ხშირად დიფტერიტი ცხვირში შეეყრებათ და არა ყელში. დიფტერიტიანი სურდო წინამორბედი ნიშანია მძიმე დიფტერიტისა, რადგან შემცნეულია, რომ ვისაც კი ამ გვარი სურდო სჭირდა, მეტი ნაწილი იხოცებოდა. ცხვირთან ერთად დიფტერიტი ხშირად ეუსხაც დაუქერს და ფეთქვის დროს ყურიდანაც ისეთი სითხე, ლორწო სდის, როგორც ცხვირიდან, რის შემდეგაც ყურის სიმძიმე დიდხანს დარჩება ხოლმე და ან სრულიადაც ყრუდება ავადმყოფი.

დიფტერიტით შეიძლება თავადებიც ასტკივდეს ბავშვს. დიფტერიტის აბლაბუდა დიფტერიტიან ავადმყოფს შეიძლება მოედოს სადმე ტანზედაც, დაავადებულ ადგილზე, ე. ი. იარაზე, დაძვეწკილ-დაჩხაბნილ ადგილზე და სხვ. დიფტერიტს აგრეთვე შეუძლია არამ თუ ყელიდამ ზევით ცხვირში ავიდეს, არამედ ქვეითაც სასუნთქეში, სასუფემდე უწიოს და ყანყრატო დაუჭიროს. ამ გვარ დიფტერიტს დოქტორები კრუპს უძახიან.

კრუპი (ყელ-ჭირვება) დიდაც დიდად საშიში და სიცოცხლის სწრაფად მომსპობი ჭირია, იმიტომ რომ უვიწროესი ადგილი სასუნთქავ მილისა (ხორტი, ყანყრატო) სივდება, ვნთება და ზედ რო აბლაბუდა ეფინება, ეს თან-და-თან უცობს სასუნთქავ მილს, ჰაერს აღარ უშვებს ფილტვებისკენ, ავადმყოფი სუნთქვას ვეღარ ახერხებს და იხრჩობა. ტყუილად კი არ ეშინიანთ და გული უსქდებათ, შიშის ზარს სცემს მშობლებს, როცა კრუპი გამოაჩნდება ხოლმე ბავშვებს. კრუპი შეიძლება თან დაჰყვეს, ჩვეულებრივ დიფტერიტსაც და მყრალ დიფტერიტსაც.

კრუპი იმით იწყება, რომ დიფტერიტით ავადმყოფს ბავშვს თან-და-თან ხმა ეცლება, ეკარგება, ყვირის და ხმაწასული ხრინწიანად ძლივს-და ლაპარაკობს და თან ხველა აუტყდება. ხველა დასაწყისში გვიან-გვიან მოსდის, მერე კი უხშირდება, ძრიელდება, ბოხი და ხრინწიანი ხველა აუტყდება, თითქოს ძალი ჰყეფამსო, ისეთი ხმა ამოაქვს. თან-და-თან სუნთქვაც უძნელდება უშლის; სუნთქვის დროს ხრიალი შორიდანაც კი ისმის, ავადმყოფს დიდისგაჭირვებით, სტვენით შეაქვს ფილტვებში შესუნთქული ჰაერი.

თუ ბავშვმა ვერ მოახერხა და ყელში მოდებული აბლაბუდა თან-და-თან ხორხად ვერ ამოიღო და ვერ გასწმინდა გზა ჰაერისათვის, მაშინ სული უფრო და უფრო ძრიელ უგუბდება, ბავში უფოთავს, სწუხს, იტანჯება, სახე ულურჯდება; თვალეზე ეტყობა, რომ ბავშვს ეშინია, ხელებით

კისერზე ეხვევა და თავი უკან გადააქვს. სიკვდილი ან ამ შფოთვის დროს სწრაფად უსწრობს ხოლმე, როცა სული უგუბდება, ან არა და იმ დროს, როცა ბავშვი მოიქანცება, მიიბნიდება, თითქოს დამშვიდდაო, სუნთქვა უსუსტდება, მიძინებულისა, მკრთალ, ფერ-წასულ სახეზედ თვალები და ტუჩები გარშემო ულურჯდება, შუბლზე ცივი ოფლი მოსდის და წუთი-სოფელს ესალმება.

კრუპი სულ ოთხ-ხუთ დღეს გასტანს, ზოგჯერ მთელი კვირა ავად ბავშვი და იშვიათად რომ მეტი დრო გასტანოს, რადგან ან კვდება, ან რჩება. თუ რომ ყელში აბლაბუდა ადვილათ ეცლება და ბავშვს ნახველით, ხორხით ადვილად ამოაქვს და ყელი თან-და-თან ეწმინდება, მაშინ რაღა თქმა უნდა, სულის ხუთვა ბავშვს ნაკლებ ექნება, ხველა უკლებს, ურბილდება და ავადმყოფი იკურნება, გადარჩება ხოლმე ამ საშინელი ჭირის კლანჭებს.

ღიად, კრუპი ისეთი საშინელი რამ ჭირია, რომ ერთი წამიც არ უნდა დაჰკარგოთ და მაშინათვე დოქტორს დაუძახოთ. ზოგჯერ ისე გაძნელება ხოლმე კრუპის მორჩენა, რომ ბავშვი აშკარად იხრჩობა, ვერა წამალი ვეღარ შველის და საქმე ყელის გაჭრამდე მიდის. გარედან, ყანყრატოს ქვემოთ, ყელს ცოტათი გაუჭრიან და გაჭრილში ვერცხლის მილს ჩაუდგამენ, რომ მილით შესძლოს სუნთქვა. ამ მილით იქამდე სუნთქავს ბავშვი, ვიდრე ყელში ჭირი ცოტათი მაინც მოეშვება, სასულე გაეწმინდება და ბავშვი ადვილად დაიწყებს ჩვეულებრივად სუნთქვას. მერე კი მილს გამოუღებენ, გაჭრილს ადგილს ადვილად უმთვლელებენ და ბავშვი მორჩენის გზას ადგება.

დიფტერიტის შემდეგ, როცა აბლაბუდა ყელიდან გადაეცლება, ათიოდე დღის ან ნახევარ თვის შემდეგ, სატკივრის დაწყებიდან, ზოგჯერ მოხდება ხოლმე, რომ ავადმყოფი ცხვირში ნიღნიღს დაიწყებს, ლაპარაკს წმინდათ ვერ ახერხებს და ჭამა-სმის დროს საჭმელი ან წყალი ცხვირში ამოს-

დის; ეს შედეგია დიფტერიტისა და ბევრს ავადმყოფს ბევრი რამ დაჰყვება ხოლმე, ზოგს ხელ-ფეხი უღუნდება, სიღამბლე მოსდის, ზოგს თვალი უსუსტდება და სხვ. და სხვ. ყველა ეს ხდება დიფტერიტის შხამისაგან, რომელიც მთელს სხეულს სწამლავს. არც ერთი ავადმყოფობის შემდეგ ამისთანა არაფერი ემართება ავადმყოფს, ეს ნიშნეულად გქონდეთ და თუ გაიგოთ; რომ თქვენს უბანში ბავშვებს ავადმყოფობის შემდეგ ცხვირში ნიღნილი დასჩემდაო, ან ხელ-ფეხის სიღამბლე დამართაო, დაუღუნდაო და სხვა, ეს უტყუარი ნიშნებია და ნამდვილად იცოდეთ, რომ თქვენს უბანში დიფტერიტი მოარული ყოფილა და ამიტომ უნდა გაუფრთხილდეთ თქვენს ბავშვებს, მეტადრე მათ ყელს დიდი ყურადღება მიაქციოთ. დიფტერიტისაგან მოჩჩენილს რაც რომ ზემო ნათქვამი დაჰყვება, ორ-სამ კვირაში გაუფლის ხოლმე, მაგრამ თუ რომ გულის სიღამბლე, მოღუნება (პარალიჩი) დაჰყვა, ეს კი საშიშოა, ბავში ისეთ დროს გამოეცლება კაცს ხელიდან, როდესაც არც კი რასმე მოელოდეთ. ზოგჯერაც დიფტერიტის შემდეგ ბავშვს მადა ეკარგება და ძრიელ სისხლ-ნაკლებად არის და ასე დიდხანს რჩება, თუ რომ კაი პატივი, კაი ქამასმა და კარგი ჰაერი არა აქვს. დიფტერიტი ეოთსა და იმავე ავადმყოფს შეიძლება ორჯერ, სამჯერ შეხედეს.

3. დიფტერიტის ძრატით წამლობა.

ჩვენ ზემოდ მოვიხსენიეთ, რომ ახლა კი მადლობა დმერთს, მეცნიერებმა აღმოაჩინეს დიფტერიტის ნამდვილი წამალიო. ვნახოთ რა წამალია ეს უებარი წამალი და როგორ აღმოაჩინეს.

როდესაც რომელიმე მოარული ჭირი, ანუ რაიმე შხამი ადამიანს ტანში შესდის, და ადამიანი ავად ხდება, ამ დროს, თუმცა ჩვენ ვერ ვამცნევთ, მაგრამ საშინელი ბრძოლაა სხეულში, გაცხარებული ომია დაუპატიეებელ მტერთან, წარ-

მოიდგინეთ შეკეტილი ციხე ხალხით და ჯარით სავსე; ვსთქვათ მტერმა შეანგრა ციხე და შევარდა შიგ; რა ამბავი მოხდება ამ დროს ციხეში? რასაკვირველია, სასაკვედილოდ შეებრძვიან ერთმანეთს და გაიმარჯვებს მხოლოდ ის, ვინც ძრიელია—ან მეციხოვნენი გარეკენ მტერს, ან მტერი მათ დაიმორჩილებს, ციხეს დაიჭერს. სწორედ ასეთივე ამბავი ხდება ჩვენს სხეულში, როდესაც შემოგვესევა ხოლმე რაიმე ჭირი და შხამი: თუ ჭირი ძრიელია და სხეული დაჩაგრა, დაიმორჩილა, ადამიანი ლაჩრდება, კვდება, და თუ რომ სხეულმა დასძლია ჭირს, ადამიანი მორჩება, ჭირს გადარჩება, იკურნება. ამ გვარად, როდესაც ადამიანს ტანი უცხელდება, სიცხეს აძლევს, ეს იმისი ნიშანია, რომ სხეულში გაცხარებული, გახურებული ომია ჩვენი სხეულის დარაჯთა და მტერთა შორის. ამ ბოლოს დროს მეცნიერთა ერთმა ჯგუფმა საინტერესო საკითხი წამოაყენა: ავადმყოფს რომ სიცხეს აძლევს, თუ კი ეს იმისი ნიშანია, რომ ჩვენი ბუნება მტერს ებრძვის, სხეულს ახურებს, რომ ამ სიცხით მტერი გაულიტოს, მაშ რაღა ჭკუაა, რომ ეს სიცხე წამლებით გამოვუნელოთ ავადმყოფსაო, ესე იგი, მტერს რად უნდა დავებმაროთ, რომ ჩვენი სხეულის მფარველ ჯარს სძლიოს? ამ აზრს ბევრი სწავლული ექიმი მიემხრო და ახლა მხოლოდ მაშინ აძლევენ სიცხის გამოსანელებელ წამლებს, როცა ავადმყოფი მეტი მეთადა ხურს და საშიშოა, ვაი თუ გულმა ვერ აიტანოს, ავადმყოფი ხელიდან არ გამოგვეცალოსო.

ასე და ამ გვარად მეცნიერთა კვლევებიდან ადამიანის სისხლში აღმოაჩინა, რომ როცა კაცს რამე გადასადები ჭირი შეეყრება, მაშინ ავადმყოფის სისხლში ბევრნაირი ნივთიერება სრულებით ახლად ჩნდება, რის წყალობითაც ჭირის შხამი სუსტდება, ძალას ჰკარგავს, ანუ სრულებით ისპობა, კვდება. სწორედ ეს ახალი ნივთიერება არის მფარველი ჯარი ჩვენის სხეულისა, რომელიც ხოცავს ჩვენს მტრებს. მეცნიერებმა ისიც შეამცნიეს, რომ რამდენადაც მეტი ურევია ის ახალი

ნივთიერება ადამიანის სისხლში, ე. ი., რამდენადაც მეტი ჯარი ჰყავს ჩვენს სხეულს, იმდენადვე ადამიანი აღვილად იხდის ყველა ჭირს და გადაარჩენს ხოლმე თავს მათ ბრჭყალებს. ბევრი კაციც იმდენად ბედნიერია, რომ ბუნებითვე, დაბადებითვე მის სხეულში დიდი თავდარიგია ჯართა რაზმისა რომელიმე ჭირთან საბრძოლველად. ამიტომაც ესა თუ ის ჭირი ამ ბედნიერ გვამს სრულებით არც კი ეკარება, აინუნში არ მოსდის. მაგრამ, საუბედუროდ, ბევრს კაცს ისე ცოტა ჰყავს დარაჯნი, ჯარის კაცნი, რომ ძრიელ აღვილად შეეყრება ყველა ჭირი და ვარამი; უბრალო რამ ჭირიც კი მათ ერევა, თან გადაიტანს ხოლმე. აი ყველა აქ მოყვანილ ფაქტების გამო მეცნიერები იმ უტყუარ დასკვნას დაადგენ, რომ ადამიანს რამდენათაც მეტი ჯარი ჰყავს ამა თუ იმ ჭირის მოსაგერიებელი, იმდენად აღვილად იხდის ხოლმე ყველა ჭირსა და სახადს. იფიქრეს, იფიქრეს და ამ აზრს მოვიდნენ; მოდი ისეთი რამ მოვიგონოთ, რომ ვისაც სხეულში ჯარი ცოტა ჰყავს, გარედან შევასხათ, ჯარნი გაუძრიელოთ, რომ ჭირს აღვილათ სძლიოსო. კარგი და პატიოსანი, მაგრამ საიდან იშოვნონ ეს სასურველი ჯართა რაზმი?

მეცნიერებს შენიშნული ჰქონდათ, რომ რა ჭირიც ადამიანს ხვდება, ზოგიერთა პირუტყვიც იმავე ჭირით ხდება ავად. მაგალითად, დიფტერიტით ავად ხდებიან ღორები (ჩვენ მაშინ ხუნჯეს ვეძახით), ცხენები (ჩვენ მაშინ ულათმას ვეძახით). ისიც შენიშნეს, რომ ცხენი ძრიელ აღვილად იხდის ხოლმე ყალათმას (დიფტერიტს) და ეს თურმე იმიტომ, რომ მის სისხლში ძრიელ ბლომად ჩნდება ის ნივთიერება, რომელიც აღვილად აქარწყლებს დიფტერიტის შხამს. ამ გარემოებამ წამსვე ბედნიერი აზრი დაჰბადა. აუცრეს ცხენს დიფტერიტის ჩირქი და როცა შხამი კარგა გაუჯდა, ცხენს მაშინათვე სისხლი გამოუშვეს. ეს შხამიანი სისხლი ვერცხლის თასებში შეაგროვეს, ცოტას გააჩერეს და როცა სისხლი შედგელდა (დაგუნდდა), გამოუშვა ღორწო, რომელსაც შნატი უწოდეს.

ეს შრატით დაწმინდეს, ასაკრელ შხაპუნაში ჩაასხეს, შხაპუნას წვერზე სიგრძეზე გახვრეტილი ნემსი ჩამოაცვებს და დიფტერიტით ავადმყოფს ტყავს ქვეშ შეასხეს, შრატით აუტრეს. ნაჩხვლეთ ადგილას ტყავი წამსვე აბურცდა, მაგრამ ისევ მალე გაირა და შრატით ადამიანის სისხლში შევიდა.

მეორე დღეს (24 საათში) ბავშვს სიცხე გამოწედა, ყელში აბლაბუდა თან-და-თან დაუდნა, გადაეწმინდა, ბავშვმა მოიხედა, მორჩენის გზას დაადგა.

წამალი და საღსარი უებარი აღმოჩნდა. თუ წინანდელი წამლობით ნახევარი მაინც კიდევ იხოცებოდა, ახლა კი, როცა შრატით აცრა დაუწყეს, ათში ერთი-ღა კვდება და ესეც იმიტომ, რომ თავის დროზედ არ ატყობინებდნენ დოქტორებს და ძალაუნებურად გვიან უტრიდნენ.

შრატით წამლობა კიდევ იმიტომდა კარგი, რომ მეტად სახერხოა, ის წვალეა აღარ სჭირია, რაც წინად წამლობის დროს უნდოდა: ამით ყელი გამოივლოსო, ეს ყელში ჩასცხეთო, წაუსვითო, ეს დააღვინეთო, ერთი სიტყვით, ბავშვის პატრონები დატანჯულები იყვნენ. ყელის გამოვლება იშვიათია, რომ პატარა ბავშვმა მოახერხოს. ყელში წასმა, მართალია, სჯობს, მაგრამ ეგ მხოლოდ გამოცდილ ექიმს შეუძლია, ღრმად ჩაიტანოს. წამალი და ყელის წყლულს ყველგან მაგრა მოსცხოს. ძრიელ ხშირად მიხეზი ბავშვის სიკვდილისა ისა ხდება, რომ მშობლები თუმცა ასრულებენ ექიმის ბრძანებას, ექიმსაც ეუბნებიან: დიად, ბატონო, ორჯერ-სამჯერ წაუფსვითო, მაგრამ წასმაც არის და წასმაც, მეტადრე ჭირვეულ ბავშვს ძნელად თუ რასმეს წაუსმენ. ამით ექიმს სტყუვდება, მშობლებიცა და ბავშვი კი კვდება. ამას ყველაფერს ჩვენ გამოცდილებით მოგახსენებთ და თუ დიფტერიტის დროს აღარაა საჭირო ყელში წასმა, სხვა გვარი ყელის ტკივილიც ბევრია და ეცადეთ, რომ წამალი ნამდვილად მოხვდეს ყელში ანთებულ ჭირსა, ხოლო, რაც შეეხება შრატით აცრას, სწრაფად და სუფთად სრულდება:

ერთი წამი, ერთი ჩხვლეტა საკმაოა, რომ ავადმყოფი განიკურნოს, სიკვდილს გადაარჩინოს. ჩხვლეტისაგან ტკივილი კი იმდენად არის, რამდენიც უბრალო ნემსისაგან. მართალია, ზოგჯერ ორჯერ-სამჯერ დასჭირდება აცრა ავადმყოფობის დროს, მაგრამ ამდენი აცრა ძრიელ იშვიათად, მხოლოდ მძიმე ავადმყოფს სჭირდება.

პირველში, როცა დოქტორებმა დიფტერიტის მოარულის დროს სოფლის ბავშვებს შრატით აცრა დაუწყეს, ჩვენი უგუნური დედაბრები ავადმყოფ ბავშვებს მალავდენ, ვითომც სიბრალულით მოსდიოდათ: „იმათ კი არ დავაჩხვლეტინებ ჩემს ბავშვსაო?“ მაგრამ, როცა ხალხმა დახედა, რომ შრატით აცრილი დიფტერიტიანი ბავშვები თითქმის ყველანი მორჩნენ და აუცრელნი კი თითქმის ყველანი დაიხოცნენ, მაშინ მშობლებმა, ღვთის წყალობა გაქვსთ, თითონვე დაუწყეს დოქტორებს ძებნა და ხვეწნა—ჩვენს ბავშვთაც აუცვრიათ.

დიფტერიტის საწინააღმდეგო შრატი არამც თუ ავადმყოფებს არჩენს, მას შეუძლია კარგა მყოფიც გადაარჩინოს ამ ქირსა. შრატით აცრა ისევე იხსნის და იფარავს დიფტერიტისაგან, როგორც ყვავილის აცრა ყვავილისაგან, ამიტომ, თუ რომ სახლში გაგიხდათ ვინმე ავად დიფტერიტით, ავადმყოფსაც უნდა წამსვე აუცრად შრატი და კარგა მყოფს ბავშვებსაც. კარგა მყოფთათაის შრატი სხვანაირია, ცოტათი ძალა ნაკლები აქვს. ამ გვარი აცრა სამ-ოთხ კვირას სჭირს. ასე უნდა დავიფაროთ ქირისა და ნაცილისაგან ჩვენი ბავშვები.

4. წინათვე რა ზომები უნდა მივიღოთ დიფტერიტის საწინააღმდეგოდ და როგორი მოვლა ეჭირვება ავადმყოფს.

დიფტერიტი გადასადები ავადმყოფობაა. გადამდები ქირის მხამით სავსეა ავადმყოფის ნერწყვი და ფურთხი, ცხვი-

რის ლორწო — ცინგლი და ამოღებული ნახველი, მაგრამ ყველაზედ მეტი შხამი ყელში მოღებულ დიფტერიტის აბლაბულაშია. ყოფილა შემთხვევა, რომ ბავშვის ყელის გაშინჯვის დროს, ავადმყოფის ნერწყვის წინწყლები ექიმს თვალებში ან ტუჩებში მოჰხვედრია და ამით დოქტორი ავად გამხდარა, დიფტერიტი შეჰყრია.

თუ რომ დიფტერიტიან ავადმყოფს უწმინდურად, დაუდევრად ინახვენ, ე. ი. ავადმყოფი იატაკზე ძირს აფურჩხებს, ლოგინს სვრის ფურთხით, ცინგლით და მის გარშემო ყველაფერი მოსვრილია, მაშინ ნაფურთხი და ცხვირის ლორწო ძირს და ლოგინზე ყველგან ხმება, იფხვენება, მტვრათ იქცევა და ოთახის ჰაერი იმსება ამ შხამიანი მტვრით, რომელსაც ყველა იქ მყოფნი სუნთქავენ. რაღა თქმა უნდა, შესუნთქვის დროს ჭირი მაშინათვე ყელში სწვდება ადამიანს და წამსვე მოჰყვება ბლარტობას; თან შხამიან ლორწოს უშვებს და სწამლავს ადამიანის სისხლს და ხორცს. იგივე ზემო-ნათქვამი შხამიანი მტვერი გარშემო ყველას და ყველაფერს ეღება: მაგალითად, თქვენ წახვედიო სანახავად თქვენი მეზობლის ავადმყოფი ბავშვისა, შხამიანი მტვერი ტანისამოსზე უეჭველად დაგედებათ, მერე სადაც წახვალთ და თქვენი შხამიანი ტანისამოსისაგან სადაც მტვერი დასცვივა, იქ თქვენს უნებურად დიფტერიტი შეგაქვთ, ყველას ყელში მოედება ჭირი და თქვენის მიზეზით ვინ იცის რამდენი სული გამოესალმის წუთი-სოფელს.

აი ამიტომ თვითონ სვინიდისი გვავალებს, რომ თუ უბედურება გვეწვია, ავადმყოფი წესზე და რიგზე შევინახოთ, რომ სხვის სახლსაც არ გადავდოთ ჭირი. სოფელში რომ ერთს სახლს ცეცხლი წაეკიდოს, მთელი სოფელი დაეხვევა ხოლმე და იმას ცდილობს, რომ ცეცხლისაგან სახლი გადაარჩინოს და თუ ეს ვერ გადაარჩინა, ცდილობენ, რომ სხვა სახლებს მაინც არ მოედოს ცეცხლი და მთელი სოფელი არ

გადაიბუგოს. აი სწორედ ასე უნდა მოვიქცეთ მუდამ, როცა სოფელში გადასადები ჭირი სადმე თავს იჩენს.

დიფტერიტიან ავადმყოფს აი როგორი მოვლა უნდა: მის გარშემო რაც შეიძლება სიწმინდე და სისუფთავე იყოს; მალ-მალ მოუწმინდეთ ხოლმე ცხვირ-პირი სუფთა რამე ძონძით და მერე ეს გასვრილი ძონძები იმავე წამსვე დასწვით ცეცხლში. ფურთხისთვის დაამზადეთ ტაშტი ან რამე ნატეხარი და შიგ ნავთი ან კუპრი ჩაასხით და ავადმყოფს გვერდზე მოუდგით, რომ შიგ აფურთხოს ხოლმე როცა დასჭირდეს. ნაფურთხიანი ტაშტი ან ნატეხარი შორს გაიტანეთ, სადმე მიწა ამოთხარეთ და შიგ ჩამარხეთ. რადგან მეტად ძნელია, რომ ავადმყოფთან მყოფნი ბავშვნი ჭირს გადარჩენ და არ შეეყარათ, მეტადრე თუ ერთი ოთახის მეტი არა გაქვთ, ამისთვის საჭიროა, რაკი სახლში ჭირი შემოსდგამს ფეხს, წამსვე სადმე შორს გააცილოთ დანარჩენი კარგა მყოფი ბავშვები. ასევე უნდა მოიქცეთ ქუნთრუშის და ყვავილის დროსაც. თუ დიფტერიტი ზაფხულში გეწვიათ, მაშინ ადვილად შეიძლება ავადმყოფს გარედ სადმე ეზოში დააწვინოთ, ან თავლა გექნებათ, ან რამე წნური ქოხი, ფარდული და სხვ. ავადმყოფის პატრონი და მომვლელი თითონაც არავის არ უნდა ეკარებოდეს, რადგან არამც თუ დაუბანელი ხელები აქვს ჭირიანი, ტანისამოსზედაც კი უსხედან ბაქტერიები. უნდა ხელები კარგა დაიბანოს, ტანთ გამოიცვალოს და ისე მივიდეს თავისიანებთან. ზამთარში კი, როცა არავითარი სალსარი არა გაქვსთ გააცალოთ კარგა მყოფნი ავადმყოფს, მაშინ დროს ნუ დაჰკარგავთ და დოქტორი მოიწვიეთ, რომ კარგა-მყოფებსაც შრატი აუცრას.

ქოხიდან ქოხში, სახლიდან სახლში, უბნიდან უბანში და სოფლიდან სოფელში ჭირს ისევ ხალხი ავრცელებს და აი როგორ: მეზობელი შეიბრუნს თავის მეზობელთან მოსაკითხათ: „როგორა გყავს, გენაცვალე, ანდრო ან ბაბუცაო“, ან არა და რისამე სათხოვნელად, ან სასესხებლად შევა, ან

არა და ენის ქაველი აწუხებს, ახალი ქორი იცის და თავის მეზობელს როგორ არ უამბოს და იმას კი აღარ ფიქრობს, რომ იქ ქირით იმსება და თავის ბავშვებთან მიაქვს საფეშქაშოთ. ან თუ არა და შორის სოფლიდან მოუვლენ ნათესაეები ქირიანი სახლობის მოსაკითხათ ან სანუგეშებლათ ქირსა შინა, ან ისე დღეობა რომ იქნება ქირიან სოფელში, ხალხი კარგა მყოფი მოდის და დაერევიან ქირიანებს, მერე წაველენ-წამოვლენ თავიანთ სოფლებში და სახლებში და არ გაივლის ორი-სამი დღე, რომ ამბავი მოდის, ამა და ამას, აქა და იქ ბავშვები ყელჭირვებით ავით დაუხდნენო, მაგრამ რა იციან მათმა მშობლებმა, რომ თითონვე არიან ამის მიზეზნი, თითონვე მოიყვანეს ქირი სახლში. იმის მაგალითიც ბევრია, რომ ბავშვს ტოლ-ამხანაგები მოსდინან სანახავათ, ან როცა დიფტერიტით კვდება, ბავშვები სანახავათ მოჰყავთ და მერე კი, ღმერთმა თქვენ მტერსაც აშოროს, თითქმის ყველანი ავით ხდებიან და თავიანთ ძმებს და დებსაც შეჰყრიან ხოლმე ამ საშინელ ქირს და იჟლიტებიან. სოფლის სოფლათ მაწანწალა ხალხიც ძრიელ ავრცელებს ქირს: იმას თხოვარა მიუვა, ამას სალოცავათ მოსიარულე, ზოგანაც იციან სოფლის მენახირეს ჯერით პურს აქმევენ და ამასაც სახლიდან სახლში გადააქვს ქირი. ქალაქ ადგილებშიაც უარესი ხდება. მაგალითად, დაიქირეთ სახლი, ან გამოიცვალეთ, ახლად სხვა სახლი დაიქირავეთ და იმ სახლში კი თქვენ რა იცით, რა დიფტერიტით იყვნენ ავით—ისინი თითონ გადავიდნენ სხვა სახლში და ქირი კი იქ დასტოვეს სამკვიდროდ, ბაზრობას და ბაზრებში საწყალი ხალხი ნაცვამ ტანისამოსს და ძველ-ძვეულებს ყიდულობს თავის ბავშვებისთვის და ტანისამოსი კი ქირით საფსეა, თურმე მათი პატრონი დიფტერიტით მომკვდარა და ნამკვდრევი ტანისამოსი არ კი დაუწვამთ, გაუყიდნიათ. ყოფილა შემთხვევა, რომ მერძევეს გაუვრცელებია ქირი. თურმე მის სახლში დიფტერიტით ავით არიან და თითონ კი რძეს ატარებს და ვის სახლშიაც შევა, რძესთან ერთათ ქირსაც მიართმევს

ხოლმე. არც ხელოსნები აკლებენ: მესარეცხე დედაკაცი, დერციკი, ხარაზი, დალაქი და სხვა, ყველას შეუძლია ჭირი შემოიტანონ, თუ კი იმათ სახლში დიფტერიტი უდგია.

ამდენ მაგალითებიდან აშკარათ ჩანს, რა რიგათ და რამდენათ ფთხილანთ უნდა იყოს კაცი, რომ თავისი სახლი და ოჯახი ჭირისაგან დაიფაროს, გადაარჩინოს.

მაგრამ მარტო შენ რომ ეცადო, არაფერი გამოვა, ძრიელა ც რომ უფთხილდე და ჩაიკეტო სახლში, მაინც ზემო მოყვანილ მაგალითებიდან ხო ხედავთ, რომ ვერ გადარჩებით. ერთი ბრძნული ანდაზა ბძანებს: „თუ გინდა, რომ ბედნიერი იყო, ეცადე, რომ მეზობელი ბედნიერი გყავდესო“. აი როცა ამ ანდაზას სავსებით და სრულებით შევიგნებთ, მაშინ ყველა ბედნიერი ვიქნებით, აღარც ჭირისა შეგვეშინდება და აღარც მტრისა.

ქალაქებში ყურის მგდებელი უფრო მეტია და სოფელადგილას კი აი როგორ უნდა მოიქცეთ: რა წამს სოფელში ყალათმამ (დიფტერიტმა) თავი იჩინოს და ვისიმე ბავშვი ავით გახდეს, იმ წამსვე მამასახლისმა ან ნაცვალმა უნდა დაუძახოს ხალხს და ყველას გამოუყუხადოს, რომ ამა და ამ სახლში ჭირი გაჩენილა და არამც და არამც ბავშვები არ მიაკაროთ, თქვენც გაფთხილდით, იმ სახლში ნუ შეხვალთ, ნურც არაფერს ითხოვთ იმ სახლიდან და ნურც არავის მიიკარებთ იმ სახლის პატრონებს. ცნობის მოყვარე და თამაშის მოყვარე ხალხს უნდა თავში ჩაუნერგოთ, რომ ტყუილა-უბრალოთ ნუ დაეთრევიან ჭირიან ავთამყოფთან, ან მკვდრის საცქერლად. ხოლო ვინც ჭირმა იმსხვერპლა და თქვენი ჭირი წაიღო, მამასახლისმა ანუ უფროსმა კაცებმა უნდა ეცადონ, რომ იმ წამსვე დამარხონ მკვდარი და არაფერი ქელეხები და ტირილი არ გამართონ. დამარხვას უნდა მხოლოდ ისინი დაესწრნენ, ვინც საჭიროა საფლავი მოთხაროს და მიწა წააყაროს.

თუ ბედზე მარტო ერთი ბავშვი გახდა ავთ, დანარჩენებს გაუფთხილდით, როგორც ზემოთ იყო ნათქვამი, ან გა-

გზავნეთ სადმე, ჭირს მოაშორეთ, ან არა და მაშინათვე ააცრევიანეთ დიფტერიტის საწინააღმდეგო შრატით. რომელ სოფელშია სკოლაა, და იმ სოფელში კი დიფტერიტია, მასწავლებელი უნდა ბეჯითად იყოს და თვალ-ყურს ადევნებდეს ბავშვებს: რა წამს ვისმე მოსწავლეთაგანს სიცხე მისცეს, იმწამსვე ბავშვი უნდა დაითხოვოს შინ და თანაც დოქტორს აცნობოს. აგრეთვე იმ სახლიდან, სადაც დიფტერიტი ედგათ, სამ-ოთხ კვირაზე ადრე (ჭირის გათავებიდან), სკოლაში მათი ბავშვი არ უნდა მიიღოს, აგრეთვე მოსწავლე ბავშვი, რომელიც დიფტერიტით იყო ავად, მორჩენის დღიდან სამ-ოთხ კვირაზე ადრე არ უნდა მიიღონ სკოლაში. მოხდება ხშირათ, რომ სოფელს მთლად მოედება ხოლმე დიფტერიტი, მაშინ სკოლა უნდა დროებით დაიკეტოს, ვიდრე ჭირი დაცხრებოდეს.

კარგი მოვლა ავადმყოფისა ყველაზედ უსაჭიროესია: როგორც დიფტერიტში, აგრეთვე ყველა გადამდებ ჭირსა ღამო-არულში, უნდა ეცადოთ რაც შეიძლება მეტისუფთაობა იყოს ავადმყოფის გარშემო, თითონ ავადმყოფი ხომ რაღა ჩიჩინი უნდა ძრიელ სუფთად უნდა შეინახოთ. რა წამს დიფტერიტმა ჩიჩინოს თავი სახლში, ოთახში რაც მეტი ბარგია სულ ყველაფერი მოაცალეთ, დროებით სადმე შეინახეთ—ამით ოთახში, საცა ავადმყოფი წევს, ჰაერი მეტი იქნება და მტვერი ნაკლები.

ქვეშაგები დიფტერიტიანს იმისთანა უნდა დაუგოთ, რომ ავადმყოფობის მერე ან დასაწვავად არ დაგნანდეთ ან და იმისთანა უნდა იყოს, რომ ადვილად გაირეცხოს მდუღარე წყლით; ამიტომ ტყავისას ნურას დახურავთ და ნურას დაუგებთ, მატყლიანი ლეიბ-დოშაკი და ბუმბულ-ყუთუკიანი ბალიშები ვაი თუ მერე არ გარეცხოთ და დიფტერიტის შხამი კი ძრიელ უჯდება ამისთანა ნივთებს.

გარდა ამისა, მეტად და მეტად საჭიროა ავადმყოფის ოთახში ჰაერი ყოველთვის წმინდა და სუფთა იყოს, როცა თბილა შეიძლება ჰაერის დასაწმენდათ მალ-მალ კარი და ფანჯარა გააღოთ, მაგრამ იმ პირობით კი რომ ავადმყოფი არ გააციოთ, არ გასჭვალოს. ზამთარში ვისაც ბუხარი გაქვთ ცეცხლს ნუ გამოლევთ ბუხარში და არ კი დახუროთ—როცა ცეცხლი ანთია ალსა და ბოლს თან აქვს წამხდარი ჰაერი და მით ოთახის ჰაერი იწმინდება. მხოლოდ ცეცხლს ისე კი უნდა ხელის შეწყობა, რომ ოთახში ძრიელ არ დაცხეს, სითბო თანაბარი იყოს. ოთახში თუ ხან ცივა და ხან ნამეტანი ცხელა ეს მეტად მავნებელია არამც თუ ავადმყოფისთვის, კარგად მყოფისთვისაც კი.

დიფტერიტიან ავადმყოფს მთელი ტანი ყოველ ცის-მარე დღეს უნდა გაუწმინდოთ მარილ-წყალით და თუ სიცხე აქვს დღეში ორჯერ-სამჯერ წაუსოთ კიდევ. მარილ-წყალის დამზადება აი ასე უნდა: ერთი ჩაის კოვზი მარილი ერთ სტაქან წყალში გახსენით, მერე აიღეთ ნახევარი ეს მარილის წყალი და ნახევარიც არაყი, აურიეთ და წაუსვით, პირი, ცხვირი და ყელი ავადმყოფს ყოველ დღეს უნდა რამდენჯერმე გაუსუფთაოთ. ყელი და პირი უნდა მალ-მალ ივლოს კირის წყალით, ან ისე, როგორც აფთიაქიდან მოგცემენ, ან არა და კირის წყალს კიდევ წყალი აურიეთ და ისე ივლოს ყელი და პირი. პატარა ბავშვებმა თუ ვერ მოახერხეს ყელის გამოვლა და ლალი-ლალი, იმას ცოტ-ცოტა ასვით იგივე კირის წყალი. ბავშვი თუ ქირვეული არ არის და ნებას დაგყვით, ვიდრე დოქტორი მოვიდოდეს, ყელში წაუსვით მაგარი ნიორ-წყალი, ან ახლად გამოწურული ლიმონის წვენი. ჩვენში იციან და კარგადაც შველის—კოწახურის მაშარაბს წაუსმენ ხოლმე. უკეთესი კი იქნება კოწახურის მაშარაბს ლიმონიც დააწუროთ, აურიოთ და ისე წაუსვათ. ვისაც ხელად ესენი არა გეშობათ-რა, ნაეთი წაუსვით ყელში. ზევითაც ვსთქვით და ახლაც მოგახსენებთ, რომ წასმაც არის და წასმაც. სახლ-

ში ან კარანდაში გექნებათ, ან კალმის ტარი, ან არა და ამ გვარი ჩხირი გათალეთ, ზედ თავზე დაახვიეთ აფთიაქის ბამბა (ჰიგროსკოპიული), ძაფით კი ისე მაგრად დაამაგრედ, რომ ბამბა ყელში არ ჩარჩეს. ამისთვის უკეთესია, ძაფი რო დაახვიოთ, ცალი წვერი ტარზე ხვევით წამოიღეთ, რომ ხელში გექიროთ. ჩხირზე გამაგრებული ბამბა მარჯვენა ხელში დაიჭირეთ და ამოაფლედ ერთ-ერთს ზემო ნათქვამ წამალში, ბავშვი სინათლის პირდაპირ დასვით და ყბა გააღოს რაც შეიძლება მეტად, მარცხენა ხელით ჩაის კოვზის ტარი დაიჭირეთ ენის ზურგის ყელისკენ ახლოთ, ამ დროს უხანართ ბავშვს დაიძახოს ა, ყელი მეტად გამოჩნდება და მარჯვენა ხელით რომ გამზადებული წამალი გიჭირავთ წამსვე გაბედულად წაუსვით, ჩასცხეთ ღრმათ ყელში (აქეთ-იქით მიუსვმოუსვით). მერე ბავშვს ნება მიეცით თუ უნდა გამოათურთხოს.

თუ ავადმყოფი სუსტად არის, არაქათი არა აქვს, დააღვინეთ მაგარი ჩაი (კაი ჩაი იყოს, გირკანქა ორ-მანეთიანი), ან ყავა დააღვინეთ (ისიც მოკკო იყოს). ჩაის შეიძლება მიუმატოთ კარგი თავი წითელი ღვინო, ან არაყი, ან კონიაკი. ეს ყველაფერი ხნიერების შესაფერად უნდა, ძრიელ პატარა ბავშვს, რასაკვირველია, ბევრი არაყი და კონიაკი არ უნდა. ერთის სიტყვით, ეს სასმელები ჯერზე შეიძლება მიუმატოთ ნახევარ ჩაის კოვზიდან ვიდრე საჭმლის კოვზამდე, მაგრამ ჩვენი ქართველი ბავშვისთვის წითელი ღვინო შეიძლება მეტიც მიუმატოთ. ამ გვარი ჩაი დღეში ორჯერ-სამჯერ ასვით.

ავადმყოფობის შემდეგ ბავშს უნდა ჯანი გაუმაგროთ ხორცეული საჭმლით—ხორცი წვნით, ხორცი დაკვილი (კატლეტი), ქათამი წვნით, ვარია მოხრაკული და სხვა. სასმელად ჩაი ლიმონით, ჩაი კონიაკ მიმატებული და ჩვენი კახური თავი ღვინო იმდენი, რამდენიც იამებოდეს, კუჭს კი ყური უგდეთ, ვინიცობაა ყაბზობა მისცეს, მუცელში შე-

კრას, უნდა რეზინის შხაპუნათი უკანა კარში ერთი ჩაის სტაქანი მოათხო წყალი შეასხათ. ეცადეთ კი, რომ რამდენიმე წამი ბავშვმა წყალი შეაჩეროს. მაშინათვე ნაწლევებს დაუღობოს და ტანში გაიყვანს. თუ ერთი შესხმით რიგიანად ვერ ასაქმა, შეიძლება კიდევ გაიმეოროთ.

5. როგორ უნდა მოვსპოთ გადაძებები ჭირი (დეზინფექცია).

დიფტერიტის (ყალახმის) შხამი იმდენათვე მძლავრი ცხოველი და ძრეილია, როგორც ქუნთრუშის შხამი, ესე იგი თუ კაი წამალი არ იცი, ვერაფრით ვერ დახოცავ ამ ორივე ჭირის ბაქტერია-მიკრობებს. თუ დასწვავ, მაშინ კი სიცოცხლე გაქვს გაანადგურო ეს შენი მტერი, მაგრამ ყველაფერს ხო ვერ დასწვამ: სახლს, ავეჯს, ტან-საცმელს და ქვეშსაგებს. არა ერთი მაგალითი ყოფილა, რომ ვიდრე პოლის ფიცრები არ აგლიჯეს, ვერ გამოლიეს სახლში ჭირი. თურმე საცა ფიცარი ფიცარს უფრთდება; იმ ნაპრალში ბუღობდნ დიფტერიტის ჭირის ბაქტერიები და, რასაკვირველია, ყოველთვის მტერს ასდევდნ და ამ გვარად იმ სახლში დიფტერიტით ავადმყოფი არ იღეოდა. ტაჰოვის და სარატოვის გუბერნიის რამდენსამე მაზრაში აგერ შეიდი წელიწადი მეტია ვერას გზით ვერ გამოლიეს დიფტერიტის ჭირი და საშინელ მუსრს ადენს ნორჩს თაობას. არის სოფლები, სადაც დიფტერიტმა ისე სამკვიდროდ მოიკალათა, რომ მისი იქიდან გაძევება ვერას გზით ვერ მოახერხეს. ხან გამოჩნდება, ერთბაშად იფეთქავს, აიღთება, ინავარდებს; მიჟლეტ-მიჟლეტავს რაც ბავშვები წინეთ გადარჩა და მერე ისევ ჩაქრება, მიჩუმდება.

ეს აი რად და როგორ ხდება. საკმაოა იმ სოფლის სახლებში, სადაც დიფტერიტი იყო, საიდანმე ახლად მოსული კაცი, რომელსაც დიფტერიტი არ სჭირებია, შევიდეს და მაშინათვე დიფტერიტი მზათაა—უცხო კაცს ორიოდ დღეში

ყელში წაუჭერს. რათა და იმიტომ, რომ დიფტერიტიან ავადმყოფს უსუფთაოდ ინახავდნენ, იმის ფურთხით მთლად სახლი მოთხუბნული იყო, მაგრამ რაკი შეშრობია, ვინღა დაგიდევს, ავადმყოფობის შემდეგ არაფერი არ დასწევს, არაფერი არ გარეცხეს მდულარე წყალით, არაფერი გაამწვევს და გაბერტყეს, ოთახი არ დაცალეს და არ ჩამოგაფეს. აი ამისთანა დაუდევრობით დიფტერიტის ჭირი შეიძლება მთელი ათი წლობით არ გამოილიოს სახლში.

ამიტომ მეცნიერება აი რას გვიჩვენებს:

1, რა წამს დიფტერიტიანი ავადმყოფი მოვიჩვენებთ, სახლი მთლათ დაცალეთ და კარი, ფანჯარა და ბუხ-ის სახურავი ყველა გააღეთ, რომ ქარმა დაუბეროს, მზის სხივებმა დაუაროს და ჰაერი გაიწმინდოს. რაც უფრო ძრიელ დაუბერამს ქარი და სახლის შხამიან ჰაერს სულ მთლათ გაიტანს, იმდენად უკეთესია. — ეს ჭკუაზე ახლოა, აბა ყური უგდეთ: ზაფხულობით, როცა ჩვენი სახლი ფარლალაღა გდია, დიფტერიტის ჭირიც ფებს ვერ იკიდებს, ხოლო აცივდება თუ არა ჩაბურულ, ჩათბუნებულ სახლებში ჰაერი იხშობა და ყველა ჭირიც მაშინ ჩნდება.

2, თქვენი სახლის, ოთახის იატაკი თუ ფიცრისა ცხელ ნაცარტუტით გახეხეთ, კარგა გარეცხეთ და თუ რომ იატაკი მიწისა ან აგურისაა ერთი ჰირი მიწა აიღეთ, და მერე წააყარეთ ერთი ჰირი კირიან ნაცარი, აგურიც ახალი დააგეთ.

3, მთლათ სახლის კედლები კირით გაათეთრეთ და თუ შპალერები აკრია გამოცვალეთ.

4, ავეჯი, ქვეშაგები, ტანსამოსი და ყოველივე, რასაც კი ავადმყოფი ეკარებოდა და რასაც კი მისი ფურთხი და უსუფთაობა რამ მოხვდა, ესე ყველაფერი ერთად მოაგროვეთ და სადმე ეზოში ან შორს ადგილას ცეცხლი წაუკიდეთ, დასწვით.

5, დაწვა უებარია, მაგრამ რაც დასაწვავად ვერ გაიმეტოთ, თუ კი ამ ნივთის გარეცხა შეიძლება, ჩააგდეთ მდულარე

ნაცარტუტაში და კარგად გამოხარშეთ და მერე კარგად გარეცხეთ, გაავლეთ.

6, რაც არ ვაირეცხება, მაგალითად, ტყავი, ნაბადი, ბუხრის ქუდი და სხვ. უნდა სველ ჩარსავეში, ზეწარში შეახვიოთ და ცხელ ფურნეში ან თონეში ჩაჰკიდოთ, რომ ქირი სიცხემ დაბუგოს. თუ ესეც ვერ მოახერხოთ მზებზე დაჰკიდეთ მთელი კვირაობით და ყოველ დღე ბერტყეთ.

როცა ყველა აქ ნათქვამს აასრულებთ, მაშინ შეგაძლიანთ გულიც და სინიღისიც დაიმშვიდოთ და ისევ მშვიდობიანად იცხოვრეთ თქვენს სახლში.

თუ დოქტორს მიიწვევთ, რომ იმან მოსპოს ქირი, ის რა თქმა უნდა უფრო ძრიელ წამლებს იხმარებს ქირის მოსასპობლად და თქვენც უფრო გულს დააჯერებთ.

6. შოკლე ცნობანი დიფტერიის შესახებ.

დიფტერიტი გადამდები ქირია.

ქირი უმთავრესად იმყოფება ადამიანის ნერწყვში, ნახველში და ცხვირის ლორწო-ცინგლში. ქირი გადაედება ხოლმე თითონ ავადმყოფისაგან, აგრეთვე იმ ოთახიდან, სადაც იგი იწვა, იმ ადამიანისგან, ვინც მას უვლიდა და იმ ნივთებიდან, რომელნიც მას ეგო, ეხურა, ეცვა ან მისი უწმინდურება რამე მოხვდა და მის ახლო ეწყო.

შეყრის დღიდან ქირი გამოაჩნდება ადამიანს ან მეორე დღეზე, ან უფრო გვიან, ვიდრე შვიდ დღემდე.

დიფტერიტის ქირი უეცრივ იწყება და ორ ნაირია:

1, დიფტერიტი ჩვეულებრივი
(სუმბუქი)
ნიშნები.

2, დიფტერიტი მუკალა
(მძიმე)
ნიშნები.

1-ლი დღე ავადმყოფობისა:

სიცხე აქვს, ყელი სტკივა, ყლაპვას უშლის, ყელში—საყლაპავში წითლათ აქვს და საკლიტულეს (პატარა ენის) ერთ ან ორივე მხარეზე მოყვითალო ლაქები ეტყობა ანუ აბლაბუდასაებრ გადაჰფარვია.

სიცხე აქვს, ზოგჯერაც მაგდენად არ აძლევს სიცხეს ჯანი მოღუნებულია, ყლაპვის დროს სტკივა და შიგ ყელში (საყლაპავში) მონაცროფერო ლაქა ან აბლაბუდა ეტყობა.

2-რე დღე:

სიცხე და აბლაბუდა ემატება, კისერთან ყბის ძირში ორივე მხარეს ჯირკვლები უსივდება.

ყელში აბლაბუდა ვრცელდება, დასიებული ჯირკვლები უფრო სივდება, მაგრდება, ცხვირში უჭერს და ჩამოსდის, მთლად ჯანი გალახული აქვს და სისუსტეს გრძნობს.

3-მე და 4-ე დღე:

სიცხე, ყელის აბლაბუდა იმდენად ვრცელდება, რომ ზოგჯერ საკლიტულეს, ფარავს, სასაშიაც ედება და საყლაპავის უკანა კედელზედაც გადადის, კისრის ჯირკვლები უდიდდება—სიმსივნე მატულობს.

აბლაბუდის ქვეშ უწყლულდება, უღებება, პირიდან სიმყრალე ამოსდის, დასიებულ ცხვირიდან ლორწო ჩამოსდის, მაგარი სიმსივნე კისერზე ფრო დიდდება დამის გარშემო პირის სახე და კისერი უშუბდება. ზოგჯერ ყურში ტკივილი გაჰკრავს, გაუელამს, ფე-

თქამს, ძრიელი სისუსტე აქვს და მიბნედილია, სულ უნდა რო ეძინოს.

5-თე და

სიცხე კლებულობს, ყელში აბლაბუდა თანდათან უდნება ანუ შორდება ნაჭრებად, ნაფლერთებად და ამასთანავე საცა აბლაბუდა ეცლება სისხლის წვეთები აჩნდება. ავადყოფი მოარჩენის გზას ადგია.

6-ე დღე:

ავადყოფი ძრიელ ცუდათ არის და სიკვდილი ყოველ წამს მოსალოდნელია. პირღია, ხრიალით ძლივს სუნთქავს, პირიდან საშინელი მყრალი სუნი ამოსდის, ცხვირიდან და ყურიდან ბაყლი ჩამოსდის, კისრის სიმსივნე მეტად უდიდდება და ადგილ-ადგილ ზოგჯერ სიმსივნე ურბილდება და საჩირქოთ უწყლულდება, ზოგჯერ სისხლიც იცის ყელიდან და ცხვირ-დან.

7-დე და

ყელში აბლაბუდა უფრო და უფრო ეწმინდება, ჭკვერ წამდენიძე დღეში ყელი სუფთავდება, შედეგი მოარჩენისა აქვს და ყოველთვისაც რჩება, მაგრამ თუ არაფერი უწამლიათ, ზოგჯერ სიკვდილით თავდება საქმე.

8-ე დღე:

თუ წინა დღეებში მოარჩენის გზას არ დაადგა, მეშვიდე და მერვე დღეს ძრიელ იშვიათად მიაღწევს და ძნელად თუ ამ დრომდე სიკვდილს გადურჩეს, ხოლო თავის დროზე თუ წამლობა და მოვლა კარგი ჰქონდა, რასაკვირველია, მოარჩება. მოარჩენის გზას რაკი დაადგება, ყელი და ცხვირი ეწმინდება, კისრის სიმსივნე უჩირქდება და იარა თავის დროს ურჩება, ზოგჯერაც იარა იმდენად ღრმავდება, რო ხორცი წითლათ სჩანს.

თუ გაუძნელდა სენი, სასუნთქელი მილი უვიწროვდება, ეცობა სიმსივნეს და ზედ გადაფარებულ აბლაბუდის გამო ხმა ეკარგება, ყელში უჭერს, ახრიალებს, ხველა ძაღლის ყეფას მიუგავს, თან-და-თან სუნთქვა უძნელდება, სულს ხუთამს და ბოლოს სამ ან ოთხ დღეს უკან, ზოგჯერაც ექვს დღეში ბავშვი კვდება, იხრჩობა, ანუ მოჩჩება უკეთუ მის ბედზე ნახველი ამოიღო, ამოუვიდა და სასუნთქელი მილი გაეწმინდა, რის შემდეგაც სუნთქვა გაუადვილდება.

ათი დღის ანუ ორი კვირის შემდეგ სენის დაწყებიდან ზოგჯერ თან დაჰყვება: ცხვირში ნიღნილი (ცხვირში ლაპარაკობს), საჭმელ-სასმელი ზოგჯერ ცხვირში ამოსდის, აგრეთვე ხელ-ფეხი უდამბლავდება, უდუნდება.

ერთად-ერთი საიმედო საშუალება და უებარი წამალი დაფტერატი და კრუხის წინააღმდეგ არის შრატით აცრა. ამიტომ რაც შეიძლება საქაროდ, დაუფრენებლავ, წამსვე მიმართეთ ხალხე დოქტორს, თორე რამდენადაც დაგვიანებული აქნება აცრა, იმდენად უიმედოა ავადმყოფის მარჩენა.

ავადმყოფის მოვლა ზემოთაც ვსთქვით: უნდა მშვიდათ, მოსვენებით იწვეს ლოგინში, ოთახის ჰაერი ახალ-ახალი და წმინდა იყოს, საჭმელი სუბუქი და ადვილად მოსანელებელი: რძე, თოხლო კვერცხი და სხვ. ხოლო ჯანის გასამაგრებლად, ყუათისთვის კარგი ჩაი ასვით (გირვანქა ორმანეთ ნახევრიანი) ანუ მოკკოს ყავა. თუ დასუსტებულია მაშინ დვინო უნდა ასვით, როცა დიდი სიცხე მისცეს თავზე ცივ-ცივი ტილო ადევით (ცივი წყალი ან ყინული), მაგრამ მალმალ კი უნდა უცვალოთ, რომ ტილო ზედ არ შეშრეს და თავი უარესად არ გაუცხელოს, ტანზე წაუსვით მარილ-წყალი არაყში არეული, ან ძმარში ნარევი, ყელი, პირი და ცხვირი კირის წყალით უნდა მალ-მალ ივლოს, კირის წყალი ისე მთლიანი იხმარეთ,

როგორც აფთიაქში მოქცენ ან წყალი აურიეთ *). პატარა ბავშვებს, რომელთაც ყელის გამოვლება ვერ მოახერხონ, ცოტა-ცოტა, ერთი ჩაის კოვზის ოდენი, ჩააყლაპეთ ეს კირის წყალი და ცხვირის ნესტოებშიაც ჩააწვეთეთ ხოლმე. ყელში ყოველ დღე რამდენჯერმე წაუესვით ფრთით ნავთი, ან ახლად გამოწურული ლიმონის წვენი, ან მაშარაბი კოწახურისა, ხოლო კისრის ჯირკვლების სიმსივნეზე თბილ-თბილი ფაფა-ფუფა ადევით სელისა ან სხვა რისამე.

თუ კრუში გამოაჩნდა, მაშინ ოთახში უნდა სუფთა და ორთქლით გაჟღენთილი ჰაერი იყოს. (ოთახის ჰაერს ორთქლით აი როგორ ამსებენ: აგური კეცივით გაახურეთ, ოთახის შუა დადეთ და ზედ წყალი დაასხით, ორთქლი და ბული აუვა, რომელიც ოთახის ჰაერს მოარბილებს და ადვილი სასუნთქელი გაუხდება ავადმყოფს. მხოლოდ ყური კი უგდეთ, რომ ოთახში ძრიელ არ დაცხეს. კრუშის დროს უნდა ეცადოთ ავადმყოფს ოფლი მოჰგვაროთ. ოფლს ადვილად მოჰგვრის ხოლმე ოფლის ჩაი, რისთვისაც იხმარება ჟოლო (მალინა), ან ცაცხვის ყვავილი, ან დიდგულას ყვავილი; თუ ხელად არც ერთი არ გეშოვებათ, ცხელ ჩაიში ღვინო მიუმატეთ,

*) კირის წყალი შეგიძლიათ შინაც მოამზადოთ აი ამ გვარად: აიღეთ კაკლის ოდენსა კოშტი უმქრალი კირისა (დამწვარი კირი, რომელსაც ჯერ წყალი არ მოხვედრია), ჩააკდეთ სტაქანში და ზედ ცივი წყალი დაასხით. კირი დაიშლება და წყალი რძესაებ გახდება. ეს კირის რძე ღვინის ბოთლში ჩაასხით, მერე წყალი კიდევ დაუმატეთ, რომ ეელთამდე აივსოს და კარკა მაგრა ანჯდრიეთ, მერე დადგით და ხელს ნუდა ახლებთ; ექვს საათს შემდეგ დახედამთ, რომ კირს დაულეკია და ზემოდან კი ანკარა წყლია; წყალი ფრთხილად გადმოსხით მეორე ბოთლში და იხმარეთ, საძირაღას ისევე წყალი დაასხით, კარკა ანჯდრიეთ და ახლა დაადგეთ 24 საათი, დაიწმიდება და კვლავ იხმარეთ. აი ამას ქვიან კირის წყალი.

ან რისამე შურაბა და თბილი ასვით, თან კი რასაკვირველია საბნით კარგა დაბურვა უნდა. როცა კრუპმა ყელში წაუჭიროს, ცხელ წყალში ტილო ასველეთ და ყელზე შემოადეთ, ან ქატო მოხარშეთ და ცხელ-ცხელი შემოადეთ (არც ისე ცხელი, რო დასწვას). ქალაქ ადგილას ადვილი საშოვნელია მუშაბა (компресная клеенка), რომელიც საგანგებოა გამაცხელებელ კომპრესებისთვის (согревающим компрессы), მაგრამ სიმართლე თუ გინდათ, ის არის, რომ კრუპი მეტის მეტი საშიშოა ჭირია და აუცილებლად დოქტორს უნდა დაუძახოთ და რაც შეიძლება მალე, რომ ტყუილა-უბრალოდ დრო არ დაკარგოთ.

აგრეთვე გახსოვდეთ ზემო ნათქვამი: რა წამს ექვი აიღოთ, რომ სახლში დიფტერიტით გაგიხდათ ვინმე ავად, იმავე წამს დანარჩენ კარგა მყოფ ბავშვებს ან აუცერით, ან მოაშორეთ ისინი სახლს. მეზობლობაში კარგა მყოფი სახლი ჭირიან სახლს ნუ მიეკარებით. ჭირი ადვილად მოიპობა, თუ რო ავადმყოფს და მის გარშემო ყველაფერს სუფთად შეინახათ, სახლს გაამზებთ (კარი, ფანჯარა მალ-მალ გააღეთ, რომ ოთახის მყრალი, ჭირიანი ჰაერი განიავდეს, ქარმა გარედ გაიტანოს), აგრეთვე, იატაკი, ტანისამოსი და ნივთები ავადმყოფისა ისე უნდა გარეცხოთ და გაასუფთაოთ, როგორც ზევით ვსაქვით, უფრო უებარ წამალს კი დოქტორი გასწავლით ან ავთიაქში მოქცემენ, რომლითაც გასწყვეტთ ჭირს და ქოქიან-ბუდიანათ ამოაგდებთ. ვინც ქალაქ ადგილას ცხოვრობთ, რა თქმა უნდა ყველაფერი და ყოველივე ხელთა გაქვსთ და დიდათ დამნაშავე იქნებით ღვთისა, სინიღისისა და კაცის წინაშე, რომ ყოველივე ღონე არ იღონოთ ჭირის წინააღმდეგ და მის მოსაპობათ. დიფტერიტი იმისთანა საზოგადო ჭირია, რომ მთელი სოფელი თუ ქალაქი *) მაშინათვე ცდილობს ჭირი მალე მოს-

*) ქ. თბილისში (ავლაბარში) ამ სენით ავადმყოფთათვის ცალკე საავადმყოფოა დაარსებული, სადაც ყველა ასეთს ავადმყოფსა

პოს, რომ მთელ ქალაქს და სოფლებს არ მოედოს, მაშასადამე, სიღარიბით თავს ვერავინ გაიმართლებთ, იმიტომ რომ რა წამს აცნობებთ ქალაქ ადგილას დოქტორს და სოფელში, თუ დოქტორი არა გყავთ, მამასახლისნი მთავრობისაგან დავალებულნი არიან წამსვე ღონე იღონონ და ავადმყოფი მოარჩინონ და თუ საუბედუროდ ვერას გახდნენ, მაშინათვე იმას იღონებენ, რომ თქვენი სახლი უშიშარ ჰყონ და იქიდან აღარავის გადაედოს, აღარავინ გახდეს ავით. აი ამ გვარად ეცადეთ, რომ თქვენი დაუდევრობის მიზეზით არც თქვენი ოჯახი ჩააგდოთ განსაცდელში და არც თქვენ გახდეთ მიზეზი სხვათა უბედურობითა. საკმაოა მარტო და მხოლოდ ის წარმოდგინოთ, რამდენი უმანკო სული, უდანაშაულო ბავშვი უნდა იმსხვერპლოს ამ საშინელმა კირმა, რომელსაც დიფტერიტი ჰქვიათ სახელად, ხოლო ჩვენებურად ყალბათმა ანუ ხუნაგი და ექვტირება.

ილ. ალხაზიშვილი.

მუქთად იღებენ და მუქთადვე სწამლობენ; ამიტომ ვისაც შეიძლება არა აქვს, რომ ყოველა აქ ნათქვამი შესრულდეს, დაუეჭვნებლივ აცნობოს ადგილობრივს ზღვიციას, რომელიც მასშინვე დაიბარებს საავთმყოფოდან ეტლსა და ავთმყოფს დიდის სიფრთხილით წაიყვანენ საავთმყოფოში. ავთმყოფთან შეიძლება დედაც დარჩეს.

რედ.

სამეცნიერო ნარევი.

ძველი რწმენა-წარმოდგენები

ლ

მეცნიერება.

პირველ წერილში *) ჩვენ ავხსენით „მეხანიკური მატერიალიზმი“, რომელიც დედა-აზრად დაედო ჩვენი დროის ბუნების-მეცნიერებას; ბუნება და მთელი ქვეყნიერება შესდგება მატერია და ეთერისაგან, რომელთაც სხვა-და-სხვა გვარი მოძრაობა სჭირთ. ეს მოძრაობაა ძირეული მიზეზი ყოველისფრის, რაც-კი რამ ხდება და არსებობს ქვეყნიერებაზე. ქიმიური ნათესაობა, მიმზიდველობა, სითბო-სიცხოვლე, სინათლე, ელექტრონი და მაგნეტიზმი, — ყველა ეს ძალები, რომლებიც წარმოადგენენ ბუნების ათას-გვარ მოვლენათა და უითარებათა ერთად-ერთ მიზეზს, ამ ეთერ-მატერიის მოძრაობას ნიშნავენ. ძველი რწმენა - ვითომც ბუნებაში მატერიისა და ეთერის დამოუკიდებლად არსებულ ძალა-მანქანებსაც ჰქონდეთ ადგილი, მეცნიერებამ უარჰყო; იწამა მხოლოდ ეთერ-მატერიის მოძრაობით წარმოდგარი ძალა; ძალა მატერიას არგუნა. იმავე წერილში ჩვენ მოკლეთ მოვიხსენეთ ის, თუ როგორ იწუნებს ამ გვარ სწავლას ზოგო-ერთი მოაზრე და სწავლული, რომელთ აზრით ეს მეხანიკური მატერიალიზმი

*) მეცნიერების დედა-აზრი (დამატება „მოგზაურის“ 7 და 8 №№-სა).

მეცნიერებას ყველგან და ყოველთვის ვერ გამოადგება ბუნებისა და ქვეყნიერების ახსნა-შეგნებაშიო. რაა გონება? რათა, რომ მატერია და ეთერის მოძრაობა. ტვინს რომ ეყრება გარედამ ნერვების საშუალებით, შიგ მოძრაობითვე არა თავდება და გრძობა-წარმოდგენებსაც აჩენს, გარე ბუნებას ხატავს? საიღამ გაჩნდა პირველად ეთერ-მატერიის მოძრაობა, — თავისთავათ ხომ ვერ იწყობდა ამ მოძრაობას? რაა სიცოცხლე? — ეს კითხვები და ორიოდ სხვაც „ძირეული კითხვებია“ და მათი გარდაქრა მეხანიკურ მატერიალიზმით ყოველად შეუძლებელიაო, ამიტომ ორში ერთი: ან ამ კითხვების გარდაქრაზე ხელი უნდა ავიღოთ სამუდამოთ და ამით მეცნიერების სისუსტე ვაღიაროთ, ან არა და მეხანიკური მატერიალიზმი უარ-ვკყოთ და ვიწამოთ, რომ ქვეყნიერების სათავე და ყოველისფრის ძირეული მიზეზი სხვა რამ ძალა უნდა იყოს, თავის-თავათ არსებული, და შევუდგეთ იმის გამოცნობას, თუ რაა ეს ძალა და რა ურთი-ერთობაა დამკვიდრებული მის და პირველ-ყოფილ ეთერ-მატერიის შორის. იქნება ეთერი და მატერია მხოლოდ მოჩვენებაა ჩვენთვის და ნიშნავს ამ მთავარ ძალის სხვა და სხვა გვარ ვითარებას, ყოფნის ყაიდას; მაშინ გონებაც ეს ძალა იქნება, მხოლოდ გარდასხვაფერებული, ან იქნება ამ ძალის ერთი მთავარი თვისებაო, — სჯიან მატერიალიზმის მოწინააღმდეგე მოაზრე და სწავლულები.

წინაღ, როდესაც მეცნიერება ჯერ საკმაოდ არ იყო განვითარებული, ამ თავის-თავად არსებულ ძალა-მანქანების გამოგონება იშვიათი არ იყო განთქმულ მოაზრეთა შორის და სხვილ-სხვილი წიგნებიც ხშირად იწერებოდა ამაზე, სადაც ქვეყნიერების ახსნა-შეგნება ისე იყო გამოყვანილი, თითქოს მართლაც და ყველაფერი, რაც რამ ხდება და არსებობს ქვეყნიერებაზე, ამ მანქანების ნამოქმედარი იყოს, ან მათი სხვა და სხვა ყაიდის ვითარება; ახლა კი, როდესაც გაძლიერებულმა მეცნიერებამ ასეთი მკვიდრი ნიადაგი მოიმტკიცა ბუნების და ქვეყნიერების ღრმა კვლევა-ძიებით, ეს ძალა-მანქანებზე სწა

ვლა ველარა ჰბედავს მეცნიერებასთან შეცილებას ქვეყნიერების ახსნა-შეგნებაში და კმაყოფილდება მითი, რომ ყველას არწმუნებს, ვითომც „ძირეული კითხვები“, რომლებიც მეცნიერებას ჯერ ვერ გადაუჭრია, სამუდამოთ აუხსნელი ამოცანა იქნება მეხანიკური მატერიალიზმისათვისაო. ჩვენთვის საჭირო არაა სავსებით ვიცოდეთ, რა გვარია ეს სწავლა ძალა-მანქანებზე, რომელსაც ფილოსოფია ეწოდება. ჩვენ გვინდა მხოლოდ ავხსნათ ამ სწავლის არსებითი ხასიათი, მისი დედა-აზრი, რათა ამ დედა-აზრის და მატერიალიზმის ერთად შედარებით ნათლათ დავისახოთ ის ძირეული განსხვავება, რომელიც დაეტყო აზროვნობის ძველსა და ახალს მიმართულებას ბუნების და ქვეყნიერების ახსნა-შეგნებაში; და რადგან ძველი მიმართულების სათავე, როგორც ქვემოთ ვნახავთ, პირველ-ყოფილ ადამიანთ და მათ (თანამედროვე) აწინდელ ველურ ხალხთა აზროვნებაშია, ამიტომ ჩვენც მათ-მიერ ბუნების ახსნა-შეგნების განხილვით დავიწყებთ ამ ძველი მიმართულების გარკვევას.

1. მღაბიო ცრუ-მორწმუნება.

ვინ არ იცის, რომ მთელი კაცობრიობა, რომელიც დედა-მიწის ზურგს ახვევია, ათას-გვარ ერის და რჯულის ხალხთაგან შესდგება. მათში ზოგი დიდია და ზოგიც პატარა, ძლიერ განათლებული, ან განათლებაში ძლიერ ჩამორჩომილი; ამიტომ, ზოგს გონების განვითარებით და შეგნებულობით თვისი ცხოვრება უფრო მოხერხებული და მოწყობილი აქვს, მდიდარია და მძლავრი; ზოგი ერი კი შეუგნებელია, უსწავლელი, ყველაფერში ჩამორჩომილი, სუსტი და ამიტომ ხშირად სხვის ხელშია, უფრო მძლავრისა. ამ ჩამორჩომილ ერებში მოდგმით ზოგი ისეთია, რომ განათლების შეთვისება ადვილად შეუძლიან, რადგან გონება მოდგმით კარგი აქვს; და ზოგი ერიცაა, რომ ძლიერ დაბალ მოდგმისაა და მთლად გა-

ნადირებული პირუტყვისავით სცხოვრობს. მაგრამ რა ერიც გინდა ავილოთ, — ცოტად თუ ბევრად განათლებული, ან მთლად ჩამორჩომილი და განადირებული ერი, — ვნახავთ, რომ ყოველ მათგანს უთუოდ სცოდნია ბუნების მოკლენის და ქვეყნიერების ახსნა-შეგნება. ასეთია ადამიანის გონების ბუნება, რომ ყოველთვის, რაც ბუნებაში ხდება და რასაც ხედავს, მიზებს უძებნის ადამიანი და ამგვარად ხსნის და იგებს ბუნების ვითარებას. რაღა თქმა უნდა, რომ გაუნათლებელ და განადირებულ ხალხთა-მიერ ახსნა-შეგნება თავიდან ბოლომდე ცრუ და შეცდომილია, რადგან ამ ხალხებმა არც ბუნების ჩხრეკა და გამოკვლევა იციან და არც გონება უჭრით იმდენათ. ჩვენ ქართველ გლეხს, გონებით კარგ მოდგმისა, მაგრამ მთლად ჩამორჩომილს სწავლა-განათლებაში, რომ ვკითხოთ, იტყვის, მთვარე იმიტომ ბნელდება, რომ გველაშაპი იჭერს მასაო და თოფს ისვრის შესაშინებლად; მიწის ძვრას თევზი ახდენს, რომელსაც დედა-მიწა დააქვს ზურგზედაო. პოლინეზიელების ფიქრით ბუნების სხვა და სხვა მოვლენას, სხვა და სხვა ღმერთი, თუ რაღაც სულიერი ძალა აჩენს *): მცენარეთ ამოსვლა და ზრდა ერთი ღმერთის საქმეა, წვიმის მოყვანა მეორისა, ქარი მესამისა და სხვ. იმ ქვეყანაში ერთგან ვულკანი მოჩანს (ცეცხლის მფრქვევი მთა); იქაურ ხალხის თქმით შიგ რაღაც დევი წევს და, სივიწროვით შეწუხებული, გადაბრუნ-გადმობრუნდება, მთას ანძრევს და ასე მიწის ძვრას აჩენსო. წინადაცა და ქვეყანა ერთად იყვნენ და მხოლოდ შემდეგში გაჰყარა ღმერთმაო, სახელად რიიმ; მაჰუი-ღმერთმა კი დედა-მიწა ზღვიდამ ამოიღო და დაწესა დღე-ღამეო. ზოგი ერია, რომ ზე ღმერთი ჰგონია, მთვარე მისი ცოლი, ცისკრის ვარსკვლავი კი მთვარის მოახლე. ველურ ხალხს არაფერი ცნობა არა აქვს ჰაერზე და იმიტომ ბევრს მათგანს ჰაერის დენა, ე. ი. ქარი

*) Letourneau — Sociologie.

Hartmann — Les peuples de l'Afrique.

და გრიგალი, რაღაც უჩინარო ავი სულის ფრენა და ლაზღანდარობა ჰგონია. ელვა-ქუხილს მდევები აჩენენ, რომელთაც ზოგჯერ საშინელი ბრძოლის ატეხა სცოდნით და ელვას ესვრიან ერთმანერთსო. ჩვენ აქ მეტი ალაგი არა გვაქვს ამისთანა მთასი მაგალითი ჩამოვთვალოთ; რაცა ვსთქვით საკმარისია, რომ წარმოვიდგინოთ, რა გვარად იქცევა ველური ხალხის გონება; როდესაც ბუნების სხვა და სხვა მოვლენის ახსნაშია. ყოველ მოვლენის მიზეზს ბუნების თვისებით კი არა ხსნის, როგორც მეცნიერება იქცევა, რადგან ბუნების თვისებისა მას არაფერი ესმის, არამედ ჰგონია, რომ ყველაფერი რაღაც კეთილი თუ ავი სულით ხდება. რადგან ქვეყანაზე ბევრჯვარი მოვლენაა, ამიტომ ბოროტი და ავი სულიც მრავალია ბუნებაში; წვიმის მომყვანი სული კეთილია, რადგან წვიმა მცენარათათვის სახეიროა; მზეც კეთილია, — ღმერთია; ღამე ბოროტი სულია; ქარი ავია, რადგან ხეებსა ჰგლეჯს და სახლებსა შლის; ცეცხლი კეთილი სულია, — უმისოდ ადამიანი ვერ გასძლებს; ხეს და ბალახს მისთვის ეკიდება, რომ ეს მისი საქმელია; ძველმა ინდოელებმა ცეცხლი — „აგნი“ გააღმერთეს და რამდენიმე საუცხოვო ლოცვაც შეადგინეს მის სახელობაზე. ამ გვარად ყოველი ბუნების მოვლენა გასულიერებულია ველურ, თუ ძლიერ ჩამორჩომილ ერთა გონებაში. გონების ამ გვარ ქცევას — ბუნების გასულიერებას, სწავლულებმა ანიმიზმდ უწოდეს, ესე იგი გასულიერება. მაგრამ, როგორც ზემოთ მოყვანილმა მაგალითებმა გვაჩვენეს, გონება ბუნების გასულიერებითაც არა ჯერდება მოვლენათა ახსნაში და ხშირად სულიერ ძალებსაც — დევებს, ავ და კეთილ სულებსაც იგონებს.

როგორ მოხდა, რომ ადამიანს, რომელსაც თავდაპირველად არავითარი წარმოდგენა არ უნდა ჰქონოდა სულიერ ძალებზე, შემდეგში, ბუნების ახსნა რომ დაიწყო; ეს, მანამდინ უცნობ სულიერ ძალთა წარმოდგენა გაუჩნდა გონებაში? ამის გამოცნობას ორი ინგლისელი სწავლული შეუდგა (ტეილორი

და სპენსერი) და მათი ახსნა თითქმის ყველა სწავლულისგანაა მოწონებული. ბევრ ველურ ხალხს (ბორნეოზე, ახალ-ზელანდიაში და სხვ.) ჰგონია, რომ ძილში კაცის სული ხორცსა შორდება და აქა-იქ დაიარება; კაცის გამოღვიძება სულის დაბრუნებაზე ხდება. ადამიანს თუ ვინმე მოესიზრმა—ეს იმას ნიშნავს, რომ იმ კაცის სული ინახულა მისმა სულმაო. სიზმარში ველური კაცი ხშირად ხედავს, რომ სხვა და სხვა ადგილებში დაიარება, ნადირობს, ლომი თუ რამე მხეცი შეებრძოლა, მტერს შეხვდა და სხვა; როგორ ახსნას ყველა ეს გამოღვიძებაზე, თუ არა იმით, რომ ალბათ ჩემში რაღაცა არსებია, უხორცო და ჩემი მსგავსი, რომელიც ძილში სხეულიდამ ამოდის და აქა-იქ დაიარებაო, — და ამ რაღაც მანქანას სული (სვლა) უწოდა. ეს რწმენა, რომ ადამიანს თავისი სულიც აქვს, თითქმის ყოველ ველურ ხალხს გასჩენია გონებაში და, როგორც ვხედავთ, ამისი მიზეზი სიზმრის ნახვაა. სიზმარი ზოგმა პირუტყვმაც იცის, მაგ., ვირმა და ძაღლმა; ვის არ გაუგონია მძინარე ძაღლის ღმუილი და ყელში ჩამხვჩალი ყეფა? ძაღლს ადამიანსავით მეტი გონება რომ ჰქონდეს, უთუოდ სულს მოიგონებდა, მაგრამ გონება იმდენად არ უჭრის და ფიქრადაც არ მოსდის იკითხოს რასა ნიშნავს, რომ ძილში ესა და ეს ვნახე, ესა და ეს მომივიდაო. ზულოუსებს ჰგონიათ, რომ ჩრდილი, რომელიც კაცს დასდევს მზიან დღეში, მისი სულიაო, და ამიტომ მკვდარმა ჩრდილი არ იცის, რადგან სული განშორებული აქვსო. ადამიანის სულის მოგონებიდამ ბუნების გასულიერებამდინ დიდი მანძილი არაა; კაცი დადის, სჭამს, საჭმეს აკეთებს და მოძრაობს იმიტომ, რომ სული ამოქმედებს სხეულსა და სული რომ შორდება, — სხეული მკვდარია, უძრავი; ბუნებაც უთუოდ ასეთი უნდა იყოს; ბუნებამიც სხვა და სხვა სული რომ არ არსებობდეს, ბუნება თავის-თავად არაა რა მოვლენას არ გააჩენდა. „ველური ხალხის ფიქრით კაცის სხეულს მისი სული აცოცხლებს და ამოქმედებს; ბუნების სხვა

და სხვა მოვლენას-კი ბუნების სხვა და სხვა სულიერი არსება აჩენს, რაიც ბუნების სულს შეადგენსო“ (ტელიორი).

ის დიდი განსხვავება სწავლა-განათლებაში, რომელიც არსებობს ჩვენი დროის ერთა შორის, არა ყოფილა წინად, ძველის-ძველ დროში, რადგან ყველანი ერთ-გვარად ჩამორჩომილნი და გავლურებულნი იყვნენ; მხოლოდ შემდეგში სხვა და სხვა გარემოებით ზოგი წინ წავიდა წარმატების გზაზე, მაგ., ევროპელები, ზოგი ჩამორჩა და ზოგიც მთლად გაჰკრა განათლებულების ხელით, თუ სხვა რამ მიზეზით. რომ ვიკითხოთ ახლა, რა გვარი ახსნა და წარმოდგენა ჰქონიათ ბუნებისათა-გვარ მოვლენისა ჩვენი დროის ყველაზე განათლებულ ერებს მაშინ, როდესაც ესენიც ველურ ცხოვრებას მისდევდნენ,—ამის გამოსაცნობად, ძნელად მისახვედრი არაა, ჩვენი დროის ველურ ერებს უნდა მივმართოთ და მათს აწმყოში ევროპეელთა წარსულს მოვძებნით; და თუ ვიკითხეთ, როგორ უფიქრიათ იმავე ევროპელებს მაშინ, როდესაც ველურ ვითარებას გადუდგნენ და პირველად მოწეს-რიგებულ ცხოვრებას დაადგნენ,—მაშინ ისტორიას უნდა მივმართოთ და გავიცნოთ—რა გვარი რწმენა-წარმოდგენა ჰქონიათ ბუნებაზე ამათ და სხვა ერებსაც იმ დროს. ამ გვარი ხერხით, ე. ი. სხვა და სხვა ველურ, ცოტად თუ ბევრად განათლებულ ერთა გაცნობით, ჩვენი დროის სწავლულები იკვლევენ რა და რა გზა გაუვლია კაცობრიობის გონებას ბუნების და ქვეყნიერების ახსნა-შეგნებაში.

ჩვენ განვიხილეთ როგორა ხსნის ბუნების სხვა და სხვა მოვლენას და რა გვარი წარმოდგენა აქვს ქვეყნიერების რაობა-ვითარებაზე ყველაზე ჩამორჩომილ ველურ ხალხს და ვნახეთ როგორ და რა მიზეზით მოიგონა პირველად ადამიანის გონებამ მრავალ-გვარი სულიერი არსება და როგორ გაასულიერა ბუნების ზოგიერთი მოვლენა და საგანი (მზე, მთვარე, ქარი). ესაა ადამიანის გონების პირველი ხანა, პირველი ფეხის გადადგმა ბუნების ახსნაში. მაშასადამე, ჩვენი დროის განათ-

ლებულ ერებსაც იგივე წარმოდგენა უნდა ჰქონოდათ ერთდროს, პირველ ხანებში. ახლა ზოგიერთ სხვა ერებს რო დავაკვირდეთ, რომელთაც განათლების შუქი ცოტად მაინც მოჰხვედრიათ და მეტ ჰქვა-გონებაში შესულან, იმავე ცრუ-მორწმუნებას ვნახავთ, მაგრამ დიდად განსხვავებულსა: გონება გაფაქიზებულია, მეტი ფიქრი დაუწყვია და უნახავს, რო ბუნების ათას-გვარ მოვლენას, ყოველს სათითაოდ, სხვა და სხვა სულიერი არსება კი არ აჩენს, არამედ ბევრი მოვლენაა, რო ერთი და იმავე მიზეზით ხდება, ერთი სულიერი ძალით ჩნდება; მაგ., წვიმას, თოვლს, ღრუბელს ცა-ღმერთი აჩენს, რომელიც, დედა-მიწას გადაჰფარებია; ველურ ხალხს-კი ჰგონია, რო ყოველ აქას ცალ-ცალკედ სხვა და სხვა ძალა აჩენს. ამ გვარად სულიერ ძალთა სიმრავლე რამდენსამე ძალას უთმობს ალაგს ადამიანის ვონებაში; ათას-გვარი სულიერი ძალა რამდენიმე ძალა-ღმერთად იკეცება; ყველაფერი, რაც რამ ხდება ქვეყნიერებაზე ამ რამდენიმე ძალა-ღმერთის მეოხებითაა. ბუნების გასულიერებას (ანიმიზმს) თავს ანებებს ადამიანის გონება და რამდენიმე ღმერთობაზე დგება. ამ რამდენიმე ღმერთობას ზოლიტიზმი ჰქვიათ. ძველ ეგვიპტელებს ღმერთებად ჰქონდათ მიჩნეული: სინათლე, სიბნელე, ცა და დედა-მიწა, ცეცხლი, მზე და მთვარე. ჩინელების ღმერთებია: მზე, მთვარე, მიწა, ცეცხლი და ამ ღმერთების მთავარი ღმერთი ცაა. ძველისპარსელების აზრით ქვეყნიერებას განაგებს სინათლის და სიბნელის ორი ღმერთი-ძალა ორმუხდი და არიმანი, რომელთაც მუდმივი ბრძოლა აქვთ ერთმანერთში.

ამ გვარად, როგორც ვხედავთ, ადამიანის გონების წარმატებით, სულიერ ძალთა რიცხვი თანდათან კლებულობს. ბოლოს ეს სულიერ ძალთა ამბავი მითი თავდება, რო გონებაჲ ქათ სიმრავლეს უარ-ჰყოფს და სტოვებს მხოლოდ ერთს ძალა-ღმერთს; ამ ერთ-ღმერთობას მონოტიზმი ჰქვიათ, მაგ., ქრისტიანობა და მაჰმადიანობა. არსებობს მხოლოდ ერთი ძალა, ერთი ღმერთი; მან გააჩინა და დააწესა ყოველისფერი;

მხოლოდ ერთი ძალა-ღმერთი განაგებს ქვეყნიერებას. — ანი-
მიზმიდამ, ე. ი. ბუნების გასულიერებიდგან წარმოსდგა პო-
ლიტიკიზმი და პოლიტიკიზმი მონოტიკიზმად შეიცვალა. ამ ხა-
ნას, როდესაც ადამიანის გონება ბუნებისა და ქვეყნიერების
ახსნა-შეგნებაში სხვა და სხვა სულიერ ძალას იგონებს, ან
ერთ ძალა-ღმერთში ხედავს ყოვლის მიზეზს და გამჩენს, ამ
ხანას თეოლოგიური ხანა ჰქვიათ. ამ ხანაში მყოფი ადამიანი,
როგორც ვხედავთ, ბუნების და ქვეყნიერების ახსნა-შეგნება-
ში ბუნებისავე კვლევა-ძიებას სრულიადაც არ ეხება და კმა-
ყოფილდება მხოლოდ იმით, რასაც მისი სუსტი გონება სჯის
გარე-ბუნებაზე. მეცნიერება, რომელიც თვის სწავლას ბუნე-
ბის კვლევა-ძიებაზე ამყარებს, ძალა-მანქანებს უარ-ჰყოფს, რა-
დგან არა დროს არც ერთს კვლევა-ძიებას არავითარი ძალა-მანქა-
ნა ბუნებაში არ აღმოუჩენია. ბუნება და ქვეყნიერება ეთერის
და ატომებიან მატერიისაგან შესდგება. ამ მასალას მოძრაობა
სჭირს და ამით აიხსნება ყველაფერი, რაც რამ ხდება და არ-
სებობს ქვეყანაზედა ქვეყნიერების მასალა არავის არ გაუჩე-
ნია და ვერც ვერაფერს გააქრობს მას; იგი ყოველთვის ყოფი-
ლა და იქნება თვის დაუდევარ მოძრაობაში, რომლის რაო-
დენობა მუდმივ შეუცვლელი იყო და იქნება. ყველა ამ ცო-
დნას, კვლევა-ძიებით აღმოჩენილსა, თეოლოგიური რწმენა-
შეხედულება მოკლებულია, ამიტომ თეოლოგიური ცრუ-მორ-
წმუნება თავიდან ბოლომდინ უმეცრებას წარმოადგენს, რა-
მელსაც იმ თავითვე მდაბიო ხალხი მისდევს თითქმის ყველ-
გან, რადგან ყველგან მეცნიერულ სწავლასაა მოკლებული.
არც ერთ დროს თეოლოგიური რწმენა-შეხედულება ისე გა-
ძლიერებული არა ყოფილა, როგორც საშუალო საუკუნოე-
ბში დასავლეთ ევროპაში. მაშინდელი სწავლა-ცოდნა, რომე-
ლიც ბერებმა იგდეს ხელში, ამ თეოლოგიურ რწმენის მიმ-
დევარი იყო; ეკლესიებში, სასწავლებლებში, ოჯახებში და
მრავალ წიგნებში მხოლოდ ეს ერთად-ერთი სწავლა ბატო-
ნობა და ხსნიდა ქვეყნიერების ვითარებას; მოცილედ არა-

ვინ ჰყავდა. ვინც ღრმა გონების სწავლული გამოჩნდებოდა ხოლმე, მისი ცდა იყო საღმთო წიგნებში ნაწერ თეოლოგიურ სწავლის ახსნა-გარკვევა და სხვა-და-სხვა საღმთო კითხვების გადაჭრა, მაგ., რა დრო იყო, როდემდთმა ქვეყნიერება გააჩინა: გაზაფხული, ზაფხული თუ შემოდგომა? ან რა ენაზე იწყეს ლაპარაკი ადამ და ევამ? და სადაც კი განთქმული სწავლული იყო ამ კითხვების გადაჭრაში თავს იტყებდა; არა ერთი და ორი კითხვა გამოუჩხრეკიათ საღმთო წიგნებში იმ დროის სწავლულებს და ბევრმაც გაითქვა სახელი ამ ფუჭი კითხვების გადაჭრაში.

ბუნების გასულიერება პოლიტიკიზმად იცვალა, პოლიტიკიზმი მონოტიკიზმად და ყველა ეს ცვლილება ადამიანის გონების ზრდით და წარმატებით მოხდა. არ შეიძლებოდა არ შეჭებოდა საშუალო საუკუნოებში გაძლიერებულ თეოლოგიურ სწავლას ადამიანის გონება თვის დაუდევარ ზრდაში, რადგან ამ სწავლაში ბევრი რამ სიცრუეს უფრო წააგავდა, ვიდრე ნამდვილ და ეჭვ-მიუკარებელ სწავლას და ქვეყნიერებაზედაც ბევრი რამ ხდება ისეთი, რომელსაც ეს სწავლა ვერა ხსნიდა. ის ეჭვის თვალი, რომელიც გონებამ იცის და რომლის მიხვედრით ბუნების გასულიერება პოლიტიკიზმად შეეცვალა და ეს უკანასკნელი მონოტიკიზმად, შეუძლებელი იყო, ეს გონების ეჭვის-თვალი ამ გაძლიერებულ თეოლოგიის სწავლასაც არ შეჭებოდა. აქა-იქ ზოგი-ერთ ღრმა გონებიან სწავლულმა ზურგი აქცია ამ სწავლას და ახლის საჭიროებაზე იწყა ლაპარაკი. მაგრამ ადვილი არ იყო თეოლოგიურ სწავლის სისუსტეზე ხმის ამოღება და წინააღმდეგობის გამოცხადება, რადგან ამ სწავლას ძრიელი მფარველი ჰყავდა: მშინდელი სამღვდლოება, მართებლობა და ერის უმეტესობაც ამის მიმდევარი იყო. ამიტომ იყო, როდესაც ყოველთვის, როცა აქა-იქ ვინმე ღრმა მოაზრე და ბასრ გონებიანი სწავლული ხმას იღებდა ამ სწავლის სიცრუეზე, ან რამე ახალ სწავლის დადგენას ჰბედებდა, შავს ღღეს აყენებდა ამ სწავლულს იმ დროის გაძლიერ-

რებული სამღვდლოება. ასეთი დღე დაადგა სახელ-განთქმულ მეცნიერს გალილეის, რომელიც დაამწყვდიეს და აწვალეს იმიტომ, რომ ამტკიცებდა—მიწა უვლის მხესაო გარშემო და არა მზე მიწასა, როგორც სწერია ურბის-მიერ მოგონებულ გარდმოცემაშიო. უფრო საშინელი დღე დაუდგა მეორე სწავლულს—ჯორდანო ბრუნოს, რომელიც უშიშრად ყველგან—უნჩვერსიტეტებში და სწავლულთა შორის, სადაც კი შეიძლებოდა, ხმა მალლა ჰქადაგებდა თეოლოგიური სწავლის სიყალბეზე; ეკლესიაში აღარ დაიარებოდა და არა რა სწამდა სამღვდლოებისა, რომელიც მისი თქმით უზნეო, ფლიდი, უმეცარი და აჯამი, მუქთა-მქამელა, ორ-პირა, გაიძვერა და ხალხის მყვლეფავი იყო. ბოლოს, ბევრი დენის შემდეგ, ხელში ჩაიგდო სამღვდლოებამ ეს თეოლოგიაზე აჯანყებული სწავლული და ხალხით გაჭედილ მიედანზე დასწვა დიდის ამბით და წყევლით. მაგრამ ვერც ამ დაწვამ და ვერც სხვა ათას გვარ დენამ ვერ შეაყენა თეოლოგიაზე აცრუებული გონება სხვა მრავალ სწავლულისა, რადგან ამ სწავლის სიცრუეს და არა-რაობას ყველა ნათლათ ხედავდა. მოწინავე გონებამ ძველი სწავლა უარ-ჰყო და ახალის დადგენას თხოულობდა. საიღამ და როგორ გაჩნდა ქვეყნიერება, თუ ყოველთვის ასე ყოფილა, როგორიც ახლაა? რისგან შესდგება ქვეყნიერება? როგორ აიხსნება ბუნების სხვა და სხვა მოვლენა? როგორ და საიღამ გაჩნდა ადამიანი და ათას-გვარი მცენარე და ცხოველები? ადამიანი მარტო სხეულისაგან შესდგება, თუ სულიცაა მასში? ამ კითხვებს და ბევრ სხვასაც თეოლოგიური სწავლა ვერ ხსნიდა ისე, რომ ეს ახსნა ჰკვასთან ახლოს ყოფილიყო. ადამიანის მოწინავე გონებას ეს კითხვები თან დასდევდნენ, მეტადრე მაშინ, როდესაც ეს გონება დაბადებდითვე ღრმა და მძლავრი იყო.

II. თეოლოგია და ფილოსოფია.

პირველი კითხვა, რომელიც წინ დაესახა იმ დროის სწავლულთ ახალ სწავლის ძიებაში, იყო: რა გზით და საშუალებებით უნდა შესდგეს ნამდვილი და ექვ-მიუკარებელი სწავლა ქვეყნიერებაზე? ეს კითხვა უდგა თავშივე იმ ახალ სწავლას, რომელიც თეოლოგიას მოჰყვა. ამ სწავლას ფილოსოფია უწოდეს. შემდეგში ჩვენ ვნახავთ, რომ ფილოსოფიაც უარ-ყოფილ იქნა და ადამიანის მოწინავე გონება მესამე (თეოლოგია და ფილოსოფიის შემდეგ) სწავლის დადგენას შეუდგა — მეცნიერებისა. საჭიროა მოკლედ მაინც ავხსნათ რა გვარია არსებითი ხასიათი ფილოსოფიურ სწავლისა და სადა სცემს მისი დედა-აზრი; ჯერ-კი ზოგი რამ უნდა გავარკვიოთ.

პირველ წერილის დასაწყისში ჩვენ ვსთქვით, რომ მატერია შესდგება მარტივ და რთულ საგნებისაგან. მარტივ საგნებს ელემენტები უწოდეს: რკინა, ტყვია, ოქრო, ვერცხლი, ალა, ვერცხლის წყალი, გოგირდი, ფოსფორი, ნახშირი, მჟავდანი, წყალდანი და სხვ. დედა-მიწის და აგრეთვე მთელი ქვეყნიერების მასალა — მატერია, ამ ელემენტებისაგან შესდგება, რომელთა რიცხვი 80-ზე ცოტა ნაკლებია. რთული საგნები ამ ელემენტების სხვა და სხვა გვარ შეერთებით წარმოსდგებიან. ელემენტები წვრილ და უჩინარ მარცვლებისაგან შესდგებიან — ატომებისაგან. ავიღოთ ახლა რომელიმე რთული საგანი, თუნდ წყალი; დავშალოთ ეს საგანი რამე ხერხით, — ვნახავთ, რომ ორ ელემენტისაგან შესდგება — მჟავდანი და წყალდანისაგან; მჟავდნის ერთს ატომს ორი წყალდნისა დაუკავშირებია თავისთან და ასე გაჩენილა სამ-ატომიანი ჯგუფი — მოლეკულა; ერთ წვეთ წყალში ამისთანა მოლეკულა მრავალ მილიონობითაა. რომ ავიღოთ ახლა სხვა რთული საგნები ვნახავთ, რომ ყველანი ამ გვარათვე ატომების ჯგუფებისაგან შესდგებიან, — მოლეკულებისაგან; გარჩევა მხოლოდ მბსშია, რომ სხვა და სხვა რთულ საგნის მოლეკულაში ატო-

მების რიცხვი ერთგვარი არაა და არც ერთგვარ ელემენტებს ეკუთვნიან ყველანი. რათა, რო მარჯივი საგნები ერთდებიან და რთულებს აჩენენ? იმიტომ, რომ ელემენტების ატომებს რალადა შემაერთებელი ძალა აქვთ, რომელიც ზოგ ელემენტის ატომებში დიდია, მძლავრი, ზოგში-კი სუსტი. ელემენტების შეერთება რთულ საგნებად და მათი დაშლა მარტივებად ამ ძალის მეოხებით ხდება და აგრეთვე მის მეტნაკლებლობით სხვა და სხვა ელემენტის ატომებში. რა გვარად იქცევა მეცნიერი მატერიის ამ გვარ შესწავლაში, მის ბუნების განოძიებაში? ჯერ რთულ საგნებს შლის და შემდეგ მარტივებს აერთებს იმის გამოსაცნობად, თუ რომელ ელემენტებს სჭირთ შემაერთებელი ძალა. საგნების დაშლა და შეერთება ხომ მოვლენაა, ე. ი. ის, რაც ხდება. ამ სხვა და სხვა მოვლენის გარკვევაში მეცნიერი მათს საერთო წესს უკვირდება და აქედან დასკვნა გამოჰყავს სხვა და სხვა ელემენტის შემაერთებელ თვისებაზე; ეს თვისებაა მიზეზი მარტივ და რთულ საგანთა დაშლა შეერთებისა; თვისებაა მოვლენის გამჩენი. წყალდანი და მჟავდანი ერთდებიან და წყალს აჩენენ იმიტომ, რომ ეს ორი ელემენტი მონათესავეა, ერთმან ერთს ითვისებენ; წყლის მოლეკულის გაჩენაში ერთი მჟავდნის ატომი ორ წყალდნისას იკავშირებს იმიტომ, რომ ორი შემაერთებელი ძალა აქვს, წყალდნისას-კი ერთი. ასეთი თვისების ყოფილა ეს ორი ელემენტი და ამ თვისებით აიხსნება წყლის გაჩენა. ამის ცოდნით არა ჯერდება მეცნიერი და უფრო ღრმათ ჩადის თვის კვლევა-ძიებაში; თუ სხვა და სხვა ქიმიური მოვლენა ელემენტების თვისებით აიხსნება, ეს თვისება თავის რიგზე რილათი უნდა აეხსნათ? პირველ წერილის ბოლოს ჩვენ გაკვრით მოვიხსენიეთ, რა ატომები ეთერის მორევს წარმოადგენენ, იმ ეთერისას, რომლითაც მთელი ქვეყნიერების სივრცე-მანძილია დაქერილი; ყოველ ატომში ეს ეთერი მორევსავით გრიგლოვან მოძრაობაშია, რომელიც ხდება ისე, რა გარე მყოფ ეთერზე რალადა გავლენა აქვს და ამას შედეგად ის მოსდევს, რა სხვა

ატომი უახლოვდება ამ პირველსა. მაშასადამე, ქიმიური თვისების, ე. ი. ატომების შეერთების მიზეზი შინაგანი ბუნებაა ატომებისა. ამ გვარად მეცნიერებამ ქვეყნიერების მასალის — მატერიის კვლევა-ძიებაში ჯერ სხვა-და-სხვა ქიმიური მოვლენა გაიცნო და შეისწავლა; შემდეგ მოვლენა ელემენტების თვისებით ახსნა და ამ თვისების ასახსნელად ატომთა ბუნების და შენობის გამოცნობას შეუდგა. მოვლენას თვისება აჩენს, თვისებას-კი მატერიის ძირეული ბუნება. რომ მიუხვდეს მეცნიერება ამ ძირეულ ბუნებას, მაშინ მას ეცოდინება სათავე მიზეზი ყოველ გვარ ქიმიურ თვისება და მოვლენისა. მოვლენა თვისებაზეა დამოკიდებული, თვისება-კი ატომთა ძირეულ ბუნებაზე, რომელიც არაფრის შედეგი არაა და არც არარასზეა დამოკიდებული. იმას, რაც დამოუკიდებელია, არა რის შედეგი არაა და, პირიქით, თვითონაა ყოველისფრის მიზეზი და სათავე, სუბსტანცია ჰქვიან. სუბსტანციის რაობა და ბუნება რა გამოვიცნოთ, მაშინ შეგვეძლება ავხსნათ სხვა-და-სხვა თვისება და მოვლენა, რადგან თვისება სუბსტანციის ბუნების შედეგია და მოვლენა თვისებისა. მთელი ქვეყნიერების ვითარება და არსებობა სუბსტანციის რაობით აიხსნება; მასშია თავი მიზეზი და ამოცანა. ასეოია ეს განსხვავება მოკლენასა, თვისებასა და სუბსტანციას შორის.

ზემოთ ჩვენ ვსთქვით, რო პირველი კითხვა, რომელიც დაესახა თეოლოგიაზე აცრუებულს მოწინავე გონებას ახალი სწავლის ძებნაში, იყო: რა გვარად და რა გზით უნდა შესდგეს მართალი და ეჭვ-მიუკარებელი სწავლა ქვეყნიერებაზე? ამ კითხვის გადაჭრაში ორმა სწავლულმა ისახელა თავი, — ინგლისელმა ბეკონმა და ფრანგმა დეკარტმა. ქვეყნიერების რაობა-ვითარებაზე ნამდვილი სწავლის დასადგენად, — სწერდა ბეკონი, — საჭიროა თავდაპირველად ბუნების ათას-გვარ მოვლენას დავაკვირდეთ და შევისწავლოთ; შემდეგ მათი მიზეზები უნდა გამოვიძიოთ, ე. ი. ის თვისება, რომელიც მოვლენას აჩენს, და რაკი ამას გამოვიცნობთ, მაშინ ქვეყნიერების სუბსტანცი-

ის, ე. ი. მიზეზთა-მიზეზის მიხედვრასაც შევძლებთო. ყველა ეს სწავლა უნდა შესდგეს ბუნების გამოცდით და კვლევით, და სხვა გვარი სწავლა, რომელიც ამ კვლევა-ძიებაზე არაა დამყარებული, ფუჭი და ცრუ სწავლააო. ამ გვარ გზას, ან უაიდას, რომელიც ბეკონმა უჩვენა ადამიანის გონებას, ინდუქტიური, გზა ჰქვიან, ან ინდუქტიური მეთოდი.

ძლიერ კარგი იყო ეს მეთოდი და ამ გზით ტარებაში ადამიანის გონება ძნელად თუ შესცდებოდა, მაგრამ საქმე ის იყო, რომ ამ გვარად ქვეყნიერების გამოძიება დიდ დროს და შრომას ითხოვდა, რადგან საჭირო იყო ბუნების ათას-გვარ მოვლენის დაკვირვება და შესწავლა და ვინ იცის როდის მიაღწევდა ყველა ამას ადამიანის გონება? რა უნდა ექმნა რომელიმე ღრმა და ბასრ გონებიან მოაზრეს, რომელსაც თეოლოგიური სწავლისა არა-რა სჯეროდა და მოუსვენრად ითხოვდა ქვეყნიერებაზე ჭეშმარიტ სწავლას? ამ გვარი გონება ბეკონის მძიმე მეთოდით არა ჯერდებოდა და სხვას, მოკლე და ჩქარ მეთოდს ითხოვდა საშველად. ასეთ ყოფაში იყო ადამიანის მოწინავე გონება, როდესაც 1637 წ. ჰოლანდიაში ახალმა და ღრმა მოაზრე დეკარტმა თავისი თხზულება გამოაქვეყნა: »მეთოდზე სჯა« (Discours de la Méthode), რომელშიაც სხვა ახალ გზას, ახალ მეთოდს უჩვენებდა იმ დროის სწავლულებს ქვეყნიერების შესაგნებლად. ბეკონი ამბობს: ქვეყნიერების ასახსნელად საჭიროა თავდაპირველად ბუნებას დავაკვირდეთ და შევისწავლოთ რაც რამ ხდება ქვეყნიერებაზე, ე. ი. ათას-გვარი მოვლენა, და რა დასკვნაც მოჰყვება ამ შესწავლას, ეს იქნება ბუნების სხვა-და-სხვა თვისების გარკვევა; ამ თვისებათა საერთო დასკვნა-კი გვიჩვენებს სუბსტანციის ძირეულ ბუნებას, — მიზეზთა-მიზეზს. ამ გვარი უაიდა იმასა ჰგავს, რომ შეილები მაჩვენე როგორიც არიან და გეტყვი, რა დედ-მამაც ჰყოლიათ მათაო. მაგრამ შეიძლება აგრეთვე, დედ-მამა რომ ვიცოდეთ, ვსაჩვენოთ, რა გვარი იქნებიან მათი შვილები; დედა ნახე, მამა ნახე, შვილი ისე გამოიხატეო,

ნათქვამია. ასე სჯიდა დაახლოვებით დეკარტი; მაშასადამე, შესაძლო იყო ქვეყნიერების ახსნაში სუბსტანციიდან დაეწყო თვისი სწავლა ადამიანს, სუბსტანციიდან თვისებაზე გადასულიყო და თვისებიდან მოვლენაზე. საჭირო იყო მხოლოდ როგორმე გონებას სუბსტანციისათვის მიეგნო, გაეგო მისი რაობა, ძირეული ბუნება და აქედამ დაესკვნა სხვა და სხვა თვისების ახსნა; შემდეგ, ისევ ამ თვისებათა მიხედვით, ქვეყნიერების ვითარება გაეგო, ე. ი. ათას-გვარი მოვლენა დაესკვნა. საჭირო აღარ იყო ბეკონის ხანგრძლივი კვლევა-ძიება, ან როგორც იმერლები ამბობენ ბუნებასთან „დიდი ხლათორთობა“. ასეთი იყო ეს მოკლე და ჩქარი მეთოდი, რომლის ხმარებას ურჩევდა დეკარტი იმ დროის სწავლულებს-სამყაროს რაობა-ვითარების გამოსაცნობად, და ამას დედუქტიური მეთოდი უწოდეს.

«ძნელი კითხვების გადასაჭრელად გეომეტრებს ჩვეულება აქვთ გრძელ და ერთი-მეორეზე მიბმულ სჯისა და ანგარიშის ხმარებაო, — სწერდა დეკარტი, — და ამან მაფიქრებინა, რო ყოფლისფერი, რაც რამ ხდება ქვეყნიერებაზე ამ გზითვე შეიძლება ავხსნათ, რადგან ყველაფერი ერთი-მეორის შედეგიაო (les choses s'entre-suivent de même façon). მაშასადამე, საჭიროა მხოლოდ ღრმა ფიქრი და აზროვნობა ქვეყნიერების ახსნაში და არა ბეკონის ხანგრძლივი მეთოდი. თავდაპირველად უნდა მიფიქვდეთ რა გვარია ქვეყნიერების სუბსტანცია, ნათლად და ცხადად შევიგნოთ მისი რაობა და აქედამ დასკვნის დასკვნაზე გადაბმით ავხსნათ ქვეყნიერების ვითარება, რადგან ყველაფერი სუბსტანციის შედეგია, მასზეა დამოკიდებული.

ასეთია ეს ორი მეთოდი — ინდუქცია და დედუქცია, რომლებიც ბეკონმა და დეკარტმა შემოიღეს სწავლაში. ბევრმა ბეკონის რჩევა ვაიგონა და უფრო ბევრმა დეკარტისა, რადგან ეს უფრო ადვილი იყო. ბეკონის ინდუქტიურ მეთოდით, ე. ი. ბუნების კვლევა ძიებით გაჩენილი სწავლა-მეცნიერებაა, რომელიც ხანგრძლივ კვლევა-ძიების შემდეგ მხოლოდ ჩვენს

დროში გაძლიერდა და შეუღდა უკანასკნელ დასკვნებს ქვეყნიერებაზე, ქვეყნიერების ძირეულ მიზეზებს: დეკარტის სჯა და ღრმა აზროვნობით წარმომდგარ სწავლას-კი ფილოსოფია ჰქვიან *). თეოლოგიურ სწავლის შემდეგ ფილოსოფია გაჩნდა, რადგან ჩქარი მეთოდის მიმდევარია, და ფილოსოფიის შემდეგ შესდგა მეცნიერება ბეკონის მძიმე ინდუქტიურ მეთოდით. ამ გვარია ეს დიდი და ძირეული განსხვავება, რომელიც დაეტყო ადამიანის მოწინავე გონების ორ მიმართულებას, — ფილოსოფიას და მეცნიერებას **). ერთი ღრმა ფიქრის და აზროვნობის მიმდევარია, მას რჩეულობს, მეორე-კი — მეცნიერების ბუნების კვლევა-ძიებაზე ამყარებს თვის სწავლას და ცალიერ აზროვნობას და სჯას არ ენდობა. ფილოსოფია სუბსტანციით იწყობს თვის სწავლას და მის რაობით ქვეყნიერების შეგნებას სცდილობს, მეცნიერება-კი მოვლენათა შესწავლიდამ თვისებაზე გადადის და თვისებიდამ მატერიის ძირეულ ბუნების გამოცნობაზე და ასე ცდილობს ქვეყნიერების ძირეულ მიზეზის მიგნობას. ჩვენ ქვემოთ ვიტყვი რაში გამოიხატა ფილოსოფიური სწავლის სიცრუე, აქ-კი საჭიროა ვიკითხოთ — რითი აიხსნება ის გარემოება, რომ ამ სწავ-

*) ჩვენ აქ, რაღა თქმა უნდა, ახალი დროის ფილოსოფიაზე ვაზრობთ.

**). ძლიერ ხან-მეცნიერული აზრია ბ. გორგაძისა, ვითომც მეცნიერება ფილოსოფიის მსახური იყოს, ფილოსოფიის უმზადებდეს მშრალს ცოდნას სამყაროს მთავარ კითხვების დასასკვნელად. ამას ჩვენს დროში მხოლოდ „ფილოსოფიის ზრთფესრები“ დასადავებენ. ტომასს, მაკსველს, ჰელმჰოლცს, ჰერცს და ზოგ სხვასაც არათრის რადი არა ჰქონიათ „სუბსტანციის“ ძებნაში რამ იყვნენ და ისიც დაბრატორიულად და მათემატიკის საშუალებით. (ბ. გორგაძის წერილი „ფილოსოფია და მისი ზრთფესრი“ გასულ წლის „მეცნიერება“ №№ 11 და 12.)

ლას, რომელსაც იმ თავითვე დაეტყო ეს სიცრუე, მაინც ასე დიდს ხანს (რალაც 200 წლის განმავლობაში) უმეფია სწავლულთა შორის და ახლაც მოიპოვება ზოგიერთი მათ შორის, რომ ამ სწავლის მიმდევარია. ამის მიზეზი ისაა, რომ თუმცა ორთავესვე, მეცნიერებას და ფილოსოფიას, ერთი და იგივე მიზანი აქვთ—ქვეყნიერების რაობა-ვითარების ახსნა-გაგება, მაგრამ ფილოსოფია ითხოვს, რომ ეს სწავლა არ ეწინააღმდეგოს იმ ზოგიერთ რწმენა-წარმოდგენებს, რომელსაც შესჩვევია ადამიანის გონება და სული თეოლოგიურ ხანაში ყოფნის დროს: ძლიერაც რომ აცრუებულყო ადამიანის გონება ამ ძველ რწმენა-წარმოდგენებზე, მაინც ადვილი არ იყო მისთვის სამუდამოთ და უცბათ ხელი აეღო ამაზე, რადგან გონება ადვილად ვერ არღვევს იმ ქერქს, რომელშიაც დაჭერილი იყო მრავალ საუკუნეთა დენაში. ადათი, ჩვეულება, აღზრდა და თითქმის ყოვლისფერი ცხოვრებაში ისეა დაყენებული და მომართული, რომ ხელს უწყობს და ამაგრებს იმას, რაც ერთს თაობას წინა თაობისაგან დაპყალია—სხეულის, ზნეობრივ და გონებრივ სიავ-კარგეს; ბევრი დრო უნდა და ბევრიც ცვლილება ცხოვრებაში, რომ შეჩვეული ჭირი მთლად გაჭრეს და შეუჩვეველს სიკეთეს მიეჩვიოს ადამიანი» *). ასე მოუვიდა დეკარტსაც სუბსტანციის ძებნა-მიგნობაში. სუბსტანცია ორიად ქვეყნიერებაში, —მატერია და გონი; ადამიანი სხეულისაგან შესდგება, მაგრამ სხეულის გარდა მასში გონიცაა; გრძნობა, სურვილი, ფიქრი გონის საქმეა, მის არსებობას გვიმტკიცებსო. ზემოთ ჩვენ ავხსენით, რომ სუბსტანციას ნიშნავს ის, რაც თავის-თავად არსებობს, დამოუკიდებელია და, პირ-იქით, თვითონ აჩენს ყველაფერს; და რადგან ეს ასეაო, —ჰასუხი გასცა დეკარტს მეორე სწავლულმა — გასსანდიმ, —როგორ უნდა ავხსნათ ის, რომ გონი, რომელიც კაცშია, მის სხეულს ამოქმედებს, ე. ი. მატერიასაო? მაგ., ჩემმა გონმა

*) André Lefèvre — La Philosophie.

მოინდომა, რომ მარკხენა თვალი დაიხუჭოს და მაშინვე იხუჭება, — ხელი ავწიო — ხელსა ვწევ; გარდა ამისა მატერიასა ცდილი ზედ-მოქმედება და გავლენა აქვს გონზე: ტვინის დაშავებას გონების დაზიანება მოსდევს შედეგად, მეტი ტვინიმეტ-გონებას ნიშნავს. ცხადად სჩანს, რომ აღამიანში მატერიასა (სხეულის) და გონს შორის დიდი დამოკიდებულება არსებობს. ბევრიც რომ ვუთხრათ ქვას: კადაბრუნდი, — არ გადაბრუნდება და ფეხი ან ხელი, ე. ი. ისევ მატერია, უნდა წავკრათ, რომ გადაბრუნდეს; ცხადია, რომ ჩემს გონებასა და ქვას შორის არავითარი დამოკიდებულება არაა, ჩემში-კი ეს მატერიის და გონების დამოკიდებულება და ზედ-გავლენა ნათლად სჩანს. როგორ უნდა ავხსნათ ეს დამოკიდებულება? ვსთქვათ, მატერია და გონიც ორივენი სუბსტანციებია; მაშინ მათის დამოკიდებულების ახსნა ყოვლად შეუძლებელი უნდა იყოს, რადგან სუბსტანცია დამოუკიდებელი რამაა და არაფერს მასზე გავლენა არ უნდა ჰქონდეს. მაშასადამე, ან ერთი უნდა იყოს სუბსტანცია და ან მეორე; ან მატერია, ან გონი.

ასე უბასუხა დეკარტს გასსანდიმ და ამტკიცებდა, რომ ქვეყნიერებას მხოლოდ ერთად-ერთი სუბსტანცია შეადგენს — მატერია, და გონი, თუ სული, მატერიის ვითარებას ნიშნავს; რთულს და სხვა-გვარად მოწყობილსაო, ე. ი. გონი მოვლენაა და არა სუბსტანციაო. ასეთი გაჭირება დაადგა თავშივე დეკარტის სწავლას, და რომ აეცდინა ეს გაჭირება ისევ თეოლოგიურ სწავლას მიექცა. მატერია და გონს გარდა არის კიდევ ერთი სუბსტანცია ქვეყნიერებაზე — ღმერთიო; იმ თავითვე ყოვლის "სემძლებელმა ღმერთმა ისე დააწესა, რომ მატერიასა და გონს ერთი-მეორეზე გავლენა აქვთ ჩვენშიო. ამ გვარად თავის სწავლაში სათავეშივე სამი სუბსტანცია აიჩინა დეკარტმა: ღმერთი, გონი და მატერია. გასსანდიმ და მასთან სხვებმაც ცხადად ნახეს, რომ ამ გვარი ხერხი, რომელიც დეკარტმა იხმარა გაჭირებიდამ გამოსასვლელად, გონების ფანდებს უფრო წააგავს, ვიდრე ქეშმარიტი სწავლის ძიებას, რა-

დგან სამი სუბსტანციის მიღება და მათი ერთმანერთზე გავლენა და დამოკიდებულება გაუგებარი რამაა და გონებას ეწინააღმდეგება თვისი ორპირობით. დეკარტი და გასსანდის გარდა ბევრი სხვა ფილოსოფოსიც გამოჩენილა. შემდეგ სხვა და სხვა დროს და თითქმის ყველამ აღიარა, რომ ყოველად შეუძლებელია ქვეყნიერება ორ ან მეტ სუბსტანციისაგან იყოს წარმომდგარი და რომ ძირეული რაობა ქვეყნიერებისა უთუოდ ერთი რამ უნდა იყოს, ერთი სუბსტანცია, ან მატერია, ან გონი, ძალა, თუ სხვა რამ. ქვეყნიერება ორ სუბსტანციისაგან რომ იყოს წარმომდგარი, მაშინ მის ვითარებას ორ-პირობა უნდა დასტყობიდა და არა მუდმივი და ერთ-გვარი წესიერება, კანონიერება; ნამდვილად-კი ბუნებაში სწორედ ასეა. ამ ერთ-წესიერებასა და კანონიერებაზეა დამყარებული მეცნიერება.

ფილოსოფიამაც სცნო და აღიარა, რომ ქვეყნიერება ერთ სუბსტანციიდან უნდა იყოს წარმომდგარი. გარჩევა სხვა და სხვა ფილოსოფოსთა შორის ისაა, რომ ზოგთ (მეცნიერების მომხრეთ) სუბსტანციად მატერია აქვთ აჩნეული, ზოგთ—გონი ან ღმერთი; ზოგიცაა, რომ სუბსტანციად არ მიაჩნია არც მატერია და არც გონი: ერთი და მეორეც სახეები აოსხვა რამ სუბსტანციისა (სპინოზა). მეცნიერებაშიაც არი ზოგი-ერთი სწავლული, რომ სუბსტანციის შესახებ ფილოსოფიურ უსაგნო მსჯელობას არ ერიდება; გონი მთელ მატერიის თვისებაა; ასე რომ ყოველ ატომს გონებაც აქვს და სურვილიცა, სიყვარულიც იცის და მძულვარებაცა (ჰეკელიის ჰილოზოფიზმი*). ქიმიკოსი ოსტვალდი, როგორც პირველ წერილშიაც მოვიხსენ-

*) ეს ჰილოზოფიზმი, რომელიც ქალაქ იენის სწავლულს ჰეკელს წარმოუთქვამს, როგორც ვხედავთ ძლიერ წაყვედურს ანიმიზმს, კელურ ხალხთა-მიერ მოგონებულსა. განსხვავება მხოლოდ იმაშია, რომ ანიმიზმში გასუფიერებულა მზე, მთვარე, დედის ვარსკვლავი, ცა და ჰილოზოფიზმში-კი ატომები.

ნით, მატერიას მთლად უარ-ჰყოფს, — მოჩვენებააო, და სუბსტანციად ძალა ან ენერგია ჰგონია (ენერგეტიზმი). შოპენჰაუერის აზრით ქვეყნიერების სუბსტანცია რაღაც „ნებაა“; ასე რომ თავდაპირველად, როდესღაც, ქვეყნიერება არ არსებულა, ყოფილა მხოლოდ ეს „ნება“; შემდეგ ამ ნებიდამ წარმოდგარა მთელი ქვეყნიერება! ვინმემ რო წაიკითხოს ამ ფილოსოფოსის სწავლა და მიჰყვეს კვალ და კვალ მის ღრმა და ბასრ მოაზრობას, ისე დააჯერებს გონების ფანდებით, რო ქვეყნიერება მართლაც ასე წარმოდგარა და აშენებულა, რო მკითხველი თავის თავს ვეღარ იცნობს. ამის შემდეგ სხვა ფილოსოფოსის სწავლის კითხვას რო შეუდგეს, ნახავს, რო ესეც მართალი ყოფილა, თუმცა მისი სწავლა შოპენჰაუერის სწავლის მოპირდაპირეა და სულ სხვას ამტკიცებს; მაგ., თავდაპირველად გონი არსებულა მარტოდ მარტოო და არა რაღაც „ნება“ როგორც შოპენჰაუერს ჰგონია. იგივე დაემართება ხამ მკითხველს სხვა ფილოსოფოსთა სწავლის კითხვაში, — ყველა სწავლა მართალი ეგონება. ბოლოს შემდეგ დასკვნას უნდა დაადგეს: რადგან ეს ფილოსოფოსები თავის სწავლაში ერთი მეორის მოპირდაპირე არიან, ერთი ასე ხსნის ქვეყნიერების რაობა-ფეთარებას, მეორე-კი სულ სხვა გვარად, და რადგან მათში ყველა მართალია, ამიტომ ყველანი სტყუიან და ფილოსოფიაც გონების ჯამბაზობა ყოფილა და ცრუ-სწავლა, რომელიც იმიტომაა მოგონილი, რო ძველი თეოლოგიური რწმენა-წარმოდგენები დაიცვას და გაამართლოს.

მიზეზი ამ სიცრუისა ისაა, რო ფილოსოფია დეკარტის-მიერ შემოდებულ მეთოდითაა აშენებული, აზროვნებით და სჯითა, და არა ინდუქტიურ მეთოდით ნავალ ბუნების კვლევა-ძიებით. ფილოსოფოსი გონებას ენდობა და ჰგონია, რო თუ რამ აზრი ჰქვასთან ახლოა და არ ეწინააღმდეგება გონებას, ეს აზრი ბუნების სარკეა, ბუნების გამომეტყველი; და რომ ეს ყოველთვის მართალი არაა, ამას ერთი მაგალითიც გვიჩვენებს: გონება გვეუბნება, რო შეუძლებელია ერთი და იგივე

საგანი, ერთს და იმავე ღროს, იყოს კიდევ და არც იყოს მოძრაობაში, ე. ი. მოძრავეც იყვეს და უძრავეც; ეს ისე ცხადია, რო ამაზე ფიქრიც არაა საჭირო. მაშასადამე, — იტყვის ფილოსოფოსი, — ბუნებაშიც ეს ასე უნდა იყვეს და რა გინდ საგანიც ავიღოთ, ან უძრავე უნდა იყვეს, ან მოძრავე, და არა ერთი და მეორეც ერთს და იმავე ღროს. ნამდვილად კი ბუნებაში ამ გვარი მაგალითები ათასობითაა: მეურმე ურემს რო უზის უძრავია, რადგან წყნარად ზის ურემზე, იქნება სძინავს კიდევ, და იმავე ღროს მოძრაობაშიცაა, რადგან თან-და-თან უახლოვდება იმ ალაგს, საითაც ურემი მიდის. მკითხველი, ამ წიგნს წყნარად რო კითხულობს, საშინელი სისწრაფით ტრიალებს დედა-მიწის ღერძზე და იმავე ღროს მზესაც უვლის გარშემო. ბუნებას გონების აზრებთან არაფერი საქმე არა აქვს და თუ მის ვითარების და რაობის გამოცნობა გვინდა, მასვე უნდა შევეკითხოთ კვლევა-ძიებით და არა გონებას. დედუციქას მეცნიერებაც ხმარობს, მაგრამ მხოლოდ მაშინ, როდესაც ის ცნება თუ აზრი, რომლისაგანაც დედუქტიურად რამეს დავასკვნით, ინდუქტიურის გზითაა ნაპოვნი და აღმოჩენილი, ბუნების კვლევა-ძიებით. ფილოსოფია ბუნების კვლევა-ძიებას ერთობა და დედუქტიურ მეთოდით აზროვნობის მიმდევარია იმიტომ, რომ ბუნებაში არა ჰპოულობს იმას, რასაც დაეძებს — ზოგიერთ თეოლოგიურ რწმენა-წარმოდგენათა გამართლებას. თეოლოგიურ სწავლაზე აცრუებულა ადამიანის გონება, მაგრამ ამ სწავლის ზოგიერთი ნაშთი ისე მაგრათაა ჩანერგილი გონებაში, რო მისი უცბად მოშორება ღრმა ფილოსოფოსებსაც-კი უჭირდებათ და ამიტომ ქვეყნიერებაზე სწავლას ისე აღდგენენ, რომ ეს სწავლა არ ეწინააღმდეგოს ამ ძველ ნაშთსა, ძველ ცრუ-მორწმუნებას. ასეთია ფილოსოფიის დედა-აზრი.

ზემოთ ჩვენ განვიხილეთ როგორ გაჩნდა ბუნების თეოლოგიური შეგნება: ველურ და გონებით ჩამორჩომილ ხალხს ჰგონია, რო ქვეყნიერების ათას-გვარ მოვლენას სხვა-და-სხვა სულიერი არსება აჩენს, ან და სულიერ არსებას იმ თავითვე

ისე დაუწესებია და მოუმართია ქვეყნიერება, როგორც ახლათ. ეს რწმენა, როგორც ვსთქვით, გონების სისუსტისაგან წარმოსდგა; ცრუ-მოაზრობა იყო ცრუ-მორწმუნეობის მიზეზი. ეს თეოლოგიურ სწავლაზე ითქმის; ფილოსოფიაში-კი უკუღმა მოხდა: ძველ და ხან-მოკმულ თეოლოგიურ რწმენის ნაშთს, რომელიც დაჰყოლია რომელიმე ღრმად მოაზრეს, ცრუ-მოაზრობა გაუჩენია, — ფილოსოფია. ცრუ-რწმენა და ცრუ-მოაზრობა ერთი მეორის მიზეზია, ერთი მეორის დანადარია, მსგავსია.

აქნობამდე, როდესაც რომელიმე ევროპიელი სწავლული კაცობრიობის გონების ზრდაზე ისტორიასა სწერდა, სადაც მკითხველს უამბობდა რა და რა გზა გაუვლია ადამიანის მოწინავე გონებას ქვეყნიერების ახსნა-შეგნებაში მანამ მეცნიერება ვაჩნდებოდა, ამ ისტორიაში იგი სხვა-და-სხვა ფილოსოფოსის სწავლის გადათვალისწინებით სჯერდებოდა; ახლათ-კი სწავლულები იმ აზრს დაადგინეს, რომ ადამიანის გონების-მიერ გავლილ გზის გამოსაკვლევად საჭიროა თავდაპირველად სხვა და სხვა ჩამორჩომილ ერთა-მიერ ქვეყნიერების ახსნა-შეგნება გამოვიკვლიოთო, რადგან ეს დაგვანახვებს ადამიანის გონების პირველ ხანას ბუნების შეგნებაში; ესაა გავლილი გზის დასაწყისი და ფილოსოფია შემდეგში გაჩნდა. გარდა ამისა ნამდვილი ფილოსოფია რამდენიმე ასი წლისაა, მაშინ როდესაც თეოლოგიურ ხანაში ვინ იცის რამდენი ათი ათასი წელიწადი უოფილა ადამიანის გონება. ამიტომაც, რომ ჩვენც ამ წერილში ჯერ თეოლოგიურ ხანაზე ვილაპარაკეთ და შემდეგ ფილოსოფიაზედაც ვთქვით ორიოდ სიტყვა. ანიმიზმიდამ წარმოსდგა თეოლოგია, და თეოლოგიურ რწმენა-წარმოდგენებმა ფილოსოფია გააჩინეს, რომელიც იგივე თეოლოგიაა, მხოლოდ აზროვნებით შემდგარი.

არამც თუ აფრიკის ანუ აზიის ერების, არამედ თვით განათლებილ ევროპიელთა უმეტესობის გონებაც-კი ისევ ცრუ-მორწმუნეობის ხელშია, რადგან გლეხობა თითქმის ყველგან

სწავლა-განათლებას ჯერ კიდევ მოკლებულია; ჯერ მუქთი არაა ეს სწავლა და ამიტომ უფრო ქალაქებში ხეირობს: იქ დოვლათიც მეტია, მეტი ხალხიც და ბევრიც მოცლილია. ფილოსოფიაც ხეირობს აქა-იქ: სასწავლებლებში მეცნიერებასთან ერთად ფილოსოფიას და თეოლოგიასაც ასწავლიან. საფრანგეთში კონგრეგაციების სკოლებში ხომ უმეტესად თეოლოგიას მისდევდნენ. უნივერსიტეტებშიაც ბევრგან-სამსავესვე ასწავლიან. შვეიცარიის უნივერსიტეტებში რო შეხვიდეთ, ნახავთ, რომ ერთ დარბაზს (აუდიტორიას) კარებზე აწერია: თეოლოგია, მეორეს—ფილოსოფია, მესამეს—მეცნიერება. მეცნიერების აუდიტორიაში მეცნიერი ხშირად, სადაც ეხერხება, თეოლოგიას და ფილოსოფიას მასხრად იგდებს—ამ კედლებს იქით რასაც ასწავლიან სასაცილო რამეაო; კედლებს იქით-კი ფილოსოფიის და თეოლოგიის პროფესორები თავის მსმენელებს არწმუნებენ, რომ მეცნიერება ღრმა სწავლა არაა, თეოლოგიის და ფილოსოფიის მორჩილი უნდა იყოსო, ამათი ნათქვამი არ უნდა უარ-ჰყოსო. არა ერთხელ და ორჯელ დაუმარცხებია გაცხარებულ ბრძოლაში გაძლიერებულ მეცნიერებას თავისი ორი მოპირდაპირე სწავლა-თეოლოგია და ფილოსოფია; ყველას სჯერა მეცნიერული სწავლა, დიდ ფულსაც ხარჯავს ყოველწლივ საზღვარ-გარეთ მთავრობა და საზოგადოება ამ სწავლის გავრცელებაზედ სოფლად და ქალაქად, ყველას უკვირს ამ სწავლის სიღრმე და ძლიერება და იმავ დროს ბევრს მაინც ჰგონია, რომ თეოლოგია და ფილოსოფიაც აუცილებელი რამაა ადამიანის გონებისთვისაო. ზოგიერთა გონებას ისე გაიღაცებს ხოლმე სიზმარი, რომ გამოღვიძებაზე მალე ვერ ფხიზლდება და რამდენიმე წუთს ბუნდათ სიზმარშიცაა და გაღვიძებულ სიცხადეშიც. სწორედ ამას წააგავს ზოგიერთ სწავლულთა გონება: მეცნიერების სწავლა სჯერა და იმავ დროს ფილოსოფია და თეოლოგიაც სწამს. სწავლა, რომელშიაც მრავალ ათას-წლობით იყო ჩადრმავებული ადამიანის გონება, უცბად ვერ შორდება მას; ბუნებამ ხტომა არ

იცის და თან-და-თანობას მისდევს; ადამიანის გონების ბუნებაც ისე იქცევა; ცხადი კია ყველასათვის, ვინც ამ ჭირს ას-ცდენია, რომ თეოლოგიის და ფილოსოფიის უკან გამობრუნება და აღორძინება ყოველად შეუძლებელია:

„გასრულდა მათი ამბავი,
ვითა სიზმარი ღამისა“...

გონებას მხოლოდ მეცნიერულსწავლისა უნდა სჯეროდეს.

„სამყაროს აწმყო ვითარება ჩვენ უნდა წარმოვიდგინოთ როგორც შედეგი წარსულ ვითარებისა და გამჩენი მომავლისა. ვინმე გონებამ რომ შეიგნოს ბუნების ყოველი ძალა და გაიგოს რა ყოფა და მდგომარეობაშია ყოველ-გვარი საგანი, რომლისაგანაც შესდგება სამყარო, თუ მასთანვე ეს გონება იმდენად ღრმა და ფართოა, რომ შეუძლიან დაანალიზოს ეს ათას-გვარი ცნობა, მაშინ ამ გვარი გონება ერთის დასკვნით, ერთის ფორმულით გამოჰხატავს ქვეყნიერების უდიდეს და უმცირეს საგანთა მოძრაობას: ფარსკვლავთ და ატომთ ვითარებას. ცხადი იქნება მისთვის ყოველი: სამყაროს აწმყო, წარსული და მომავალიც“ *). ასეთია ის დიადი მიზანი, რომელიც აუჩინა მეცნიერებას სახელგანთქმულმა სწავლულმა ფრანგმა, სიმონ ლაპლასმა; ერთი ფორმულით უნდა გამოიხატოს სამყაროს ძირეული რაობა-ვითარება.

ინდუქციისა და დედუქციის გზით ნაწვლიბუნების კვლევა-ძიება, — ასეთია ის გზა, რომელსაც მეცნიერება დაადგა შორეულ მიზნის მისაღწევად, — სამყაროს ფორმულის მისაგებად: მიზნის სიღიადე გვეუბნება, რომ მეცნიერება მისწრაფებით არც თეოლოგიას და არც ფილოსოფიას არ ჩამოუვარდება; მხოლოდ გზა, რომელსაც მეცნიერება დაადგა, ცხადად გვიჩვენებს — რა უპირატესობა უნდა ჰქონდეს მას მის მოპირდაპირე სწავლასთან.

*) Laplace: Essais philos. sur les probabilités.

III. ქვეყნიერების ძირეული კითხვები.

ბუნება და მთელი ქვეყნიერება შესდგება მატერია და ეთერისაგან, რომელიც სჭირბ სხვა-და-სხვა მოძრაობა და აქედამ წარმოსდგა და ახლაც ჩნდება ყველაფერი, რაც-კი რამაა ქვეყნიერებაზე. ქიმიური ნათესაობა, მიმზიდველობა, სითბოსიცხოვლე, სინათლე, ელექტრონი და მაგნეტიზმი, ყველა ეს ძალები, რომლებიც წარმოადგენენ ბუნების ათას-გვარ მოვლენათა და ვითარებათა ერთად-ერთს მიზეზს, ამ ეთერის და ატომებიან მატერიის მოძრაობას ნიშნავენ. ძველი რწმენა— ვითომც ბუნებაში მატერიის და ეთერის დამრუკიდებლად არსებულ ძალა-მანქანებსაც ჰქონდეთ ადგილი, მეცნიერებამ უარ-ჰყო; იწამა მხოლოდ ეთერ-მატერიის მოძრაობით წარმომდგარი ძალა; ძალა მატერიას არგუნა. ქვეყნიერების რაობა-ვითარება მისი მასალის მოძრაობით აიხსნება,— ასეთაა ეს «მეზანიკურა მატერიალიზმი», რომელიც დედა-აზრად დაედო ჩვენი დროის მეცნიერებას. ამ გვარ სწავლას, რომელიც ასეთ მკვიდრ ნიადაგზეა დამკვიდრებული, როგორიცაა ბუნების კულევა-ძიება, ფილოსოფია ველარ ეცილება და კმაყოფილდება მითი, რო ყველას არწმუნებს, ვითომც «ძირეული კითხვები», რომლებიც მეცნიერებას ხვდება აქა-იქ, მისთვის სამუდამო ამოცანა იქნებაო. მატერიის და ეთერის მოძრაობა ჩვენს ტვინამდინ აღის ნერვების საშუალებით და იქ იხატება ბუნების ათას გვარ წარმოდგენებად და ამ წარმოდგენათა სხვა და სხვა გვარ შეუღლებით ტვინში ჩნდება გონება. ამ გვარად გარედამ შეყრილ მოძრაობით ტვინში, ე. ი. მატერიაში, ჩნდება გონება, რომელიც არც მატერიაა და არც მისი მოძრაობა. როგორაა, რო ტვინში მოლექულების მოძრაობით არა თავდება ეს საქმე (გარე ბუნებისაგან მოძრაობის შეყრა) და გონებაცა ჩნდება შიგ? ამ კითხვის შესახებ ჩვენ იმავ წერილში მოგვიხდა მოყვანა ზოგი-ერთი სწავლულის მოსაზრება— ტინდალის, ტენის, დიუ ბუა-რემონის და სხვა როგორაა, რა მატერი-

ის და ეთერის მოძრაობა ტვინში წარმოდგენებს აჩენს და გონებასა? რაა გონება? ეს კითხვები მეცნიერებისათვის სამუდამოდ აუხსნელი იქნებიათ, — ამბობენ ეს სწავლულები, ხოლო როცა ეს კითხვა პირველი და მთავარი კითხვაა, ეს ყველასათვის ცხადი უნდა იყოს, რადგან გონება ისაა, რითაც ბუნების და მთელი ქვეყნიერების რაობა-ვითარებას ვიგებთ და მასზე სწავლას ვადგენთ — მეცნიერებასა. რა ფასი უნდა ჰქონდეს ამ სწავლას, თუ კი თავშივე არ ედგმება მას ცოდნა იმისი, თუ რაა გონება? ასეთია ეს ძირეული კითხვა, რომელიც მეცნიერებისათვის აქამდის აუხსნელია.

მაგრამ ამ კითხვის გარდა არის კიდევ ორიოდ სხვა კითხვა, რომელთა გარდაქრაში ფილოსოფოსები ედავებიან მეცნიერებას, მაგ., რაა მატერია? ავიღოთ რამე მატერია, თუნდ შაბიამანი; რომ ვსთქვათ, შაბიამანი ისაა, რასაც ლურჯი ფერი აქვს, ასეთი გემო, მაგარია, ასეთი და ისეთი, — ეს ამ მატერიის განმარტება არ იქნება, რადგან ყველა ეს თვისება მატერიის და ეთერის მოძრაობას ნიშნავს და არა ფიქტურ მატერიას: ლურჯია იმიტომ, რომ მზიდან მოსული ეთერის ტალღა, რომელსაც უკუ-აგდებს შაბიამანი, იმ ზომის სისწრაფისაა, რომელიც ტვინში ლურჯად იხატება. სიმაგრეც მისი მოლეკულების ძლიერ წყნარ თრთოლვას ნიშნავს; გემოც მოლეკულების მოძრაობაა. რომ ვსთქვათ, მატერია ისაა, რასაც წონა აქვს, არც ეს გამოდგება, რადგან წონა მატერიის მიმზიდველობისაგანაა წარმომდგარი. ქვეყნიერებაზე მხოლოდ ერთი საგანი რომ იყოს, მაშინ მას წონაც აღარ ექნებოდა; მუდმივ ერთ-გვარიც არაა ეს წონა და მატერიის მეტ-ნაკლებლობაზე და მოკიდებული: მეტი მატერია უფრო მეტის ძალით იზიდავს თავისკენ სხვა საგანსა. რომ ავიღოთ რომელიმე საგანი, რომლის წონა დედა-მიწაზე 10 გირვანქაა, მას მთვარეზე 2 გირვანქის წონა ექნება, მზეზე-კი 290, რადგან მთვარე მიწაზე პატარაა და მზე გაცილებით დიდი. წონა, ფერი, გემო და სხვა თვისებაც მუდმივ არაა მატერიაში და მხოლოდ

მოძრაობის შედეგია; მატერიის და ეთერის მოძრაობას ნიშნავს და არა თვით მატერიასა. ამიტომ კითხვა: რაღაა მატერია თავის-თავად?—ისევ კითხვად რჩება. ამ გვარად ვერც ქვეყნიერების სუბსტანცია (მატერია) ახსნა მეცნიერებამ და ვერც გონების რაობა, ე. ი. არ იცის, რაა ის, რითაც იგებს (გონება) და ის, რასაც იგებს (მატერია და მისი მოძრაობა). ორში ერთი: ან მატერიის და გონების რაობა უნდა ახსნას მეცნიერებამ; ან და, თუ ეს ვერ შესძლო, საქვეყნოდ აღიაროს, რომ მისი სწავლა ქვეყნიერების რაობა-ვითარების ძირეულ ახსნას კი არა სცდილობს, არამედ ბუნების ათას-გვარ მოვლენა და თვისების ერთ-წესიერებას უკვირდება. მეცნიერებას თვისი ინდუქტიური მეთოდით შეუძლიან გამოიძიოს მხოლოდ მოვლენა და თვისება და არა სუბსტანციის ახსნა, რადგან მოვლენა და თვისება ჩვენთვის მოჩვენებაა, ე. ი. ტყუილი, და ტყუილი მართალს—სუბსტანციას ვერ გამოგვაცნობინებს. ამიტომ ისევ დეკარტის მეთოდია საჭირო, ღრმა ფიქრი და სჯა; მართა ამ გზით შეიძლება სუბსტანციის გამოცნობა და, მასადაამე, მთელი ქვეყნიერების ძირეულ რაობა-ვითარების ახსნა-შეგნებაცა. ფილოსოფია უნდა იყოს ნამდვილი და ერთად-ერთი სწავლა ქვეყნიერებაზე, მეცნიერების საქმე-კი მხოლოდ ბუნების ათას-გვარ მოვლენა და თვისების ახსნაა. ტყუილად-კი არ უწინასწარმეტყველა იმ თავითვე ერთმა ფილოსოფოსმა მეცნიერებას: შენ ვერა სწავლა ვერ მოგკლავსო, ვერც თეოლოგია და ვერც ფილოსოფია; შენვე გამოიჭრი ყელს, რომ გაიზრდებიო; და ეს თითქოს ცხადდება: მანამ ზეზეურ სწავლას ეკიდებოდა—მოვლენა და თვისებასა—ძლიერ იმარჯვებდა მეცნიერება, მაგრამ ჩაღრმავდა თუ არა ქვეყნიერების ახსნა-შეგნებაში—თვითონვე იგრძნო ყელში დამიზნებული დანა: სწავლის თავი და ბოლო აერია; ვერ ახსნა ვერც გონება და ვერც მატერია.

ასე სჯის მეცნიერებაზე ზოგი-ერთი ფილოსოფიის მიმდევარი სწავლული და მოაზრე. ამის მიხედვით: ზოგი-ერთი

მათ შორის ზოგიერთი იმ აზრისაა, რომ ქვეყნიერების რაობა-ვი-თარების ახსნა-შეგნებაში მეცნიერება უფილოსოფიოდ შორს ვერ წავა და ამიტომ მათი მორიგება აუცილებლად საჭიროაო; შევა-თანხმობთ ერთი-მეორეს და მაშინ ყველაფერს ადვილად გამო-ვიკვლევთ და გამოვიცნობთ. მაგრამ დაწვრილებით რომ მო-ვინდომოთ ამ „პროექტის“ გაცნობა, ვგონებ ვერც ერთი სწა-ვლული ვერ იტყვის გარკვევით და ნათლად, როგორ უნდა მოხდეს ეს მორიგება ამ ორი ერთი-მეორის მოწინააღმდეგე სწავლისა; გაურკვეველი მითქმა-მოთქმა ამის შესახებ, მეტი არაფერი.

ასეთია ეს ძირეული კითხვები: როგორაა, რომ გარე ბუ-ნების მოძრაობა ტვინში წარმოდგენებად იხატება და აქედამ გონებაც ჩნდება შიგ? რაა მატერია? როგორ გაჩნდა თავდა-პირველად მატერიის და ეთერის მოძრაობა, თავის-თავად ხომ ვერ იწყობდნენ ამ მოძრაობას? როგორ გაჩნდა პირველად სი-ცოცხლე დედამიწაზე! და ორიოდვე სხვა კითხვაც. თუ რამდენ-ნად გარდაუქრელია ეს კითხვები მეცნიერებისათვის, ამას ყვე-ლაზე ნათლად მეცნიერების ისტორია გვიჩვენებს. ამ გვარი ვითომც-და გარდაუქრელი და სამუდამოდ აუხსნელი კითხვა წინად ერთი და ორი არ ყოფილა, რომ თეოლოგიის და ფი-ლოსოფიის მომხრეთა სასიხარულოდ, გზაში დაჰხვედრია მე-ცნიერებას უფსკრულ და გაუვალ ხეობასავით და მხოლოდ შემდეგში ღრმა სწავლის ხიდი გადუგდია ზედ ძლევა-მოსილ მეცნიერებას და გამარჯვებული ვალმა გასულა; მაგრამ ადა-მიანის გონების „თვალ-ბედითი შავი ყაზანი“ — თეოლოგია და ფილოსოფია, ამით არ დაწყნარებულა და უკანდამ მიუჩნა-ვლია მეცნიერებისათვის: ეგ კლდე ხომ არაა — არხია; კლდე-ხევი იქით დაგხედება და იქ გადაიხეჩებიო.

ჩვენ აქ მოვიყვანთ ერთი ძირეული კითხვის ისტორიას, რათა ნათლად წარმოვიდგინოთ, რა მწვავე ბრძოლის აშლა სკოლნია ამ ორ მოპირდაპირე სწავლას, მეცნიერებას და თე-

ოლოგ-ფილოსოფიასა, და რა გვარად სწყდება რომელიმე ვო-
თომც და სამუდამოთ გარდაუქრელი კითხვა.

IV. ძირეულ კითხვის გარდაჭრა.

საუცხოვო სანახავი რამ იყო სწავლულთა კრება, რომე-
ლიც მოხდა 1830 წელს პარიზის სამეცნიერო აკადემიაში. ძველ
თეოლოგ-ფილოსოფიურ სწავლას სასტიკ და დაუნდობელ ბრძო-
ლაში გამოეწვია თვისი მოსისხლე მტერი მეცნიერება, რომე-
ლიც სინორჩივეშივე რაღაც უცნაურ ძალას იჩენდა და, სა-
დაც-კი მოუხდებოდა, დიდი გაბედულობით აცხადებდა, რო
ჩემი სწავლა თეოლოგ-ფილოსოფიურ სწავლას ეწინააღმდეგე-
ბოა. კრებაზე მრავალ სწავლულთა შორის ბევრი სახელ-გან-
თქმული მეცნიერიც იყო და მათში კუვიე და ჟოფრუა სენტ-
ილერი; (Cuvier, saint Hilaire) პირველი ძველი ცრუ-მორწმუ-
ნოების მიმდევარი, მეორე-კი ახალი მეცნიერული სწავლის
მოსარჩლე. რაღაც აკადემიურ მოხსენებაზე სენტ-ილერმა სი-
ტყვა ჩამოაგდო იმის შესახებ, რო ყველაფერი, რაც-კი რამაა
ცოცხალი დედა-მიწაზე, ე. ი. მცენართ და ცხოველთ სხვა
და სხვა ჯიში და გვარეულობა, ყოველი ცალ-ცალკედ და
სხვა და სხვა დროს კი არაა გაჩენილი, არამედ ერთს ჯიშს
და გვარეულობას მეორე გაუჩენია, ერთი მეორისაგანაა წარ-
მომდგარი; ამიტომ ჰკვასთან ძლიერ ახლოს იქნება, რომ
ესთქვათ, რო თავდაპირველად დედა-მიწაზე ცოცხალი ბუნე-
ბა ერთგვარი იყო და მხოლოდ შემდეგში, სხვა და სხვა გა-
რემოებით, ამ ერთგვარობისაგან მრავალგვარობა წარმოსდგაო.
ყველასათვის ცხადი იყო, თუ სადა სცემდა ამ გვარისწავლა:
რადგან ადამიანიც ცოცხალი არსებაა, ამიტომ ესეც ცალკედ
კი არაა გაჩენილი ყოვლის შემოქმედ ძალით, არამედ სხვა
ცხოველისაგან უნდა იყოს წარმომდგარი; ცოცხალ ბუნების
მრავალ-გვარობაც ყოვლის შემქნელ ძალის ნაღვაწი-კი არაა,

არამედ თვით ბუნების ნამოქმედარიო. ამ გვარი სწავლა ხომ ძირს უთხრიდა თეოლოგიას და არც ფილოსოფია მოიწონებდა ამასა, რადგან იმ თავრთვე თეოლოგია და ფილოსოფია ერთი მეორის მომხრეა; სახელი სხვა და სხვა აქვო, სახრავი კი ორთავეს ერთი. ახალ სწავლას—ცოცხალ ბუნების წარმოდგმაზე სენტ-ილერი შეყრილ სწავლულთ ისე აცნობდა და უცხადებდა, თითქოს არც-კი ერიდებოდა იმის, რომ მათ შორის ასეთი მძლავრი მეცნიერი იჯდა, როგორც სახელოვანი კუვიე იყო, რომელიც სწორედ ამ ახალი სწავლის მოპირდაპირე იყო და ამტკიცებდა, რომ ცოცხალი ბუნების სხვა და სხვა გვარეულობას არა-რა ნათესაობა არა აქვთ ერთმანერთში და სხვა და სხვა ღროს არიან ცალ-ცალკედ გაჩენილიო. წარმოდგა კუვიე და გუ-მოსულად უპასუხასენტ-ილერს, რომ თქვენი სწავლა უსაქმო გონების ფანტაზიებს უფრო წააგავს, ვიდრე ქეშმარიტ სწავლას და არც ახალი ხილია ამისთანა მეცნიერობა, რადგან ვგვევ ძველი ღროის არისტოტელსაც წარმოუთქვამსო. ასტყდა მწვავე კამათობა ორსწავლულთა შორის, რომელმაც კარგა ხანს გასტანა და მიიზიდა მთელი ქვეყნიერების სწავლულთა ყურადღება, რადგან ბრძოლა ჰქონდა მეცნიერების ორ კერძო აზრს კი არა, არამედ მთელი მეცნიერების ერთ უდიდეს სწავლას და ძველ თეოლოგ-ფილოსოფიურ ცრუ-მორწმუნობას; ძირეული კითხვა იყო გარდასაჭრელი—ცოცხალი ბუნების გაჩენასა და წარმოდგმაზე და ყველა გრძობდა რა განსაცდელში იყო ორი მე რძოლი სწავლა-შეხედულება. ბრძოლიდამ გამარჯვებული კუვიე გამოვიდა და დაბარცხდა ახალი სწავლა ცოცხალ ბუნებაზე—ტრანსსუბსტანციში (გადასხვაფერება), მაგრამ არა დიდის ხნით.

ადვილად წარმოსადგენია თუ რა სიხარულში იყვნენ ძველი ცრუ-სწავლის მიმდევარნი და როგორა სჯიდნენ მეცნიერებაზე; ჩისი საქმეა,—გაიძახოდნენ გამარჯვებულები,—მოვლენისა და თვისების ახსნა-შეგნება და არა ბუნების ძირეულ კითხვის გადაჭრაო. ცოცხალ ბუნებაშიც იკვლიოს მხოლოდ

ის, რაც ამ ბუნების რაობა-ვითარებას ეხება, ე. ი. რა დარაჯიში და გვარეულობაა დედა-მიწაზე, მათი გარჩევა და სხეულთ შენობა-ვითარება; ხელი აიღოს იმის გამოცნობაზე, თუ როგორ გაჩნდა თავდაპირველად დედამიწაზე ცოცხალი ბუნება და როგორ წარმოსდგა მისი ათას-გვარობა, რადგან ამას საღმთო-წერილი გვიხსნის ძლიერ კარგათ და მხოლოდ ეს უნდა გვწამდესო. ამ გვარად ახალი დამარცხებული სწავლა სწავლულთა უმეტესობამ მიივიწყა და ვერც ერთი მათგანი ვეღარ ჰბედავდა ამაზე ხელ-მეორედ სიტყვა აღეძრა.


ასე გასტანა 1859 წლამდინ, როდესაც ინგლისში ახალი წიგნი გამოვიდა „ჯე. მ. გვარეულობის წარმოდგმაზე“, რომლის უცნობ ავტორს ერქვა დარვინი. ახალ სწავლულს 5 წელიწადი ემოგზაურა სხვა და სხვა შორეულ ქვეყნებში, შეესწავლა იქაური მცენარე, ცხოველები და ინგლისს დაბრუნებაზე მრავალი წლების განმავლობაში შინაურ ცხოველთა გაშენებით და ღომა გამოძიებით აუარებელი მასალა შეეგროვებინა კუვიეს-მიერ დამარცხებული სწავლის აღსადგენად. წიგნი ისე გონივრად იყო დაწერილი, ახალი სწავლის დამამტკიცებელი საბუთები ისე უხვად და მოსწრებულად იყვნენ მოყვანილნი, რომ მოკლე ხანში ყველა ევროპიელ ენაზე გადაითარგმნა და გაცხარებული კამათობა აშალა მრავალ სწავლულთა შორის. ამ გახურებულ ბრძოლაში დარვინიც ჩაერია; ჩემი წიგნი ახალ სწავლას საესებით კი არ შეიცავს, არამედ ამ სწავლის წინა-სიტყვააო და მოჰყვა სხვა თხზულებათა გამოქვეყნებას, მათ შორის „აღმთავის გაჩენაზედაც“, რომელშიაც ღრმა სწავლასთან, საბუთების ზღვა იდგა. მოკლე ხანში მხარი მისცა დარვინს სხვა მრავალმა გამოჩენილმა სწავლულმაც. გონების ძველ მიმართულებას ასეთი დამარცხება მხოლოდ ასტრონომიისაგან მოსვლია და სხვა არა რა სწავლისაგან. ცოტა ხნის შემდეგ ახალმა სწავლამ უნივერსიტეტებშიაც მოიკიდა ფეხი, ე. ი. ოფიციალურს სწავლაში. აღარა რის რიდი არა ჰქონდა ქალაქ იენის სახელოვან სწავლულს ჰეკელს ამ გვარი სიტყვა

წარმოეთქვა სტუდენტების წინაშე პროფესორის კათედრიდან: „ძირამდინ რომ ჩავყვეთ ძველ სწავლას, რომელიც ცოცხალ ბუნების ვითარებას და წარმოდგმას რალაც უცნაურს ძალა-განგებას აწერს, ვნახავთ, რო ამ სწავლას ორ-პირი წარმოდგენა ჰქონია საერთოთ ბუნებაზე, რაიც ეწინააღმდეგება ბუნების ძირეულ ერთ-გვარობას და კანონიერებასა. ფილოსოფოსები, რომლებიც ამ გვარ სწავლას ადგენან, იძულებულნი არიან იწამონ, ვითომც, ქვეყნიერება ორ სხვა და სხვა ბუნებას წარმოადგენდეს: მკვდარ და ცოცხალსა, რომლებშიაც პირველი ბუნებისავე თვისებით აიხსნება, მეორე კი რალაცა უცნაური ძალა-განგებითა“.

მაგრამ ძველი სწავლა-წარმოდგენების მტრობა ამ გამარჯვებითაც არ ასცდა მეცნიერებას. ცოცხალ ბუნების ჯიშ-გვარეულობის წარმოდგმა—მისჩხავლა შავმა ყორანმა,—არც ისეაი ძირეული კითხვაა, რომ მისი გადაჭრა შენც არ შეგძლებოდაო; ძირეული კითხვა ისაა—როგორ გაჩნდა თავდაპირველად დედა-მიწაზე ის პირველ-ყოფილი ერთ-გვარი ცოცხალი ბუნება, რომელიც შემდეგში თან-და-თან, მრავალ ათას საუკუნეთა დენაში, მრავალ ჯიშ-გვარეულობად გარდასხვაფერდაო?

პირველს წერილში ჩვენ ვსთქვით, რო ტვინი მრავალ მილიონ მარცვლებისაგანაა შემდგარი; იმავ მარცვლიანობას წარმოადგენს ადამიანის მთელი სხეულიც და ყველა ცხოველებისაც, მხოლოდ ეს მარცვლები სხვა და სხვა გვარია; ერთი ჯურის მარცვალი სხვა ჯურის მარცვლისაგან თვისი ფორმით განირჩევა და აგრეთვე იმ მოლეკულების ფორმულითაც, რომლებიც მასშია. მაგრამ რა ჯურის მარცვალიც და მისი მოლეკულები ავიღოთ, ვნახავთ, რო ყველანი მხოლოდ ოთხი ელემენტის ატომებისაგან შესდგებიან: ნახშირმანის, მჟავდანის, წყალდანის და აზოტისაგან; ამ ოთხში მნიშვნელობით პირველობა ნახშირმანისაა; როგორც ადამიანში ძვლები ხორცის აერთებელები არიან (ჩონჩხზეა ხორცი მიკრული), აგრეთვე

ამ მოლეკულებშიც, ე. ი. ატომთა ჯგუფებში, ნახშირმანის ატომები ამ დაწარჩენ ატომებს იკავშირებენ, მაგ., ასე:



ეს ნახშირმანიანი მოლეკულები მხოლოდ ამ ცოცხალ ბუნებაშია და სხვაგან, მკვდარ ბუნებაში, ე. ი. მ.წაში, ქვე-ბში, მადნეულობაში და სხვ. არ მოიძებნებოდა. საქმე აქ მხოლოდ მოლეკულების შენობაშია და არა თვით ატომებში, რადგან ნახშირმანის, მჟავდანის, წყალდანის და აზოტის ატომები მკვდარს ბუნებაშიაც ურიცხვოა; მცენარეებსა და ცხოველებში ეს ატომები განსაკუთრებულ პლანზე არიან შეერთებულნი. მაშასადამე, ძირეული რაობა მკვდარი და ცოცხალი ბუნებისა ერთი და იგივეა, ერთი მასალისაა, გარჩევა მხოლოდ შენობაშია. ამ ცოცხალი ბუნების მოლეკულები ხშირად ძლიერ რთულდება; ზოგიერთი რამდენიმე ას ატომისაგანაა შემდგარი და ისიც მეტად დახლართულის ფორმით აწყობილი; ამიტომ ადვილად მისახვედრია, რა ძნელი უნდა იყვეს გამოცნობა იმისი, თუ როგორ და რა წესზე არიან მოწყობილ-მორიგებული ეს ატომები ასეთ რთულ მოლეკულაში და მასთან ასეთ უჩინარ რამეში, რომლის რიცხვი, მაგ., ერთს წვეთს სისხლში მრავალ მილიონამდინ აღის. ეს გარემოებაა, რომ ასე უძნელდება ქიმიას ცოცხალი ბუნების მასალის შეგნებას და ბევრიც მტრულად ამბობდა, რომ ამ ბუნებაში რამე უცნაური ძალა თუ არა მუშაობს, და არ აწყობს ატომებს სხვა და სხვა პლანზე და ყველა ეს ქიმიურ ძალის მეოხებით ხდება, ე. ი. თავის-თავად, რატომაა, რომ ქიმია ამ მოლეკულებს ვერაჰქმნის თავის ლაბორატორიაშიო? ბოლოს ეს გაჭირება ცაიციდინა მეცნიერებამ და ახლა ცოცხალ ბუნების ზოგიერთ მოლეკულას ქიმიკოსიც აჩენს მკვდარი ბუნების მასალისაგან.

ყოველი ორგანიზმი, მცენარე თუ ცხოველი, როგორც უკვე ვსთქვით, მარცვლებისაგან შესდგება; ორგანიზმი ამ მარცვლების კოლონიას წარმოადგენს. სახელმწიფო კაცთაგან შესდგება, რომლებიც სხვა და სხვა ზელობის არიან: მიწად-მომქმედი, ვაჭარი, ხელოსანი, მოაქლე, ჯარის კაცი და მთავრობა, ორგანიზმშიც სხვა და სხვა ჯურის მარცვლებს სხვა და სხვა სამსახური თუ ხელობა აქვთ აჩენილი. ამ კოლონია-ორგანიზმის გარდა ბევრი ისეთი მცენარე და ცხოველია, რომხლოდ ერთი მარცვლისაგანაა შემდგარი, ერთად-ერთი მარცვალია, ცალკე და თავისუფლად სცხოვრობს, ხშირად დამპალ წყალში, ამიტომ მათი ხილვა პატარაობის გამოთ მხოლოდ მიკროსკოპით შეიძლება. ზოგი მცენარე და ცხოველიცაა, რომ მარცვალს კი არ წარმოადგენს, არამედ მოლექულების უფორმო ხროვას, — პროტოპლაზმას; მაშასადამე, ერთ-მარცვლიან ცხოველსა და მცენარეში ამ პროტოპლაზმის ფორმა აქვს მიღებული, მარცვლად შემდგარი, დიდი ორგანიზმები კი ამ მარცვლებისაგან შემდგარ სახელმწიფოს წარმოადგენენ, რომელშიაც სხვა და სხვა ჯურის მარცვალს სხვა და სხვა სამსახური აუჩენია. მაშასადამე, ძირეულად ცოცხალი ბუნების მასალა ყველგან ერთგვარია — პროტოპლაზმა; ესაა დასაწყისი ცოცხალი ბუნებისა.

ცოცხალ ბუნებაზე სწავლა-ბიოლოგია, სამი კითხვის ძიებაშია: რაში გამოიხატება ცოცხალი ბუნების რაობა-ვითარება? როგორ წარმოსდგა მისი მრავალი ჯიშ-გვარეულობა პირველ-ყოფილ ერთგვარ პროტოპლაზმისაგან? როგორ გაჩნდა პირველად ეს პროტოპლაზმა დედა-მიწაზე? ეს სამივე კითხვა სადავო საგნად შეიქმნა მეცნიერებისა და ძველი ცრურ სწავლისათვის და ახლაც არ დამცხრალა ეს ბრძოლა. ცოცხალი ბუნების რაობა-ვითარების კვლევა-ძიებამ აღმოაჩინა, რომ ძირეულად მისი მასალა მკვდარი ბუნებისაგან არაფრით არ განირჩევა: ერთშიც და მეორეშიც იგივე ქიმიური ატომებია; გარჩევა მხოლოდ ზეზეურია: ცოცხალში სხვა პლანზე შეერ-

თებულან. ვითარებაც ორივეშივე ძირეულად ერთია: ატომ-
მოლეკულების მოძრაობას ნიშნავს; ყოველისფერი, რაც რამ
ხდება ორგანიზმში, მატერიისავე თვისებით აიხსნება. ამაზე
ფილოსოფია შეეჭრძოლა მეცნიერებას: მაშ გონება რაღაა?
ესეც მატერიის თვისება ხომ არაა? ამაზე ჩვენ ორიოდვე სიტ-
ყვა პირველ წერილში ვსთქვით. მეორე კითხვის (ჯიშ-გვარე-
ულობის წარმოდგმაზე) გადაჭრით ხომ, ვნახეთ, როგორ გაი-
მარჯვა დარვინის თეორიამ, თუმცა შემდეგში აღმოჩნდა, რომ
ამ სწავლასაც ესაჭიროება ზოგი-რამ მკირე შესწორება. მე-
სამე კითხვის, პირველ-ყოფილ პროტოპლაზმის და პირველ
ორგანიზმების გაჩენის თაობაზედაც, ძლიერ ხშირია ახლაც
მწვავე კამათობა. ცხადი კია ყველასათვის, რომ ქიმია ადრე
თუ გვიან მიუხვდება იმ წესს, რა წესითაც მკვდარი მასალა
პროტოპლაზმად იცვლება, ე. ი. რა წესზე უნდა მოხდეს
ატომების თან-და-თან შეერთება, რომ ასეთ თუ ისეთ პლანზე
აწყობილი პროტოპლაზმის მოლეკულა შესდგეს. ორი გარე-
მოებაა, რომ ხელს უშლის ამის გამოცნობას: ჯერ კარგათ არ
იციან, რა ყოფაში იყო ჰაერი და დედამიწის ზურგიმდროს,
როდესაც ბუნებისავე მასალისაგან როგორღაც პროტოპლაზმა
წარმოსდგა პირველად; არც ქიმიაა საკმაოდ ჩაღრმავებული
ცოცხალი ბუნების მოლეკულათა გამოცნობაში, რომლებიც,
როგორც ვსთქვით, ძლიერ რთულ შენობის არიან. მოცდაა
საჭირო; ერთი და ორი მეცნიერი არაა, რომ ახლაც ამის კვლე-
ვა-ძიებაშია და ყველა დარწმუნებულია, რომ ქიმიკოსიც შეპ-
ქმნის თვის ლაბორატორიაში იმას, რაც ბუნებას თავის-თავად
გაუჩენია როდესღაც ქიმიურ ელემენტების ნახშირმანის, მჟავ-
დანის, წყალდანის და აზოტის ერთად რაღაცა. პლანზე შე-
ერთებით, რადგან ჯარა ვითარი ძირეული განსხვავება მკვდარ-
სა და ცოცხალ ბუნებაში, არც არა საზღვარი ორთა შორის
არაა დაწესებული.—ორშივე ერთ-გვარი ქიმიური ელემენტე-
ბია, რომლებიც ერთ და იმავე კანონებს ექვემდებარებიან. ცო-
ცხალი ბუნების მასალა მკვდარისაგან წარმოსდგება და ისევ
თვის საერთო დედას—დედა-მიწას უბრუნდება, მიწად იქცევა;

გარჩევა მხოლოდ ისაა, როცა ცოცხალ ბუნებაში მასალა უფრო რთულია და მალე იშლება“ *).

ასეთი დასასრული ეძლევა ამ ძირეულს და ვითომც მეცნიერებისათვის გარდაუქრელ კითხვას ცოცხალ ბუნებაზე. ბევრ სხვა კითხვასაც რომელიც ამ 40—60 წლის წინ გაუკვლავლდებოდა უხვდებოდა. აქა-იქ მეცნიერებას, იგივე ბოლო მოვლა და ყველა ეს იმის მომასწავებელია, რაც ის ორი-ოდრე კითხვაც, რომელიც ზოგნათვის წყვილია დიდი მოცულობის და მიუგნებელი ამოცანაა, აღრე თუ გვიან ყველასათვის ნათლად გარდაიქრება.

მოვიგონოთ ახლა საშუალო საუკუნოები, როდესაც უაძლიერებული თეოლოგია ასე მკაცრად სდევნიდა ყველას, ვინც-კი მისი წინააღმდეგი სწავლის დადგენას ჰბედავდა. გალილეი აწვალეს, იმიტომ, რომ ამტკიცებდა მიწა უვლის მზეს გარშემო და არა მზე მიწასო; ჯიორდანო ბრუნო, რომელიც ხან-მოკჭმულ სწავლას უარ-ჰყოფდა, მეიდანზე დასწვეს დიდის წყევლით და ამბით; ბევრ სხვა სწავლულსაც შავი დღე გაუძთენა ძლევა-მოსოღმა თეოლოგიამ. შევადაროთ ეს ძველი დრო ჩვენს საუკუნეს, — განსხვავება დიდია და ნათლად შიშობს მეცნიერული მეთოდის სიძლიერეს. ოფიციალური სწავლა; ათას-გვარი სამეცნიერო დაწესებულება, მრავალი ზერიოდული გამოცემა, სწავლულთა სიმრავლე, — ყველა ეს მეცნიერების მიმდევარია დასავლეთ ევროპაში და მხოლოდ მისი სწამს. სამეცნიერო ლიტერატურის სიმდიდრეს ვინღა მოსთვლოს. აღარაა ის ძლევა-მოსილი თეოლოგია და, დაუძლიერებულმა მრავალჯერ დამარცხებით, ყველგან დაუთმო აღდგორ მეცნიერებას: ბუნების მოვლენათა ახსნაში, სამყაროს შენობის და მის ძირეულ რეალობათარების გამოკვლებაში, დედამიწის გარშემო.

*) Letourneau — Biologie.

ჩენის, მის წარსულის, აწმყო და მომავლის გარკვევაში, ცოცხალი ბუნების წარმოდგმა და მისი რაობის შეგნებაში სიზრმით გაჩნდა კრუ-მორწმუნეობა და სიზმარსავეთვე ფუქი გამოდგა; სიზრმის ნახვით პირველ-ყოფილ ადამიანმა სული მოიგონა, თავის-თავი გაასულიერა; შემდეგ, გონების განუვებთარებლობიდან ბუნება თავის-თავს მოამსგავსა, ბუნებაც უაასულიერა და ასე წარმოადგა ანიმიზმი, პირველი ფეხის გადადგმა ადამიანის გონებისა ბუნების ახსნაში; ანიმიზმი, პოლიტიკიზმი და მონოტიკიზმი, (ბუნების გასულიერება, მრავალ-ღმერთობა და ერთ-ღმერთობა) ასეთია ის სამი, ერთი-მეორის შიმყოლოცვალი, რომელიც გაუვლია ადამიანის გონებას თეოლოგიურ ხანაში. თეოლოგიას ფილოსოფია მოჰყვა, გონება დროთა სვლაში განვიდარებულა, მეტი მრახრობა დაუწყვია და აღარ უკმარია თეოლოგიის დაუმტკიცებელი, დოგმატიური სწავლა ქვეყნიერებაზე და მოუთხოვნა, რომ ეს სწავლა ქვეა და გონების შესაფერიც ყოფილიყო, რადგან სარწმუნო მხოლოდ ისაა, რაც ქვეასთან ახლოაო. მაგრამ ძველ კრუ-მორწმუნეობას, რომელიც გამჯდარი იყდა ადამიანის გონებაში მრავალ საუკუნეთა დენაში, ისევე თავისი გაუტანისა და ქვეა თვის მოყმედ გაუხდია, ასეთია ფილოსოფია. ერთი და ერთი ფილოსოფოსი არ გამოჩენილა ევროპაში და ყოველს მათგანს მხოლოდ ძველი კრუ-მორწმუნეების ძირეული ნაშთის გამართლება ჰქონდა აზრად. განგება, ყოვლის შემოქმედი ძალა, სამყაროს რალაც გონება, სამყაროს „ნება“; — ყველა ეს ერთი და იგივეა, კრუ-მორწმუნება და კრუ-მორწმუნების ნაყოფი. არ შეიძლებოდა ამ სწავლასაც ექვი არ მიჰკარებოდა, დადგანთვიდ ფილოსოფიაში მრავალ-გვარი მიმართულება იყო ხშირად ერთი-მეორის წინააღმდეგი, და ბევრგან თვისი არ-პირობით ბუნებისა და ქვეყნიერების შეუსაბამოც. ფილოსოფიაც უარ-ყოფილ იქნა და გონება მეცნიერულ სწავლას მიეცა, რომელიც ბურების ხანგრძლივ კვლევა-ძიების შემდეგ, მხოლოდ ჩვენს დროში გაძლიერდა. მაგრამ დადამიანს გონების

ძველი მიდრეკილება ასე ადვილად ადგილს ვერ უთმობს ახალსა და ამიტომაც, რო ახლაც ზოგ სწავლულს შეხვდები აქა-იქ, რო მეცნიერებას მთლად არ ენდობა და ჰგონია, რო ეს სწავლა უფილოსოფიოთ „ძირეულ კითხვების“ გარდაჭრას ვერ შესძლებს, ამიტომ ერთი-მეორეს უნდა შევათანხმოთ და მოვარიგოთ; მაგრამ, როგორც ზემოთაც ვსთქვით, ვერვინ იტყვის გარკვევით, ჭა გვარად უნდა მოხერხდეს ეს მორიგება. მგელმა თხას რომ უთხრას დაეძმობილდეთო, თხას მხოლოდ ერთი პასუხის გაცემა შეუძლიან ამაზე: ძლიერ კარგი, მხოლოდ ჩემსავით ძოვნას შეეჩვიე და ხორცის ქამას სამუდამოდ თავი დაანებებო. ფილოსოფია და მეცნიერების დაძმობილებაც მხოლოდ ერთის პირობით შეიძლება: მეცნიერების მეთოდი უნდა შეითვისოს ფილოსოფიამ—ბუნების კვლევა-ძიება და უარჰყოს თვისი უსაგნო მოაზრობა სამყაროს შეგნებაში; ამას კი ფილოსოფია ვერ იზამს, რადგან მეცნიერების მეთოდი რომ შეითვისოს მეცნიერებად შეიცვლება და ეს ხომ თავისითავის უარყოფლობა იქნება. მეთოდის შეუცვლელად-კი მათი მოზრგება ყოვლად წარმოუდგენელია; ან სად გაგონილა „თხა და მგელი ერთად სძოვდეს!“.

ბევრი რამ აქვს კიდევ გამოსაცნობი და გამოსაკვლევ მიეცნიერებას; ერთი და ორი კითხვა არაა, რო გაცხარებულ კამათობას შლის ხოლმესწავლულთა შორის, მაგრამ ის, რაც აქამდინ ახსნა და შეიგნო მან, საუკეთესო თავდებია მისი, რომ მეცნიერებას წინ ვერაფერი დაუდგება სამუდამოთ: მერმისი მხოლოდ მისია. მატერიის ერთ-გვარობა მთელს სამყაროში, ატომების თეორია, ელემენტების ქიმიურ შეერთებით წარმომდგარი საგანთა ათას-გვარობა, მატერიის და ეთერის მოძრაობით ძალების ახსნა და მათი გარდაქმნა ერთმანერთში, სიცოცხლის რაობა-ვითარების ახსნა მატერიისავე თვისებით, ტრანსფორმიზმი ცოცხალ ბუნებაში და ევოლიუცია მთელს სამყაროში, — ასეთია თავი და თავი სწავლა სამყაროს რაობა-ვითარებაზე იმ დიდებულ ტაძარში, რომელსაც მეცნიერება ჰქვია.

ფონოგრაფი

მისი გამოყენება ფონოგრაფიისთვის.

დიდებულ ედისონის-მიერ გამოგონილ მანქანებს ეკუთვნის ერთი საყურადღებო მანქანაც — ფონოგრაფი (ბერძნული-სიტყვაა: ფონეზმა და გრაფს — ვსწერ) ანუ ხმის ჩამწერი მანქანა. ცვილისაგან გაკეთებულ მტკაველის სიგრძე ცილინდრებზე ამ მანქანის საშუალებით იწერება ყოველ-გვარი ხმა როგორც სულიერ არსებისა, ისე უსულო საგნებისა, მაგალითად: ადამიანის ლაპარაკი, სიმღერა, ტირილი, სიცილი, სტვენა, საკრავების ხმა, მანქანების სტვენა, ბრაზუნე და სხ. ეს მანქანა წარმოგვიდგენს თავისებურს ქალაქდსუ რომელზედაც გადაგვყავს ჩვენი აზრი, განსხვავება მხოლოდ ის გახლავსთ, რომ ქალაქდზე მელნისა და კალმის საშუალებით გამოვხატავთ ჩვენს ნათქვამს, ფონოგრაფში კი უნდა ხმამაღლა ჩავსვათ, რის აღბეჭდვაც გვწევს, შეგვიძლია შევადაროთ აგრეთვე ფონოგრაფსაც. ფონოგრაფის საშუალებით გადაღებული ჩვენი სახე შეგვიძლია ცხრამჯას იქით გავუბზავნოთ თუნდა უცნობსაც, რომ ამ უცნობს შეგვიძლოს ჩვენს უნახავად წარმოიდგინოს, თუ რა სახისა ვართ. აქამდე შორიდან მარტო ჩვენის სახის დანახვა შეეძლებოდა, ახლა კი ფონოგრაფის საშუალებით გვიადგილდება ჩვენგან დიდის მანძილით დაშორებულ ჩვენს მოკეთეს ჩვენი ხმაც გაფაგონოთ და ვაიმოთ. მერე რა იფადა! ფონოგრაფის ცილინდრზე ჩავსწერავთ, რაც გვინდა (თუნდა მოკითხვას და ნახვის ნატურას), ჩვენს ნებაზე ვაღსწერთ და დავსწერთ ხმეს, თითქმის ჩვენს წინ მდგომ ვლამი

ანს ველაპარაკებოდეთ, თუ მოგვეგუნე'ება, გავიცინებთ, ორი-
ოდ საოხუნჯო რასმე ჩაეურთავთ, მერე ამ ცილინდრს ფრთხი-
ლად გავახვევთ და ფოსტის მოხელეს ჩავაბარებთ—გეთაყვა,
ეს ცილინდრი მანვან ალაგას გამგზავნეო. რა თქმა უნდა,—
თქვენს ნაცნობსაც უნდა ჰქონდეს მანქანა. ჩასდებს თქვენს
გამოგზავნილს ცილინდრს, დაატრიალებს და ააქიკიკებს. თან
წინ, თუ ენებება, თქვენს სურათსაც დაიდგამს, რომ ილუზია
მეტი იყოს და უფრო ადვილად წარმოადგინოს თავისი ძვირ-
ფასე მოსაუბრე... ოღონდაც რომ სასიამო წუთებს გამოს-
ცდისს..

მაგრამ ისიც უნდა ვსთქვათ, რომ ამ ჭვარი მიწერ-მოწერა
ჯერ-ჯერობით ძვირადა ჯდება და მხოლოდ შეძლებულთა-
თვის თუ არის ხელმისაწვდომი. ვაჭრობაში, მეტადრე უკანას-
კნელ ხანში, გავრცელდა ცილინდრები, რომლებზედაც და
წერილია საუკეთესო მომღერალთა ნამღერალი ხმები, პირველ
ხარისხოვან მსახიობთა მონოლოგები, ოპერების ნაწყვეტები,
ორკესტრის ხმა და მ. სხ. ზუ მანქანა გაქვსთ, შევიძლიანთ
შეიძინოთ ასეთნაირად დაწერილი ცილინდრი თითო ხუთ-ექვს
შაურად და თქვენს ოთახში სტუმრები დაატკბოთ სხვა და
სხვა საუკეთესო სიმღერის სმენით გარდა ამისა, ზოგიერთებმა
ხელობად გაიხადეს ქალაქ-ქალაქ ატარონ ფონოგრაფი ცი-
ლინდრებით და მსურველთ შაურად მოასმენინონ ესა თუ ის
ხმე.

ზი ეს ხასიათი ჰქონდა ფონოგრაფს დღემდე, ასეთნაირად
იყენებდნენ ამ ყოვლის მხრივ შესანიშნავ გამოგონებას ედი-
სონისას. ხოლო ეს რამდენიმე წელიწადია, სცდილობენ ამ
მანქანას მეცნიერებისათვისაც გააწევიონ სამსახური. ჰუიქრო-
ბენ, რომ ექიმობისათვის ფასდაუდებელი იქნება ფონოგრაფი.
რადგან სხვა-და-სხვა წვადმყოფობისაგან გამოწვეული სხვა-და-
სხვა ხმა ხვედლებისა, სულთქმისა, კვნესა-კივილისა—ნიშანდ-
ბლივი ამა თუ ამ სენისათვის, ამ ჩარაღზე უკეთესად არავის
შეუძლია აღნიშნოს და დაიცვას სამუდამოდ სახელმძღვანე-

ლოდ. ამავე იარაღის საშუალებით შეიძლება აღიბეჭდოს გან-
ვითარება ხმისა და ბგერათა ადამიანის ამა თუ იმ ასაკში,
ცვლილება მისი ადამიანის სხვა და სხვა გვარ სულიერ მდგო-
მარეობის დროს: აღელვებისა, მწუხარებისა ან მხიარულების
ხანში და სხ. და სხ.

ღიადი იქმნება სამსახური, რომელსაც ფონოგრაფის მან-
ქანა გაუწევს ლინგვისტიკას; უცხო ენათა შესწავლა-გამოკ-
ვლენის საქმეს. ამა თუ იმ ენის ანბანის საშუალებით უმეტეს
შემთხვევაში ყოვლად შეუძლებელია გამოიხატოს სისწორით
ხმები რომელისამე სხვა ენისა, შეიგნოს კაცმა ზედმიწევნით
და სისრულით ამ ენის ხასიათი, ნიშანდობლივი თვისება. ჯერ
ხანად ძალაუბრებურად მოწამუნე ვართ იმ მოვლენისა; თუ რო-
გორ მახინჯდება ესა თუ ის ენა, მისი ფონეტიკა, როცა ვესურს
ამ ენის ანბანი სხვა ენის ანბანის საშუალებით გამოვხატოთ.
გარდა იმისა, რომ ენას ვამახინჯებთ, ჩვენი ცდა ხშირად სასა-
ცილოცა ჰდება მაშასადამე, ფონოგრაფი, რომელსაც შეუძ-
ლია აღბეჭდვა ყოველგვარის ხმისა, შეიქნება თავისებური ან-
ბანი ამა თუ იმ უცხო ენისა, ანბანი სწორი უტყუარი და,
მაშასადამე, სასურველი. ლინგვისტიკასთან წინა ფოლკლორი
ანუ ზეპირსიტყვაობაც არის მკიდროდ დაკავშირებული. ერ-
თსაც და მეორესაც საიმედო მხატვარი და გამომთქმელი უჩ-
ნდება.

ფონოგრაფის მეცნიერულად გამოყენებ-
რამდენიმე წელიწადია რაც დაიწყო. 1899 წ. ვენის სამეც-
ნიერო აკადემიამ გადასწყვიტა დაეარსებინა აკადემიასთან ეგ-
რეთწოდებული ფონოგრაფიული არქივი. სადაც თავმოყრილია
ყოველივე მასალა, ფონოგრაფის შემწეობით შევსებული, ამასვე
შეუდგნენ ინგლისშიაც. პარიზში ამ საქმის მეთაურობა იკისრა
1900 წელს აქაურმა საანტროპოლოგიო საზოგადოებამ. ამ
საზოგადოების წევრმა დ-რმა აზულემ საზოგადოების კრებას
წინადადება მისცა ფონოგრაფი შეეძინათ, მსოფლიო გამოფე-
ნის დროს პარიზში უცხოქვეყნელების ჩამოსვლით. ესარგებ-

ლნათ და მასალა შეეკრებათ. მართლაც გამოფენის დროს აუარებელ მასალას მოეყარა თავი, რადგან ხალხი ჩამოსული იყო როგორც ევროპის ყველა სხხელმწიფოებიდან, ისე მათს კოლონიებიდან ამ მასალას საანტროპოლოგიო საჭოგადოებაში ცალკე განყოფილება უჭირავს, ფონოგრაფიულ მუზეუმად წოდებული.

უცხოეთის მაგალითი არც ჩვენშიც დარჩა მიუბადველად. შარშან ზაფხულს ორი ფონოგრაფისტი მუშაობდა საქართველოში: ერთი (ბენი ფალიაშვილი) «ქართველთა შორის წერვა-კ. საზოგ.» მინდობილობით და საფასით, ხოლო მეორე — (ბატარაყიშვილი) თავისის ხარჯით, რამდენადაც ვიცით, ჯერ-ჯერობით მხოლოდ სახალხო სიმღერების შევსებას, ჰქონდა ყურადღება მიქცეული. სახალხო სიმღერები კი, როგორც ვიცით, ერთი დარგია ხალხის გონებრივის ცხოვრებისა და მისის განვითარებისა. ვინ ამბობს, ჯერ-ჯერობით, ჩვენის უსახსრობის ამბავი რომ მოგეხსენებათ, ჩვენგან ეგეც ბევრია. მაგრამ იმედი უნდა ვიქონიოთ, რომ ამაზე არ შეეჩერდებიან და თავს მოეუყრით სხვა მასალებსაც, როგორც, მაგ., მეგრულის (ლაზურის), სვანურის, ინგილოურის და სხ. კილოკავების გადაღებას, ზეპირ-სიტყვაობას და მ. ს. აღწინავე ცდად რომ შეიძლება გამოუკვლევინოთ არ დავგრძელებს არც ერთი კუთხე ჩვენის სამშობლოსი. არ უნდა დავივიწყოთ, რომ ჩვენსავით გულმტკივნეულად და ადვილად (ადგილობრივი პირობები) ჩვენს ქვეყანას სხვა ვერაფერ გამოიკვლევს. მერე თუ შეძლებანებას მოგვცემს, შეგვიძლია (და საჭიროც არის) კავკასიის სხვა ერებშიაც გადავიტანოთ იმუშაობის ასპარეზი.

ფონოგრაფის სწავლებით მუშაობა და კარგის ღირსების მასალის შეკრება არც თუ სულ ადვილი საქმეა. უნდა გვახსოვდეს, რომ ბევრი დატკობება — მოსალოდნელი თუ მოულოდნელი — გადაეღობება წინა ჩვენს განზრახვას და ასე თუ ისე ხელს შეგვიშლის. და რადგან ეს საქმე ჩვენში ახალია, რადგან გამოცდილება იმდენი არა გვაქვს, საჭიროა სხვების

გამოცდილებით ვისარგებლოთ და ამრიგად უფრო ნაყოფიერ
 გყოფ ჩვენი შრომა, დაბრკოლებას იმიტომ ვამბობთ, რომ ამ
 შემთხვევაში ინტელიჯენციასთან, ე. ი. საზოგადოების მომხა-
 წილთან, რომელსაც ესმის ჩვენის შრომის აზრი ან აღვილად
 გადაგებინებთ ჩვენს განზრახვას, საქმე იშვიათად გვექნება.
 უმეტეს შემთხვევაში ჩვენი ფონოგრაფი უნდა ვატაროთ მი-
 ვარდნილ ადგილებში, ცენტრებს მოშორებით, იქ, სადაც
 ჩვენთვის საჭირო მასალა ჭირვანდელის სიწმინდით არის და-
 ცული; ტრიალი მოგვხდება მდამბოფა შორის, რომელთაც
 თქვენის მანქანის ნალაპარაკები შეიძლება ეშმაკის ფანდ
 მოეჩვენოს და დაფრთხენ, ან და თქვენ მოცლილ კაცად
 მიგიჩნიოს და არავითარი თანაგრძნობა და დახმარება არა-
 მოგიჩინოს, ამის ნაშთი უნდა გვახსოვდეს იუდეისთვის
 რომ ჯერ დავიწყოთ იქიდან, რომ ფონოგრაფში ესა თუ ის
 მასალა უნდა ჩაიწეროს ოთახში ან სახლში ყოველგვარ ხმა-
 ურობას მოშორებით, სოჭულელს თუ გნებავს გადაგებინოთ,
 რაც გინდათ მისგან, სიტყვიერ ახსნის შემდეგ, თქვენ თვითონ
 ჩამღერეთ ან ჩაილაპარაკეთ ფონოგრაფში და მერე თქვენი
 ნალაპარაკები ანუ ჩამღერებე მასაც გაავანეთ და აუხსენით,
 რომ მისი ნალაპარაკებიც ასეთი გამოვა, როცა მისის ნათქვა-
 მის ჩაწერას მოახერხებთ და მერე მასვე მოასმენებთ, რა თქმა
 უნდა, ვამბობ ამით წახალისდება და ეცდება სხვა რამეც ჩა-
 გაწეროს. როცა ზღაპრისა ან რამე სცენის ან კიდევ სიმ-
 ღერის ჩაწერას მოისურვებთ, სასურველია ჯერ ათქმევინოთ,
 რომ იცოდეთ წინდაწინ, რა ხმით დააწყებინოთ ან ცილინ-
 დრი დაიტყვეს ყველაფერს თუ არა? არ უნდა იქმნეს დავიწყ-
 ყებული ჩვენებურის ხარის, მოთქმით ტირილის, ჩამოლოცვის
 და სხ. ხმა, როგორც დამახასიათებელი ჩვენის ხალხის ცხოვ-
 რებისა. ამ შემთხვევაში ერთი დაბრკოლება გადაგვლომბებათ
 წინ, რომლის ძლევა იმაზე იქნება დამოკიდებული, თუ რამ-
 დენაუ გამოცდილი მოლაპარაკე ანუ როგორც ჩვენში იტ-
 ყვიან, „მოქარგულის ენის“ პატრონი და გულმოდგინე ფო-

ნოგრაფისტი ხართ. საქმე ისე გახლავსთ, რომ სამეგრელოში
 სამურზაყანოში (სვანეთშია ცნასე იქნება) ქალო, თუ სატირელი
 არაფერი აქვს, სახლში მოთქმით არ იტირებს, მათში ცრუ-
 მარწმუნეობაა: უმიზეზოდ ტირილი არ ვარგა, ვინმე მოგვი-
 კვდება და სატირელი გვექნებაო. ზარის შესახებაც ამავე უარს
 იტყვიან კაცები, თი ამ შემთხვევისათვის დიდი რსტატობაა
 საჭირო, რომ ამდენის საუკუნოებით შესისხლხორცებულ
 რწმენის უსათუძვლობა აუხსნათ. ფანოგრაფისტმა არ უნდა
 დაივიწყოს აგრეთვე ჩვენებურ საკრავების: დაირის, ჩონგურის,
 ჭიმონის (აქარაში), სტკირის, სოიანარან (ქორქემი სამეგრე-
 ლოში) და სხ. ხმების ჩაწერა.

ერთი რჩევაც სასურველია ფანოგრაფთან ერთად ფო-
 ტოგრაფიული იარაღიცა გქონდესთ, რომ ხმის სურათთან ერთ-
 თად სახის სურათიც გადაიღოთ იმ ადამიანისა, რომელსაც
 ფონოგრაფში ჩააწერინებთ რასმე. რო დაჰპირდეთ, ერთს სურ-
 რათს მფიცემო, არა გვეგონა, სიმონებით არ დადგეს ფო-
 ტოგრაფის წინ. გადიღებთ აგრეთვე სურათს სპირაფისას. ყვე-
 ლა ამისათვის საუკეთესო შემთხვევა იქნება დღეობ, ტირილი,
 ქორწილი, ბაზრობა და მ. სხ. შეკრებულება.

შევე შევნიშნავთ, რომ ფონოგრაფის ცილინდრები სამ-
 თლისაა, რომელზედაც ადვილად მოქმედობს სიცხე-სიცივე-
 სანამ ვინმარდეთ, სამი თვე ისე უნდა დავაცადოთ და მხოლოდ
 მერე ვსცადოთ მისი სიკეთე.

დაგვრჩა შევე დაეურთოთ ნიშუში კითხვათა ფურცლისა,
 რომელსაც შესაფერი პასუხები უნდა ჩაერთოს და რომელიც
 შეიძლება შევსებულ ოქმნას ადგილობრივ პირობებზე გავლენით
 რაიმე მხალ კითხვებით.

ფონოგრაფით ხმების ჩაწერის საქმე ჩვენში ჩვენმა საპა-
 ტიო დაწესებულებამ „წერა-კით. გამაერც. საზოგადოებამ“
 ითავა. იმედი გვაქვს იგივე საზოგადოება განაგრძობს ღირსე-
 ულად ამ საშვილი-შვილო საქმეს და იგივე იკისრებს კერძო
 პირებისაგან შემგროვილი მსალო თავის საფარველ ქვეშ მიღ-

ლოს. ამ კითხვათა ფურცლებზე დაწერილი იქნება მისი, როგორც ერთად-ერთ ჩვენებურ სამეცნიერო დაწესებულების, სახელი იყოს დაბეჭდილი. ეს გარემოება უფრო იმით იქნება სასარფო, რომ ჩვენს პროვინციებში მყოფნი გულშემატბივარნი ჩვენის ერის ყოველმხრივის შესწავლის საქმისა. ზნობრივად ვალდებულია ჩასთვლიან შეძლებისა და კვალად დახმარება აღმოუჩინონ „საზოგადოების“ წარმომადგენელს, მათ შორის სამუშაოდ მოსულს.

აი ეს ნიმუშიცა:

ქათველთა შორის წეკა-კითხვის შიშობისათვის
გამავრცელებელს საზოგადოებას.

ფონოგრაფიული მუხეუძა.

ფონოგრაფი №.

1) — ენა

— კილოკავი

— გეოგრაფიული სახელწოდება იმ ადგილისა, სადაც ჩაიწერა.

— რა არის ჩაწერილი (ცალკე ფრაზები, ბაასი, სცენა წიგნიდან წაკითხული).

2) **საძღვანელო** (რა ხასიათისა: სატირალი, საქორწილო, მუშაობისა, საარშეყო, სამგზავრო თუ სხვა).

3) **საკრავის ხმა** (ერთისა თუ რამდენისამე ერთად, სიმნიანი საკრავი თუ საბერველი, სახელწოდება).

4) სახელი და გვარი ფონოგრაფზე გადაღებულ ადამიანისა, სქესი, წლოვანება, სად დაიბადა, სად დაიბადნენ მისნი მშობელნი (დედ-მამა) და სად სცხოვრობდნენ, ხელობა.

5) — სად ჩაიწერა.

— როდის ჩაიწერა.

6) — ამ ფურცელზე მიკერებული ტექსტი დაბეჭდილია თუ ხელნაწერი.

სოფელი მეტეხი და მისი ნაშთი

თბილისიდან გორისაკენ რომ წაბრძანდნენ ზკინის გზით, გაივლით კასპის სადგურს თუ არა, თქვენს ყურადღებას და-
 ლბუნებურად მიიზიდავს მეტეხის მაღალ მარჯვენა კილით
 მშვენივრად ამართული დიდი, გუმბათიანი ტაძარი; გარ-შე-
 შორტყმული ბალ-მინდვრებიანი კოპწია სოფლით. აი ეს სო-
 ფელი და ტაძარი განლავს მეტეხს, რომლის აღშენებას ბა-
 ტონიშვილი ვახუშტი მიაწერს ვახტანგ გორგასლანს, როცა
 ამბობს:

„აქა, მეტეხის კედეს, არს მონასტერი ყოვლად წმიდისა,
 გუნბათიანი, დიდი, მეტეხი, კეთილ-შენი გორგასლისაგან,
 სწარქემანდრიტო“.

სოფელი მეტეხი საკმაო მოზრდილი სოფელია და გაშე-
 ნებულმა, როგორც ვსთქვით, მეტეხის მარჯვენა მაღალ კი-
 ლით, უხეფდ არის შემკული ბალ-გუნახით, მშვენივრად შემუშა-
 ვებული სახნავებით, სარწყავი წყლით და წყაროებით. აქვს
 სასოფლო-სკოლა, მოზრდილის ხეხილის ბალით და ბოსტნით,
 რომლის მოსაველელოდ სკოლას ჰყავს განსაკუთრებული მება-
 ლე, ჰყავს მასწავლებელი, დარი მღვდელი და სხვ.

თუ საიღამ და როგორ წარმოსდგა ამ სოფლის და ტაძ-
 რის სარელი „მეტეხი“, ამას ჩვენი მესტორიენი და ხალხის
 გადმოცემა სხვა და სხვანაირად გვიხსნიან. ხალხი, მაგ. ამბობს:

„როცა გორგასალი ჯერ კიდევ პატარა ყოფილა, მართლს
 დასცემია ბაყათარ ოსი, მოუტაცნია ვახტანგის და და ხარქიან
 წაუყვანიაო. ამ ამბავს ვახტანგს დედა არ უმხელდა დრომდე
 და, მაგრამ ერთმა შემთხვევამ ყველაფერი უამოთაშკარავეო
 ერთხელ ვახტანგს თამაშობდა ტორტებში და ჩაიღაც მიზეზის
 გამო ერთს მოთამაშებანს სილა გააწნა. გულ-მოსურმა

გალახულმა უთხრა: „აქ რას იკრივები, თუ ყოჩაღი ხარ, წადი. შენი და დაიხსენ ოს ბაყათარისგან, რომელსაც ის ხარკად უწისო“. ეს სიტყვებზე ისე სწყენია ვახტანგს, რომ მაშინვე წამოასულა შინ, მისულა დედასთან, თავი კალთაში ჩაუღვია და უთხოვია: „ძუძუ მომეცი, დედი, უნდა უკანასკნელად მოვწოვო დასიქაბუკეს გამოვეთხოვოვო“. დედას მიუცია. ვახტანგს კბილები მოუჭერია ძუძუსთვის და თან უთქვამს: „მითხარი სად არის ჩემი და, თორემ ძუძუს მოგაკენეტამო!“ დედა ჯერ უარზე მდგარა, მაგრამ ვახტანგი რო არ მოჰშვებია, ყველაფერი დაწვრილებით უამბნია და ბოლოს უთქვამს: „ამ ამბავს, შეილო, აქამდისინ გიმაღავდი და ახლა, როცა გატყობ, რომ დავაუკადი, შენ იცი როგორ უშველი დას და ქართლსაო“.

ვახტანგი ამის შემდგომ ბეჯითად შესდგომია მზადებას, ჯარის მოგროვებას და სხვათა შორის დისათვისაც მიუწერია საიდუმლო წერილი თავისს წინძრახვებზე. დას პასუხად მოუწერია: „ბაყათარი, ძმაო, გოლიათი კაცია, მას ბევრი ფალატანი გამოუსაჩემებია ამ წუთისოფლისათვის და უმჯობესია შენს განძრახვას თავი დასვენებოვო. მაგრამ, თუ მაინცა და მაინც არ დაგიშლია, გატყობინებ, რომ ბაყათარის მოკლა მართო ილღიაშო დაქრით შეიძლებაო, ჭადვან ეს მუღამ ჯაჭვ-აბჯრით ჩაქმული დადისო.“

ვახტანგმა მოამზადა ჯარი თუ არა, კაცი გაუგზავნა ბაყათარს და გამოართოვა საჩმრად. ბაყათარი ჯაერისგან ცეცხლსა ჰყრიდა, თავი მოუყურა ოსებს დანაწამოვიდა ვახტანგზე, რომელიც იდგა აქ. სადაც ახლა შეტეხის ტაძარიათ. მოვიდა ბაყათარი და დადგა მტკვრის მეორე კიდევად. ვახტანგმა გამოიწვია ის საბრძოლველად. ბაყათარმა ჩამოართვა ფიცი, რომ სანამ წყალში გამოვიდოდე, ისარდ არ შესროლოვო და შეაგდო ცხენი მტკვარში. შოააობს ცხენი მტკვრის ტალღებსა და ვახტანგი კი თვალს ბარაშორებს გაღალგნულს ოსსა, რომელიც თავს ძლივს უჭერდა ცხენსა. აი ვახტანგმა თვალთმოჰკრა, რომ ბაყათარს ილღიაშო დიდა ადგილი იქ ჩანს ილღიაშო და ძვალის დახაწამებაში იტყობარჯვედ სტყორცნაო სარე ბაყათარს რომ იგი სასიკვდილოდ დაქრილი ცხენიდან გადმოვარდა და,

მეტეხის ტაღლებმა ქვეით გააქანეს. გადრკა მისი ჯარი. ვახტანგი კვალ-და-კვალ მიჰყვა მათ, შევიდა ოსეთში, დაიპყრო იგი და გაანთავისუფლა დაო.

აი ამ ფიცის მოსანანიებლად ააგო ვახტანგმა ხუთი ტაძარი—აღმოსავლეთისკენ წილკნისა, სამხრეთისკენ სიონისა (თბილისში), დასავლეთისკენ ერთაწმიდისა, ჩრდილოეთისაკენ სამთავისისა და ამათ შუა—მეტეხის ტაძარიო, რომელსაც უწოდა ეს სახელი ნიშნად იმისა, რომ აქ მეტეხა ფიცოა, ამბობს ხალხი. სულ სხვანაირად გვიხსნიან ჩვენი მეისტორიენი ამ სახელწოდებას. მათის აზრით, ეს სახელწოდება წარმოსდგება ბერძნულ სიტყვიდან მეტეხოს, რომელიც ნაშნავს სადგომს (подворье), მაგრამ ჩვენ იმ აზრისა ვართ, რომ სახელი მეტეხი საქართველოში ქრისტიანობის მიღებამდინაც არსებობდა და თუ სახეში მივიღებთ იმ გარემოებას, რომ ორივე მეტეხები (თბილისისა და გორისა) წარმოადგენენ ფრიალო, ჩატეხილ კლდეს, უნდა ვიფიქროთ (ასევე განმარტავს ამ სახელწოდებას მურავიოვი თავის თხზულებაში „Грузія и Армения“), რომ ორივე მეტეხმა მიიღო ეს სახელი თავის ადგილმდებარეობისა გამო, ანუ თვით მეხის დატეხვისაგან, რომელიც ამ ადგილებში ხშირად იცის ტაძარი მეტეხისა, დღევანდლამდე კარგად შენახულია, მაგრამ ვახტანგ გურგასლანის ნაშენებს ზედ სხვანაშენებიც მრავლად ატყვია. აიხსნება ეს, რასაკვირველია, დროთა განმავლობაში ტაძრის დარღვეულ ადგილების შეკეთებისა და განახლებით. თვით ჩონჩხი კი თვით გურგასლანის დროის ნაშენობისა დღევანდლამდე კარგად ეტყობა ტაძარს: იგი ნაშენია მშენებლის თლილის ყვითელის ქვით და შემკულია დიდად ხელოვნურის ჩუქურთმებით ტაძრის ოთხსავე კედელზე. განახლებულია სამჯერ: პირველად მიფე ლუარსაბ პირველისგან (1534—1558), მეორედ იოთამ ამილახვრის ძის კათალიკოზ პატრიარქ ნიკოლოზისაგან მეჩვიდმეტე საუკუნეში და მესამეჯერაც ჩვენს დროში.

ლუარსაბ მეფეს ჩვენის აზრით ეკუთვნის დარღვეულის გუმბათის აშენება. ამას მოწმობს ასომთავრულთ ხუცური წარწერა, რომელიც დღევანდლამდე დაცულია ამ გუმბათზე. აი შინაარსი ამ წარწერისა:

ფაქ იტ ჩაქ დიდებითა ღვთისათა მეტეხ-
ტაქ იტის ჩაქ თა ღვთის-მშობ-

ყხხე ღუ ყუყ ელსა ხელ ვყავ.
ჟიყყუღ ღ შენებად ა...
ფუფი იი, ი,იხეღი დიდვე, ღმერთო, ორსაჟ
ცხტახე ზჟიღ ცხოვრებასა მეფეთ
ზჟჟი ზხე მეფე ლუარსაბ.

უკანასკნელ, მეტეხის ტაძარი ჩვენს დროშიაც განუახ-
 ლებიათ, მაგრამ რკინის სახურავი ისე ცუდად დაუკეთებიათ,
 რომ ქარს იგი მალე ისევ ძირს გადმოუგდია და ტაძარს დღეს
 ხელ-ახლად უჭირს სახურავის გაკეთება, თორემ წვიმა და
 თოვლი ხეირს არ დააყრან. ჩვენდა სასიხარულოდ, ეკლესიას
 ამ ჟამად ისეთი მეცადინე მღვდელი ჰყავს, მამა ისიდორე კვი-
 ჟინაძე, რომ იგი იმედია ტაძრის ამ ერთს დიდს ნაკლსაც
 შეავსებს და მით დაუცვავს მომავალს თაობას წინაპართა
 ნაშთს. ჭამბობთ ამას იმიტომ რომ ამავე მღვდელს ეკლესიის
 სათვის დიდრ გალავანზე შემოურტყამს, ეზო გაუსწორებია,
 საეკლესიო-სახლის აგება დაუწყვია და ტაძრის სახურავის
 სპრეკლოს განახლებისთვისაც დიდად მეცადინეობს.

მეტეხის ტაძარში აქამომდე დაცულია შემდეგი ნივთები:
 ხუცური სახარება, ეტრატზედ დაწერილი, რომლის გადაწერას
 ბ-ნი საძაგელოვ-ივერიელი მიაწერს 1049 წელს დასხვა ბევრი
 ნივთები, ყველა წარწერებით. ეს ნივთები და წარწერები მას
 წერილი და მოყვანილი აქვს „მწყემსში“ (1891 წ. № 16 — 17),
 იქვე განმარტებული ზემოთ-მოხსენებული წარწერა გუშბათისა,
 მაგრამ ლუარსაბის მაგივრად წაკითხულია **ღ** (ბაგრატი), ეს
 შეცდომაა. არ არის იქ მოყვანილი მხოლოდ წარწერა ირაკლი
 მგორის შვილის ფარნაუოზის ცოლის ანნასაგან აბრეშუმის
 დიდს ხელსახოცზე ოქროს ასოებით ამოკერილი წარწერა და
 ამიტომ მოგვეყავს იგი აქ.

აუჰა შენ ხერხეიმთა უპატეოსნესო და ტათა უირცელესო და
 დრუბელთ სულ მცორე რომელმან იტირთე იგი მარგალიტისა შენსა
 მტრფობელი სამარადისო სამსახურებასა შენთა, სირთა შთამონასქისა
 სანატრელისა სად საქართველოს მეთისა ირაკლი მეორისა ძისა უფლის
 წულისა ფარნაუოზის ფერცხალი და თანახორცი, ქსნის ერისთავის გი-
 ორგის ასული ანნა გიქლენი თითთა ნაღვაწსა ამას კვატცხლბეკად იატა-
 კისა შენსა შეიწირე ესე ვითარცა აღღსმე ძემან მწუღილი: ქვრივისა მიჰ
 და ნაცვლად ჭვაგე მადლი და საფარველი შენი და ცხოვრებისა ჩვენისა
 განგრძობა ძით და ასულით ჩვენით და საუკუნესცა ცხოვრება საუკუნო
 მოგვანიტე ჩვენ. აგვისტოს კა: წელსა. ჩუბ. ქ-კს უე. (21 აგვისტოს, 1802 წ.).

გამოვიდა ახალი ქართული სურათებიანი წიგნი
ივანე როსტომაშვილისა

ნეკრი

ანუ

ქართული ანბანი

დ

პირველი საკითხავი წიგნი

პატარებისთვის და დიდებისთვის.

ასწავლის წერა-კითხვას ჩქარა და ადვილად.

თასი სამი შაყრი.

ვინც ათს წაღს ან მეტს ერთად იყიდის, წიგნი დაეთმობა
10 კაპეიკად.

ქალაქს გარეთ მცხოვრებლებს წიგნი შეუძლიანთ დაი-
ბარონ ივანე როსტომაშვილისაგან შემდგენის აღრესით:

*Въ Тифлисъ, Межевая ул. № 72. Ивану Павло-
вичу Ростомашвили.*

2802
1902

განსახადება.

ქარს ველთა შორის წერა-კითხვის გამავრცელებელ საზოგადოების შუამდგომლობით სოფელ ხარაგაულში მივიღეთ მთავრობისაგან ნებართვა უფასო წიგნთ-საცავ-სამკითხველოს გახსნისა. სამკითხველო კიდევ გაიხსნა, მაგრამ საშუალება მისი როგორც ფულით, ეგრეთვე წიგნებით და ქურჩაღ-გაზეთებით ამ თავიდან ისეთი უმნიშვნელოა, რომ მკითხველთა მცირედ რიცხვსაც ვერ დააკმაყოფილებს; ამისათვის მივმართავთ თქვენი ქურჩაღის საშუალებით ვუვლა საზოგადოებას და იმ ჰერით, რომელთაც გული შესტკივა უოველ ამ ნაირ დაწესებულებისათვის და ვთხოვთ შემწეობა აღმოგვიჩინონ რითაც კი შეიძლება ამ საქმის გაღონიერება. რომ მან შიადწიოს თავის სიმშატიურ მიზანს. ქართული რედაქციები, დარწმუნებული ვართ, უფასოთ თუ არა, დაკლებულის ფასით მანც დაგვითმობენ თავიანთ გამოცემებს, რითაც იგინი დიდს და დაუვიწყარ შემწეობას მისცემენ ნორჩს და ასაღ დაარსებულ წიგნთ-საცავ-სამკითხველოს. სრული მოიხედეთ თქვენი ჩვეულებრივი ურადღებისა ამ თავითვე უღრმეს მადლობას შემოგწირავთ.

ს. ხარაგაულის წიგნთ-საცავ-სამკითხველოს საზოგადოების რჩევის თავმჯდომარე.

კენინა ელენე ნიკოლოზის ასული ლორთქიფანიძისა.